

3522. P. H.







DE SCRIBENDA

VNIVERSI TATIS RERVM HISTORIA LIBRI QVINQVE.

Christophoro Mylæo
Autore.



LECTORI S.

Quæ sit huius naturalis, historici & continentis rerum omnium ordinis sententia, Naturæ, Artium, Reipub. Principatum, Doctrinarum atq; Literatorum hominum ab ipsis primordijs ad nostra usq; tempora perbreuem enumerationem comprehendens, ex Epistola, Proœmio, & Partitionibus protinus intelliges.



Cum Cæs. Maiest. Gratia & priuilegio
ad quinquennium.

Jo. deghini

THE UNIVERSITY OF

OXFORD

LIBRARY

OF THE

UNIVERSITY OF

OXFORD

LIBRARY

OF THE

UNIVERSITY OF

OXFORD

LIBRARY

OF THE

UNIVERSITY OF

OXFORD

LIBRARY

OF THE

UNIVERSITY OF

OXFORD

SERENISSIMIS
PRINCIPIBUS

Philippo Hispaniarum

ATQVE

Maximiliano Bohemiæ

Regi,

CHRISTOPHORVS

MYLÆVS S.



VVM IN ITALIAM HISCE
annis, cognoscendi iuris ciuilis insti-
tuto, uenissẽm, Historiæ Vniuersita-
tis rerũ perbreuẽ adumbrationem,
quam mecum circuntuleram, identi-
dem relegere, conuenientius distin-
guere, ac suis partibus complere, ope-
ræ precium arbitrabar. Hic dum ma-
xima Italiæ celebritate uester multo
iucundissimus aduentus, PRINCEPES SERENISSIMI, exci-
peretur, amicorum beneuolentia sum admonitus, ut huius su-
scripti operis documentũ ederem, quò aliquando in uestro no-
mine apparere posset. Quod ubi fecissem, & quorundam iudi-
cij cognouissem nõ improbari, confirmato iam animo, & que-
sita occasione, coepi uniuersum hoc scriptum de integro retex-
re: ut sententiam totius huius naturalis rerum ordinis consti-
tuendi, pro mediocribus meis eiusmodi studiorum incremen-
tis, aliquanto certius atq; distinctius patefacerem. Rationes au-
tem fuerũt permultæ, quibus adductus, hanc partẽ studiorum
maximas in disciplinis tradendis, cognoscendisq; opportunita-
tes habere existimaui. Atq; ut inde rem explicare incipiam, un-
de ad hæc conscribenda diuersis temporibus sum impulsus, ani-
maduertĩ cũ alia multa inuitare, tum quòd homines sumus,
ad rerũ cognitionẽ geniti, ipsam recordationem maximẽ com-
monere, quibus non sit alienũ ad informatas iam doctrinarum
intelligentias, & adumbratas, quę ætatum omnium consensio-

EPISTOLA.

ne deprehensa & obseruata sunt, conuenienter accommodare: ut oporteat hominem, quo debito munere fungatur, etiam humana omnia aliquando lustrare. Itaque cum multa sint, longo ætatum cursu ingenijs studiosè elaborantibus inuenta & tractata, nullius tanta esse potest, rerum innumerabiliũ, quæ tam uarijs literarũ monimentis cõtinentur, memoria tam firma, tamque fidelis, ut eorum quæ sunt necessarij usus satis recordetur: sed præsidia quærenda sunt, non aliter quàm ij fecerunt, qui principio generi hominum usum literarũ dedere. Est uitæ nostræ per breuis cursus, ut consultũ sit diuturno ætatũ studio partam rerum cognitionem in pauca subtiliter contrahere. Ac nec in ipsa uitæ breuitate, per occupationes maximæ parti hominum uacat, tam multorum, qui diuersis linguis & doctrinis scribere, ingentia uolumina euoluere, aut ex quodam in quoque genere conuenientia seligere: aut eadem ordine, ad expeditum usum conuenienti, distinguere: ut lectionis compendium inquirendum sit, occupatis hominibus, & in unũ studij genus intentis, qui breuitate inuitantur, cum eadem sit maximum firmadæ memoriæ præsidium. Habet simile quiddam naturali ordine distincta scriptio, cum ipsa Historia, quæ res gestas cõmemorat, ut coeptam semel lectionem, nullo fastidio correpti, non intermittamus: sed quadam ratione colligatæ & continuatæ orationis decursus, uelut secũdo amne, sequamur: ita est utilitati coniuncta etiam ratio iucunditatis quædam, ex multiplici rerum uarietate profecta, cum uno loco & tempore, atque eodem orationis filo, tam multa mente comprehendimus. Illud etiam in ea lustratione assequimur, ut certius, quæ in doctrinæ parte uersetur, nobis constet, quo in ordine sit, quo in loco reposita: ut periti Geographiæ, quæ orbis partem incolant, habita ratione situs terrarũ uniuersi, iucundè cognoscunt, & se scire gaudent. Maxima uerò utilitas fuerit ad omnem cognitionẽ maiore sue cessu comparandam, si intelligamus eorũ consiliũ, qui solent studiorum informationem præscribere. Semper enim utile uisum est illis etiam, qui unum genus studij (quod uidetur omnino faciendum) profitentur, summa quædam genera disciplinarum uno tempore breui oratione delibare, quod ita suæ quicque professioni accommodatiora seligat. Studiosis igitur literarũ præcipiunt, ut uehementer fructuosum & opportunum, illustres locos ex scriptoribus excerptos, certis generibus diligenter subiungere. Verũ ad hanc rem nihil fuerit aptius, & ad solidam rerum cognitionem expeditius, quàm tale quiddam (quod his rationibus adducti proponere conamur) studiosè exquirere, col-

EPISTOLA.

re, colligationem rerum atq; cognationem. Varia & dissecta capita, licet multis scriptorum testimonijs compleantur, in convenientem studiorum usum non satis commodè trahi possent videntur. Adfert iudicium maius ordinis totius semel constituta ratio, cum ita sunt disposita omnia, ut nihil sit tam uariū, quod non ad suum quasi domicilium reducat: quæ nisi quis sibi proponat, uix tandem maximum illud assequetur, ut perspecta habeat rerum primordia, progressiones, incrementa, inclinationes & exitus. Ac si uolumus rectè aestimare, etiam amissis ueterum scriptis, copia magis rerum cognoscendarū, quàm inopia conqueri plerosq; uidere licet, ut temperamentum in quacq; professione sit inuestigandū. Multa autem cum sint scripti genera, deducite hoc naturali rerum cursu, adumbranda, quorum nulla adhuc extat plena satis tractatio: fieri poterit, ut quæ temporum grauissimis iniurijs perierūt, aliquo modo hisce præsidijs cōpensari queant. Deinde ab ijs plurima ad omnē posteritatem facilè trāsferri uidemus, qui res in uniuersum tractant, quod separata scripta plerumq; intercidere solent: ut hoc scriptionis genus prætermitti non debere uideatur. Necq; minima est utilitas, ijs rebus uerba ita connectere, atq; cōiungere, ut eodem propè negocio simul tradi & cognosci possint: quando separatim duplicem laborem adferunt, cum uerba sint potius rebus accommodanda: est enim expeditior rerum, quàm uerborum memoria. Conseruatus etiam rerum conueniens ordo, cuiusdam interpretationis loco esse uidetur: quoniam alia coniuncta alijs explicari aptissimè possunt. Sed in disciplinis tradendis manifestius contrahēdę Vniuersitatis usus perspicitur. nam literarum magistri ante legitimam scriptorum enarrationem generatim præmonere consueuerunt, quibus de rebus doctrinā instituāt, ut maiore iudicio studiosi cognoscere possint, quò quidq; referri debeat, quātum sint progressi, quid inde sit reliquum. Quod si cōmuni eorum qui docent, consensu in singulis disciplinis receptum est atq; usitatum, idem, si generatim fiat, à nemine improbari poterit: ut his ad legēdos diuersi generis scriptores etiam mediocriter delibatis, paratior & instructior quisq; ueniat. Est in conscribendis ingenij monumentis communis quædam omnium consuetudo, cum scriptores plurima, quæ sunt alterius generis & doctrinæ, tametsi ex professione unū genus negocij tractent, aliqua ducti similitudine, artis suæ præsidia & ornatum quærentes, uariè accersunt, atq; ingeniose locos altius ab origine repetitos accommodant. Quanti autem referat, ea uno in loco habere, in quibus cōmuniter omnes con-

E P I S T O L A.

sentiunt, propria cuiq; parti doctrinae & convenientia, per se
 quicq; intelligit. Præterea, nec illud scio an probari debeat, par-
 titionem hanc studiorū & graue diuortium facere, dum quicq;
 suo genere contentus, spretis ac prætermisis aliorum studijs,
 minimam cōunitatis, societatis & cognationis doctrinarum
 inter se curam suscipit: cum tamē Vniuersitatis mediocri habi-
 ta cognitione, ea quæ tractamus, & perspicua magis, & ad præ-
 sentem usum expeditiora reddantur: cumq; à suis locis diuulsa,
 tanquam membra à corpore dissipata, obscuritatem maximā
 & perturbationem adferant. Omnis itaq; doctrina coniunctē
 melius quàm separatim cognoscitur, quando earū commune
 quoddam est uinculū, quo inuicē arctissimē colligātur. Ac qui
 uolet exemplo corū, quos in scribendo probari uidemus, & gi-
 tationes suas literis mādare, propter ea quæ diuersi generis ire-
 quenter occurrunt, eidem erit necesse, ex uarijs ingenijs, dele-
 cto ad id tempore, excellentissima quæq; libere. Quocirca in
 hac historica orationis perpetuitate illud consequemur, ut à
 primordijs, negociorum & temporū seriem certis incremen-
 tis deducantibus, rem eandē nō nisi semel, & suo loco aptē & ac-
 commodatē dicere cōueniat. Faciunt autem consultō & utili-
 ter scriptores, qui in illis subtilib. & eruditis disputationibus,
 cōmuni rerum facta doctrina, ijs quæ asserunt comprobant-
 dis, & apertius explicandis, plurima uariē repetunt, præsidia
 undiq; colligunt: & ex alijs, pro cuiusq; argumenti necessitate,
 alia coagmentant: ut eius cōmunitatis ratio aliqua uideatur
 esse constituenda. Ac in tanta ingentiorum dissimilitudine, cum
 alius ad alia magis sit accommodatus, consentaneum fuerit in
 re literaria singulis doctrinis singulos nominatim elaborare, &
 ex iisdem, quō adiuuari omnes possint, generalem cognitionē
 breui rerum omniū facta enumeratione, comprehendere. Itaq;
 huius libri editione meum hoc unum fuit consiliū, experiri,
 num communis rerum quædam tractatio institui possit, qua
 non ordinem modō & cognationem rerum breuiter conscri-
 ptam habeamus, uerū etiā multa uariē disiecta, quasiq; lon-
 gius peregrinantia in suas sedes reducantur: & ad eam rem to-
 tius operis instituendi breuem admodum atq; angustam quan-
 dam formulam, pro meo in studijs literarum progressu, adum-
 brare form conatus. Hos igitur cœptos de studijs doctrinae la-
 bores, ueterem, ac etiamnum retentā literatorū hominū con-
 suetudinem sequutus, uestro nomini, PRINCIPES SERENIS-
 SIMI, omni studio & obseruantia dicare uolui: persuasum ha-
 bens, pro singulari uirtutum indole, atq; communi expectatio-
 ne, literarium

EPISTOLA

ne, literarium hoc patrocinium uos libenter suscepturos. Nam ex magnis principum laudibus, illa plurimum commendatur, non modò grauibz Reipub. occupationibus doctrinæ atq; literarum studia conuenienter adhibere, sed etiã studioforũ conatus beneuolentiã prosequi. Eam ad rem omnis Antiquitatis memoria, & horum temporum celebritas luculentissimis exemplis abundat: quibus maximum semper fuisse, & multas ad res necessarium literarũ usum, uerissimè cõprobat. Est meũ scriptum eiusmodi, ut constitutis tribus rerum generibus, Naturæ, Prudentiæ, atq; Sapientiæ, continenti, historico, & naturali ordine seruato, eorum quæ per tot ætates in rerum cognitione sunt deprehensa & tractata, quæq; in communi uita hominum latissimè uersantur, non iniucundam commemorationem breuissimè expressam comprehendat: quemadmodum, PRINCIPES SERENISSIMI, cum ex grauioribus uestris occupationibus, ad hanc fructuosam in primis, liberalem atq; ingenuam Historiæ oblectationem transire libebit, faciliè cognoscetis.

Valete,

CHRISTOPHORI Mylæi, de scribenda Vniuer sitatis rerum historia, Libri quinque.

PROEMLVM, QVO SVSCE-
pti huius consilij prima occasio, & ratio
omnis explicatur.



AGNVS NOSTRIS OMNI- ^{ingenitus co-}
um mentibus, cognitionis multa- ^{gnitionis re-}
rum rerum comparandæ Naturæ in- ^{rum amor.}
genitus amor, & laudabile ueri in-
quirendi atque perspicendi excita-
tum est studium: quo nos tantum
commoueri ipsi sentimus, ut cona-
tus, labores, pericula multa, nullo
inuitati emolumento, sola scientiæ
auditate, communiter omnes libe-

re suscipiamus. Quod in his etiã perspicere licet, qui ad rerum
peruestigationem uehemētius sunt intenti, ut uigilias, famem,
sitim, necessaria omnia, honestum perferre, & iucundum arbi-
trentur. Illud cum multis significationibus eadē Natura clare ^{Pueritia}
patefecerit, tum quod in pueris maximè clucescit, manifestum
est: qui ipsi, licet per ætatem minus opinionum uarietate agun-
tur, obliti tamen rerum necessariarum, si quid fortè aut rarum,
aut inaudicum, aut delectabile inciderit, impellentis illius bo-
nitate, quibusdam ad discendū cognoscendumq; inuitamen-
tis duci se, trahiq; ostendunt. Excellens hoc generis hominum ^{iuuentut.}
studium in adultis, qui liberalibus & ingenuis artibus præci-
pue delectantur, multo magis confirmatur: Nam præter alia,
à quibus uel tentandis, uel suscipiendis, ipsa cognitione & sci-
entia capti, reuocari non possunt, neglecta ualitudine, spre-
ta re familiari, relictis honoribus, lustrandi orbis gratia, disun-
ctissimas terras latè obeunt, dubia & periculosa sequuntur,
quoad se plurimum profecisse intelligant. Ac nec ea ætas, quæ ^{Senectus.}
propter Naturæ imbecillitatem, obeundis uitæ muneribus mi-

nus est accommodata, ab eodē innato cognitionis studio ab-
 duci sese patitur: quin potius hac humanissima oblectatione,
 in tantis uitæ difficultatibus superandis, congruentissimè cen-
 ser utendum. Usqueadco omnes ætates, quarum progressio-
 ne, quæ sit hominum uoluntas, maximè declaratur, si se tueri
 uelint, & cōuenientem rerum usum habere, hanc necessariam
 cognoscendi cupiditatem sequuntur. Commemorare possem
 hac opportunitate desiderij hominum in discendo quæsitæ,
 omnium ætatum illustria ingenia, ex omni Hebræorum, Græ-
 corum, & Romanorum copia, quæ in peruestigatione rerum ¹⁰
 multum debilitata sunt, & consumpta: similiter & maiorum,
 atque nostræ memoriæ præclara exempla hic producere: nisi
 illa nota maxima ex parte, & suis locis tractata cognoscerem.
 Quibus illud plenius constaret, communem hunc hominum
 affectum maximè Naturā attingere nostram, & multum ani-
 mos sui oblectatione occupatos tenere, ut plurima in omni ge-
 nere sint assiduis hominum conatibus & studijs eruta, depre-
 hensa, & conscripta. Credendū enim est, singularem hanc sen-
 suum, mentis, atque orationis uim, non alijs prorsus de causis
 hominum generi à supremo Deo datam, quàm ut cœlestia at- ²⁰
 que terrena omnia immensitatis huius beneficij memores, &
 tanti operis admiratores, summa cum reuerētia cognoscamus,
 contemplemur, & in nostros usus, atque eos necessarios con-
 uertamus. Quocirca hoc tempore, & his occasionibus, quæ
 deinceps plenius dicentur, instituta est à nobis ordine, quo
 quidque primū contigisse uidebitur, perbreuis hæc in uni-
 uersum de excellēti rerum Natura, & dissimillimis hominum
 occupationibus, rebus gestis, atque studijs repetita commen-
 tatio: ut unum in conspectum ex dispersis longè lateq; obser-
 uationibus deducta, cuiusmodi illa sint, pro ingenij nostri me- ³⁰
 diocritate, & paruis admodum studijs incrementis, aliquan-
 tō planius, manifestius, & distinctius habeantur. Itaque mul-
 tis iam ætatibus, genere hominum in pulcherrimis doctrinæ
 studijs deprehendendis atq; pertractandis uariè uersato, præ-
 ter ea quæ graui & acerba temporum calamitate nobis perie-
 runt (cuiusmodi non pauca fuisse constat) plurimis in singu-
 las disciplinarum partes, & in uniuersum elaborantibus, ma-
 gnis conatibus perfectum illud est, ut uitæ conuenienter tran-
 sigendæ salubria documenta, rerum maximarum optimæ do-
 ctrinæ, in eam & multitudinem & magnitudinem creuerint, ⁴⁰
 ut de omnibus propè rebus, quæ in deliberationē cadere pos-
 sunt, è tantis scriptorum ingenij monumentis certa cōsilia ple-
 nissimè

*Propositum to-
 tus operis.*

nissimè petantur. Et nostro quidè seculo è diuturnis eorum qui nos præcesserunt, tenebris, cum magno successu literarum exultiorum decus integritati suæ & perfectioni propè sit re-
 stitutum, plurima animaduerti à doctissimis nostris homini-
 bus laboriosè quæ sita præsidia, quibus omnium studijs ad ea
 cognoscenda, quæ sunt in omni genere multiplici conatu labo-
 rata, optimè cōsuleretur. Nam communibus animis ad instau-
 randas omnes disciplinas incensi, tradita à ueteribus breuiter,
 plena & uberi oratione explicare coeperunt: similiter quæ erant
 19 scripta diffusius, laborem occupatioribus minuere uolentes,
 in pauciora contraxerunt. Alij laudabili opera maximis susceptis
 laboribus, ut & integræ & emendatæ essent ueterum ingenij mo-
 numenta, diligenti ac uaria locorum inter se collatione, ad uni-
 uersam rem literariam prouehendam, utiliter inuigilarunt. Alij
 ueteres in omni genere scriptores nondum uisos, passim ex bi-
 bliothecis promere; & ut publicè ab omnibus legantur, maxi-
 mo totius literariæ amplificationis commodo, nullis sumpti-
 bus parere solent. Plerique multiplicem linguæ utriusque, &
 latè excerptâ opulentiam, ut scribendi facultati expeditior sit,
 20 in magna uolumina referunt. Nonnulli ex omni ingeniorum
 copia graues & illustres cuiusque doctrinæ locos, ad usum com-
 mune paratos, tum digestis generibus, tum nullo ordine con-
 sulto permixtis, comprehensa eruditionis omni uarietate, con-
 gerunt. Maxima pars linguis laboriosè perceptis, ne pluribus
 ad eas cognoscendas labor sit suscipiendus, optimos scripto-
 res ex Græcis in Latinum sermonem, & ex eodem in uulgares
 linguas, hodie excultiores factas, cōuerti debere ostendit. Sed
 inulti immensis uigilijs & laboribus ad primi nominis linguæ
 utriusque obscuros scriptores, & expeditius & fructuosius le-
 30 gendos, magna adiumenta uniuersæ rei literariæ importarunt.
 Inde etiam diuersis in locis, literarum illustratione inuitante
 atque retinente, scriptores, qui maximè in quoque genere pro-
 bati sunt, & disciplinas omnes, literarum magistri studiose ac
 diligenter frequenter iuuentutis concursu legunt, & interpre-
 tantur. Diuersi ad similitudinem sermonum, qui inter graues,
 eademque literatas personas habentur, copiose & ornate Dia-
 logos componunt. Inueniuntur, qui diuersa scripti generis nu-
 meris ad oblectationem convenientibus, ingeniosè, & ad uete-
 rum imitationem accommodatè concludere possint. Coniun-
 40 ctam nonnulli ueterem ac recentem rerum gestarum memo-
 riam, quæ documento & exemplo posteris omnibus sit futu-
 ra, discretè, prudenterque perpetuis literarum monumentis com-
 mendant.

mendant. Iisdem studijs adducti alij, cuiusque gentis atque ciuitatis origines & primordia inquirunt, ac repetunt: pariter & ueterum notata scriptis uestigia, multis peregrinationibus indagant. Complures etiam præter eruditas maximis de rebus disputationes, comparata præstanti rerum doctrina, ad similitudinem incorruptæ & accuratæ ueterum orationis, in quouis disciplinarum omnium argumento, relicta à superioribus, & in suo cuiusque genere prætermiſſa, commentando & inuestigando cõplere uolentes, peritè, scienter, & eruditè scribunt. Atque ita pro se quique acceptam à prioribus gratiam, posteris parem aut ampliorem relicturi, communes operas in medium adferri debere, optimè iudicant: quãdo præter alias conditionis nostræ caussas, ad hoc etiam natos homines esse putandum, ut maxima hæc societatis & communis retinendæ occupatio esse uideatur. Sic nanque præclarissima nostrorum ingenia nihil uoluerunt omni ex parte intentatum: quo factio uetustas omnis hac memoria est patefacta, & omnes bonæ artes, quæ sunt humanitatis ac literarum, felicissimè traduntur atque percipiuntur. Quæ cum animo frequentius repeterem, ad usitatam ueterum ac nostrorum in scriptis suis proferendis consuetudinem, experiri aliquando uolui, non equidem spe ea perficiendi, quæ mihi cognoscenda & tractanda proponerem: sed animi mei ad literas pro uiribus adiuuandas testificandi summo desiderio adductus, ecquem mearū cogitationum, quas literaria studia sanè multas suscitarent, fructum rationibus meis conuenientem essem percepturus. Deponendum omnino in his esse cum reprehensionis metum existimans, quo qui grauius tenètur, utilissima plerunque scripta maiore uitio premere solent. Nam scriptorum omnium illud est iudicium, non in seipso, aut in paucis aliquot positum, sed in communitate totius ordinis literatorum: ac nec in unius ætate, quod est admiratione dignissimum, sed in multarum consensu: ut à posteris plerisque audivissimè exceptos, & maximè probatos legamus, qui iniquiora falsi sunt suorum temporum iudicia. Ac nec audiendi, qui scripta in omnigenere iam extare satis multa arbitrantur, ut deinceps minus laborare expediat. Iidè præter id, quod alienæ industriæ modum imponere uolunt, non uident, multorum laudatissimis ingenijs res maximas in omni uarietate quotidie fieri illustriores. Siquidem animus cuiusque, inuentis aliorum, & scriptis plurimum acuitur, ut ad alia inquirenda, diuerſorum contentioneibus, quasi ad motus quibusdam stimulis, impellatur. Sed eorum demum probari conatus potest,

De scriptis iudicia et reprehensiones.

- potest, qui quæ ex usu rei literariæ esse uiderint, eadem non sup-
primere oportere prudenter existimant: quin potius in me-
dium rerum omnium discrimen uenire, quàm non ea propo-
nere, quæ quis iudicari aliqua ex parte hominum communi-
tati profutura. Qui uerò ita esse scribendum suadent, ut seue-
ram illam nouennij legem in scripto opere premendo seruandam
putent, illi non satis memores mihi esse uidentur, præter
alia non parua studiorum incommoda, breuitatis huius uitæ
mortalium: neque illud ipsum satis æstimare, iudicij aliorum
- 10 uniuscuiusque industriam multum excitari atque confirmari:
& parum eos in literis præstare solere, qui suam unius sequuti
sententiam, qualiscunque illa sit, in ea confidenter perseverant
& adhærescunt: quæ eadem ad comparandam rerum uerita-
tem, pro iudicantium uarietate moderanda in uniuersum est,
& constituenda. Ac me diu cogitantem, magis ea confirmabat
ratio, qua propè consultò fieri uidebam, ut inter eruditos, gra-
ues omnino esse deberent reprehensores, cum multis alijs de
causis, tum ne qui immodice de se sentirent, aut minus cōfide-
ratè, & non nisi primùm tentatis uiribus, ad cogitationes suas
- 20 scriptis mandādas uenirent: aut approbatione aliqua suorum
scriptorum contenti, nihil porro molirētur, & in medium ad-
ferrent. Quam quidem ad rem licuit mihi esse ocioso, sine labo-
re & contentione: non aliter quàm ijs, qui humanissima litera-
rum oblectatione liberè perfruuntur. Cum enim multa à scri-
bendo me reuocare debuissent, magnitudo & uarietas susce-
pti huius operis, priuata incommoda, maioris cuiusdam &
locupletioris doctrinæ ratio, amicis unum genus studij, com-
muni aliorum exemplo suadentibus, minimè acquicui: sed ne-
scio quomodo impulsus, etiam si ipse mihi maxime aduersarer,
- 30 hanc tamen rerum omnium lustrationem proponendam esse,
& hanc enumerationem pro uiribus meis putauī faciendam:
persuasum habens, ut in alijs multis, ita & hic subeundum esse
ingenij & studiorum discrimen: in quo licet quid minus succe-
deret, sola iuuāda reipublicæ literariæ causā, & quæ non om-
nino apud æquos rerum æstimatores contemnitur, uoluntate
me consolaretur. At his in locum idoneum prætermisis, susce-
pti huius de scribenda Vniuersitatis rerum historia consilij, ta-
lis quædam fuit prima occasio. Versabar in oriente Byzantij, Scribēdi huius
operis prima
occafio Con-
stantinopoli
oblata.
quò me & amicorum consilium, & peregrinandi studium per-
duxerat, cum è graui ac diuturno morbo frequentius recur-
rente, amissas uires paulatim recolligerem: cunq; ocium essem
nactus, ne fortè (ut fit) ex desidij languorē contraherem, diu

intermissas de studijs literarū cogitationes, non iniucundum,
 nec inutile renouare uideretur. Itaq; cum ueterum, ac nostro-
 rum præstantes in literis conatus in memoriam reuocarem,
 Græciam totam, quæ quondam liberalissimis doctrinæ stu-
 dijs ad omnem excellentiam floruerat, in magna cum rerum
 omnium, tum literarum obscuritate uersari contemplantur, &
 dolebam. Protinus nihil tale futurū expectanti, iuuenilis ad-
 modum incidit, nec (ut tum arbitrabar) reprehendenda cogi-
 tatio, ut memoriæ & styli potissimū exercendi gratia, liberum
 mihi facerem, illa in omni genere præsidia inquirere, quibus 10
 si studia doctrinarū prorsus interisile contigisset, ad eadem ite-
 rum inuenienda, instauranda, & tractanda, uti necesse puta-
 rem. Varia fuit, & multas in partes disiecta ea cogitatio, alijs
 atque alijs inuentis confertim succurrentibus ita confirmaba-
 tur, ut temperare ipse mihi nullo modo possem, quin eiusmodi
 literarijs occupationibus animum oblectarem, cumulateq; ex-
 plerē. Indulsi mihi ipse plus quàm solitus eram: & non mo-
 do ex nostra memoria, sed ab ultimis principijs coepi in uni-
 uersum repetere & excutere, quid illud totum esset in literis,
 & in cultu uitæ omni, quod cognoscendum proponeretur, 20
 quos ad usus, & quàm diu esset inter homines agitatum. Re-
 cordabar etiam, me primis studijs, præceptorū admonitu, &
 æqualium æmulatione, locos scriptorum illustriores, selectis
 rerum generibus, subijcere consueuisse. Quam eandem ratio-
 nem cum propter uaietate non multum ad usum studiorum
 mihi profuisse intelligerē, eum ordinem semper inquirendum
 putauit, cuius ope res multiplices, quo facilius recurrerent, di-
 stinctè collocarētur. Atq; illud nostra memoria potissimum,
 quandoquidem maxima pars iuuentutis, instauratarum lite-
 rarum nouitate, & linguis ad discendum certius propositis, 30
 omne scriptorum genus suscepit excutendum: ut operæ pre-
 cium uideatur, ad similitudinem eorum qui in singulis disci-
 plinis uersantur, totius uarietatis doctrinarū uiam quandam
 & rationem, eamq; per breuem, uniuersa continentē, studiose
 inuestigare. Sed quia à solitis linguæ utriusque scriptoribus
 tum aberam longius, facere nihil aliud potui, quàm illa quæ
 iam à prima ætate, uel ex auditionibus, uel ex libris, uel ex nō-
 nulla etiam rerum lustratione compararam, quantum memo-
 ria repetere possem, ita adumbrarē, ut si inde me incolumem
 redire cōtingeret, maiore studio, affluentibus libris, aliquotq; 40
 meis commentarijs complerem: aut si manendū fuisset in illis
 regionibus diutius (magnas quippe reditus difficultates quo-
 tidie

Ordinis con-
 trahendarum
 doctrinarum
 peruestigatio.

tislic proponi uidebam) non deesset, quo me toto eo tempore in hac literaria meditatione iucundè simul & utiliter continerem. Quamquam eo labore præter necessariam, & nunquam remittendam dictionis exercendæ facultatē, simul & non parua tam multarum rerum in memoriam reuocatione delectationem, nihil aliud proficere me posse intelligerē: illud tamen, quod in studijs doctrinæ minimè est negligendum, assequutum me aliqua ex parte confidebam, ut ea certius recognoscerem, quæ in discendis literis à me imprudentius antè fuerant

10 prætermittā, dum minus plena multa partim per obliuionem, partim per ignorantiam necessariò à me relinquerentur. Circuntuleram itineris comitem, Literaturæ historiam, ad imitationem rerum gestarum à me conscriptam; cuius lectionis æstimatione, multiplices literatorum omnium in studijs conatus cum circumspecerem, nec præstantissimum tradendarum artium doctorem & magistrū Aristotelem haberem, à quo usque

Aristotelica doctrina.

20 alias subiicit: quæq; multis argumentationibus, quid in quoque uerum aut falsum, pugnans aut conueniens, uariè & eruditè exquirat: factum est, ut in ea librorum indigentia, simplici quadam rerum cognitione contentus, non inquisiuerim grauiora illa multorum maximis disputationibus perplexa relictā, quæ scriptio hæc instituta minimè requireret. Ac proinde liberius aliquanto (neque enim nisi consideratè ab usitata docendi ratione uidebatur recedendum) placuit experiri, num ea ratio in commemorandis doctrinis omnibus posset introduci, quæ id complectitur, quod in docendo maximum consensus erudito

Docendi præceptum munus.

30 rum obtinuit: nimirum ita iucunditati & utilitati inservire, ut is rerum ac temporum ordo distinctus appareat, cuius uel admonitu, uel præsidio fidissima doctrinarum omnium custos memoria plurimum adiuuatur. Quam ad rem melius deprehendendam, accommodatum uidebatur eorum, qui in quoque scripti genere aliquid uel desiderarent, uel reprehēderent, que relas omnes, quantum complecti animo, & memoria cōsequi possem, unum in locum colligere: ac quid in uniuersum statui posset, studiōse inuestigare. Igitur ex eo intellexi, in alijs argutiora & subtiliora improbari: pleraque ab alijs obscurata, quæ

40 siq; inuoluta cōsultò, & implicata: quæsiisse multos quandam ingenij commendationem, confudisse nonnullos sua, & uariè dilucisse: non paucos uerbis quidem splendidis, selectisq; uerum exi-

rùm exigua atque sterili subiecta de rebus sententiâ scriptitasse. Plurimos autem nulla oblectatione adhibita, licet de rebus uerè & eruditè sentirent, aspera tamen, & dura in dicendo sectari maluisse. Adeò nihil est in omni genere tam perfectum, tamq̃ suis numeris absolutum, quod uolenti semel improbare, satisfacere possit: eum tamen prorsus iniqua sit ea accusatio, quæ prætermisissis bonis, mala enumerat, uitiaq̃ seligit: quando circumspecta esse conuenit iudicia de scriptoribus, qui utilitatis nomine in publicum uenerunt. Sed non erat meum aliud consilium, quàm ex uarijs eiusmodi iudicijs æstimare, quid proximè consensio-
 10 ni hominum, & approbationi accederet. Inde ueni in eam sententiam, ut existimarem, perfectam & gratam omnibus cam posse uideri tractationis rationem, quæ & perspicua esset ad docendum, & distincta, quæq̃ legentem cum aliqua iucunditate & delectatione perinde ac condimento teneret. Quàm illud foret arduum atque difficile, in tanta rerum, quæ in Natura & studijs hominum posita sunt, uarietate, certum aliquem ordinem constituere: quod in meâ ætatis imbecillitate, & mediocri studiorum progressu, nullo modo esset re-
 20 quirendum, satis intelligebam. Sed quia institutum erat, in eo-
 cio de toto genere literarium aliquid commentari, nihil non experiri, & mihi sine cuiusquam reprehensione licere persuaferam. Confirmabat me etiam præceptum illud, in omni scripti-
 one, & doctrinarum tractatione, ad ultimam cuiusque generis formam, & ad prima Naturæ nostræ principia, quæ illi
 insunt, tanquam sparsa terris semina, esse respiciendum: atque inde, quomodo quæque consentientibus hominibus, suis in-
 crementis sunt aucta, multo studio, meditatione, & diligentia inquirere oportere. Ratus ita melius ac certius rem omnem suc-
 30 cessuram, quanto quidque uicinius perfectæ curationi, quam
 semel constituiissem, uideretur. Ac primum auspiciatò rem ag-
 gressus, disciplinas omnes diuina hominum peruestigatione, paruis, modicis, ac rudibus ab initijs, ad unius Naturæ simili-
 tudinè excogitatas à præstantissimis ingenijs, & ad usum aptas, in eum, quem non sine singulari admiratione uidemus, sta-
 tum creuisse intellexi. Eandem Naturam simplicem & unius-
 modi, mentisq̃ nostræ conceptibus ita esse accommodatam,
 ut totum illud nostrum discere, nihil sit aliud, quàm inchoatas
 iam antè, & diuinitus in nobis ab ipso ortu impressas noticias
 atque intelligentias, quas anticipationes uocant, uti iactis fun-
 40 damentis structura erigitur, ita illas easdem à suis primordijs
 quodammodo absoluerè, aut iam adumbratâ & informatam
 in mente

*Naturalis insti-
 tutus rerum or-
 do.*

- in mente artificum, totius ædificij imaginem atque similitudinem, manibus & arte adhibita, in opus educere. Neque ipsam illam Naturam sic effectam redditam, quasiq; ætatum spacijs consumptam, quin eadem licet alijs temporibus agrorum in morem interquiescere uideatur, diuersis elargiri uelit: ut perfectius & uerius unumquodque iudicari possit, quod origini suæ propinquum est, & simile. Ac nec illos existimaui in errore esse, qui in doctrinæ studijs acutiora & subtiliora operose inquirentes, longius à Naturæ præscripto, & rerum necessitate recedere pronunciant. Igitur si me ad eam ipsam Naturam monumentis ingeniorum destitutus referrem, assequuturum me aliquid bene sperans, nihil cunctatus, quantum complecti animo, quantumq; cogitatione poteram, eas multiplices causas & rationes inquisui, quibus unumquemque in excogitandis doctrinis omnibus, in informanda hac uitæ hominum societate & communitate adductum fuisse, testimonijs atq; coniecturis mihi fieret uerisimile. Inquirendo igitur multum occupatus, quo plura succurrerēt, & naturalis hic ordo institutus, non incommodè seruaretur, cœpi ab ipsis rerum primordijs,
- 10 ut quidque primum extitit, simplicissima quæque & minutissima inuestigans, uicina his ad incrementum & progressionem coherencia apud coniungere, simul & eadem serie atque continuatione perpetua ad eum finem, qui cuique rei est propositus, continenter animo & cogitatione percurrere. Ducem in omnibus Naturam rerum in progrediendo mihi proponens, cuius ipsius tantam uim scriptores esse intellexerūt, ut suis neruosis comprobandis, & altius ab origine repetēdis, ad unius Naturæ principia passim recurrere, tanquam ad fontem, unde illa uberius, purius, ac uerius manāt, uoluisse cognoscatur. Cuius
- 30 eiusdē primas notiones diuinitus impressas, maximèq; nostris omnium mentibus communes, quas inde legem atq; ius Naturæ appellant, studiosè amplexus, hoc scripto etiam res inter se dissimillimas, è dissectis uariè membris, ita in unum corpus quæsitis, suis convenientibus occasionibus cogere oportere existimaui, ut apta inter se omnia, & quasi ab uno capite deducta uiderentur. Multum enim facit ad plenam rerum intelligentiam, cum prima medijs, & hæc eadem extremis ita sunt connexa, ut alia ex alijs nasci & proficisci continenti progressionem, maioribusq; semper incrementis credamus. Et illud quidem
- 40 dem satis ex eo cognosci potest, quod in uniuersum nobis sequendum hoc tēpore proposuimus, ut ab ijs, quæ hominum sensibus sunt exposita, ad ea quæ mente & animo comprehenduntur,

duntur, in omnibus ordinem seruare uouerimus. Quocirca in hoc ipso rerum decursu, illas multarum ætatum contentionibus in omnem partem agitata, de rerum origine ac principijs, deq; alijs diuersis, & ipsæ nimium curiosis Naturæ causis, dissidentes inter se philosophorum sententias, placita, & opiniones, imbecillitatis uirium mearum conscius, & hoc mediocri iudicio imbutus, prorsus duxi in toto hoc scripto refugiendas. Sed post longam harum rerum consultationem, sepositis eiusmodi tantis difficultatibus, & hac immodica rerum, neque ad uitæ cultum, neque ad pietatem pertinentium curiositate prætermissa, quæ ipsa cursum instituta huius orationis morari possent mihi uidebantur, simpliciter, minimèq; obscuram, & ut arbitramur (siquidem scribendo assequi potuimus) cuiusuis intelligentiæ expositam rerum enumerationem, hoc quasi documento inquirendam putauimus: futurum ita existimantes, hac ipsa occasione, quibus grata eiusmodi rerum tractatio fuerit, meliora & uberiora inuestigaturos: nobis uero abunde fore satisfactum, si hoc nostrum studiū literis cōseruandis & tractandis, non in aliam partem, quàm eam, cuius solius impulsu hoc susceptum est opus, boni æstimatorum horum conatuum

historicum dicendi genus his tradendis rebus accommodatum.

accipiant. Atque ita, cum mihi seruandus ordo constaret, similiter querere oportuit, quod genus orationis scripturo accommodatissimum uideretur: quando rebus ipsis multum accedit perspicuitatis atq; dignitatis, si quæ conueniens totius dictionis habeatur ratio. Eius generis cum multa alia intentius cogitanti sese offerrent, tum historia illa Literaturæ, de qua supra diximus, ut ad hanc occasionem adiumenta dedit plurima: ita illius ipsius conscribendæ ratio ad uniuersum hoc propositum ex omni scriptionum genere peridonea uisa est, quam consulto in his omnibus enumerandis, si non in totum, saltem aliqua ex parte sequeretur. Est enim historicæ dictionis ratio posita in orationis perperuitate, nihil ut superuacaneū, nihilq; non suo loco dictum, & accommodatum hominum actionibus recipiat: quo ita res omnes, quæ confusæ sunt, atque dispersæ, possint ad eandem optime reuocari. Neque enim id habet, quod cætera scripti genera, ut liberè à re semel proposita, nisi magna aliqua occasione digredi & excurrere audeat. Eadem cum illustrium in armis uirorum rebus gestis luculenter describendis semper fuerit occupata, illius similitudine animos legentiū ad exitum rerum (qui proprius est legētib; historiam affectus, ut cœpta de manibus non facile deponant) summa cum oblectatione properantes, tenerè optime posse intellexi. Similiter quæ hoc

- quæ hoc historico genere traduntur (quando legendæ historiæ cursum perspicuitas non moratur) facilia sunt ad cuiusq; intelligentiam: & ut ad usum conuertantur, expedita. Ac tanti est Historia momēti, ut magis ui quadam exemplorū, animos hominum ad aliquid faciendum inuiter & teneat, quàm multis documentis & præceptis cætera scripti genera efficere possint. Quod adeo uerum est, ut malit quisque etiā humillimum commemorantem aliquid, quàm præcipientem alium audire, ita plerunq; satis nos iam instructos & edoctos putamus. Præ-
- 10 terea Historiæ usus ita est per omne doctrinarū genus dispersus, ut nulla sit doctrina, quæ hac ipsa eadem ad comprobationem & ueritatē rerum suarum maximopere non egeat, quæq; in hanc suis occasionibus necessariò & frequenter non digrediat. Est illa ipsa Historia communibus hominum rebus exponendis conuenientior, res serias, non commentitias admit- tens, ut una scriptiōum omnium, quæ multiplices sunt, fidei plurimum, dignitatis, & propter temporum adseruatam continenter memoriam autoritatis apud omnes semper obtine- rit. Deniq; ad deligendam & introducendam hanc historicam
- 20 rationem, illud maximè impulit, quòd animaduerti, ea quæ scripta sunt in uniuersum, à plurimis quidem cōsuli, & in aliquem usum trahi solere, sed continenti lectiōe à paucissimis cognos- ci: ut præsidij loco quæ sita hac rerum omnium serie & colliga- tione, plures inuitari posse ad perpetuam lectiōem tenendam, mihi persuaferim. Sic coniuncta historica dicendi ratione huic
- Naturalis or- do historice di- stioni comun- cius.*
- 30 naturali rerum ordini, quod in docēdo aecommodatissimum fuerit, assequi poterimus, ut non tam tradi illa à nobis quis exi- stimet, quàm ad eorum ueritatem prodendā, hisce rationibus optimè probari. Itaque huius totius operis ad hanc ratio-
- 40 nem conscribendi ab eiusmodi initijs omne consiliū natum est, & profectum, quo per id tempus suscepto, dum Byzantijs agerem, & impulsā semel cogitatio, quam totam ad hæc exqui- renda conferebam, feracior redderetur: nec perire quicquam, quod non protinus scriptis consignarem, paterer: factum est, ut multa ex omni genere in memoriā uenerint. Idq; tanto meo commodo, ut non dubitem, æquales meos hortari, exire ali- quando in solitudinem: & tantum spacij cogitationibus dare, quantum ad ea omnia, quæ in uniuersum dici possunt, animo menteq; comprehendēda, satis uidebitur. Reuersus inde, cum
- illa minimè iniucunda, nec inutilia fore animaduertērem, cœpi sparsas uariē chartas per occasionem unum in locum deducere: & pleraque, ut erat in tanta rerum uarietate cognoscenda
- b 2 necesse,

necesse, scriptorum lectione confirmare & complere, totiusq;
 eius instituti summas rerum, perinde ac capita & genera, in ar-
 ctum, ut uno cōspectu uidere liceret, ad hanc rationem, quam
 deinceps subiiciam, concludere. Posteaquam uerò illa edidif-
 sem, & iudicijs amicorum intellexissem non omnino improba-
 ri, recepto quasi animo, minimè grauatus sum, relictis etiam a-
 lijs, ijsq; mihi uehementer necessarijs uitæ transigendæ occu-
 pationibus, nouitate quadam ordinis adductus & delectatus,
 meam de tota hac scriptione sententiam planius & apertius a-
 liquanto explicare: ut quantum expedire possit communitati
 literarum, in hac doctrinæ parte, maiore conatu atque studio
 uersari, ex his melius cognosceretur: quæ talia quædam fuere.

PROOEMII TOTIVS HISTO-
riæ Vniuersitatis rerum, finis.

PRIMVS

PRIMVS INGRESSVS IN HANC
VNIVERSITATIS RERVM HISTORIAM, IN-
SCRIPTIO, OPERIS HVIVS PARTITIO-
NES, HISTORIAE DE NATVRA
ORDO, ET TOTIVS PRO-
POSITVM.



ACIAM, QVOD VIDEO AB OPTI-
mis scriptoribus utiliter usurpari. Prin-
cipiò huius operis, de inscriptionis ra-
tione dicam, tum de partitione totius in-
stitutæ doctrinæ: postremò de ratione
tractandæ primæ partis, quæ est de Natu-
ra: ut quid sim in totum propositurus,
sumpto iam inde scriptionis initio, me-
lius à quouis intelligatur. Itaque toti huic tractationi, Vniuersitatis nomen dedi, sequutus in hoc philosophorum omnium
10 principem Platonem, qui de Natura Vniuersi, Timæi appella-
tione scripsit: quo in eodem libro, rerum naturalium interio-
res, reconditas, & prorsus inuolutas causas scientissimè & ac-
curatissimè pertractatas reliquit. Eundem Romanæ eloquen-
tiæ parens M. Tullius Latinis literis magna ex parte conuer-
tit, & de Vniuersitate inscripsit. Verùm is liber, ut alia eius ui-
ri nonnulla, mutilus & imperfectus ad nostram ætatem, maxi-
ma temporum iniuria, remansit. Præter hunc de Vniuersitate,
cæteris in philosophicis libris maximè uarios ac eruditos de re-
20 rum Natura, & omni doctrinarum tractatione locos uterque
asperxit: ex quibus coniuncta etiã, & accedente multiplici Ari-
stotelis atque Plinij rerum & scientiæ copia, æstimare liceat in-
stitutum hunc ordinē: ut multa ab iisdem quatuor supremis,
locupletissimis ac optimis in utraq; gente autoribus, tanquam
uberrimo & purissimo de fonte possint abundanter hauriri.
Ad quorum convenientem rationem etiam ex alijs multis, qui
diuersis ætatibus in omni genere scripserunt, delectus erit fa-
ciendus. Occasione igitur, cuius suprà memini, oblata, rem om-
nem plenius ac latius continenti orationis enumeratione de-
30 duxi: ut nihil sit instantia rerum omnium uarietate, quod idem
non possit meo huic ordini, suis conuenientibus locis, quo
quidc; naturali progressionē alio prius est, dispositis, non ma-
lè, nisi quid secus melioribus rationibus uideatur, inseri atque
collocari. Quod ab ijs perfacilè deprehendi poterit, quibus ab
occupationibus tantum erit ocij, ut uno & eodem tempore to-

*Vniuersitatis
rerum scripto-
res, quos sequi-
tur.*

tam hanc Vniuersitatis rerum historiam perpetua, nec interrupta lectione uelint persequi. Nam ita partes omnes inter se connexas uolumus, colligatas, & coniunctas, ut quadam occasionum quæ sita ratione, ab alijs aliæ pendere: atque ipsarum partium enumerationem gradatim ad ea quæ ex quibusque gigni & proficisci uidetur, ad eos fines, qui sunt rebus omnibus propoliti, deduximus. Sed fortasse subtilius quodammodo inquirere illa uolentibus, hæc eadem Vniuersitatis rerum inscriptio primæ parti, quæ est de Natura, potissimum congruere dicitur: & non perinde cæteris duabus consequentibus: at multo- 10

*Vniuersitatis
nomine omnia
contineri.*

rum illustri exemplo à prima, & ea potiore parte nomen sumere licebit. Quanquam non uideo, quid ab eo ullo modo excipi possit, qui de uniuersis loquitur. Quid enim esse potest extra uniuersa, in quibus ipsæ, ut sentit M. Tullius, omnia continentur? Neque quicquam est in omni mundo, quod non sit pars uniuersi. Idque satis indicat ipsa nominis ratio: cum nihil aliud esse uideatur Vniuersitas, quam omnium rerum ad unum aliquid conuersio quædam, reuocatio, & reuersio. Itaque cum partium omnium doctrinæ magnus semper usus fuerit, & rerum Naturæ tanta sit in suis partibus pulchritudo, si eadē ad unum, 20

*Vniuersitatis
etymon.*

*Omnia ad unum
referri debere.*

ut deformes uidentur corporis humani partes, à sua integritate auulsæ: ut diuisa in partes ciuitas, non unius & eiusdem uoluntatis atque consensionis, in summo est periculo: ut familia non sese ad unius præscriptum componens, minus commodè agit: ut dissolutus, nec unius roboris ingens exercitus, aut magna classis prædæ est exposita, & facile uincitur. Tanta uis est integritatis & unitatis, atque ratio concurrentium inter se rerum, & conuenientium in unum: ut quanto magis quid unum, tanto illud firmitus 30

*Causa institui
huius ordinis
rerum.*

sit, & perfectius. Atque adeo conueniens hoc Vniuersitatis nomen uidetur, ut reliquis etiā huius operis partibus separatim ascribi possit, quæ & ipsæ ex dispersis uariè in omni doctrinarum genere partibus, ad unum quoddam totum similiter referuntur. Quod ipsum eo feci liberius, cum uiderē hunc meum ordinem à nemine eorum, qui iam annis inde aliquot res multiplices magnis uoluminibus tractarunt, esse seruatum: & eum tamen, ut ad finem operis copiosius persequeremur, à ueteribus adumbratum, quasi quæ expressum, rerum etiam uniuersæ tractationi uehementer accommodatum, & ad intelligentiam cuius 40

rum in-

- rum inuentis repetendis ita esse contentū, ut nulla rerum, elocutionis, & ordinis nouitate legentes inuitentur atque retineantur. Id cum sit, protinus obijcitur à nonnullis, maliciose tamen, nostrorum temporum scripta nihil aliud esse, quàm repetita quædam eorum, qui nos præcesserunt. Cum perpetuum illud fuerit etiam ab ultimis temporibus, ut consequentes à prioribus, mutuis quibusdam auxilijs adiuuarentur: neque quiscquam ullo tempore tanta ui ingenij, atque celeritate fuit præditus, qui per se genus aliquod doctrinæ inuenerit, simul & cōstituerit, ac perfecit. Multorum ad hoc necessarius est labor, studij magnitudo, & diuersarū artatum cōprobatio. Ac quando consistet genus hominum, semper erit aliquid (nam dissimilia prioribus semper succedere tempora deprehendimus) præter ea quæ suo quisque ingenio excogitare, & superiorum inuentis adijcere solet: quod aut cōsultò emendandum sit: aut sparsum & confusum, in ordinem cōuenientius redigendum: aut obscurum & inuolutum, explicandum apertius: aut distinguendum certius & aptius uideatur. Atque ita hoc opus confeci, ut singula ex omni rerum multitudine ad unum aliquod
- 20 constitutū caput, quantum pro mea ingenij & progressus studiorum mediocritate fieri potuit, referrētur: non aliter, quàm arborum dilatatos ramos ab uno & eodem trunco deduci conspiciamus. Sit igitur diligentius hæc considerantibus ipsa Vniuersitas nihil aliud, quàm rerum omnium in Naturæ uarietate, in communis uitæ usu ac tractatione, atque in doctrinis & studijs literarum, singulis, & ijs accommodatis partibus, ad debitam integritatem complendam, & ad incolumitatē retinendam, in unum aliquod totum diuinitus aptè coniunctis, collatis, atque compositis, seruatus, & ad suum propositum finem
- 30 relatus ordo, commoda inter se distinctio, collocatio, mutuus consensus: ac ut quidquid aliud alio prius in tanta uarietate, quasi discors concordia: ut non potuerit uox alia in omni sermone Latino, his omnibus generatim comprehendēdis, plenior inueniri, & accommodatior. Potuisset utique totum hoc opus, de Providentia inscriptionem habere: siquidē omnia consulti in Natura & rebus humanis facta, & impressa esse passim diuinitatis uestigia, breui hac rerum enumeratione ostendere, potissimum conati sumus. Inscriptionis à nobis retentæ hæc est ratio. Tripartitam inde totius historiæ Vniuersitatis rerum
- 40 constituētes diuisionem, ad hunc, quem subiiciemus, modum, sumus sequuti. Omnis itaque rerum cognitio, hominum generi insita & tradita, quantum ex illustrissimis scriptoribus utriusque

Mutua scriptorum omnium auxilia.

Quid sit Vniuersitas.

Providentia inscriptio.

Triplex Vniuersitatis rerum gradus.

*Primus Naturæ
gradus.*

*Naturæ hysto-
ria.*

utriusque gentis, Græcorum & Romanorum, colligi potest: qui cæteris uehementius, cœpta primùm diuinitus ab Hebræis hæc doctrinæ studia, multis seculis maximo successu excolueret, tribus quasi gradibus ad tenendam conuenientem ordinis instituti rationem, progressa uidetur. Vnus in totius Naturæ consideratione & commemoratione est positus, quæ singulari summi Dei prouidentia ita nos primùm imbuat: seseq; nostris sensibus, ac mentis conceptibus ita explicuit & patefecit, ut in omnem amplissimam huius totius orbis terrarum theatrum partem oculos circumferentes, ad rectè congruenterq; uiuendum, conuenientissima nos deligere docuerit: cuius eiusdem historiae de Natura hæc est, quam seruamus, progressio. Primùm totius mundi amplitudinem, orbium cœlestium complexu, & constanti ad omnem rerum incolumitatem motu cœrceci traditur: atque uel efficiendi, in mundum inferiorē uim habentem patiendi, quodammodo agere. Huius eiusdem quatuor sunt elementa, ex quibus supremum est ignis, aer inde sequitur: cuius è tribus partibus media ex circumstante frigore graues ciet tempestates: post ex grauitate subsidit, aqua & terra inter se coniunctæ: ac terræ partes habitabiles, Europa, Africa, & Asia distinguuntur. Iam fit ad ea progressio, quæ ex terris eruuntur: cuius generis sunt præter lapides, gemmæ, & septem metalla: dein ad ea quæ supra easdem generantur: ut sunt animæ uigentem solum habentia, cuiusmodi stirpes & plantæ numerantur. aut his accedit sentiens, ut sunt beluæ, quæ uel nando, uel serpendo, uel uolando, uel gradiendo uitam degunt: aut utrisq; coniunctis intelligēs: cui illa inest, Homo appellatur: qui idem aut ex corpore est compositus, partibus extrinsecus & intrinsicis admirabilem sui conseruandi gratia fabricam habentibus: interiecti sunt quinque sensus, assidui & expediti ministri: aut ex animo, cuius ipsius principatū in cerebro esse, iram in corde, cupiditatē in iecore, traditur. Cogitationum inde omnium fidelis interpres & explicatrix oratio est adiuncta. Sequitur denique ipsius hominis quædam in uniuersum consideratio, & aliorum inter alios dissimilitudo: ut à primis ætatis nostræ incrementis progressi, septem cœlestium orbium ratione, quasi emenso totius cursu, ad extremum uitæ actum omnis Naturæ historia deducatur. Atque hic est primus gradus. Cæteri duo sunt studiorum humanorum: quando ita sumus corpore ad agendum, & animo ad intelligendum, Naturæ ipsius bonitate facti atque geniti, ut uitæ totius hominum totidem partes, qui hæc res omnes ad magnos usus accommodatè reduci possint, consti-

constituantur. Et moderandis quidem corporis actionibus, Secundus gradus Prudentiæ, & historia. quæ sunt cōmunis rerum usus & exercitationis, historia Pru-

dentia adhibetur: quæ est eiusmodi, ut à simplici, rudi, & incul-
ta mortalium uita, sermonis usu animos primū conciliante,
ad quæ urgeret necessitas, introducta omni uictus difficultati
sustinendæ, agrorum cultura, progrediatur. Quam proximè
consequuntur cultus, uestitus, habitationis, & ædificiorum ra-
tio: quibus omni rerum copia commodè instruendis, dissimi-

10 cum occupationes commemorantur. Interiectæ his laborum
conuenientes relaxationes: post accommodata operum in-
ter homines permutatio & translatio explicatur. Iam his con-
uenientius tractandis, rei familiaris instituendæ ratio, Oeco-
nomian uocant, subijcitur: ut pluribus coniunctis familijs, ne-
cessaria totius multitudinis administratio sit suscipienda: quæ
aut ex pluribus constat, & Demarchia dicitur: hinc magistra-
tum institutio, ad dijudicandas causas capitales, & ad diri-
mendas ciuiles controuersias: aut ex paucioribus, Aristocra-

20 tiæ: aut ex unius dominatu, Regnum constituitur: quorum ne-
cessariæ conseruationi Legationes conciliandis finitimorum
animis emittuntur: sin minus, cum ui res necessariæ, & iustis de
causis gerenda est, Militaris disciplina adhibetur: ut publica
incolumitas, ad quam dirigendus hic humanarum occupatio-

num cursus retineatur, atque tranquillitas. Huic eidem Prin- Principatus hi-
storia Pruden-
tiæ conueniunt. cipatus historiam proximè accommodamus, in qua, à primo
& communi parente Adamo, primordia Hebræorum, ad elu-
uionem sub Noa repetuntur: post ad Abrahamum gentis
parentem fit progressio. Interiecti populi, Aegyptij, Scythæ,
& Assyrij, Nino res gerēte. Iam Israelis delecta progenies, Mo-

30 sis emigratio, & eorum qui promissas patribus sedes in terra
Canaan, ludicū ac Regum successionē firmarunt, consequun-
tur. Gens Medorum interim, Persarum Cyro, & Græcorum
Athenis, Sparta, atq; Alexandro Magno res gessere. Confecti
bellis Romanorum Carthaginienses: qui ipsi Romani, exactis
antè regibus, Italia omni supēiores, mare ingressi, & armis
in omnem orbis terrarum partem translatis, maximis Iulij Cæ-
saris uiribus, & singulari Augusti prudentia, unius imperium
constituerunt. Inde longis progressibus, Constantini Ma-
gni auspicijs, Byzantium, alteram quasi Romam, translatum.

40 Graues interim Gotthorum excursions cuncta populantur:
qui post Iustiniani imperio fracti sunt, & cōcidere. Arabes au-
tem duce Mahumete, ac dein Turcæ principatū compararunt.

c Iam di-

*Tertius gradus
Sapientie, &
Historia.*

Iam dilabentibus Romanorum uiribus, diuersi principatus ad septentriones constituuntur. Byzantini Cæsares continentibus finitimorum armis premuntur. In occidente, Caroli Magni uirtute translatus cis Alpes imperium: quod Electoratus in Germanijs institutione, Byzantinis interim Turcarum uiribus oppressis, firmum ad hanc memoriā remansit. Duo igitur sunt gradus: pari ratione de consequenti & ultimo, qui est intelligendi, dupliciter dicendum: Sapientie huic nomen dedimus: quæ primū admiratione, oculorum beneficio, ductos homines, coelestium orbium ratos & constantes motus suspexisse, 10 & eosdem diligēter obseruasse tradit, Astronomiam hæc profitentem nominant: quorum æstimatione, terrarū descriptionem conuenientem quæsiere, Geographiam dicunt. Tum ad usum eorum, quæ in hac communi uita tractarent, certa ratione dirigendos, in dimētionibus Geometriam: deinde in numeris naturalem sequuti concentum, Musicen: & ipsam ad ordinem tenendum distinguēdis, Arithmeticen suis occasionibus introducere. Post recepta scriptione ex omniū uarietate, Poësin, ac Historiam primam extitisse cōmemorant: è quibus, ceu fonte, ut doctrinarum omnium genera, ita & ea quæ de abdi- 20 tis rerum totius Naturæ causis inquirat, Physiologices nomine, quæq; de uita & moribus informādis disputat, Ethices appellatione primū dimanasse creditur. Verborum dein ratio & disciplina consequuta, tribus quasi instrumentis ad res certius cognoscendas necessarijs: quorum unum orationē forensē expolit atque exornat, & Rhetorica nominatur: alterum in eruditorum disputationibus certum ordinem ueritati indagandæ constituit, Dialectica appellatur: tertium linguis commutato principatu corruptis, puritatem eiusdem sermonis, & integritatem, Grammatices præceptis conseruat, atque com- 30 muniter studia informat. Postremo temporum decursu deductæ ex his omnibus necessarij usus tres supremi ordinis facultates, corporum sanationem tradens Medicina, rerum priuatarum atque publicarum suscipiens administrationē Iurisprudentia: animorum denique piam & salutarem informationem præscribens, ad quam actiones omnes, & cogitationes in hac mortali uita referuntur, quæ solida est Sapientia, hanc Theologiam uocamus. Eidem Sapientie adiuncta, perinde ac socia pars, Literaturæ historia, in qua literatorum hominum clara & erudita tempora, ad principatuum rationem progressa, tra- 40 dimus: & multiplices eorū in amplificandis literis, atq; instaurandis contentiones, ad nostram usque memoriam, toti structuræ

*Literaturæ historia
Sapientie conueniētia.*

eturæ imposito eiusmodi fastigio deducimus. Itaque doctrinæ
 primordia à Setho, primiparentis Adami filio, ducuntur ad
 Semum, inde ad Abrahamum, atq; Aegyptios: Aethiopibus,
 Tyrijs, ac Phœnicibus interim motus astrorum contemplan-
 tibus. Pòst Mòsis sanctior disciplina, Lex de cœlo data, & scri-
 ptionis prima institutio, qua res gestę posteritati commenda-
 ri cœperunt. Iam Solomonis multiplex sapientia, & Prophetarum
 uaticinationes: tum Græcorum frequens ab Orphei & Ho-
 meri temporibus, in Aegyptum nauigatio, quorū magnis stu-
 dijs Athenę dicendi facultate multum commendantur, Philo-
 sophis à Thalete & Pythagora profectis ad Socratem, qui Na-
 turæ considerationi morum disciplinam coniunxit: à quo eo-
 dem eruditi Xenophon & Plato, copiosius atq; eruditius scri-
 psere. Hinc Demosthenes & Isocrates maxima dicendi faculta-
 te celebrantur. Aristoteles autem & Theophrastus multipli-
 cem doctrinarum omnium pertractationem, Philosophiæ nomi-
 ne, persequuntur. Sed Romani principatu aucti, Græcia de-
 iuncta, literas sunt amplexi, quibus eloquentiam rebus ciuilibus
 necessariam stabiliarent: & Iurisprudentiam, in qua studiosius
 10 cæteris gentibus elaborarunt, cōstituerent. Ex his, præter Poë-
 tas Ennium, Plautum, & Terentium, M. Cato & doctrinis om-
 nibus præclarè cumulatus, omnibusq; dicendi ornamentis in-
 structus M. Cicero, atque in omni uarietate uersatus M. Var-
 ro, plurimum inclaruerunt. Principatū unius firmato, P. Vir-
 gilius Poësi, Liuius Historia magno successu Græcos exæqua-
 runt. Mundo autem renascente, & pace in uniuersum confir-
 mata, memorabilis Christi aduētus cuncta instaurauit. Sequen-
 ti Apostoli, sanctiorem doctrinam toto terrarum orbe profe-
 minarunt. Rerum Naturæ historiam C. Plinius est persequu-
 30 tus: inde collabentem eloquentiam restituere Quintilianus co-
 natur. Græci recollectis quasi animis, multa in omni uarietate
 conscripserunt. Strabo orbis descriptionem, Plutarchus histo-
 riam, et illustres Philosophiæ locos, Medicinā Galenus, Mathe-
 ses Ptolemæus, Philosophiā omnem Alexander Aphrodisæus
 maximo studiorū successu in mediū protulere. Romanorū stu-
 dia, magna ex parte ad Iuris ciuilis cognitionem & exercitatio-
 nem cōuersa. Ex his Vlpianus & Paulus primarij nominis ex-
 titere. Constantini auspicijs cōsequuta maiora Christianæ reli-
 gionis incrementa, Græcis, Afris, & Latinis certatim plurimā
 40 ingenij monumenta relinquentibus. Ius ciuile, Iustiniani impe-
 rio prægrauante, librorum multitudine contractum. Caroli
 Magni temporibus, oppressis & obscuratis literis, ac linguis

corruptis, difficulter succurrere potuerūt. Iam uerò ex hīdem tenebris, Lotharij secundi ætate admissus in scholas Aristoteles, perperam uersus, omni elegantioris literaturæ puritate & integritate amissa, nouum, & argutijs plenum philosophandi genus inuexit. Ius ciuile, ac cætera studia, cōmentariorum mole immodica premuntur. Sed iam instaurantur literæ, Græcis in Italiam profectis: ut coniuncta utraque lingua, nostris ab Italia eruditioribus reuersis, atq; libris omnis generis recenti Typographiæ industria dispersis, hoc seculum in omni literarum uarietate, laudabili ueterum æmulatione feliciter suscepta, & 10 maximis doctrinarum omnium incrementis, locupletarint.

*Vniuersitatis
rerum quinque
partes.*

Atq; ita quinque sunt in uniuersum hoc ordine dispositæ partes, quas cōmuni historiæ Vniuersitatis rerum nomine, in totidem libros distribuimus: harum prima est Naturæ, altera Prudentiæ, tertia Principatus, quarta Sapientiæ, nouissima Literaturæ. Et in Natura quidem inchoata communiter in omnibus causis rerum conditarum: in Prudentia alteram quandam Naturam efficiente, usus & commoditates rerum terrenarum: in Sapientia rationes, cōsensu eruditorum firmatæ, & multis elaborantibus completæ: in reliquis autem duabus, ar-

*Inscriptionum
ratio.*

20 morum & literarum clarissima exempla continentur. Speciosis equidem inscriptionibus ad hoc usi sumus. Quid enim faceremus aliud? cum ea uerè significant, quæ subiiciuntur, & sint aptæ atque conuenientes. quam ipsam ad rem pro Sapientia doctrinarum, disciplinarum, & honestatis historiam, ad rationem primi libri Ciceronis de Officijs, cum reponere uellē: pro Prudentia opificiorum, artium, reipublicæ, atque utilitatis, ad rationem secundi libri eiusdē Ciceronis de Officijs, sentiebam minus illa cōgruere, uti deinceps ipsa rerum progressione suis locis melius patebit: nec id quod hoc scripto maximè require-

30

autem, de utilitate contrahendæ Vniuersitatis rerum doctrinæ, deq; huius instituti ordinis confirmatione, aliqua præmittere: sed quoniam ad finem horum quinque librorum satis multa diximus, illinc assumenda, quæ ad hunc locum pertinebunt. Igitur prima Vniuersitatis rerū historia, quam de Natura nos inscripsisse meminimus, sese offert, quanquam iudicio atq; sententia eorum, qui in uniuersum de doctrinis omnibus hactenus scripserunt, aptius uideri posset, eum seruare ordinem, qui in discendo est receptus & usitatus: uti à primis sermonis in-

40

*Historie de
Naturæ tracta-
tio.*

tuentibus,

- tuentibus, hac perbreui adumbratione commemorare, quæcunque primò in rerum cognitione sunt deprehensa, facient dum id non fuit: ut commodum sit, à cœlestibus ad terrena delabi, atque inde à minus perfectis, ad ea quæ magis perfecta uidentur, quodammodo progredi: quod intelligentiæ cuiusq; & Naturæ est aptissimum. Tamen nec illud erat ineptum futurum, conuerso hoc eodem ordine, à subterraneis ad ea quæ supra terram, inde ad cœlestia conscendere: aut à magis perfectis ad minus perfecta sic descendere, ut ab homine ad ea quæ
- 10 sensum habent, quæ nutriuntur solum, quæq; sunt animæ prorsus expertia, rebus ita deducētibus ueniremus. Et hic quidem ordo C. Plinio, maximæ diligentiaë uiro, in his ex omni scriptorum utriusque gentis cōpia peruestigandis & prodendis, non omnino displicuisse uidetur. Sed est libertatis cuiusdam literariæ, omnia in omni genere ad amplificandam rerum cognitionem, & eandem tractandam, confidēter experiri: ut neino hoc meum factum reprehendere possit, si quid uerisimilibus rationibus mihi propono hoc tempore sequendum. Neque enim
- 20 protinus alium is contemnit, aut aliquomodo damnat, qui in his diuersam uiam à trita & usitata ingreditur, modò non sit dissimilis propositus ad easdem res enumerandas, minimeq; impeditus cursus. Quod ipsum nonnunquam adeò est ex ingeniorum dissimilitudine fructuosum, ut multa appareant melius, sintq; perspicua magis reddita, propter solitum ordinem nonnihil conuersum atque immutatum. Itaque communem
- De Natura ordo.
- hanc rerum parentem Naturam ea serie, qua proximū quodque alteri inde consequenti est, ad propositam eiusmodi historiæ rationē antè explicari debere duximus, quàm ad uaria hominum studia, quæ ex illius similitudine composita, in immen-
- 30 sum creuere, inde progrediamur; ne in hac uniuersæ obseruationis rerum lustratione, quod maximè expediebat, prætermisum illud uideatur. Quādo ipsa eadem Natura cæterarum duarum cognitionis à nobis iam per triplices gradus constitutæ partium, subiecta quædam sit, in qua potissimum uersentur materia, ex qua illæ sunt in uniuersum multa studioforum per diuersas ætates obseruatione profectæ: ut hoc quasi posito nostræ totius scriptionis solido ac firmo fundamēto, reliqua conuenienti ordine disposita, consequantur. Hæc eadem doctrina
- Historie de Natura utilitas.
- 40 Naturæ tanti est in omni uita momenti, ut præter excellentem quam communiter omnibus excitat, auctoris rerum omnium admirationem, & singularem amorem, quæ sit mundi totius, atque ipsius hominis cōditi ratio, quem hic locum teneat, quæ



11 HISTOR. PARTITIONES.

obire munera illum oporteat, quàm sit par & communis omnium à primo ortu ad uitæ exitum conditio, ut contemni nullus possit: quodq; sit rerum, quæ oculis nostris subiectæ sunt, precium, quæ æstimatio, uerissimè tradit & persequitur. Quocirca huius ipsius historiæ de Natura collocationem carptim, uti completi potuit (quando plenior & uberior tractatio, maiorum laborum opus desiderat: & satis mihi est hoc tempore, exiguam & angustam hanc meæ uoluntatis sententiæ ac consilij significationem fecisse) ducto ad hanc rationem principio, describere
aggredior.

16

INSCRIPTIONIS ET *Partitionum finis.*

CHRISTO.

23

CHRISTOPHORI
Mylæi, de scribenda Vniuer-
sitatis rerum historia, è
quinque libris
Primus, qui est de Natura.

PROOEMIUM.



COELESTIS AC DIVINVS
in nobis animus, hoc corporis usus
seruitio, originis, quam inde certissi-
mam habet, memor, erectis in subli-
me oculis, ad structuræ & fabricæ
uniuersi conspectum, diuturniori
conseruationi, cunctis rebus nascenti-
bus interiorem uim, certum ordi-
nem, ac rationem quandam consul-
tò insitam (homines conuenienter

- 10 Naturam dixere) motus in corporibus necessarios cientem
agnoscens, summum, optimum, præpotentem, & maximi om-
nium huius operis autorem unum DEVM, architectum, recto-
rem, ac moderatorem, confirmato generis hominum consen-
su atque testimonio, liberè prædicat, & constanter profitetur.
Hac sanctiore sententiâ, è diuinis nostræ religionis oraculis hau-
sta, & inde ad cæteras gētes translata, posito firmissimo rerum
omnium principio, sine quo nihil inter mortales auspicatum,
nihil salutare, nihil denique in ullo genere uerum, aut bonum:
20 à quo proficiscuntur omnia, & ad quod unum referuntur uni-
uersa: licet historiam instituentibus usitatum non sit, precibus
tamen, uotis, & imploratione summi Dei, initio huius operis
utemur. Itaq; conditorem ac molitorē rerum omnium Deum,
cuius mandata certissima Christus filius, in terras, generis ho-
minum instaurationi missus dedit, propensa mentis, cogitatio-
nis, uoluntatisq; intentione studiose inuocamus: ut scribenti-
bus perbreuem hanc eorum omnium enumerationem, quæ
singulari illius munere in Natura, studijs, atque rebus homi-
num

num gestis, multas per ætates, ingeniorum præstantia & cele-
ritate uariè sunt deprehensa ac obseruata: prospero inde cœpro
cursu ad eos fines, qui sunt rebus omnibus propositi, deducan-
tur. Atque ea omnia ad unius solius Dei perennem ac sempi-
ternam gloriam, & ad communem studiosorum hominum u-
sum atque utilitatem sint & introducta, & optimè comparata.
Hominis namq; fuerit, tanto munere abutentis, existimare suis
ipsius conatibus, atque proprijs uiribus, uel minimam etiam
cognitionis rerum partem cuiquã satis constare posset: aut non
diuinitus ad ea exquirenda & prodenda nos duci, trahi, atque 10
adiuari. Quam quidem ad rem constanter illud tenendum,
hæc ipsa, quæ summa admiratione ducti intuemur, hominum
gratia condita esse, & generata, ut contra officium nullo modo
esse possit, ad usum eorum uerius ac certius comprehendend-
um, totius Naturæ, cæterarumq; rerum multiplices causas,
usus, atque rationes, quas prima hac Vniuersitatis rerum col-
locatione, quinque in libros distributa, proponimus, studiose,
quantum homini est cōcessum, inuestigare: & easdem scriptis,
certissimis rerum custodibus, commendare. Ac proinde excel-
lentis & præstantis Naturæ uim, quæ in dissolutis atq; disper- 20
sis partibus fide & pulchritudine caret, totam ac integram ani-
mo, sensibus, scripto, lectione, auditione, & rerum tractatione
comprehendentes, certius, iucundius, atque fidelius (quando-
quidem alia alijs proximè iuncta, nexaq; optimè inter se com-
probari possunt) ad hanc, quam hoc tempore sequimur, ratio-
nem cognoscamus.

NARRATIO.

Cosmogra-
phia.

AGNITVDO igitur & pulchritudo in omni
uarietate, perfecta atque absoluta elegantia 30
distincti huius operis Mundi, Cœli, & ab ea,
quam habet, figura, Orbis aptissimū nomen
obtinuit, constans inter se, ac mutuo consen-
tiens, ad rerum omnium, quas suo complexu
coercet atque continet, incolumitatem, partibus æquabiliter
undique certa lege, medium diuinitus capeissentibus, compa-
ges & coagmentatio. Quam eandem amplitudinem præclara
hominum ingenia, longo ætatum cursu, multiplicibus confir-
mata obseruationibus, præter ea quæ sunt à priscis diutissime
simul & diligentissime inquisita atque prodita, decimum Or- 40
bem, magnis adducti coniecturis ac rationibus, tametsi mini-
mè sub aspectum nostrum ueniat, constituerunt: ut suprema
illa

Orbis decimus.

- illa conuerſionis celeritate incredibili, horarum non amplius
 xiiii ſpacijs, æquabilitate, ordine, atque conſtantia, ab ortu
 in occaſum cõmuniter ſecum trahendo uniuerſa, diſpares cur-
 ſus habentia, in orbem conuoluuntur. Et ad eam rem duo pun-
 cta inter ſe opponuntur, quæ immota conſiſtunt, circum quæ
 uniuerſi magnitudo tota uerſatur. Itaq; traiectum per medias
 terras Axem, ſubtiliter animo; & magna commẽdatione inge-
 niij cõceperunt: ad cuius obuerſas partes extremas, ijdem duò
 uertices & cardines ſunt collocati, Polos inde nominant: è qui
 10 bus unus ſublimis ad ſeptentriones, cõſpicuus noſtris, qui Ar-
 cticus dicitur: alter in aſtrum, terris ſubiectus, ab ijs qui ad-
 uerſa noſtris urgent ueſtigia, ſolum uidetur, Antarctici appella-
 tione. Huic eidem mobili (ut uocant) primo, alterum utique
 adiectum deprehenderunt. Itã duplex motus eſſe creditur, qui
 aliquot annorum millibus, curſu ab occidente in orientem fer-
 tur. Iam uerò Cœlum ipſum, oculis expoſitũ, & mundi totius
 extremum à ueteribus dijudicatũ, paucioribus quàm alterum
 mobile annorum millibus expletis, triplici motu agi exiſtima-
 tur. Nam illuſtres perinde ac micantes, & innumerabiles flam-
 20 mæ, Stellas dicimus, in eo ſunt infixæ, collocatæ, & profemina-
 tæ: ut ſpacijs quibuſdã in ortum, occaſum, meridiem, ac ſepten-
 trionem ſeſe mouentes, trepidare, aut accedere & recedere ui-
 deantur. Eadem nixu ſuo conglobatæ, ſeſe cõtinent: & forma
 rotunda, figuræq; ſua ſuſtinent momenta: ac nocte aliquanto
 clariore, ſpecioſam uniuerſi faciem reddunt, & cunctis Natu-
 ris ſalutarem uim præbent: quarum ſingulæ terræ magnitudi-
 nem facile uincere, à peritiſſimis rerum cœleſtium coniectori-
 bus traduntur. Inter eaſdem flammas obliquus & conſpicuus
 ſplendidiffimi candoris circulus, quem idcirco Orbẽ lacteum
 30 dicunt, cœleſtium reſpirationibus elucet. Quocirca eruditi ho-
 mines, cum illas ipſas ſtellas æqualiter inter ſe diſtare animad-
 uerterent, notata ab ijſdem ſunt diuerſarum rerum expreſſa ſi-
 mulacra, eorum quæ in terris apparent, ſimilitudinẽ quadam,
 nominibus conuenienter accommodatis: quæ aſtra & ſidera,
 coniunctis pluribus ſtellis, etiam uocantur. Eſt Signifer circu-
 lus, qui in xii ſignorum partes decenter diſtributus, cœlum
 magna effectuum ex errantibus ſtellis obſeruata uarietate,
 in obliquum complectitur. His tribus, primo & altero motui,
 atque cœlo, ſpacijs proprijs & certis intèrius ſunt innixi, infer-
 40 ti, ac diſcreti orbès alij, ſeu globi ſeptem: ut quique ex his ſubli-
 mes ſunt magis, præter eum motum, qui eſt uniuerſo mundo
 communis, uerſantur etiam retrò, qualiſq; obluſtantur contra
 d rio &

Poli.

Axii.

Stomai.

Oſtanui.

Stelle.

Lactei orbis.

Phænomena.

Signifer.

rio & diuerso motu, ab obeunte Sole in orientem, quod loco moueantur, minusq; micantes stellæ quasi uagentur, falso errantes, Græci Planetas appellarunt. Nam in eodem cursu proprio atque naturali, summa Prouidentia ratione, in progressu atq; regressu admirabilem motuum constantiam & ordinem conseruauit: quem ipsum longis temporum spacijs circumspectantes rerum cœlestium studiosi, magno cōsensu relictis testimonijs, talem quendam esse descripserunt. Itaq; primus ē septem globis, multum refrigerans, Saturnia stella nominatur: quæ suum premium locum obtinens, annis ferè xxx, ad signiferi orbis rationem suum cursum circum terras tardissimè cōficit. Ingenerat eadem hominum mentibus uim quandam, contemplationi rerum conuenientem. Infra hanc, propius à terra, illustris, clarus, prosper ad rerum administrationem, & ad actiones nostras moderandas salutaris hominum generi fulgor, qui dicitur Iouis, medium inter hanc & consequentem tenens, est temperatus, atque annorum circiter xxi cursu orbem suum similiter permeat. Sed rutilus, rubens, ignitus, horribilisq; terris, ad animos hominum commoto uehementius sanguine inflammandos, solis uicinitate, tanquam bellator Mars, qui & Hercules, incensus, binis propè annis eundem signiferi, quem duæ superioriores, lustrat orbem. Subter mediam ferè mundi regionem illustri splendore candens, & luce toto cœlo ac terris diffusa, cuncta collustrans, etiam in intima terrarū uiscera penetrans, princeps ac moderator luminum reliquorum, quæ illo præsentem nobis obscurantur, Sol possidet, mens, cor, oculus, fons naturalis caloris, & temperatio totius mundi: ut cum sit rerum factor & procreator, sensum ac motum quendam hominum animis meliorem, & uitales spiritus salutariter inserat. Multis partibus est uniuersa terra maior, circum quam in obliquum speciosus uertitur. Ea est constans, & laboriosè continuata à primordijs rerum omnium cursus uelocitas, quæ nulla ætatis memoria, nisi quæ diuinitus contingere, interquieuit. Profecta inde ex perennietate Solis decursu tripartita illa, multiplicis inter homines usus, temporū distinctio, cum iudicio rerum præsentium, eorum habemus rationem, quæ antecessere, quæ que sunt consequutura. Nam oriens, terras larga luce complendo: atque occidens, umbra terris sua opacitate officiente, dierum ac noctium gratas uicissitudines efficit, quæ horis xxxiiii constant: quas easdem suis momētis, articulis, quasiq; punctis subtiliter partiuntur. Sed inflectens cursum accessu propius ad septentriones, & abscessu longius ad meridiem, rerum instaurationi,

Planeta.

Saturni fidus.

Iupiter.

Mars.

Sol.

Temporū ratio.

Quatuor anni temporū.

- tioni, frigoris & caloris ratione, singulari Prouidentia quadripartitas facit temporum commutationes: Aestates, quibus fructus terris incalescentibus, humido illo incocto, maiore aestu mitigato, utiliter maturescunt: Hyemes, quibus eadem terrae tristitia quadam contractae, multum refrigerantur: & ad irrigationem niue, pruina, ac soluto gelu humore, molliuntur, quasi pinguescunt. Inde illa duo tempora, animantum ac stirpium Naturae, propter opportunam caloris & frigoris temperationem conuenientia: quorum alterum hyemi senescēti, quo
- 10 reuirescunt in terris omnia, exhilarescunt, renouantur, atque efflorescunt, & Ver nominatur: alterum aestati adiunctum est, Autumni appellatione: quo maxima ex parte necessarij uitae mortalium fructus, maturitatem assequuti, percipiuntur. Cir-
- Annus.*
- cuitus Solis orbium, ad signiferi rationem, v. defectibus, L X & CCC, quarta ferē diei parte addita, quae diem unum quadriennio repetita explet, conuersionem faciunt annuam. Haec eadem uicissitudo anniuersaria, ad Solis decursum cōuenienter accommodata, fit cum summa salute, incolumitate, & conseruatione rerum omnium, quae totis terris gignuntur. Solem in
- 20 ordine coelestium orbium, perinde ac ministri duo, & comites, modò antecedunt, modò insequuntur. Vnus est, notabili candore splendentis Veneris: quae sola ex stellis umbram fa-
- Veneris fidat.*
- ciens, ad ortum cum antegreditur Solem, Lucifer: cum subsequitur, Vesper nominatur. Manant ab ea cupiditates & desideria, quae sunt totius propagationis animantum atque plantarum. Alter est parui, radiantis, & uariantis Mercurij: à quo
- Mercurij.*
- mentis & ingenij praestantia atque celeritas, uis illa oratoria, & facultas dicendi laudabilior inferi existimatur. Vterq; Venus & Mercurius, motus propemodum Solis celeritati pares ha-
- 30 bent: & anno uertente, exceptis paucis diebus, orbem suum similiter perlustrant. Orbis autem Lunae minimus, quae magna
- Luna.*
- humilitate fertur, immensae altitudinis superiorum habita ratione, terram penè contingens: ideoq; ultima caelo, & citima terris esse dicitur. Eadem humida ac refrigerans, radijs Solis, non sua luce, perinde ac speculum illuminata, noctem, cuius illa est gubernatrix, ne semper obscura sit, missis radijs in terras, quibus est minor, luce illustrat: ac mensuris spacijs XII. die-
- Mensis.*
- rum circiter XXVIIII. signiferi ambitum lustrans, cursus Solis annuos, adiectis aliquot diebus, cōsequitur, & celerrimè com-
- 40 plet. Atque ita inferiores orbes admiranda & diuina ratione à superioribus, quauis ex parte aequabiliter inuicē suis interualis cōprehensi, frequentius ratos & cōstantes eiusmodi cursus

repetunt. Itaque Luna tum congregiēns cum Sole, tum digrediens, lucis, atque formæ uarias habet commutationes: ut cornibus ad exortum accrescere, & n̄sdem in obeuntem Solem conuersis, senescere uideatur. Nam tenuissimum illius lumen, facit proximus accessus ad Solem: digressus autem longissimus quisque, plenissimum: in quo eodem cursu, spacia etiā temporum dimetiens, bruma est quædam, & solstitij similitudo. Sed quandoque interueniens, subiecta atque opposita Solis decursui, nostrisq; oculis radios & lumen eius, cum densum sit, & opacum corpus, obscurat: ipsa incidens in umbram terræ, cum est è regione Solis, interpositu terræ, interiectuq; prohibito lumine, repentiè deficere uidetur: cuius eiusdem defectio, Solis non item, cōmuniter omnibus apparet. Quæ cum sunt, grauium cuentuum, ac tristium significationem habere, mortales diuersis temporibus, magno consensu obseruarunt. Ac proinde cum ipsa Luna terris sit propinquior, quasiq; familiaris, ratione humoris, in subiecta elementa manifestè agit: & maria potissimum mouet, ut fluant ac resiliant: multa etiā ab eadem dimanent, quibus animantes & stirpes alantur, augetantq;: grauiditates, partus, maturitatemq; gignendi consequantur. Septem n̄ sunt orbium cœlestium motus, ad totius mundi cohærentiam pertinentes: quorum tres superiores conseruationi & saluti quandam adferunt temperiem: inferiores, Sole intermedio, effectuum uarietate & constantia optimè tuentur, atque defendunt, ne quid in diuersas feratur partes, uerū omnia quadam mutua ad firmitatē & incolumitatem beneuolentia sese complectantur. Sed ut ad idem principium, unde semel cuncta illa sunt profecta, redierint, eandemq; confectis spacijs totius cœli, descriptionem retulerint, Magnum annum expleri, à ueteribus Mathematicis creditum. Par est utique, impense mirari, è tam dissimilibus, quasiq; inter se pugnantibus Naturis, unam esse ad uniuersi integritatem & salutem, atque eandem rerum cœlestium conuenientiam, ac consensionem: quam suauissimū totius mundi concentum & harmoniam, quæ propter longinquitatem audiri à nobis non potest, Philosophi appellarunt. Igitur ex n̄sdem cœlestibus globis, motu, calore, ac lumine, quatuor distinctis temporibus, uicissitudine anniuersaria, cognatione, & affinitate quadā, cum insitam efficiendi, elementa obsequendi uim habeant, eorum omnium causæ & initia, quæ in terris marisq; eorum accessu gignuntur, & recessu intereunt, manant: & ad horū rationem, uariè incrementum, sicci & humoris qualitate accipiunt, inclinant,

Eclipsis Solis
ac Lune.

Septē orbium
effectiones.

Magnum an-
num.

Rerum cœle-
stium cum ter-
renis cōsensio.

- nant, atq; commutantur. Supra Lunam simplicia sunt omnia, *Aether.*
 pura, summæ claritatis: constantiam ordinū, æquabilitatemq;
 motuum, naturali lege, quandiu æterna mens cōsistere illa uo-
 let, admirabiliter seruantia: quæ Aetheris nomine, cuncta cœ-
 lestia suo complexu coercentis & cingentis, optimè continen-
 tur. Quintum hoc elementum dixerūt: extrema est ora, & de-
 terminatio mūdi. Infra Lunam nihil nisi mortale & caducum, *Lunæ subiecta.*
 præter animos, ducta cœlesti origine, hominum generi diuini-
 tus insitos: quorum gratia, omnia quæ oculis subiiciuntur, ad
 10 conuenientem usum & administrationem sunt condita. Itaq;
 eadem Lunæ subiecta, cum magna rerum omnium perturbā-
 tione & uicissitudine conuertuntur. Inferior nanque est mun-
 dus, superiori acquiescens: quemadmodum supremus Deus,
 diffusa per omnes partes Prouidentia, res cœlestes atque terre-
 nas consentire inter se ad omnem incolumitatem & conserva-
 tionem uoluit. Interiacent autem, quæ numerantur quatuor *Elementa.*
 rerum principia, seu simplices Naturæ, elementa:q; prima: que
 licet per omnem Naturam, & ad mixturā & ad generationem
 fundantur, loca tamen idonea, in quibus potissimum ad par-
 20 tium Mundi incolumitatem tuendam cōsisterent, habuerunt.
 Itaq; locum ab orbe Lunæ proximū, Ignem tenere affirmant: *Ignis.*
 qui aucto ac retento calore, ætheris uicinia, motu quodam cir-
 cumagitur & rapitur. Idem suprema occupās, leuis est, tenuis,
 simplex, purus, subtilis, ac clarus: ut rerum cœlestiū aspectum
 hominibus minimè impediāt, & cum aeris extremitate coniun-
 gatur. Itaq; omnia quæ aluntur, quæq; gignuntur ac crescent,
 continent in sese, & inclusam habent uim caloris uitalem atque
 salutarem, ad cæteras Naturas Mundi omnes pertinentē: qui
 quā diu remanet in nobis, tam diu sensus & uita remanet: re-
 30 frigerato autem & extincto calore, occidimus ipsi, & extingui-
 mur. Eundem ignem, adueniēte humore quasi restinctum, im-
 mensis ad aquas & terras spacijs, anima & spiritu per cuncta
 meabili, ut compleat omnia, nec uacuum quicquam relinquat:
 inani tamen simili, aliquantum densus & contractus Aer, aqua
 rarior multo & leuior proximè consequitur, qui idem uim il-
 lam siderum ad terras latè uehit ac fundit. Recipit enim calo-
 rum & frigorum annuas uarietates, lucem atque tenebras, ut
 die ac nocte illæ distinguantur: grauiā etiam & leuiā, fusus per
 omnem Naturā, ad animantium cōuenientem respirationem,
 40 uim radiorum Solis, atq; æstum temperans, nobiscū uidet, au-
 dit, sonat: cum nihil eorū sine eo interiecto fieri possit, quine-
 tiam communiter mouetur nobiscum: quacunque enim imus,
 d 3 aut mo-

*Summa aeris
pars.*

aut mouemur, quasi locum dare, & cedere uidetur, Cuius summa in parte, ex finitimi ignis & astrorum uicinitate, aliquis adhuc est reliquus calor: ac proinde pura illa est pars, & magis illuminata. Rebus igitur à cœlestium integritate, subtili concretionem quadam inclinantibus, Solis & astrorum motu atque uiribus multa eadem in parte gigni solere cōspicimus. Nam cum ex elementis alia ex alijs, conuenientia quadā oriri atque commeari inter se, perinde ac in aliam Naturam certum habeatur, fit, ut exhalationes à siccis terris sursum ijsdem Solis uiribus euehantur, atque ibi consistant: & ignea multa, ac flammea, dis-

Meteora.

Cometes.

*Media aeris
pars.*

similes figuras, pro caloris ratione habentia, nonnunquam appareant: è quibus Cometas diuersi generis etiam figurari cernimus, cum cœlestia subiectæ & inflammatae respirationi suos ita demittunt radios, ut crinis ijsdē, aut cauda appēsa credi possit: per aliquot dies uidentur: & res magnas, graues etiam calamitates portendere mortalibus, existimantur. Media autem aeris pars, cum ab cœlesti igne, ac terris, quas reperiunt quodammodo intelligimus, longius absit, minus est pura, sed frigida, humida, obscura plerunque, & caliginosa: ut calidae exhalationes, prioribus minus uirium habentes, hoc loco retineantur, atque incenduntur. Inde propter ingens frigus, omnium

*Multiplicia
temperatum
genera.*

Grando.

Nix.

Pluuie.

temperatum perturbationes, quæ pendere suis spacijs in aere uidentur, conueniens locus, & fabrica. Siquidem uapores, ab aquis & terris, cœlestium maximè uiribus sursum ascendentes, aqua in aerem sese (ut modò cōmeantem esse elemētorum Naturam diximus) conuertere uolente, hoc ipso in loco, ex circumsuso frigore, ad eiusmodi transitum faciendum, impediuntur, cohibentur, atque sistuntur. Itaque ex his uaporibus sursum elatis, humore in glaciem ante descensum concreto, perinde ac minuta grana, & calculi, deorsum, propter grauitatem, celeriter mittuntur, Grando appellatur: aut humore per frigus collecto, nō in aquam, ut superior: sed mollius coacto, Niuem modicè labentem demittere, quasi frequentes, candidas, & concretas pluuiarum guttas, hybernis temporibus uidemus. Qui autem uapor crassus, calore utiq; excitatus, sublimis appetens, eodem mediæ regionis circū posito frigore cogitur, & conuertitur in Nubem, multæ uarietatis, & magnitudinis immensæ, cum per aera, uentis ad hoc, quasi quibusdam nubium uehiculis, adiuuantibus fertur, magis inde compressa, ut Solis aspectum impediat, & collecta in sese aqua, liquefcit: ac guttis sensim, propter grauitatem, excidentibus, diuersi generis pluuias, subtili, pura, & leui ex aqua constantes, terris necessariò abluendis,

luendis, & stirpibus irrigandis, copiose effundit. Nonnun-
 quam guttæ imbrum, quasi cruentæ, aut lacteæ, decidunt: ac
 lapidei, & diuersarū rerum imbres apparent. In quibus ipsam
 nubibus cauis, & rore plenis, Sol ex aduerso interlucēs, ac suos
 demittens radios, Iridem, arcus specie, tribus maximè colorib^{iris.}
 bus distinctam, decenter efformat: quod ipsum etiam Lunam
 efficere, deprehenditur. Lumen autem Solis conclusum, inter-
 positis ad latus uaporibus, ex eo repercussu, quandoque gemi-
 ni ut uideantur Soles, efficit: hoc ipsum & Lunæ accidere, tra-
 10 dunt: quandoq; radij Solis, uariè per nubem dispersi, uidetur,
 Virgas inde nominant. Nubecula uerò, coronę initar, Solem,
 Lunā, aut aliud sidus in orbem cōplexa, Halo, seu Arca dicitur.
 Nubes expressa aqua, sua leuitate diffugiunt sursum, atque eua-
 nescunt. Sed maiore Solis æstu, cum ex terris anhectus, atque Tonitrua.
 siccæ exhalationes, magna Prouidentia, ad salutē animantum,
 ne inficiantur, elatæ sursum, in nubem induruerint, cumq; te-
 nuissimam quamq; partem cœperint diuidere, idq; dum exit-
 um quærunt, crebrius facere, & uehementius, ex ingenti illo
 fragore, murmure, strepitu, & fremitu, Tonitrua existūt. Ven-
 20 tis etiam adiuuantibus, nubium occurrentiū lucta, graui con-
 flictu, collisione, & dissolutione cieri tradunt. Ignescens in nu-
 be perfringēda, erumpens, & aciem oculorum repentē feriens
 diffusum lumen, cum simul fiant, prius tamen quàm tonitru ap-
 paret, coruscans est flamma: uehemens autem ardor inde ex-
 pressus, cum per uim ad terras fertur, Fulmen, habens diuersos Fulmen.
 effectus, appellamus. Hæc eadem, homine inter luctantia ele-
 menta collocato, terrorem atque metum incutiunt, & horribi-
 lem formidinem opponunt, ad nostram etiam moderandam
 effusionem, & coercendam insolentiam: quando maximis ter-
 30 ræ muneribus, & ingenti liberalitate pleroseq; abuti uidemus,
 ut sub ipsum melsis ac uindemiæ tempus illa immittatur. Quę
 autem exhalationes calidæ & siccæ, minimè inflammantur, sed Veni.
 cœlestium uiribus subuectę, moueri uehementius, agitari huc
 atque illuc, & effluere cœperint, Ventos, qui nihil aliud sunt,
 quàm multus & coactus, inanis tamen, & minimè conspicuus,
 fluens aer, efficiunt ac procreant: alij maris ipsius motu & con-
 flictu excitari credunt. Qui iidem uenti, paruis incrementis or-
 ti, à media aeris regione, propter frigus, repelluntur, & maio-
 res suo progressu sunt: atq; excitandis quodammodo, ne tor-
 40 peſcant & languescant, Naturæ omnibus rebus, terras latissi-
 mē perfiant: & plerunque à pestiferis corruptionibus, quæ ani-
 mantum generi sunt noxiæ, utiliter expurgant. Itaque ex qua-
 tuor

*Principes uen-
ti quatuor.*

tuor oppositis totius orbis terrarum partibus, totidem princi-
pes uenti erumpunt, quo in transitu per diuersa loca quandam
eorum qualitatem, ut calidi sint, & sicci, aut frigidi & humidi,
longissimè atque latissimè perferunt. Nam ab ortu fiat Eurus:
Libycis ex oris aduehens pluuias, noxius & pestilens Austus:
aduersa ortus ex parte mitissimus Fauonius: à septentrionibus
frigidus, salubris tamen, & uehemētior, nubes disiciens Aquilo.
Iisdem præter subitos, repentinos, atque diuersis gentibus
peculiares, etiam alij, perinde accomites his singulis quatuor
primarijs uentis, sunt adiuncti, ut in uniuersum XII à peritissi- 10
mis obseruatoribus, & his multo plures à nautis adnumerentur.
Etiam ex concauis illis speluncarū altitudinibus nonnunquam
erumpunt, iisdem calidis & siccis respirationibus excita-
ti, & intus concepti multiplices, ac diuersorum effectuum spi-
ritus atque ignes: qui cum sunt uiolenti, exitum quærentes, effi-
ciunt, ut terræ discedant: inde sunt graues terrarum motus, ua-
titates, & repentini hiatus. *Ima uerò, & infima aeris pars,* So-
lis accessu & recessu uariè commutatur: calidior tamen, certo
coelestium radiorum percussu, calorem excipiente ac remitte-
tente, & ad uitam animantium degendam multo temperatior. 20
Hic siccae exhalationes quandoq; apparent: quas nocturno fri-
gore impulsas, dissimilibus figuris inflammari, pro earum im-
becillitate, cum assurgere nequeant, cernimus. Eadem pars, a-
quarum uaporibus medio anni tempore facta humidior, cali-
ginem & nebulas latè sparsas habet, quæ crassiore aliquanto ex
aere constant: nubibus tamen rariore, ut uel principium dent,
pluuiarum significatione, cum suprema petunt, cogendis nubi-
bus: uel reliqua ex his pars sit, serenitatis cuiusdam testimonio
Ros. ita per terras diffusa. Perexiguus autem uapor à Luna, uti tra-
dunt, sereno, idq; ueris potissimum tempore excitatus, & ca- 30
lore destitutus, non multum sursum effertur: sed conuersus in
pertenuem & subtilem aquam, ad cōueniens stirpium alimen-
tum, Rosē terras aspergit. Maiore utique noctis frigore, per
hyemem ros concretus in Pruinam, diuersis rebus adhærescen-
tem, obrigescit, quæ eadem à Sole adueniente protinus dissi-
pantur. Aquæ uerò terrenæ frigoribus etiā durescunt, & congla-
ciantur: quæ postea, succedente anni renascentis calore, ta-
bescent, ac liquecunt. Quibus omnibus (ut sunt rerum coele-
stium certa cum terrenis consensione ratæ temporum anni ui-
ces) à Sole calefcente, terrā mariq; latissimè discussis atque di- 40
spulsis, sereno cœlo, & tranquillo, pulcherrima, & eadem pu-
rissima uniuersi species, stellæ & astra noctu omnia, suis conue-
nientibus

- nientibus locis, magno ornatu distincta, singulari hominum hilaritate & renouatione conspiciuntur. Eiusmodi aeris commutationes & uicissitudines, antequam fiant (ita omni ex parte explicuit sese Natura) longa obseruatione, à peritissimis coniecturibus, multiplicia, & frequenter recurrentia signa notantibus, deprehenduntur: ut præter cognitam, & tractatam illam errantium in quibusq; signiferi orbis partibus, dispositionem atq; situm, aut certa uentorum genera, ex Solis ortu ratione, dici status, & ex obitu ipsius noctis æstimari possit. Luna etiam ex puritate aut caligine, serenitatis atque tempestatum significationem referente, & plerisque terrenis rebus affectione quadam illa ipsa utique representantibus: ut uerissimè præsentire eadem, ac suis prædicere multi soleant. Aeri autem omni ex parte iuncto & continuato, eoque multum collecto & cōpresso, accedente grauitate, subsidentium Aquarum uis, magnitudo, atque uastitas, ut sunt diuinitus in unum congregatæ, est consequuta, Oceani & maris Atlantici nomine, totas terras, ad tenendam ponderum æqualitatem, appetens: ut easdem ita præcingat, premat, & undiq; conglobetur: uacuis tamen stirpium generationi, atque animantium habitationi spacijs relictis: ne aut redundet usquam, aut effundatur, quasi una ex duabus Naturis ad concordiam arctissimè conflata uideatur. Sunt autem aquæ, cum humori accedit frigus, ipso aere crassiores: ita est à superioribus, magis puris, calidis, & leuioribus, ad hæc magis corrupta, frigida, & grauiora, descensus. Igitur ex coelestium calore, Solis potissimu, falsum mare factum, Lunæ cursu commouetur, & alternos ac reciprocos ætus habet, cum fluit ac refluit: quod ipsum etsi sit Natura tranquillum, cientur tamen, ne corrumpatur, uentorum uis prægrandes fluctuum agitationes: quas opposita continētis & terræ littora, mollicie cumulatæ arenæ, ac rupibus obiectis, ne easdem inundent, claudentia, frangunt atque elidunt: ita maxima ipsius Prouidentie ratione, suis terminis omnia continentur. Inde à mari, per interiores latebras, quasi uenarum in animante propagines, commutato eo quod falsum est, aquæ totis terris latissimè diffunduntur: ne ad stirpium atque animantium humorem necessarium continenter subministrandum, possint exiccari: ne uē eadem terra, humore illam ipsam optimè coniungente, dissoluatur. Hinc præter id, quod mare est fons pluuiarum, uicissitudine quadam eadem aquæ in ipsum mare influunt: quam esse causam, cur minus illud redundet, tradunt: aut in altissimis illis terrarum recessibus, uapores diutius retenti, & aer crassior compressus

Prognostica.

Aqua elementum.

Aque terrenæ.

Fontes.

pressus atque solutus, dispersis latè scaturiginibus, copiosum, gelidum, atque perennem humorem præbere putatur: idq; in fastigijs montium nonnunquam, aut ad eorum radices potissimum, è quibus dulces aquæ, liquoris pellucidi, erumpunt, & fontes passim frequentes effluunt: quibus in riuulos & amnes placido interdum, aut rapido cursu congregatis, atque iisdem

Flumina.

Salustitium.

Terra elementum.

Elementorum inter se comparatio.

similiter in unum confluentibus, magna flumina, ripis altioribus assurgentibus, fiunt, quæ in patentes lacus sese quandoque effundunt: inde magis aucta, in diuersos regionum tractus, longius feruntur: ut postremo in uastum mare, perinde ac in suum domicilium, diuisis antè propter magnitudinē ostijs, tanquam brachijs, sese deonerent. Ac non frigida solum aquæ, ex illis terrarum latebris, spontè effluunt: uerum etiam uehementer calidæ & inunctæ: falsæ etiam, unde factitium Sal: præter montes natiuos, è quibus quantum demitur, tantum accrescit: ita sunt salinæ ab ora maritima remotæ, ut quod erat futurum communiter cibus condiendis necessarium, in eo bene prouisum mediterraneis etiã hominibus uoluerit Natura. Quam ad rem hæc tria superiora elementa cœlestibus, ut quæque uiciniora sunt, melius obsequuntur, quantum ad motum, qui illis est non in orbem, sed in rectum: & sunt clara atque lucida maximè corpora, ut aspectū nostrum minimè impendant. Terra autem quartum, & idem ultimum elementum, minus subtilis, crassa, & obscura, mediam uniuersi sedem, puncti instar, cœlo comparata, siccitate frigori sese coniungente, densa, grauis, solida, globosa, ac firma, ex aquis emergens & assurgens, complectitur. Atque ita sunt idonea loca, suis qualitatibus, summa & diuina moderatricis Prouidentiae ratione, sortita. Igitur ea situs terræ ratio, ut omni ex parte, supra & infra, ad læuam & ad sinistram, tantundem aeris habeat, ac sit eadem undique à cœlo distantia: atque illud tanta contentione ponderum & grauitatis, ut in medium uergens, rapiens, ac conuertens extrema, æquabiliter ad centrum prematur, & in sese nutibus suis conglobetur, nullis ad hoc nixa alijs præsidijs, sed liberis undique ambientis & circumfusi aeris spacijs pendens, immota admirabiliter resideat & conquiescat, quo ita sit conueniens animantum generi domicilium. Grauiissima itaq; existens, cœlo, quod perenni motu uoluitur, & igni sese propter leuitatem sursum efferenti, habetur contraria: ac quemadmodum ex igne densior aer oritur, ita ex eodem, crassiore facto, aqua: similiter ex hac eadem, in firmissimam concrecente materiam, terra producit: ut quantum sit corporum, è quibus omnia constant: quorumq; uicissitudine, commean-

commeantibus sursum atq; deorsum eiusmodi Naturis: quando utique terra quadā, ut putant, decima proportionē, in multum humorem liquefcit, & idem humor in aerem respiratione soluitur: dein subtili ex aere fit ignis, qui est omniū purissimus; ut ad uniuersi concordiam & incolumitatem, hæc partium omnium compages, atque coniunctio tota, diuinitus administrata & continuata, firmissimè retineatur. Itaque ut globum terræ aqua proximè tuctur, sic eandē aquam aer: & ad eam ipsam rationem ignis, quem eundem æther uastis & immensis locorum cœlestium spacijs complectitur. Præterea naturali quadam ratione fit, ut eadem elementa ad proprium domicilium ferantur. Nam ignis etiā ui rectus sublimia appetit, exitum quærit inclusus aer, aqua uersus mare sponte defluit, grauiā omnia in terras celerrimè deuoluuntur. Ac proinde tradunt, quæ apparent nobis elementa, minus esse pura: siquidem ignis nisi concepta materia restinguitur, atque exhalationibus & uaporibus est infectus aer: similiter aqua terrenis, ipsa terra humidis rebus est commixta. Expositis igitur rebus cœlestibus, & tribus elementorū locis descriptis, de ipsa terra plura sunt deinceps dicenda: quæ eadem quinque, uti cœlum, quasi cingulis redimita et circumdata, à ueteribus distingui solet: extremos maximè inter se diuersos, & cœli uerticibus ipsis ex utraq; parte subnixos, niue, pruina, ac frigoribus, longinquo Solis abscessu obriguiffe tradiderunt: medium & maximū, Solis appulsu, caloribus uri, ardore torrerī & exardescere: duos his interiectos, accepta utrinque temperatione, stirpium generationi, & animantium uitæ accommodatos, tribus illis longè magis habitabiles censuerunt: quorum unus australis est, qui ab hominibus, quasi subiectum cœlum habentibus, tenetur: Antipodas inde uocant, ut ita sursum undique cœlum esse deprehendatur. Alter sub axe, ad stellas septem, quasi imminente cœlo, aquilonibus est subiectus, & à nostris incolitur. Inde propter eiusmodi immodicos æstus, & ingentia frigora, totas terras homines obire non posse, Antiquitas existimauit: cum id fieret cōmodè, non aliter quàm paruula animalia circumire globum aliquem solere, uidemus. Igitur terræ uniuersæ forma similitudinem magnæ cuiusdam eminentis ad animantū habitationem, atque in sublime emergentis ex Oceano insulæ, referre traditur: quam Orbem terrarum, & Continentem dicimus, sparsis interius & extrà frequentibus acuarijs, sed minoribus insulis. Hanc eandem magnam insulam, ingentia duo flumina, Tanais à septentrionibus, & Nilus ex aduerso, à meridie progressus,

*Terrarum in
zonas parti-
tio.*

*Uniuersæ ter-
ræ descriptio.*

circa uicinum mare Rubrum, propè æqualiter interfecāt. Pars inter meridiem & septentriones, in ortum latissimè conuersa, Asia est: quæ uerò in obeuntem Solem flectitur, in duas partes, mari interno, quod etiam nostrum appellāt, ad Gades, seu Herculis columnas, quasi in portum intranti, longissimè & latissimè recepto, diuiditur: quarum quæ meridiem respicit, Africa nominatur: quæ septentriones, Europa: terrarum ea est, propter summam temperiem, passim habitabilis, & pulcherrima, tametsi cæterarum pars sit minima. Hæc eadem ad ortum Tanaim, Maotida, & Pontum habet: à meridie nostrum mare, ab occasu Atlanticum, à septentrione Britannicum. Igitur Europæ prima in occidentem regio Hispania, corij bubuli figuram referens: quæ in Lusitaniam, Betiscam, & Taraconensem diuiditur. Has regiones Tagus, Iberus, & Ana irrigant: ad mare internum proximè positæ Balears insulæ, maior atque minor. Eadem Hispania, mari alioqui circumfuso, insulæ formam refert: nisi qua montibus Pyrenæis interpositis, annexa est Gallijs, quibus ipsædem Celtarum antè fuit commune nomen: in Aquitaniam, Narbonensem, Lugdunensem, & Belgicam, in qua est Arduenna sylua, plenius deinde partiti sunt: flumina habet Garumnam, Ligerin, Rhodanum, & Sequanam, obiecta in septentrionem Albion insula, quæ & Britannia dicitur: eidem proximè Hybernia, & quæ terrarum extrema ad septentriones habetur, Thyle. Interiacet uerò Gallijs & Germanijs, Rhæni fluminis decursus: in quibus ipsædem Germanijs latissimè patens est Hercynia sylua: & Albis fluuius in mare, quod Germanicum uocamus, fertur. Nunc quæ pars ad Alpes erigitur, superior: quæ uergit ad Oceanum, inferior Germania appellatur. Vtrisque autem populis intermediæ Alpes, tanquam uallum, & Italiæ, hanc querno folio similem faciunt: cuius partem, Cisalpinæ Galliæ nomine, flumen Padus, multis alijs factus auctior, præterfluit: mons Apenninus, perpetuo iugo sese attollens, dorsi instar, in longitudinem mediam communis. Eadem Italia angusta, mari supero, quod Adrianum, in quo est Corcyra insula: & infero, quod Thuscum & Tyrrhenum dicitur, formam quasi insulæ, ipsis Alpibus in latum annexæ & alligatæ, refert. Oppositæ ad dextram insulæ, Corsica, Sardinia, & ab Italia quasi abrupta Sicilia: quæ quòd trianguli formam retinet, triquetram esse dicunt: in qua eadem mons Aetna perpetuis ignibus cōflagrat. Sed decurrens è Germanijs auctior Danubius, ab agris Vindelicorum, quibus Rhæti ad Alpes sunt uicini: & Noricorum, in superiorem & inferiorem Pannoniam: inde

- inde Mœsiam utranq; subiecta Thracia, longissimè euectus, in Pontum Euxinum, sex ostijs diuisus, fertur. Harū gentium lateri ad septentriones annexi populi, Sarmatæ, Taurica Cherfonesus, Daci, & alij complures: sed ad meridiem Illyrii, Dalmatæ, Macedonia, Epirus, Græcia, & modico spacio coniunctus Peloponnesus, folio platani similis, quibus opposita est Creta insula: inde & alig, quæ Cyclades & Sporades dicuntur. Africa autem pars orbis altera, longè maior est Europa, cui op-
 10 tu, atque mare rubrum: à meridie Aethiopicum, ab occasu Atlanticum, à septentrione Libycum. Itaque progressis ab Atlantico, Mauritaniæ occurrunt: inde Numidia, Africa minor, Cyrene, & Nili eluuiouibus maximè irrigua Aegyptus, quam sin-
 20 gularē, aut Asiæ partem diuersi fecerunt: qui idem Nilus, septem ostijs in mare nostrū sese effundit: mediterranea, Libyes, Getuli, & aliæ gentes tenent, quæ moribus ac uictu differunt. Iam Aethiopes ad mare, quod ex eo Aethiopicū dicitur, sunt positi: apud quos eosdem, ex editissimis Lunæ montibus, Nilum effluere tradunt. Cæteræ autem Africæ regiones, magna
 30 ex parte sunt incultæ, ac uastæ solitudines. Interposita uerò Europæ, & consequenti parti ultra Thraciam, Bosphoro disincta Asia, quæ minor uocatur, circumfluo cæteris eius partibus mari, in latum, ad Isthmi & insulæ formam, annexa est maiori: regiones habet Pontum, Bithyniam, Mysiam, Phrygiam, Lyciam, Cappadociam, Pamphiliam, Galatiam, Paphlagoniam, Ciliciam, Armeniam minorem, & alias nonnullas: quibus ad mare internum, Rhodus & Cyprus insule, obuersantur. Igitur maior Asia, tertium locum ex partibus orbis terrarū obtinens,
 40 priores duas, mari intermedio accedente, sua magnitudine facile uincit: quæ maris Rubri tractu ab occasu, idem est sinus Arabicus: Indico à meridie, Eoo ab ortu, & Scythico à septentrionibus, cingitur: nisi qua in obitum, decursui Tanais in paludes Mæotidos sese deonerantis, minoris Asiæ latitudini, mari interno, & modico Africæ spacio, iungitur. Hanc eandem Asiam maiorem, Taurus mons, quasi mediam distrahens, longissimè & latissimè, commutatis diuerforum populorum nominibus, peruagatur. Innumeræ sunt huius partis regiones, Arabiæ, Palæstina, Phœnicia, Syria, & Armenia maior: ex qua
 50 profluunt Tygris, Araxes, & Euphrates flumina. Vterius ad septentriones, Scythiæ longissimè feruntur, quas mons Imaus diuidit: ut ex his aliæ intra Imaum, aliæ extrâ esse dicantur. In-
 clusum omni ex parte (quanquam à Scythico Oceano per oc-

Populi ad septentriones & meridiem.

Africa.

Aegyptus.

Nilus.

Asia minor.

Asia maior.

Taurus mons.

Arabia.

Scythia.

cultos recessus fluere putarunt) ad mōtes Caspios mare, quod Hyrcanum, Scythicum, & totius nomine Caspium appellatur. Interpositæ his gentibus ad mediterranea, Assyria, Media, & Parthia, aliæq; multæ gentes. at in meridiem est posita Persis: Orientis ferè media Seres incolunt. Versus autè ultima Asiæ, in orientem atque meridiem, terrarum omnium latissimè patet India, ab Indo flumine maximo sic dicta: quam & Ganges mediam partitur, ut aliam cis Gangem, aliam ultrà esse tradât. In meridiem cùm plurimæ insulæ, tum magnitudinis tantæ insula Taprobana opponitur, ut eadem principio orbis alter fuerit habita. Supra hanc memoriam, circum omnem Africam nauigationes recentiorum. rit habitata: & ignota ueteribus, quæq; habitari non posse credebantur, longissimè in austrum & eorum reperta atque lustrata. Procul etiam in septentriones, ultra Cimbricam Chersonesum, certius cognitæ gentes: apud quas firma est, & constans glacies. Sed maiore audacia in Fauonium est progressum, & inuentus Orbis nouus, præter magnas & multas insulas: cui à duce nauigationis, Americæ nomen impositum, quæ eadem tribus orbis terrarum partibus quarta recenter accessit. Terræ cognitæ ex aquis emergentis facies, imago, quasiq; expressa pictura quædã, eiusmodi esse perhibetur, multiplici hominum habitatione distincta: qui nominibus, linguis, inusitata corporum figura, uictus ratione, moribus atque institutis publicis & priuatis, sunt plurimum inter se dissimiles. Iam uerò ad ea progrediendū, quæ terræ uisceribus, perinde ac natiui foetus, uariè continentur: quæq; licet in suo genere perfectæ quodammodo sint, & succrescant, inanima tamen esse dicuntur. Nam totis terris ad firmitatem & soliditatem ingentia saxa & lapides insunt, non aliter quàm in animantū corporibus ossa cernuntur: qui iidem terram ita comprimunt, ne dissoluatur, aut aperiat. Assurgunt ex his tumore quodam montes editissimi ac firmissimi, non aliter quàm obiectæ moles fluminum impetui, & maris frangēdis fluctibus necessariæ. Ac lapides quidem ex calidis & siccis respirationibus, præter coelestium uires, Solis maximè, concrescunt & durescunt, accedente ad eam terram crassam humore, tanquam uisco. Horum latentē ignem, ut cæteris in rebus naturalibus, conflictu inter se, atque tritu elici uidemus. Diuersi sunt generis lapides, pro terrarum uarietate, in quibus generantur: quæ colorum maculis, duricie, firmitate, atque pondere, multum inter se differunt: cuiusmodi sunt co- res, silices, tophi, pumices, aliæq; plurima. Est Calx, coctus lapis, miræ Naturæ, ut cuius interior ignis sola aqua, res ignescentes uin-

tes uincente, suscitetur atque exardescat: & oleo cætera inflam-
mante, protinus restinguatur. Firmissima sunt Marmora, è qui
bus alia inueniuntur candida, alia nigra, uiridia, ac uariorum
colorum. Crystallum autem uehementiore gelu, aut niue, in
locis maxime frigidis, pellucidum concrefcit. Magnes interio-
rem uim habet ingenitam, ferrum ad se trahentem. Inuiscæ du-
riciei est Adamas: ut in ignem atq; ferrum contumax, solo hir-
cino sanguine mollescat, & soluatur. Itaq; è puriore quodam-
modo terra, secreta, atque firmiter in sese concreta, nitentes, &

Marmora.

Crystallum.

Magnes.

Adamas.

- 10 pellucidæ, raræ, ac paruæ, diuersi generis Gemmæ fiunt, quæ
uiarios habent effectus, & uires incredibiles: quarum uarietas
& decus, ex colorum dissimilitudine atque pondere, mortali-
bus est in delicijs. Inueniuntur in his terræ uisceribus pluri-
ma diuersi generis: ut est Nitrum, salsum quiddam retinens:
Alumen, terræ fâsugo: & Auripigmentum. Procreandis ita-
que Metallis, accedente ex cœlestium uiribus multo calore,
quasi quædam elementa creduntur: Sulphur, quod pingui ex
aere sit, admixto terrestri ignito: & Argentum uiuum, Hydrar-
gyrum uocant, quando est æternus liquor, clarus, ac mobilis,
20 ex humore subtili, terræ mixto, constante: quibus ijsdem duo-
bus, ut quæque metalla plus participant, alia alijs magis pura
esse, & ad pōdus coagmētata, traditur. Eadem maxima ex par-
te, uenis subterraneis penitus abdita & recondita sunt, & labo-
riose effodiuntur: ut ignibus admotis, ad diuersas formas effi-
ciendas, duci, molliri, ac liquefieri possint. Ex ijsdem minus pu-
rum est Ferrum, maximi tamen usus, diuersis mortalium rebus
grauioribus domādis: multo igne purgatum & temperatum,
ad firmissimas acies faciendas, præter natium, Chalybs dici-
tur, atque Marti ex cœlestibus globis attribuitur, cuius quan-
dam Naturam refert: Aes Veneri: Plumbum, cuius duo sunt
30 genera, nigrum & candidum, Saturno: aut Aes Cyprium, facti-
tium, ac natiuū, etiam Stannum, Ioui: Argentum uiuum, Mer-
curio. est illud quasi omnium uenenum, in quo cætera, præter
aurum, innatant. Electrum inde reponunt, quod est aut nati-
uum, aut factitium. Sed ex ijsdem metallis tenent principatum,
ut naturali ratione semper in quoque rerum genere aliquid est
cæteris excellens: specie, raritate, atq; integritate, maioris sunt
precij: clarum & lucidum Argentum, Lunam referens, quod
non nisi ex puteis eruitur: atque fulgens, splendidum, purum,
40 & simplex Aurum, Natura ad perfectionē quandam, in eo ge-
nere progrediente, in primis elaboratum: ut cum cætera uiri-
bus ignis cedāt, aurum non perinde uinci, memoretur, Soli ex
cœlestibus

Gemmæ.

Metall.

Sulphur.

Argentum uiuum.

Ferrum.

Chalybs.

Aes.

Electrum.

Argentum.

Aurum.

*Terra uiuere
se facies.*

cœlestibus globis est consimile: ipsum aut ex puteorum serobi
bus effoditur, aut in fluminum ramentis, & in montium ruinis
inuenitur. Consequuntur montium altitudines, asperitates, &
difficultates, in quibus niues ac frigus diutius retinetur: humi-
liores colles, subiectæ ipsdem ualles & planicies, quæ radijs So-
lis concurrentibus calidiores sunt: & dēfissimis syluis, uirescen-
tibus pratis, excultis hominum procuratione atque diligentia
campis, arbustis, & uinetis, in omni uarietate, ad conuenientes
hominum & animantium usus, distinguuntur. Propius autem
uenientes ex longa & uaria rerum inspectione, ad ea quæ sunt
multiplicis conseruandæ nostræ uitæ usus, pari breuitate enu-
meranda, transitum faciamus: quæ ipsa supremis illis, & simpli-
cibus corporibus subiecta, tantam cœlestium puritatem, uim,
constantiam, atque ordinem concordibus uariè ad ortum &
generationem, diuersarum rerum quatuor elementis, eorum
qualitatibus adiuuantibus, compensare quodammodo uiden-
tur: in quorum etiam uaria & iucunda consideratione, non pa-
rum inest admirationis: ut cœlo & terra contenta, cum nume-
ro, dimensione, atque pondere omnia in suo quæque genere
sint constituta: summam etiam, ac diuinam rebus in omnibus
Prouidentiam esse, clarissimè & luculentissimè testificentur.

*Terra commu-
nis nascentium
altrix.*

Communis enim est terra nascentium altrix & parens, animan-
tum sedes atque domicilium: quæ quasi mater, hominum gene-
ri peregrè profecto, ad definitum cuique à supremo Deo tem-
pus, non eas opes solum, quas terræ uisceribus, in magna fœ-
cunditate occultatas, qualiscūq; demersas modò diximus: sed his
longè maiorem opulentiam, magisq; mortalium uitæ necessa-
riam, benignè & largiter exposuit, atque patefecit. Itaq; ex his,
quæ supra eandem terram, ut principio sunt diuinitus omnia
procreata, nasci, uiuere, nutriri, & manifestis augeri incremen-
tis: post decrescere, atq; suo munere quasi perfuncta, extingui
conspicimus: primum sparsæ omnis generis stirpes & plantæ,
quibus quasi illustribus ornamentis passim diffusis est conue-
stita, occurrunt, animæ uigentis solū participes. Id tum fit, cum
ipsa terra consensione, societate, & coniugio cœli (huic nanq;
subiecta ad rerum generationem, cæteris tribus clementis mul-
to est conuenientior) annuis uicibus grauidata, Sole, cum ma-
ximè sit efficax, parentis & fatoris loco propius accedente, ra-
dijs, motu illo obliquo, ad calorem aut humorem immitten-
dum, salutariter concurrētibus, & cæteris stellis temperie qua-
dam adiuuantibus: hanc etiam uim, ceu animā, gestiente & ex-
hilarescente Natura, Fauonio satis omnibus inferente, pluuijs
utique

*Stirpium histo-
ria.*

utique ad commodam irrigationem, hoc ipso ueris ineuntis tempore dilapsis: ut ex his omnibus, caloris & frigoris, concre-

*Elementorum
ad generationem
nis præci-
pua.*

tionis & liquoris conuenientē accipiant temperationē. Quandoquidem ignis, rerum generationi amicissimus, ut est subtilis & efficax, uitalem calorem ad maturitatē infundit. Hunc eundem humido spiritu aer uehit, ac fouet, ut mouendi atque efficiendi uim notabilē habeant: cætera duo accipiendi & patien-

- 10 uerō sua firmitate & soliditate à sicco cōparata, ne illa ipsa quodammodo diffuant, perinde ac uase aliquo amice continet, & complectitur: sine quibus Naturis quatuor, conuenienti qualitatum inter se, & concordi temperatione, in orbe neque ali posset quicquam, neque crescere: ut res eadem, horum inter se pugna, discordia, copia, & imbecillitate dissoluātur, atque dissipentur. Itaque cum à minus perfectis, ut est huius historiæ, postquam à coelestibus ad terrena deuenimus, continens seruatus ordo, ad magis perfecta progredi cōueniat: stirpes sunt lapidibus & metallis rariores, ut aqua sustineantur: illa uerō, propter collectum in sese pondus, faciliē mergantur: quod que

- 20 maius est, nostræ sustentandæ Naturæ accommodatiora sint, & congruant. Quocirca exiguum semen per se, quando multa rum rerum seminibus occultatis, in summa admiratione terra abundat, aut hominum industria & labore acceptum, propria ui Naturæ procreantis, & conuenienter attrahentis, tanquam in sinum, ad concipiendum complexa molliter tepefaciens, & alimentum idoneum, quo augeatur & conseruetur, præbens, succum, cuiusmodi plures sunt in eadem terra, accommodatum fugit: ac subinde tumescens, fingit in suo genere, & admirabili-

*Semina terrā
mandata.*

- 30 ter efformat. Post suis continentibus incrementis interius ad capiendum, ut animantes ore, alimentum, flexuosis radicibus, fibris, tanquā capillis & neruis, fit ualidior: idēq; tanta ui sese conseruantis Naturæ, qua longissimē per terras spargitur, ut magnitudinem extrā proferentē facile æquare, eruditi rerum naturalium peruestigatores existiment. Inde herbescentem ac tenellum caulem humore, tanquā sanguine, plenum, extrā profert, alit, tuetur, concoquit, ad animantis rationem: & eundem succum in plures partes, quasi uenas fundit. Iam uerō grandescens è nodis, qui sunt tanquam nerui membræ ligandis, folia, quibus exornatur, & fructus conseruantur, erumpunt, seseq; dilatant, ut cuiusq; plantæ diuersa est ratio. E quorum immenso numero humiles sunt, ac molles Herbe: quarum multæ, præ-

*Stirpium incre-
menta.*

Herbæ.

f ter folia,

ter folia à caule deducta, etiam diuerfos flores, ad decus ex colorum ratione, & ad ornatum proferunt: suauis etiã odores, succos & sapes omnis generis: unde magnas infitas habere uires, & incredibiles effectus, hominum generi uehementer salubres, lōga periclitatione, & ex animantū singulari obseruatione cognoscitur. Nam aut sunt ad subministrandū cibum maxime utiles, & esculentę herbę nominantur: aut idoneis medicamentis componendis atque miscendis, frigidi & calidi interiore ui quadam ingenita, eaq; multo rerum usu perspecta, accommodantur: nihil ut à præstare Natura, sine aliqua occulta causa, & ea mortalium generi ut plurimum fructuosa, generari soleat. Medium quodammodo tenent Frutices, qui aliquanto altius multiplici caudice è terra sese attollunt, & assurgunt, firmisq; & induratis nituntur ramis, latiusq; diffunduntur, & diutius cōsistunt. Calidę regiones, subtili humore factō, cuiusmodi est India & Arabia, bene odoratos frutices gignunt. Arborum etiam ab herbis progredientium, maius est incrementum. Nam radices multo altius per terras spargunt: sæpius ex eodem trunco uirescunt, & sunt diuturniores, quod firmum & unum habeant caudicem, truncum, & stipitem: quod libro & cortice, tanquam corio aut ueste, ut sint à frigoribus & caloribus tutiores, obducantur: quod nodis firmioribus partes omnes inter se uinciantur & coniungantur: quodq; lignum interius durum, ad omne robur sustinendum, habeant: cui eidem conclusa est medulla, succo Solis calore admirabiliter suprà à radice euecto, & latissimè, quasi quibusdā uenis, in omnes stirpis partes diffuso: ut deficiente alimento, ad hanc ipsam medullam arbor ipsa recurrat, non aliter quàm in animantibus ad ipsum sanguinem tutissimū est refugium. Patulis inde ramis in longum & latū sparlis, perinde ac brachijs, aut cruribus, frondes ac surculi in magna copia, tanquam comę, quotannis adnascuntur. Tristes sunt, quę minimè florent: lætitiā uerò quandam præse ferunt, quę speciosos flores, quasi quosdam aduentantium fructuum nuncios, folijs ad tuitionem frequentibus circumpositis, producant: qui idem arborum flos, pleni ueris & anni renascentis est indicium. Itaque fructus sua progressione grandescunt, tota quasi stirpis diffusa latè Natura sese in angustum, ad omnem in suo genere perfectionem contrahente: ut ita maxime conuenienti Solis æstu concocti, & ex acerbis dulces facti, atq; elaborati ad necessarium uescendi usum, maturescant. Ac fructuum ferendorum dissimilis est ratio. Nam alię arbores celerius, alię tardius id faciunt: quo eiusmodi uarietate nulla æstatis

Frutices.

Arbores.

Fructus.

- æstatis pars non oblectetur, & fructum capiat, ut est ingeni-
 in quaque stirpe humoris & caloris uis quædam propria. Syl- *Stirpium pro-*
 uestres sunt, aliæ sponte nascentes, aliæ hominum procuratio- *pagatio.*
 ne, industria, & diligenti cultura, idq; ueris tempore, Lunæ ra-
 tione habita, in diuersa loca transferuntur: aut detractis furcu-
 lis, aliæ alijs, ut ita mansuecant, inferuntur: aut ex semine pro- *Semen.*
 ueniunt, quando inest ad sui generis perpetuitatem, in intima
 parte cuiusque plantæ, corticibus & testis, ad uitandas in con-
 seruando nimias caloris & frigoris iniurias, maxima Naturæ
 10 Prouidentia, ad omnem propagationem pertinens, inclusum
 Semen. Exiguuum quidem illud, sed magnarum uirium, ut ex
 uno plura nascantur, & in maiore copia adferat, quàm acceperit
 terra: quo fit, ut renouentur stirpes, & iterum generentur, *Renouatio stir-*
 ac efflorescant, maximè quæ sunt generis herbarum, quas eas- *pium.*
 dem plerunque uis horridi & hyemalis frigoris frangit atque
 extinguit. Frutices autem, & arbores, non perinde uincit hye-
 mis sæuitia: sed uerno tempore, aquis mollita terra, & tepes-
 cta, uicissitudine quadam anniuersaria reuirescunt ac refron-
 descunt. Itaque in uniuersum stirpes, temporum uices sequun-
 20 tur, ut uere ineunte uirescant, pallefcant æstate, albescant au-
 tumno, nudentur & senescant hyeme. Præter manifestum u-
 triusq; obseruatum in plantis discrimen, ut mas, licet asperior,
 meliores tamen fructus proferat: etiam in arboribus quasdam
 concordias atque discordias Natura occultis rationibus inge-
 nerauit: ut alię in uicinia aliarum, umbra plerunque officiente,
 emoriantur. Nam & Quercus dissidet cum Olea, & à luglan-
 de perimitur. Aliæ uerò coniunctæ alijs, lætiores & hilariores
 quodammodo redduntur: quę singularis hominum diligentia
 & cura in eiusmodi obscuris affectibus dignoscendis, alias atq;
 30 alias sodalitis, quasq; coniugio amicè copulauit. Sunt utique,
 sicut in brutis animantibus, sensus cuiusdã naturalis admi-
 randa significationes, quando Morum, non nisi prorsus remissis *Morum.*
 frigidibus, nouissimam germinantem & frondescentem, arbo-
 rum sapientissimam dicunt. Sunt quæ priuilegio quodam da-
 tæ, incredibiles habent rationes & effectus: ut Ficus arbor ab
 ictu fulminis tuta esse tradatur: quæq; sunt eiusmodi, à multis
 studiose illa inquirentibus deprehensa, & literis prodita. His *Stirpium co-*
 omnibus in magna copia, parens omnium terra, locis dissimil- *pta diuersis in*
 limis, ut est regionis cuiusque propria, & eadem diuersa Natu- *locis.*
 40 ra, omni uarietate distincta, & exornata multis coloribus, pi-
 cturæ instar, tota completur. Nam & inuia montium, atque so-
 litudines, collium densissimi uestitus, ac conuallium, opaca ne-

mora, & syluæ, uiridissima ex copioso gramine prata, ad necessarios pecudum pastus, spatijs frugiferis distincti campi, latissima uincta, hortensia omnia ingeniose culta, scaturientes pluribus in locis fontes, residentia stagna & paludes, patentes lacus, præterlabentia flumina in confinijs suis, ac uicinis ripis, uasta maria in amœnis oris & littoribus: præterea in calidis & frigidis regionibus conuencientes Naturæ cuiusque stirpes, cum maxima largitate fundunt, tuentur, & conseruant: ut ex his animantia, quorum uita frequenti cibo & potu ad humorem illum, quasi à radice & ortu profectum, quem naturalis calor continenter exiccat, retinendum, est instauranda, idoneum alimentum, quocunque terrarum posita sint, quando illorum caussa stirpes sunt generatæ, comparent: quæ sunt magna totius Naturæ conseruatricis Prouidentia. Estque illud uehementer mirandum, eos usus plerasque stirpes præbere, qui sunt illorum locorum incolis plurimum necessarij: ut qui frigidas regiones inhabitant, syluas habeant magnas & frequētes: præsertim nimio, herbas ac fructus refrigerationi accommodatos percipiant. Eiusmodi uigentis animæ, atque nutriētis, breuissima, & in uniuersum exposita sit descriptio: quæ cum altera sentiente commune habet, quod ambæ nutriantur, pubescant, maturitatemque suam augetescentes assequantur & generent: quod non minus diuturnæ stirpes, etiam eo amplius & uiuaces, quam animantia reperiuntur: quod alia ex semine, alia ex non genitis Natura quodammodo similiter procreentur: quod arbor, spinas pro cornibus habeant: duræ sint nonnullæ, aliæ inflectantur: quod proprio sexu inter se distinctæ, reperiri possint: quodque eadem læsæ, defluentem humorem, non aliter quam confossa animantia sanguinem profundant: aliæque multa appareant, propè omnibus animantium membris consimilia. Sed in eo maxime differunt, quod cum excellentibus membrorum uiribus atque officijs eiusmodi careant, locis, in quibus semel constituerint, inhæreant, nec per se inde moueantur. Est enim animantium caput, quasi è terris auulsum, ut alimenta, pastum, atque latibula, non uno solum in loco, sed passim in omni copia & uarietate, ut quidque illorum Naturæ aptius uideatur, inquirent: ac proinde necesse, nec suos tanta opportunitate tueri possunt, & defendere. Differunt etiam, quod seminibus in sese conclusis, & terræ mandatis, sexus ad generationem non misceantur: quod alimentorum reliquas sordes non perinde fundant & emittant, sed pilorum, & densæ cutis rationem quandam sequantur: quod aspiratione aquæ aut aeris non ita sustineantur, & calor

Scirpium uilissim.

Animæ uigentis & sentientis similitudo.

Disimilitudo scirpium & animantium.

- loris uitali salutariq̃ tēperatione, tenuitatis ac subtilitatis expertes, sonū ac uocem non edant, non hilarescant, aut conquerrantur: quodq̃ est omnium maximum, sensuum nuncijs ac ministris, quibus potissimum animantes ad maiorem sui conseruationem sunt præditæ, minimè afficiantur: nisi qui sensus, cum in sese frigorebus immodicis contrahuntur, quædam sitis & appetitus signa, quædam etiam lætitia, cum luxuriari stirpes uidemus: tristitia, cum caloribus exarescūt, similitudine quadam cæterarum in animantibus rerum illis ascribatur. Itaque in tanta dissimilium generum uarietate, quantam nulla humana diligentia assequi satis possit, magnū illud, easdem animantes principio sui ortus (ut sunt prouidē ac solertis Naturæ omnia) non alienis instructas præsidijs, certa quadam naturali propensione, haud aliter quàm fertile solum, sine cuiusquam cultura, celestius sibi consulere: & in sese conseruando, per seipsas præcipuè occupari. Sed ut fuit initio rerum, animantibus omnibus constituta à supremo Deo lex, & interior quædam ratio: ita quæq̃ pro situ & Natura elementorum, diuersa loca ad multos usus, & ad ornatum fortiuntur: igne, quod consumat & conficiat
- 20 omnia, minus accommodato, quanquam in eo nasci putentur, cum in ardentibus fornacibus uolitantes quædam bestię apparent: & aere, propter eam quam habet, leuitatem atque subtilitatem, ut auium uolatus solum sustineat. Aqua uerò, & terra, propter maiorem densitatem ac firmitatem, sint conuenientissima, ut nulla eorū pars incolis & suis cultoribus propè destituatur, in qua non oriantur frequentes animantes, ac pastum largè & copiose, eum qui cuiq̃ aptus est, comparent. Quæ igitur animantes plus in sese humoris habebant, locum sibi maximè idoneum, medias aquas, ut in his habitaret, quæ siere: aqua-
- 30 tiles eiusmodi bestias, Pisces nominamus, qui idem (Natura ab ijs ad perfectionem quandam, ut sunt diuinitus omnia condita, progrediente) quasi è terrenis uinculis atq̃ compedibus, uti stirpes alligatas, & capite herentes modò diximus, euasisse: & sensu atque motu comparato, latissimè, tanquam aquarum incolæ, & longissimè innatale uidentur. Neq̃ enim integros adhuc sensus habent, ne aquis offendantur: ut cum minimè spirent, pro spiritu aquas commodè hauriant: muti inde sunt, nec uoces, perinde ac cætera animantia, edunt. Corpus ad secandas, & progressionē diuidendas easdem aquas, ut sunt multiplicia
- 40 genera, ad formā nauiculæ, oblongū maximè, corium lene & asperum: squamis etiam atq̃ spinis, ut est singulorū generum diuersitas, ordine dispositis, conuenienter obducuntur: expli-

Animantium habitatio.

Pisces.

Piscium desertio.

catis branchijs, quibus acceptam aquam ore remittit, alarum instar & remig, atq; cauda, gubernaculi modo, impellunt sese magna celeritate: plerunq; acie quasi instructa, in hanc atque illam partem, locis tamen cuiusque Naturę convenientibus gregatim feruntur: sæuiunt, ad comparandam escam, in minores, ut nonnunquam suos deuorent, ne fortè multitudine immodica ipse aque obruantur. Flumina diuersi generis pisces habent, quos inde fluuiatiles appellamus: atque lacus, qui dulci aqua sustentantur. Sed uastum mare multiformes animantū figuras gignit: ut nihil nascatur in Naturę parte ulla, quin nominibus 10
 isdem similia mare habeat: & multa uasta corporū mole, quæ nusquam alibi: & in maiore copia, quàm terra cæteras animantes. Eosdem marinos pisces, dulci aqua, cum nihil salis referant, marinæ admixta, interius ali, & eandem potissimum deligere, rerum naturalium periti existimant. Ex corporum magnitudine, sexuum discrimen notatur, quando foeminæ maribus maiores esse perhibentur. Nullas autem habent mammas, neq; certos generationis meatus: sed in tāta uarietate, quantam nullus humanus animus satis comprehēdere queat, cum minuta oua genuerint, copiose egerūt: perinde ac stirpes, exigua seminum 20
 grana, quorum Naturę ex animantibus proximè pisces accedere iam diximus, ex isdem ouis, quæ mas suo semine asperserit (neque enim omnia propter eandem multitudinem edere fructum, Natura uoluisse creditur) relinquunt: siquidem facile aqua sustinentur, atque retento interius calore, per se fouentur, & exclusa foetum fundunt, ac latissimè pascuntur. Iam inde ab aquis ad terras ueniendum, per quas animantiū aliæ contrahendo sese, & innitendo repunt, ac serpunt: cuiusmodi multiplicitia sunt uermium genera, ac serpentum: ex his magni inueniuntur, sed nocētes sunt parui. Ita ex aquis ad pastum uberius 30
 rem quasi emeruisse uidentur, ut non multum ab oblonga piscium figura, nullis pedibus nixa, degenerarint. Aliæ autē subfiliunt, ac uolitant, & diuersos habent pedes: cuius generis sunt Muscæ & Apes, quę maxima ex parte è uarijs corruptionibus generantur, quo hic aer hominum generi salubrior sit. Ita undique ad rerum conseruationem, in infinita uarietate, perinde ac sui oblectatione quadam, ducitur prouida Natura. Præter abditas animātes, terræq; tectas, ancipites sunt, quasi intermedia, quæ in utraque sede, terris & aquis, cōmuniter uiuunt: eadem ad cominodam natationem, pedum digitos, pro remis coniunctos habent, & corpore sunt consequentibus similes, quæ 40
 acre, ut pisces in aquis, uitam degūt. Igitur subtili ex calore innato,

Piscium generatio.

Insecta.

Amphibia.

nato, aerem referēte, sicciore, ac pennis leuioribus, perinde ac *Animi descriptio.*

sq̃uamis decenter dispositis uestitæ, in sublime è terris, libero aere fruētes, ferri cœperunt, & Volucrum atque Auium nomen habuere: suauis & canora uoce sunt præditæ, paruum illis caput, alas loco primorū pedum sursum mouent, tanquam remigium: pectus illis est acutum: & cauda, gubernaculi instar, ad omnem uolatus celeritatem expeditè utuntur. Eiusmodi pennarum effugijs tutiores sunt, ut capi nequeant: pro dentibus, acutis, cornicis, & aduncis rostris, atque unguium tenacitate pro-

Arma.

10 tinus sese defendunt. Nulla in hīs uesica, aut renes: quod enim humidum remanet, hoc in plumas commutatur: bipedes ideo sunt, ut pascum etiam in terris maximè idoneū conquirant. Domestica maxima ex parte habentur, nisi quæ carne uesci solent. Itaque eadem aues, ueris potissimum tempore, ad pariendum locum requirentes quietum, cubilia & nidos construunt, eosq̃ quàm possunt mollissimè subternūt: ut primos mortales hanc sequutos in ædificijs solertiam credatur, in quibus oua, quæ pererint, ut quàm facillimè seruētur, reponunt: hīdem toto incubant corpore, ac pennis diligentissimè fouent. Nam ex eo ca-

Generatio.

20 lore, quod in ouis album est, animali generando accommodatur: ut ex rotundis ouis mares, ex oblongis foeminae procreentur, & à uirello alimentum capiant. Exclusi inde pulli, ne frigoribus lædantur, attentè prouident, atque eosdem timentur: & si est calor à Sole, sese opponunt, conquisitis escis nutriendi: ac postremo decenti motu, cum iam alis uti possunt, acra, quas uolantes sustinet, secare docent. Dissimilis est eorum ratio, ut aliae raro, nonnullæ frequenter, cuiusmodi sunt Gallinae, oua generant: & alijs aliarum oua, ut Anatum Gallinis, sæpe supponantur. Pulli inde orti, pari studio, amore, & diligentia primò aluntur, tanquam à matribus, à quibus exclusi, forciq̃ sunt. Post adu-

30 ti, eas relinquunt, & effugiunt, sequentes, cum primum aquam, quasi naturalem domum, uidere potuerunt. Atque ita earum omnium animantium, quæque suum tenens munus, cum in disparis animantis uitam transire non possit, manet in lege Naturæ: & ut aliud alijs ab eadem præcipui datum est, quod suum est, quæque retinet, nec ab eo discedit. Quocirca ad tenendam hu-

Quadrupedes.

40 ius nostræ enumerationis continuatam progressionem, cum euasisse quodammodo ex aquis animantes uideri possint, reliquæ adhuc sunt bestię, magna ex parte grauis ponderis, quatuor innixę pedibus, quę inde Quadrupedes nominantur: terrā pronæ circumspectant, quam aquis nudatam, uelut sedem stabilem, in qua melius cōsisterent, habuere: grauiore auius edunt uoces, nonnullæ

*Animantium se-
ritas.*

nonnullæ truculentas atque horribiles. Cubilia autem in late-
bris ac speluncis solitudinum & sylvarum plerumq; collocant,
in quibus nŕŕdem deliteŕcunt, & importata præda commoran-
tur. Immanes ŕunt, ac feræ, niŕi quæ ŕunt hominum industria et
procuracione cicures ac domesticæ redditæ: ut propè nullum
manŕuctum ŕit animal, quod ŕui gencriŕ etiam ferum & agreŕŕte
non habere poŕŕit. Aŕianæ dicuntur eŕŕe ŕerocioreŕ, Africanæ
diuerŕarum formarum. Cum enim aquarum inopia ad paucos
amnes ŕeŕe promiŕcuè congregarint, ŕit, ut ex ea coniunŕtione
diŕŕimileŕ figuræ progengeretur. Sed Europææ ut ualidiores ac 10
fortiores, ita ad omnem hominum uitam adiuuandam, maio-

Monimenta.

riŕ uŕuŕ eŕŕe perhibentur. In ipŕo ortu firma iam cute ŕunt muni-
tæ, corio pilis ornato, ŕetis, uillis, lana, ac uellere, aduerŕuŕ om-
neŕ aeris iniurias, teŕtæ & ueŕtitæ. Primoreŕ pedes ad motum
magiŕ habent expeditoŕ, & in pleriŕq; promiŕŕa cauda pendet.
Diŕŕimilitudo. Magna eŕt corporum in animantibuŕ uarietas, & ad eam rem
uiŕ admiranda, ut in ŕuo quæq; genere permaneant. Eŕt in ui-
ctu aut diurno, aut nocturno, in amore & odio, congregatio-
ne, conuiŕctu, artibuŕ, malicia, aŕtu, manŕuetudine, ŕeritate, ro-
bore, uiribuŕ, libidine, paruitate & magnitudine, incredibilis 20
toto orbe terrarū obŕeruata diŕŕimilitudo: ut eŕt peculiare cu-
iuŕq; ingenium & conditio, ex naturali cuiuŕq; humorum con-
ŕtitutione proŕecta. Itaque ad paŕtum capeŕŕendum, conŕficien-
dumq; eŕt in figuris animantum ŕolere ŕubtiliŕq; deŕcriptio, &
admirabilis membrorum omnium fabricatio. Alia enim oriŕ
hiatu & dentibuŕ ipŕiŕ capeŕŕunt, alia unguium tenacitate arri-
piunt: alia fugunt, carpunt, rapiunt, & mandunt. Ungulas pe-
dum firmas & ŕolidas habent: ex hiŕ quæ coniunctaŕ, cornige-
ræ non ŕunt: quæ diuiŕaŕ & biŕfulcaŕ, maxima ex parte cornibuŕ
armantur. Sed quæ carnibuŕ aliarum ueŕcuntur, eadem ple- 30
runque ŕunt ŕolitariaæ & ŕoliuagæ: quæ autem herbis nutriun-

Arma.

tur, congregabileŕ ŕunt, & mutuam uitam degunt. Itaq; arma,
quibuŕ quadrupedeŕ contra uim & metum, ad proliŕ tuitio-
nem, hominum inŕidiaŕ, atque aeris iniuriaŕ, ŕeŕe promptiŕŕimè
deŕŕendant, præter cornua, coriŕ firmitatem, & maximas corpo-
riŕ uires, acutiŕŕimiŕ dentibuŕ mordent, ac celerrimè pedibuŕ
calcitrant: aut acuminatiŕ unguiū articuliŕ niŕil non diŕŕipant,
ac diŕcerpunt: pleriŕq; ad ŕalutem, loco armorum, fuga, & cur-
ŕuŕ celeritas, nonnulliŕ occultatio: quædam grauiore odore &
ueneniŕ inŕicienteŕ, à ŕe procul aduerŕarioŕ repellunt. Complu 40
reŕ ex hiŕ, in tenebris noctu uidet, quod eŕt alioqui hominibuŕ
negatum. Tanta omnibuŕ uiŕ ingeniŕta, ut nunquā antea uiŕum
• ŕui ge-

fui generis hostem protinus agnoscant, auerſentur, & grauissi-
mè suis ipsorū armis persequantur. Sunt enim ita ad quandam
uitæ securitatem, cum in excogitandis artibus rationem non
perinde ac homines habeant, à prouida Natura instructæ. Sed
ad cōcipiendum & procreandū, quo suum genus perpetuum
conseruent, uno, statuto, & certo anni tēpore, excitato ueris ca-
lore, mas atq; fœmina, commiscendorum corporum partibus
accommodatis, proprio quæque coniunctionis appetitu pro-
pagantur. Itaq; fœmina exceptum semen complectitur: quod

Ortus & gene-
ratio.

10 ubi in locis infederit, rapit omnē ferè cibū ad sese, eoq; septum
ſingit animal, auctum & maturum edit: tum multa diligentia
& sollicitudine in educando & custodiendo utitur: ut est præci-
puus, & intimus quidam amor eorū quæ procreata sunt, com-
muniter omnibus animātibus ingentis. Sic paulo antè nata,
ſine magistro, ſola duce ſua cuiusque Natura impellente, mam-
mas appetunt, earumq; ubertate ſaturantur. Nam in ijs quæ la-
cte aluntur, omnis ferè cibus matrū lacteſcere incipit: quæ mul-
tiplices foetus procreant, ijsdem & mammarum data eſt multi-
tudo: ſed paucas habent eæ beſtiæ, quæ pauca gignunt: tanta

quæcūque.

20 ſemper cuſtodia, ut à raptoribus animoſè eos perlequētes uin-
dicent, propugnent, uulnera accipiant, nullos impetus aut ca-
ſus reformident, uſque ad eum finem, dum poſſint firmioribus
iam membris latè per terras oberrare, ad uictum neceſſaria in-
quirere, et ſuis iam præſidijs ab inſidiatoribus tutiſſimè ſeſe de-
fendere. Sic undique omni ratione concluditur, mente, conſi-
lioq; diuino, omnia in hoc mundo ad ſalutem omnium, conſer-
uationemq; admirabiliter fieri, & adminiſtrari. Quocirca ne
hunc locum de animātibus totum tranſiliat oratio, ea ſimiliter
inquiramus, quæ ſunt alicuius admirationis, quantum inſtitu-
ta breuitas ferre poterit: in qua licet multa, rerum magnitudi-
ne prægrauante, oporteat præterire, multa tamen pauciſſimis
uerbis incluſa dicuntur, ex quibus perpetuus & continens rerum
curſus facilius cognoscitur. Itaq; animantes, ſenſus, quos
externos uocant, habent quinque, quorum acumen & perſpi-
cacia in multis apparet. Nam uiſione Lynx, auditione Aper, o-
doratione Canis & Vultur, guſtatu Simia, tactione Arancus,
principatum inter animantes habereprehenditur. Præter
maximas motus uires, & ingens corporum robur, excitari ui-
demus manifeſtos etiam rerum appetitus, qui mentis & ratio-
nis ſimilia quædā ſimulacra referāt, quorum impulſu acceſſum
habent, uitæ ſuſtentandæ cauſa, ad res utiles, amicas, ac ſaluta-
res: & à noxijs, periculofis, & peſtiferis reſeſſum. Edoctæ iam

Magna Proui-
denſie ratio.

Animantū mul-
tiplices Natu-
re dotes.
Senſus.

30 ab ipſa

g ab ipſa

Medicamenta.

ab ipsa Natura, in maximis suis difficultatibus, morborum ac uulnerum idonea quædā inquirere medicamenta: ut ab eisdem Medicis rerum uires didicisse, & utiliter ad usum traduxisse, multis & ueris exemplis comprobetur. Nam sanguinis missio nem ab Hirudinum suctu, uomitionem à Canibus, & alui purgationem à Ciconijs homines primū accepisse commemoratur. Præterea herbas norunt complures, quibus se suosq; conseruent, & parua animalia, à quibus infestantur, protinus abigant. Arborum sationis rationē primū ab auibus dimanasse traditur, cum deuorata semina, in diuersas collapsa arborum rimas, incrementū accipere, est deprehensum: aliaq; multa eius-

Affectus.

modi. Est etiam inter animantes quædam consensio, sunt manifestæ amicitia, & mutua auxilia: apparent utrique naturales inimicitia, tacita & arcana odia ingenita, quibus multum inter se affici & commoueri scimus. Cernuntur non obscura sensus communis signa atque indicia, præter omnem industriam & Prouidentiam in comparando uictu, ut nonnullæ congregationem & cœtum ciuitatum proximè referre uideantur: & consuetudinis quadam ratione, à pastione rectā ad suos, tanquam in suam familiam, sese recipiant: & imposita ab hominibus nomina quædā, in quo Canes excellunt, protinus sentiant, perinde ac si intellectum haberent, & recognoscant. Iam in suis cubilibus, nidis, habitatione, & ædificijs accommodatè & ingeniose construendis, summa est solertia atque industria. Modum

Solertia.

præterea cupiditatum, cibi, potus, ac requietis (tanta inest continentia) pro unius Naturæ necessitate, finiunt: neque diuersis cæcarum generibus, perinde ac homines, capiuntur: una quæq; eo quod lux Naturæ est accommodatum, contenta, ne qua alteri peculiarem cibum præripiat, quo ita omni ex parte abundent, hac quasi mutua atq; concordī fructuum terræ distribu-

*Sobrietas.**Prognostica.*

tione inter se facta, & minimè destituantur. Pleræque animantes, affectione quadam rerum coelestium, uentos, pluuias, graues tempestates, gestu ac uoce præsentunt, & ad ea sese præparant: nonnullæ frigus, famem, ac pestem, naturali quadam ratione impellente, fugiunt: & pro temporum diuersitate, in loca uitæ cuiusque magis congruentia, prudenter commigrant, ut omnia in suo genere diuina procuratione sese uindicent, tueantur, & conseruent. Itaq; cum plurima sint in omni animantium Natura, singulari admiratione dignissima, magni esset laboris, illa eadem instituto huic ordini inferere: quoniā sola rerum genera sequi, hoc tempore est propositum. E multīs igitur hæc admodum pauca in eiusmodi scribendi cursu, nobis succurrebant, quæ

Animantū dissimilitudo ingenia.

bant, quæ prætermitti non debere, superioribus comprobandis, uidebantur. Est Elephas maximum in terris animal, & diu
Elephas.
 turnæ uitæ: cui in tam uasto corpore, & in tantis uiribus, ali-
 quid proximū hominum sensibus, quædā etiam societas, intelli-
 gentia, prudētia, docilitas, memoria, cultus Solis ac Lunæ pro
 numine, inesse traditur: qui idē furibūdus, uiso protinus Arie-
 te, mansuescit: Suis stridore terretur, captus hordei succo mite-
 scit. Leo audacia animi, ac uirium magnitudine, atque clemen-
Leo.
 tia, placabilitati cuidam & iustitiæ coniuncta, præditus esse di-
 citur: solius tamen Galli cantu, in tantis Naturæ dotibus per-
 horrescit. Generosum quiddam, ferocitate exultans, in Equo
Equus.
 perspicitur, fides & amor in dominos: quem ad multiplices ho-
 minum usus, & ad diuersa obsequia facilem nobis domitores
 reddunt. Ceruo animali cornibus specioso, Natura uitam diu-
Ceruus.
 turnam, sicuti & Cornicibus, dedit. Boum terga satis declarāt,
Boues.
 non esse ad onus suscipiendum figurata, ceruices autem natas
 ad iugum: tum uires humerorum, & latitudines, ad aratra &
 currus extrahendos. Canum fida custodia, amās dominorum,
Canes.
 quos protinus agnoscunt, & passim consequuntur, adulatio,
 20 odium latratu in externos, præstans memoria, & singularis ad
 multa imitanda docilitas, quam plurimis domesticis exemplis
 comprobatur: maxima ipsidem inest ex odoratus subtilitate sa-
 gacitas, & alacritas in uenando, quos inde uenaticos dicimus.
 Vulpecula fraude, insidijs, & uafritie potissimum notatur. Si-
Vulpecula.
 mia, licet turpissima bestia, humanis tamē actionibus plurima
Simia.
 aptissimè repræsentat. Delphini, quos ex piscibus uocem emit-
Delphini.
 tere tradunt, præcipuo amore homines prosequuntur, cuius
 beneuolentiæ præclara exiant in scriptoribus rerum testimo-
 nia. Alcyonum inimitabili solertia constructos in medijs flucti-
Alcyones.
 30 bus nidos ita cōseruari posse, est admirabile. Celebratur piscis
Musculus.
 Musculus, qui ducis & oculorum officio, ingenti Balenæ uiam
 per mare fideliter commonstrat. Sed incredibilis est pisciculi,
Remora.
 quent inde Remoram dicunt, uirium magnitudo & firmitas.
 Magna enim nauigia, uentis etiam contrā nitentibus, inhibet
 atque moratur. Grues ordinatō in triangulum, & eo multum
Grues.
 artificioso, uolatu utuntur: eadem conquiescentes, aliquam ex
 suis ad faciendas excubias prudenter constituunt. Summa in
 Ciconijs pietas laudatur, quæ parētes iam senes factos, mutuā
Ciconiæ.
 reddita gratia studiose enutriunt: & à Vespertilionum inui-
 40 rijs, platani folia adhibētes, suos nidos optimè tuentur. Gallus
Gallus.
 canorum animal, certa temporum spacia, auroræ, meridiei, ac
 mediæ noctis distinguit: qui ut uictus silet, ita uictor, cātu plau-

- Columba.* suq; alas premens, exultat. Seruandæ pudicitiae, ac fidei coniugalis memorabile exemplum, in simplici columba animaduertitur. *Coruus.* *Pica.* *Hirundines.* dam docilitatis ratione, distinctissimè imitantur. Hirundines maximè uocales, luto ac stipulis artificiosè intextis, nidos suos apertissimè in orbem construunt: & ab iisdem blattas, & alia animalia, asperso prudenter Apio, prohibent: quarum à locis calidis aduentus, ineuntis ueris est significatio. *Luscinia.* Luscinia in tam paruo corpore, & in tam paruulis faucibus, omnes uocum uarietates magna contentione exprimit, atque pullos suos ad eandem canendi suauitatem studiose informat. Sed in pusillis animantibus contracta quasi in arctum uel Naturæ, supra omnem admirationem alia multa obseruamus, & ante oculos posita intuemur. Nam *Araneolæ.* Araneolæ singulari ingenio, machinatione, & solertia, subtilibus filis, lanificij cuiusdam ratione, ad uenatum telas & rete intexunt: ut si quæ præda fortè inhæserit, quam adesse celeriter sentiunt, protinus arripiant, atq; conficiant: quarum exemplo homines aucupium, piscatum, & uenatum introduxisse primum creditur. *Bombyces.* Bombyces folijs mori arboris enutritur, quæ tenuissima fila artificiosissimè ducunt; è quibus *Bombyces.* bycum uestes præparantur. *Apes.* Apum in succis suauioribus, naturali impulsu, latè per flores conquirendis, præcipuam sedulitatem, in fingendis fauis, ad communem hominum utilitatem, industriam, atque ciuilem, regno consimilem, quandam administrationis prudentiam, omnes suspicimus: ut in tanta multitudine, maxima concordia inter se degant. Congregabile animal, & pusillum, *Formica.* Formica, statum popularem exprimere uidetur: incredibilis est uigilantia, diligentia, & domesticarum rerum summa Prouidentia, ut hyemis necessitati grana recondat, & eadem metu, ne germinent, castrata reponat: cuius unius singulare exemplum, excitandæ nostræ diligentiae proponitur: cate- 30 raq; generi uniuerso animantium, in terris & aquis degentium, à Natura data cognoscuntur, ut non negata rationis cuiusdam, mentis, opinionis, propositi, iudicij, deliberationis, atque memoriae imitatio & similitudo illis quodammodo uideatur: ita omni ex parte, maxima totius Prouidentiae uis ingenua apparet. Et motuum quidem eiusmodi significationem, non solum uocis contentione, qua colloqui inter se uidentur (uocum enim multiplex est notata uarietas, ut sunt diuersa genera, ex quibus iisdem manifestè aliæ inter alias distinguuntur) uerum etiam conuenienti corporis totius quasi quodam gestu, pleræq; cauda & auribus declarant. Sed prætermissa hac totius Naturæ immensa

*Rationis simu-
lacrum in ani-
mantibus.*

*Vocum disti-
nctio in agnanti-
bus generis.*

40

immensa uarietate, quam nominatim scriptis perfequi, nisi maiore opere instituto, perdifficile sit, ad ea iam studium omne conuertamus: quandoquidem emensis celeriter tam longis itineribus, huc, perinde ac in nostrum domiciliū, sumus deducti:

*Obscure rerum Natura
uarietate.*

quæ ipsa licet suas etiā habeant difficultates, liberi tamen & ingenui hominis sunt maxime propria, ut seipsum propius intueatur, tantasque opes multarum ætatum, diuersis observationibus notatas, quas nostrum quisque circumfert & possidet, quantum in hac conditionis nostræ imbecillitate fieri potest,

- 10 religiose contempletur. Superiora uerò illa, etsi sint necessariae ad uitā transigendā sustentandamque cognitionis, ad humanissimam oblectationem pertineant, atque ad celebrandum tanti artificis memorabile opus, ut debitum officium sit, illa eadem peruestigare: abstrusa tamen, & prorsus abdita, certo consilio, magna ex parte supremus Deus esse uoluit: cum nec omnia humanis subijciantur sensibus, nec satis mente atque ingenio concipi singula, propter uarietatem, & comprehendī possint. Ventum igitur ad id, cui non modò nutrens, augetur, & pro-

*Intelligens animal
Homo.*

- 20 tiens, excellenter in sese est coniunctum: sed ad omnem perfectionem, collata uelut in unum, & in arcum contracta omnimeliore & præstantiore Natura, Intelligens diuinitus est ingenitum. Ita ab eiusmodi multiplicibus incrementis, summi Dei ex primo in creatione rerum mandato, ordine conuenientissimo, res omnes progressæ uidentur. Cui magna uis illa intelligendi & cognoscendi inest, Homo appellatur, animalium omnium perfectissimum, rationis & orationis præstantia, atque communi societate, ad quam se genitū agnoscit, præcipuè commendatum. Cuius unius causā, & ad quem unum atque eun-

Hominis doct.

*Conditi Mundi
causā.*

- 30 dem finem hic mundus à supremo Deo fabricatus: & tanta rerum omnium, stirpium atque animantium molitio, quæ hoc orbe terrarum infra Lunam continetur, effecta est: & ad illius necessarios usus, quandū in his terrenis locis, perinde ac uiator aut exul quidam erit, diuinitus condita. Itaque cum cætera, animam quandam habentia, terris firmiter hæreant, aut easdem prona, & ad solum pastum abiecta, spectent, perfectius his animal homo, ad singularis Dei similitudinem expressum, & ad illius cognitionem ac laudes concelebrandas genitum, atque in medio terrarum collocatum, ut insitæ mentis bonitate, ac ingenio ad uirtutem amplectendam celeritate, attollat sese humo, et præstanti cognitionis studio ductus, coelestia contempletur: seseque ad uitam cum laude transigendam, rebus omnibus, qua-

Hominis dignitat.

rum illi in his terris administratio est relicta, abundanter instruat. De cuius eccellente Natura & dignitate, corporis actiones, & necessariam sui conseruationem, promptitudine atque habilitate, singulariꝝ Ingenij ad magnos usus celeritate & acumine, ab eiusmodi iniitijs, ut est institutum, breuissimè dicere progredior. Igitur cum homo corpore & animo sit compositus, de hoc posterius, de corpore primùm, cuius artificiosa est omnis fabricatio, in multis quidē cæteris animantibus par, in nonnullis inferior: sed omnium in uniuersum mentis agitatione singula dirigēte, principatum tenet, atq; imperium. Vin- 10
 cimur enim corporum uiribus, robore, & celeritate, quorundam etiam sensuum perspicacia & acumine: sed quæ perfectiora sunt, solertis Naturæ summa Prouidentia in eodem homine elucet, & in eundē benignissimè translata cognoscuntur. Corporis itaque partium, quæ extrinsecus apparent, quæq; suis incrementis magis conformatur, eiusmodi quædam descriptio, à studiosis hominibus, & peruestigandæ Naturæ diligentissimis cōtemplatoribus est notata. Excitatum enim hoc cœleste animal diuinitus, bipes, celsum, erectum, spectabile, & eximiæ cuiusdam formæ, ad habendam tantorum in hac uita beneficio 20
 rum summo Deo gratiam: & ad superarum rerum quasi originis, cognationis, & domicilij pristini conspectum, atque totius
Caput. huius Naturæ theatri conuenientissimè factum. Caput namq; rotundum, perfectā mundi ipsius formam aptissimè referens, fastigium tenet, arx, dux, rector, princeps partiū reliquarum: cui propter magnam habilitatem minus carne onusto, & facile sese in hanc & illam partem inflectenti, celeriter adfunt, & continenter inserviunt. Cuius suprema, distinctus in synciput, quæ prior: & occipitium, quæ opposita pars est, atque capillis ad ornatum uestitus uertex, habet. Prior pars necessarijs membro- 30
Frons. rum officijs aperta magis est, & instructa. Nam frons, perinde ac oppositum uallum, animi ad tristitiam & ad hilaritatem affecti significationem prodit. Ad utrunque latus tempora, atque
Aures. semper nudæ & patulæ aures, cochleæ mollis cartilaginis instar, sonis ac uocibus excipiendis & colligendis, ponuntur. Inde à fronte
Supercilia. supercilia, quæ quandam habent fastus rationem, consequuntur: quorū motu aut negamus, aut annuimus. Sub-
Oculi. iecti sunt cōcauis foraminibus inclusi duo orbes simillimi, oculos dicimus, magno Naturæ artificio compositi, ut pars sit animo uicinior preciosissima, lucis usum præstans: ijdem mobili- 40
 bus palpebris, tanquam tegumentis, ab omni externa iniuria muniuntur: oculorum acies, luminū scintillis micans, & totam
 hominis

Hominis fabricatio.

Partes corporis humani extrinsecus.

- hominis imaginem reddens, qua cernimus, pupilla est: hanc corona circumdat, quibus animi motus atque uoluntates manifestè declarantur. Sed in confinio exorians, & ad irrisionem expositus nasus eminet, patulis semper & apertis ad hauriendos spiritus, ad capiendos odores, & ad respuendas cerebri sordes, binis foraminibus, quæ nares dicuntur. Vtrinque malæ ac genæ tumidæ extant: quarum decens atque ingenuus rubor, pudoris est significatio. Os duplici labro ad sumēdos cibos, & ad loquendum patet, ac conuenienter clauditur, adiunctum naribus spiritu augetur, & leniter motum buccam efficit, risum atque hilaritatem indicantem: inde inferioris maxillæ discrimen notatur, hæc fertur ad mentum, quod in uiris, maturitatis ac roboris quodam testimonio, decēter est barba ornatum. Humana hæc est facies, quiq; solius hominis esse dicitur, ad patefaciendas uoluntates, tacito quodam sermone mentis, uultus. Caput igitur modico annexæ ceruicis, & teretis, ac rigidi colli spacio, medio corporis trunco adiunctum, & conuenienter suprà est impositum. Firmi iam ac ualidi humeri sequuntur, è quibus ab utroque latere manus subiectis axillis, & brachia neruis, lacer-
- 10 tis, atque musculis firmata, inflexione atque extēsiōne cubitorum, apèc ad diuersos usus prominent & dependent: quando non ad ambulandum, sed ad operandum & faciendum accommodantur. Summa inde manus, salutis atq; fidei testis, artium plurimarum totius uitæ, rationis ac Sapientiæ ministra. Est enim corporis partium una maximi usus: qua non minus à cæteris animātibus differimus, quàm interius mente, cuius eiusdem inuenta & excogitata in opus illa educit. Vtraque manus digitos habet quatuor, articulis ternis distinctos, & pollicem duobus: qui idem rector atque moderator, digitis aduersus omnibus, ad firmam instrumentorum apprehensionem flectitur, per se in obliquum, cæteris crassior, minimo mensura par: item reliqui duo inter se, at medius longissimus: quorum omnium fastigia ad firmitatem unguibus clauduntur. Artificiosa hæc est Naturæ fabricatio, ut facili digitorum propter molles commissuras in pugnum contractione, & in palmam concaua uola quasi aperta, porrectione, multis rebus conficiendis plurimum inferuiant. His grauior corporis moles intermedia, quasiq; trūcus, thorax antè cōspicitur: cuius pars est latum pectus, oīsibus ad conseruanda præcordia & uitalia membra, optimè communitum. Fœminis mammæ ad necessariū infantum ex lacte alimentum, magis eminent: quibus in extremo sunt papillæ, ad sugendum accommodatæ, Pectori adhærēs uenter subijcitur, quod
- 40
- Increſcere

Nasus.

Mentum.

Vultus.

Collum.

Humeri.

Mentum.

Summa manus.

Pollex.

Digiti.

Pugni.
Palma.Thorax.
Pectus.

Mammæ.

Venter.

incrementum illi nutrimenti recipiendi causa oportuit, nullis
Vmbilicus. ossibus, abdomine uestitus prominet, intermedium fere umbi-
 licum habens, per quem foetus, dum est in utero, alitur, atque co-
ilia. piofa intestina continens: in imo sunt posita ilia, hinc ad sexus
Spina. discrimen subnexa uerenda. Sed in oppositum a ceruice spina:
 cuius partes dorsum, lumbi, & os sacrum, habentur. Inde uer-
 tebrae, carinae instar sunt, ad sustinendam uniuersam molem, et
 complectendam, artificiose contextae, ut sine offensione inflecti
 & incuruari commodè possit. Iam scissioni, propter congloba-
 tae carnis copiam, accommodatae partes, atque ad Naturae ne- 10
 cessitatem datae: quas, ne quid tecti & fastidii essent habiturae,
 eandem a sensibus procul amandauit. Graue hoc onus duae quasi
Crura. ualidae columnae, crura sustinent: quae praegrandes coxas, mul-
 ta carne compactas, ad robur & femora habent. Consequun-
 tur paulatim in angustum deficientia, & flectentia sese decenti
 bus nodis, ad gradiendum atque sedendum, aliasque habilitates,
Genua. poplitibus ad hoc obsequentibus, genua, in quibus significatio
 quaedam incst humilitatis: his coniunctae sunt tibiae, tectibus
Pedes. furis extantibus optimè firmatae. Postremi sunt pedes duo, singu-
 li horum malleolos utrinque eminentes habent: talo inde, calcaneo, 20
 & planta, quae est corporis totius fundamentum, atque uesti-
 gio subiecto, digitis ijs qui in manibus sunt, aliquanto breuior-
 ribus, extrema tenentibus: quibus innixi omnib. ad stationem,
 ingressum, & cursus celeritatem, corpus uniuersum, non sine so-
 lertis Naturae & Prouidentiae admirando artificio, quocumque
Partes corpo- lubet, circumferimus. Sed interiora omnia incredibilis utilita-
ris humani in- tis, & fabricationis mirificae atque diligentis: quae cum doctissi-
teriores. mi homines lustrarent, nomen Minoris mundi conuenienter
paraginas per. homini dedere, quasi in eo contractam quandam uniuersi ad-
 umbrationem cernerent: ita nihil intus superuacaneum, nihilque 30
 ad uitam sustentandam non maximè necessarium atque oppor-
 tunum: ut totius corporis debita ratio non satis constare po-
 tuisset uideatur, si quid esset aliter a diuina Prouidentia effectum.
Alimenta uita Quoniam uero ita est comparatum, ut confirmandis & reficien-
necessaria. dis corporis uiribus, augendis atque conseruandis, non spiritus
 solum praesidijs frueremur, uerum etiam sicut ipsa terra, imbri-
 bus ac pruinis, ad diuersa procreanda nutritur, cibo frequenti,
 atque potione: his enim tribus rebus uita nostra tenetur, quam
Or. ad rem os est aptissimum. Ex omni ciborum uarietate, dulcibus,
 pinguibus, ac potu, corporis habitus bonus seruatur: sed ari- 40
 dis, liccis, frigidis, atque siccis, multum minuitur. Extenuandis igitur
 atque molliendis escis, constructi & inserti gingiuis magnae
 duritiei

- duriciei dentes, optimè inseruiunt, ac præparant: è quibus ad- *Dentes.*
 uersi & acuti, morfu diuidunt: intimi, qui & genuini dicuntur,
 subigunt, atque conficiunt, lingua ad colligendos & deprimen- *Lingua.*
 dos cibos, humore accedente uolubili, concauo, tanquam testu-
 dine, palato adiuuante: per fauces atq; gulam, stomachus etiam *Palatum.*
 dicitur, commodè eosdem transmittunt. Subiecta inde aluus, ci- *Gula.*
 bi potus humore permixti, est receptaculum, medium locum *Aluus.*
 obtinens, quæ utique uenterculus & stomachus nominatur. Ea- *Stomachus.*
 dem illapfas & exceptas auidè escas, uicinarū partium commu-
 10 ni nexu, amplexu, ac calore, qui multus est, singulari q; opera co-
 git, miscet, confundit, liquescit, commutat in album, atque sua
 ui & Natura concoquit. Secreto inde puro alimenti succo, & sa-
 lutari, quo aluntur homines, esculentiora permanant ad iecur, *iecur.*
 artificiosissimam sanguinis officinam: cuius reliquias, bilis flaue
 tenuiores, fel, atræ crassiores fæces, lien ad sinistram collocatus, *fel.*
 opportunè excipiunt, perinde ac superuacaneis sordibus, ne im- *Lien.*
 pediantur idonea & salutaria alimenta, corpus expurgantes:
 ne uel illa diffuant latius, deformatum & decoloratum redda-
 tur. Quod ex his tenue, dilutum, & humidum remanet, fertur *Renes.*
 20 ad renes, inde infra aluum ad uesicam, idq; mirabiliter comple-
 tur, & humore distenditur: ut hic aliquandiu seruatus, postea
 deonerari possit, urinam dicimus, quæ præter alia, ualetudinis
 etiam bonæ & incommodæ signa plurima in sese continet. Fœ-
 minis eadem omnia, nisi quod uesicæ iunctus est uterus, qui & *uterus.*
 loci dicuntur, ad fœtum comprehendendum. Discretas simili-
 ter inutiles escarum reliquias, multiplici & longo intestinorum *Intestina.*
 flexu, in sese conuoluto, atq; decursu, ut diutius quæ abundant,
 retineri possint, nec semper cibos appetant, nec frequētius sint
 deoneranda, modò astringentibus sese, modò relaxantibus, Na-
 30 tura suo tempore mittit, reſcit, ac respuit. Interim cum hæc ua- *Discors con-*
 riè aguntur, ut in ipsa mundi totius fabrica, ad unam consensio- *cordia.*
 nem, incolumitatis uniuersi conseruatricem, alia atque alia con-
 trarijs uiribus fiunt: ita præstans Natura, nulli non partī tuen-
 dæ diligentem operam adhibens, miro, incredibili, ac diuino ar-
 tificio cetera persequitur. Nam ex uiscerum omnium partibus,
 pectoris uallo optimè munitum Cor, princeps, fons uitæ, spiri- *Cor.*
 tuum, & caloris totius, sedem thoracis mediam, perinde ac re-
 giam, reliquis partibus celeriter & opportunè adiuuandis, con-
 sulto obtinet, atque ita mobiliter palpitat, ut igneam quandam
 40 imitetur celeritatē. Circumpositi sunt, follis instar, Pulmones, *Pulmones.*
 raritate quadam, & spongij asimili mollitudine constantes:
 qui ijdem ab ore & naribus, per guttur, & asperā arteriam, spi-
 ritus &

ritus, & animam, reciproca uicissitudine, ad uitam sustentandam continenter hauriunt, ac reddunt: quodq; uehemēter est salutare, immodicū cordis feruorem, & æstum etiam, cum aut ira plerunque exardescit, aut metu trepidat, grata & peropportuna temperatione atq; refrigeratione recreant & conseruant. Idem cor suum à iecore capit alimentum, tametsi originem ab ipso corde uenas ducere, & sanguinis fontem esse, diuersi suis rationibus, ut sunt multa obscura in hac Naturæ nostræ imbecillitate, existiment. Sanguis itaque crassior ab eodem corde elaboratus, passus est spirituum, in quibus uis omnis illa uitalis, per arterias igneo motu micantes, cōtinetur: quemadmodum ea quæ naturalis dicitur, per multiplices uenas, ab ea quæ caua nominatur, initium à iecore capiens, propagatas, ut discurrat inde sanguis & spiritus per uniuersa totius corporis membra, quæ ita pro conuenienti cuiusque ratione æquabiliter irrigantur, atque uegetantur: ex quibus iisdem corporis partibus diuersæ fordes effluunt, cuius generis sunt sudores, pili, & ungues. Qui uerò spiritus subtiliores facti, à corde ad amplum & capax cerebrum, suprema tenentem, calua, tanquam galea, bene communitum, eidem calfaciendo, cum sit Natura frigidum ac humidum, subuehūtur, ut alia multa, sic etiam diuinā illam, & immortalem, datam hominum generi, mentis agitationem, sentiendi, mouendi, ratiocinandiq; uim mirifice fouent, atque conseruant. Inde utiq; capit initium, & manat præstans illa uis, quam animale dicunt, neruorum ex eodem, atque spinæ medulla, corpore toto, implicatione, & conuenienti ad continendos artus ductu: atque ossium commissuris finiendis iisdem artubus ad omnem firmitatem, robur, stabilitatem, ad motum, & ad multiplices actiones aptissimè inter se dispositis. In quibus iisdem ossibus conclusa est, ad magnum corporis uigorem conseruandum, medulla, quæ rubens est in iuuenta, sed in senecta albescens: hanc sua soliditate ossa optimè defendūt, ut compages omnis firmior, toris, musculis, nodis, uinculis, lacertis, atque articulis flecti & uerti possit. Quæ ipsa ad maiorem decentiam, & ornatū, ad complenda uacua, ad calorem retinendum, atque ad uitandas externas iniurias, carne succi plena uestitur: ac molli cute in uniuersum, ut extrinsecus apparet, conteguntur. Eadem cutis aliquanto rarior est, quo interiorum ne cellarijs respirationibus commodus pateat exitus. Itaq; maximis eiusmodi prouidæ Naturæ præsidij, deliberationi, menti, atq; uoluntati ad omnes sensus, motus, functiones promptissimè exequendas, admirabiliter obsequuntur: pars ut nulla sit, quæ

Spiritus à corde.

Sanguis à iecore.

Sordes.

Cerebrum.

Vis animalis.

Nerui.

Ossa.

Medulla.

Cero.

Cutis.

Corporis functiones.

- quæ non certas & idoneas uitæ conferuandæ utilitates subministrat. Mouetur autem, & ingreditur ipsum corpus antè: quoniam membra præcipua & meliora sunt ibi posita, & ad imperandum aptiora: sed minus commodè retrò, aut in læuam, aut in dextram: erigitur atq; extollitur sursum, & ut grauià omnia, deorsum fertur. Variæ inde corporum habilitates atq; opportunitates, manibus, pedibus, & toto corpore adiuuante, ac uariæ actiones cernuntur: cuius generis esse possunt, status, ingressus, sessio, inclinatio, accubatio, saltus, cursus, natatio: ex quibus uirium firmitas & magnitudo cognoscitur, dum apprehendere, trahere, retinere, ducere, repellere, impellere, premere, tollere, uehere, portare, gestare, uertere, rumpere, conuellerè, & discipere aliquid conamur. Atque ita ab ipsis rerum primordijs supremus Deus hominem figurauit: qui cum tueri sese diutius non posset, constituto certo uitæ degendæ termino, data generandi facultate, permixto utroq; sexu, & sobolis propagatione terra oppleta, genus humanum perpetuare uoluit. Quam ad rem prouida sui conferuatricis Natura, simile sibi moribus & forma, ut plurimū gignere docuit, ut sunt alterutrius seminis uires, & ubertas maior. Fluit namque, & manat de uniuersi corporis, & ijs præcipuis partibus secretum, decerptum, spiritusq; plenum semen, quod suis conuenientibus uasis ad testes deferitur: hic commutatum procreationi foetus, post uterum excipit. Nascitur ex eo parètib; præcipuus quidam amor in liberos, quos non aliter beneuolentia, studio, cura, & sollicitudine in educando & informando prosequuntur, quàm partem sui potiorem ac meliorem. Sed generationis humani foetus quædam eiusmodi descriptio à studiosis rerum naturalium est deprehensa. Concipiendi, & partus gerendi, quodq; anni tempus homini conueniens habetur. Itaque Solis uim in hæc nostra corpora habentis ratione, exceptum à foemina uiri semen, & utroq; commixto, huius efficiendi maiorem uim in sese continet, illius patiendi: dextrum latus mares, cum plus habeant caloris, sinistrum foeminæ tenent: iam uteri complexu incalescit, & sensim in coagulum concrefcit: atque eo sanguine, quem maternum dicunt, fouetur & alitur: sic rudis cogitur massa, quæ primis septem diebus lacti consimilis, & sanguinea est nouem consequentibus: eadem duodecim accedentibus quodammodo increfcit, partes inde nobiliores paulatim efformantur. Et alendo quidem Cordi, in quo uitalis spiritus & caloris est principium, sanguinem lecur subministrat: qui in reliquum transmissus, cæteris partibus figurandis atque enutriendis optimè
- h 2 inseruit,

Motus.

Habilitates.

Virium ratio.

Generis hominum procreatio.

Parentum similitudo.

Semen.

Amor liberorum.

Foetus humani confirmatio.

Partes nobiliores.

inferuit. Ipsum uerò è salutaribus totius corporis partibus Cerebrum, euecto subtiliore seminis spiritu formatū, plurimū fo-
uetur. Has iam partes cæ consequuntur, quibus tanquam mi-
nistis, illæ eadem præcipuæ partes utuntur. Quocirca decem
& octo adiectis ad superiora diebus, & XLVI circiter exple-
tis, primatanti operis adumbratione cōsummata, arteriæ à cor-
de, uenæ à iecore, nerui à cerebro, ac spinæ medulla uariè de-
ducti, locis conuenientibus, & ad constitutionem, & ad confer-
uationem, summa prouidæ Naturæ ratione stabiliuntur, & fir-
mantur: ut coagmentatio illa maiore innutrita alimento, solida 10

Mens. magis indies reddatur, & grandescat. Mens interim simpliciter
Natura constans, nulli terrenæ materiæ permixta, totius cor-
poris administrationi, certo summi Dei consilio, inferitur. Ita-

Fortis. que membrorum absoluta conformatio, Foetus & infans no-
minatur: qui idem animali uita præditus, ad motum accommo-
datus, optimè conclusus, & in semet conglobatus gestatur, sitis
inter duo genua naribus. Appropinquatè partu, mammae dul-
ci succo, humor est candens & pinguis, turgescunt, atq; disten-
duntur, quo partui alendo fœcundum pectus lactis fontibus

Maturitas. exuberet. Maturescunt autem partus, septem nonnunquam, 20
plerunque nouem, aut circiter decem Lunæ cursibus: mares ex
calore ingenito celerius, foeminae tardius: sed mensis octauus
mortem adferre traditur. Atque ita completo hoc omnium in
his locis terrenis excellentissimo opere, nudus & inermis infans
editur. Initium ortus à uagitu, ploratu, & lacrymis: quod fragi-
lis & imbecillis uitæ mortalium, ad premendam immodicam
insolentum superbiam, quoddam testimonium esse creditur.
Sunt hæc quidem ipsius corporis, sed maiora & ampliora sunt
eidem conclusa, quibus diuinitus multa esse cōcessa intelligun-
tur, quorum gratia hæc sunt primum cōdita & fabricata. Nam 30

Sensus externi
quing. eidem corpori & animo sensus externi, quasi quædam lumina
& fenestræ, interijciuntur, qui extrinsecus obiecta patefaciunt.
Habet cætera animatia sensus quidem eosdem, sed eorum in-
tegritas & præstantia in uniuersum consultrix utilitatem atq;
opportunitatem Natura, uni homini, ut animantū perfectissi-
mo, est elargita. Et in capite, tanquam in arce, ad uultum, loco
ut edito, & animi cōceptibus, consilijs, rationib; uicino, totius
habens imperium: ita & ad uitæ usus necessarios accommoda-
to, quasi satellites & ministros prudenter collocauit: quorum
incredibilis est alacritas, & ad obeunda rerum omnium, quæ il- 40
lis subiectæ sunt, celeriter percipiendarum munera, promptu

Oculorum sen-
sus. do. Oculi namque, tanquam speculatores, principem locum al-
tissimum

- tissimum tenent: ex quo multa cōspicientes, suo fungantur munere: siquidem duobus quasi clarissimis luminibus, formas rerum omniū, toto cōelo, aquis & terris, dissimilibus coloribus, luce perspicuum medium illustrante, potissimum discretas, ad ordinis, numeri, motus, magnitudinis, decentiæ, atque uenustatis discrimina, & earum cognitionem comparandam longius, certius, uerius, ac uelocius ceteris sensibus indicant. Sunt enim colorum diuersa genera, è quibus album uisionem disgregare, *Colores* nigrum cōgregare traditur: ab his duobus ceteros colores generatos, nominibus à rebus uarijs, quadam affinitate deductis, *Oculorum præstantia* ingeniosè distingui uidemus. Idem oculi, quos maximè diligimus, charos habemus, & studiosè conseruamus, uirtutes atque uitia cognoscunt, iratum, propitium, lætantem, fortem, ignauum, audacem, & timidum: præterea Naturæ totius amplitudinem, Solem, sidera omnia contemplantur, ut singulari huius sensus beneficio, ad supremi Dei cognitionem præstantes, & diuinitus informate mentes, primū adductæ sint, & in summa admiratione retentæ. Aures deinde minus remota sentientes, *Aurium sensus* latus utrunque, pcrinde ac attenti & uigiles, ad audiendi præstandum officium custodes, possident: dum sonos diuersos, *Soni* acuto uelociore, graui tardiore, & his interiecto medio, ex corporum collisione, in sublime aeris moti atque impulsu, Natura elatos, & ad cerebrum atque animum protinus relatos, celerissime excipiunt, & subtiliter distinguunt. Harum admirabile est iudicium, quo uocis genera eiusmodi permulta discernuntur, *Aurium iudicium. Voces.* canorum, fuscum, lenè, asperum, graue, acutū, flexibile, durum, quæ solum auribus hominum iudicantur. Maxima etiam est in hoc sensu uis, ad intelligendum accommodata, Prudentiæ & Sapientiæ comparandæ, atque disciplinis omnibus percipiendis. Ea est auditus ratio, ut cui primū negatur, idem & sermo nis usum non habeat, Natura surdos simul & mutos reddente. Propinqua autem sentit odoratus, nariū singulari opera, commutatam à diuersis rebus circumflui aeris Naturam, qualitate sicci quadam ad odorem efficiendū, humore aereo infuso, conueniēter excitata. Itaq; cum omnis odor ad supera feratur, eum aut suauem, aut minimè nares celeriterprehendunt: ac proinde uicinitatem oris ad cibi & potionis iudicium, etiam ad cerebrum fouendum atque recreandum, cōsulto sequuntur. Tres *Sensuum ipsos et necessitas.* hi sunt sensus maximi quidem usus, quicq; dignitati, ornamento, & ad Prudentiam optimè cōparati esse uidentur: sed quantum ad præsentem ipsius corporis conseruationē, qui duo hos consequuntur, ipsa rerum conjunctione, nullis medijs utentes, ma-

gis sunt necessarij: licet etiam omnium animantium generi communes, in homine tamen, propter temperationem quandam, plus efficaces, cum in cæteris tribus plerunque uincatur. Itaque ad sentienda rerum genera, quibus uescimur, latitat in ea parte
Gustatus. oris, qua esculentis & potulentis iter Natura patefecit, Gustatus, lingua & palato saporibus, humoris qualitate ex ui caloris excitata, optimè discernendis, & ad cor per uenas, tanquā nuncios, referendis. E' tanto saporum numero alia dulcia sunt, aut amara: alia pingua, acrida, salia, acerbæ, austera, & acida: ut uoluptuarius sit maximè ad nutriendum hic sensus, & doloribus facillimè commoueatur. Res autem magis solidas, fluitantes toto corpore æquabiliter per sanguinem, & subtiles, tanquam rete, subtus cutem diffusi spiritus, qui in manibus, & in extremis earum digitis potissimum cernuntur, magno rerum discrimine allequitur is sensus, qui Tactus inde appellatur. Nam omnes ictus, & nimios caloris atque frigoris appulsus, sicca & humida, grauiæ & leuiæ, mollia & dura, lenia & aspera, densa & rara discernit, ac diiudicat. Eadem omnia a deo sunt incredibili cōsensionis rerum inter se Naturæ consilio & ordine composita, ut in his quinque sensibus quædam cognatio cum uniuersa mundi fabrica deprehendatur. Nam in uisione ætherea luminis ratio, in odoratu ex insito calore ignea Natura, in auditu sonus ex percussis corporibus, acie dimoto excitatus, in gustatu ex aqua humidum quiddam, in tactu terrenum præcipuè perspicitur. Ab his, tanquam nuncijs atque interpretibus, cuiusmodi sit rerum, quæ toto orbe continetur similitudo, quoniam falluntur plerunque ad arbitrum & iudicem, per uias quasdam artificiosissimè à Natura fabricatas, ad cerebrum, in quo est conclusa Animi pars melior, celerrimè transferunt: et cum sit idem animus altera hominis, eaque summa pars, huic tota illius Natura pareat, & continèter obsequitur. Præclara namque conditio à supremo Deo factum hoc animal homo: cui ficto iam corpore, diuinitus primùm animus est ad sui expressum simulacrum conclusus: ut solum ex tot animantium generibus, & ex tot Naturis, particeps rationis, cogitationis, atque sermonis, quando cætera expertia sunt, & corpore uersus humum proiecto, ad pastum abiecta. Itaque eundem animum seiunctam à quatuor illis primis rerum notis, & usitatis Naturis, quintam quandam, atque eam simplicem habere tradiderunt: quod excellentes atque multiplices dotes, quibus ornatus ad diuinitatem proximè accedit, confirmant: ut & sensum animi, & rationem Deus uideatur dedisse, quo appareret nos ab eo esse generatos, qui est
uera

uera intelligentia, uerus sensus, et summa ratio. Contemplatio *Animi sedes.*
 nifiigitur rerum coelestium atque terrenarum genitum animal,
 sedem animi totius corporis supremam, maximè quietam &
 tranquillam; nec ita commotionum atq; perturbationum flu-
 ctibus expositam, delegit. Inde adueniētes ab externis sensibus
 rerum species & effigies (præcipua est docilitatis atq; indolis
 cuiusdam significatio, commendatioq;) protinus excipit ac co-
 gnoscit, ijs quæ sunt rerum præsentium, & circa singula posita
 rum, quodāmodo acquiescens, intimus sensus, qui ob id Com- *Sensus Commu-*
 10 munis dicitur, in prima parte, ut nonnulli credunt, cerebri col- *nis.*
 locus, cæterorum quinque, perinde ac facto unanimi ad forti-
 tem concursu, diligentis & fidelis ministri officio, assensione &
 dijudicatione celeri ac expedita, ad uicinam Cogitationem, me- *Cogitatio.*
 dium cerebri obtinentem, protinus concepta omnia perfert.
 Locus hic esse dicitur, & fabrica præcipuarum animi humani
 functionum, rationem quandam rerum futurarū habentium.
 Princeps autem pars animi, perinde ac oculi corporis, infuso
 à primordijs nostri ortus spiritu, Mens, quam datā à Deo, ma- *Mens.*
 20 gnā uim rerum præstantissimarū in sese continentem, ac rem
 & uigentem, celerrimèq; coelo & terra contenta agitantem, at-
 que sagacem, omnes admiramur. Mentis inde optimam eam
 esse portionem dixerunt, quæ potissimum nos à feris separat,
 Rationem, qua una datam hominum animis perpetuitatem in *Ratio.*
 telligimus. Hic acceptæ, retentæ, & collectæ rerum species, diu-
 tius seruantur, altius exquiruntur in uniuersum, comparantur,
 atque componuntur. Inde præter cætera, mentis acumen, in- *Ratiocinatio;*
 uentio, ars, industria, solertia, consiliū, iudiciū, opinio, & ipsa *Ars,*
 denique ad tractandas res hominum accommodata Pruden- *Prudentia.*
 tia, proficiscitur. Subtiliter utiq; rerum causas inuestigat, quo *Scientia.*
 30 uidelicet quidque ex quibus causis efficiatur, ut similitudines
 rerum consequentium cum primis decenter aptentur & con-
 fungantur: pariter eiusdem munus est, inquirere quod uerum,
 simplex, semperq; est, & uniuersum di, alia ab alijs acutè dijudica-
 re: concludere etiam, resq; definire, circumscribereq; complecti.
 Ex quibus iisdem primis notionibus & intelligentijs, quæ sunt
 in omnibus similiter natæ, inchoatæ, & sine doctrina ad umbra-
 40 tæ, præcipuo munere diuinitus accepto, Scientiæ, & cætera a-
 nimi bona, multiplici ætatum, & diligenti obseruatione ad ma-
 gnos usus sunt deprehenfa. Itaque omnium doctrinarum ani- *Seminaria do-*
 mis nostris sunt sparsa uariè semina: ut cum eadē ratio, harum *ctrinarum.*
 conuenienti exercitatione, fuerit cōfirmata, & suam quandam
 maturitatem assequuta uidebitur, absolutio sit, & habitum iam
 faciens

faciens perfectio, quæ Virtus & Sapiëntia ritè nominatur, opus omnium, quæ hominis animo insunt, multo diuinißimū. Sen-

Memoria. sibus autem percepta, simul & præclaræ animi cogitationes, eiusmodi progressionibus firmatæ, in proximam (ut quidam sequuntur) à tergo partem, hanc Memoriam dicunt, in qua est præteritarum rerum firmum quoddam & stabile domicilium, atque locupletissimus thesaurus, ad omnem diuturnitatem tutissimè & fidelissimè impressis atque signatis rerum innumera-
bilibus uestigijs ac simulacris, reconduntur, & conseruantur: quæ collapsa cum ex interuallo recurrūt, uim hanc reminiscen-
tia, Recordationem appellant. Quanquam hæc triplicēs ani-

*Functionum
animi obscura
sedes.*

mi functiones (sunt quippe in magna obscuritate, ignorantieq; positæ) diuersis partibus minimè distinctas, sed in una atque eadem cerebri ipsius sede effici & permanere censuerunt. Sic eadem memoria, ut frequenti & repetita meditatione confirmari solet, ita perit intermissionis diuturnitate, & facillè elabitur, ut Obluionis nomen habeat. Ex quibus cognosci satis potest, animum ipsum trium esse temporum participem, cum præsentia solum corpus sentiat: sicuti animantes, quæ paulum admodum præterita aut futura assequuntur. Hæc sunt præstan-
tes animi, summum imperium tenentis, dotes, quæ communi
mentis atque ingenij appellatione significantur. Atq; ita in ani-

Vit Animalis. mo facultas ea, quam rationis participem, Animalem dicunt, inesse intelligitur, quæ neruis à cerebro & spinæ medulla ductis adiutatur. Inde ut nostrum est arbitriū, delectūs, iudiciū, consi-

Voluntas. liū, nostraq; rebus bonis cōsentiens, & mala declinans Voluntas, animi intētiōne firmata, sensus omnes, & corporis motus, ad actiones perficiēdas, cōuenientissimè regit atq; moderatur.

Appetitus. Procul autē à ratione duas alias partes animi, in appetitu positas, quæ cum sint etiam feris quodāmodo cōmunes, hominem
huc atq; illuc rapiunt, cōsultò Natura separauit. Et Irā quidem

*Excandescen-
tia.* atque excandescētiā in corde posuit, rationi in arce collocatæ uiciniorē; quo illa eadem suis stipata satellitibus, ni altera consequens cupiditas imperata facere uellet, uiribus tandem cogereretur. Hæc pars hominē excitat, nec languere sinit: ut medium inter utranque obtinens, quæ extrinsecus iniuste fiunt, admoneat, & rationi obedientia reddat: cum per arterias, respī rationes à corde profectę, toto corpore diffunduntur: quæ eadem uis, ita à corde manans, Vitalis nominatur. Ingenerat eadem pars, animi quandam magnitudinem, in laboribus perfe-

*Vitalis facul-
tas.*

rendis, & periculis sustinendis promptitudinem, atq; constantiam, quam Fortitudinem & Tolerantiam dicimus. Sed cum
ijdem

ijdem uehementiores motus à rectæ rationis præscripto nimium declinant, ciuntur Affectus atque perturbationes impulsu ueræ alicuius rei, aut præproperæ boni aut mali cuiusdam opinionis: quibus consultoribus, quasi contrarijs uentis inter se luctantibus, multū animus exagitur. Nam futuri boni expectatione, Libido, ac boni presentis Letitia, & gestiens Voluptas ducitur, esca est quædam malorum: sed futurum malum Metus, præsens Dolor & ægritudo auersantur. Cupiditatem uerò & appetitionē, tertiam animi partem, longius eadem Na-

Perturbationes.

Cupiditas.

tura subter diseluisse uidetur, ne molesta esset & importuna rationis interpellatrix, atque ad ipsum iecur cōuenientissimè re-

Vis Naturalis.

posuisse: è quo oriūtur ij rerum appetitus, & ea delectationum desideria, quæ per uenas toto corpori dispersa, Naturalia esse dicuntur: quibus tum ad nutriendum, tum ad generandū communiter omnes impellimur: ne aut siti, aut fame, rebusq; alijs necessarijs destitutum corpus languescat & extingatur: præterea ut simili à se legitime prognito, diuinitus constitutam generis hominum successionem optimè continuare possit. Itaq;

cum hæc animi pars integra est, & sibi cōstat, rationisq; monitis paret & obsequitur, neque in contrarium delabitur, affectibus etiam abducentibus, salutare in hominum uita degenda uirtutes retinentur: Continentiam, Temperantiam, atque Verecundiam easdem aptissimè uocant. Atque ita rectæ rationis præscripto & iudicio egregia uoluntas, supremo è loco dominatum obtinēs, cum hæc duæ animi partes imperiū detrectant, diuinitus semper adiuta, suo quodam iure sese opponit, uictrix è certamine præstanti hac consensione, & mutua horum affectionum concordia perficit, ut una uirtutū excellentissima Iustitia ad omnes uitæ usus congruentes optimè retineatur. Est

hic laudabilis, dissimilibus ex rebus constans, partium animi, & suauis concentus, ut illa coelestium rationem, contrarijs uiribus admirabilem consensionem atq; ordinem seruantium, proximè imitari, summa rerum in omnibus administrandis Prouidentia, & conuenientissimè referre uideantur. Sed ipsam rationem (ut sunt hominū res, ne insoleamus, uarijs expositæ commutationibus & calamitatibus) quodammodo solutam mentis uitiis, debilitatam stulticia, grauius oppressam & uitiatam deliratio: sed quasi ruptis atque effractis eiusdem rationis cōpagibus & uinculis, furor fit, & infania. Intus hæc geruntur, cum ad eadem patefaciēda, & motus animorum declarandos, solers Natura multas dare significationes nutibus, manibus, ac gestibus docuit. Frons nanque aut exporrecta, aut ad-

Concentus partium animi.

Mentis uitia.

Animorum explicatio.

ducta, & oculi, quasi quædam animi fenestæ, quemadmodum ad hilaritatem & ad tristitiam affecti sumus, perinde ac certissimi indices exprimere videntur. Vultus ipse totus, quod nos antè dixisse meminimus, animi imago, & quoddam speculum, ita est compositus, simul & reliquum corpus, ut sunt illa, quæ interius uariè agitantur; nisi cum in corruptis Naturis ita simulationum inuolucris uoluntates occultantur & teguntur, difficile ut sit iudicium. Sed omnium maximè indicat mores, uoluntates & studia aperit sermo atque Oratio: ut uerissimè comprehendì possit, qualis quisque sit habendus. Alterum est proprium à ratione datum hominibus bonum, originem ab ipsa mente, cuius est nuncia, tanquam à fonte ducens, ut uiuam quandam imaginem animorum repræsentet: qua eadem re præstamus feris, quòd colloquimur inter nos, quòdque exprimere dicendo sensa animi, & consilia possumus. Utitur ad hoc ex intimo pectore, pulmonum uel, laterum, atque faucium: à quibus impulsæ uox, lingua uolubili, & ne facillè exiccetur, humore plena, palato acumen suum illidente, septo dentium offensione, & labris compressione multum adiuuantibus, ne se immoderatus profundat, fingitur atque terminatur. Eadem lingua certis, & studiose exercitatis motibus acuminata & uibrata, innumerabiles cantuum flexiones, & sonorum uarios modos suauiter exprimit. Soni itaque distincti, res conceptas animo uerissimè declarant, cum accommodatus aurium sensus, impulsio, uti suprà diximus, aere, admirabiliter excipit, & ad animum alterius uelocissimè perfert: magna ad id cautione Naturæ, quæ unicam linguam, & binas aures dedit, commonefaciēs audienda quidem multa, sed perpauca esse loquenda. Hæc eadem oratio, cogitationum interpres, cum omnia ad uitam pertinentia exprimendo cōtinere quodammodo in sese possit, homines hominibus conciliat inter se, consulendo, docendo, communicando, & iudicando: ut hoc conuenienti animorum uinculo, societas humana, & cōmunitas, carere nullo modo possit. Præter eiusmodi plurima, hæc eadem oratione, cœlestis machinæ fabricationem describimus: & totius rerum in Natura, in moribus, & in doctrinis, uarietatem animis comprehensam, ingeniosè & copiosè explicamus: ut sit illud etiā, in quo maximè impressa sint diuinitatis uestigia, admirabile, quòd sensuum omnium in magna alacritate atque promptitudine apprehensio, animi omnia perlustrantis, & quasi in conspectum etiam, mundi totius amplitudinem, sibi constituentis, uelocissimus conceptus, atque orationis inde multiplicis uarietatis expressa cōformatio, propè eodem

Oratio.

Cantium flexiones.

Sonorum uis.

Magnus orationis usus.

Sensuum, mentis, et orationis mira celeritas.

pè eodem temporis puncto, tanta celeritate conficiantur, ut loquentium perpetuitas, ipsæ & dissimillimis de rebus teneri possit, & diutissime produci. Ex hac celeritatis ingenii præstantia, mortali corpori inclusa, pro nostra imbecillitate, & nostris humanis uiribus, Prouidentia ipsius quædam ratio æstimari & consijci potest: quæ per uniuersas mundi partes intèta discurret, omnia regit, omnia moderatur, ubique præsens, & ubique diffusa. Rectè igitur cogitata & meditata, quod est caput, & summa excellentis in nobis rationis atque uirtutis, prudenter

*Prouidentia
admiratio.*

10 & explanatè offeruntur, ut laudatissimis actionibus & factis ad omnem uitæ perfectionem possint comprobari. Itaque ut in uniuersum de Homine deinceps cõsideremus, corporis & animi tantus est, & tam mutuus consensus, tanta societas atq; coniunctio, ut alterius alter affectiones protinus sentiat, declaret, atque proferat: & alterutro bene habẽte, multum uirium aliis ab alio capiat, atque ad obeunda sua quisque munera paratior reddatur. Animo tamen in omnibus superiore, quem summus Deus, ut dominum atque imperantem obedienti præfecit corpori. Sic cum mentis integritati apta & idonea partium corpo-

*Cogitationum,
orationis, &
actionum con-
sensio.
De homine in
uniuersum.*

*Animi & cor-
poris cõsensu.*

20 ris functio & compositio obsequitur, ad omnem præstantiam hominis pulchritudo & formositas conspicitur eximia, quam dignitatem & uenustatem dicunt. Quoniam uerò neque corpus neq; animus satis sibi possent constare, aut per se cõsistere, motu & exercitatione conuenienti, necessarijs negocijs in hac communi uita tractandis, uires firmare atq; retinere solemus: quando ita recalcescit, & coloris bonitatem conseruat, tuendæ ualetudini accommodatam, quo ita ipsum ualidum ac uegetum in multam ætatem duret. Itaque dierum ac noctium uicissitudo salutis & incolumitati animantium est idonea, tribuens aliud

*Exercitatio-
nem ualutatis.*

Quiet.

30 agendi tempus, aliud requiescendi: ut ita grauiorcs diurni labores, opportuna noctis quiete subleuentur: dum humidi uapores ab alimentis excitati, sursum ad cerebrũ uehuntur: illis suauiter solutis, protinus obrepit somnus, oclusis oculis, palpebrarum ad hoc usu dato, & uic calor interius recepta, cessant actiones, sensus interquiescunt, & à simulacris auocantur: donec fessa membra, salutari hoc sopore irrigata, uegetentur, auribus tamen semper patulis, quo grauioribus sonis homo excitari possit. Vigil interim animus, tanquam ignis obducto cinere

Somnus.

Somnia.

40 cogitationum uestigijs, eiusmodi antè uisa reuoluit & agitat. Somnia inde ijs, quæ à nobis uigilantibus & loquentibus geruntur, similia sic apparent, ut nos dormire nesciamus: quæ stu-

Somnia natura-
lia.

Diuina.

Corporis dissi-
militudo.

Humores qua-
tuor.

Humorum con-
cordia ad sani-
tatem.

Morborum
origo.

Febri-
Locorum di-
uersitas.

dia ac uoluntates aperiunt, ut etiam euentus presentes & admi-
rabiles habereprehendantur. Hæc aut corporis, ex quatuor
humorum ratione, constitutionem patefaciunt: aut cum ita re-
missus est, ac liber dormientis animus, quæ diuinitatis etiam di-
citur esse quædam significatio, futura antequam eueniant, pro-
spiciunt: quorum postquam somno soluti sumus, memoria in-
tegra, ut alijs eadem commemorare possimus, seruat: quan-
quam multis somniantium uis minima censetur fides esse ad-
hibenda. Sic igitur mens nocte falsis uisionibus auocatur, ne fa-
cile excitetur: ut per diem ueris, ne obdormiat. Ac in æstima-
tione & comparatione hominum, licet sit communis quædam
omnibus insita Natura, nulli è tam infinito numero, qui aut lo-
corum, aut temporum spacijs disiunguntur, nec corporis, nec
animi ratione inter se similes inueniri possunt, multa sunt alio-
rum atque aliorum digna admiratione discrimina, præter lo-
quendi uarietates, & linguas dissimiles, quibus alios populos
multum ab alijs distingui, in magna perturbatione rerum sua-
rum, uidemus. Corporum dissimilitudo maxima è quatuor Na-
turis & elementis, quibus sunt quodammodo composita, ue-
rissimè perspicitur: igneum quiddam bilis flauescens refert: san-
guis rubens, & confusus in sese humores continens, uti eo alun-
tur spiritus, ita aeris habet Naturam: albescens pituita, aquis est
similis, & terræ instar densa bilis, quam atram nominant: quæ
ipsa partium diei progressione, quadripartita temporum anni
ratione, & ætatum etiam flexu, multum commutantur. Quo-
rum omniū proportionē, permixtionē, æqualitatem & concor-
diam, integritatem & puritatem, salua atque incolumis est corporis
uniuersi, ad idoneas functiones obeundas, temperatio quædam,
& constitutio, forma omnis splendet, & uires convenientes re-
tinentur. Sed inæqualitate & discordia, copia & inopia, uitio et
corruptione, humores cōcreti atq; collecti, Morbos gignunt,
quibus in discriminē corpus ipsum adducitur. Horum tanta est
uarietas, nulla ut pars sit corporis totius, quæ peculiare non
habeat affectiones, Naturæ nostræ contrarias, quibus affligi-
tur, alijs alio morbi genere laborantibus. Iisdem plerumque co-
mes est, ex immutatione à solita Natura, Febri, certis dierum
spacijs constanter recurrens dolor. Ex situ locorum & regio-
num, dissimilitudo etiam in Naturis hominum deprehenditur:
in alijs longior est uita, & salubritas maior: in alijs frequentius
morbi oriuntur, alijs diuersa incommoda: ut quæque regio
ad aquilonē frigida est, & ad austrum calida: ex quibus obscu-
rari alios cernimus, alios albescentia habere corpora, alios ha-
bitus

- bitus opimos, aut gracilitates retinere: præter corporum pro-
 ceritatem & paruitatem, uires atque imbecillitatem, quæ loco-
 rum Naturis sunt etiam dissimilia. Ea est plerunque partium *Animarū dissi-*
 corporis totius constitutio, ut ex his animorum propensiones *mitudo.*
 atque uoluntates cognoscantur & explicentur, maximè ex ea-
 dem quatuor Naturarū affectione congruentes & accommo-
 datos animorum motus fieri commemorant. Sanguis nanque
 copiosior alacritatem, flaua bilis ferociam & iracundiam, pitui-
 ta inertiam & segnitiam, atque atra bilis metum quandam ac tri-
 10 stitiam manifesto discrimine adferunt. Inde illa affectuum atque *Affectus.*
 perturbationum tanta uarietas, quæ momento temporis uariè
 & frequenter recurrit. Similiter quibus partes cerebri subtilio-
 res, iidem sunt magna ingenij celeritate præditi: quibus rudes *Ingeniorum in-*
 & crassæ, in ipsdem stupor & tarditas deprehenditur. Varietas *fectates.*
 eiusmodi in animis maxima apparet, præter ciborum, totius
 educationis, consuetudinis, ac disciplinæ rationē, in ijs qui eas
 terras incolunt, in quibus est aer purus & tenuis, cum sint illo-
 rum ingenia acutiora, & ad intelligendū aptiora: uel in ijs qui
 crasso cœlo, & concreto uti consueuerunt, quod ex mentis du-
 20 ricie & stupore cognoscitur. Inde ritus uarios in diuersis genti-
 bus, mores, uitæ instituta dissimilia, atque in omnibus actiones *Mores.*
 diuersas generari uidemus. Sed certis ætatum spatijs atque pro- *Actuum pro-*
 gressionibus, corporum & animorum discrimina manifestius *gressio.*
 declarantur: siquidem hominum studia & uoluntates accessio-
 ne annorum ita cōmutantur, ut à seipsis quique dissimiles red-
 dantur, nec facile à quoquam diu non uisi recognosci possint.
 Ea etiam est hominum conditio, & tot insidijs petitur uita no- *Infortunia ab*
 stra, ut in utero fragilis utique sit: cum uix pauci ad iustum æta- *ortu nostro.*
 tis incrementum ueniant, & uitæ præfinitū cursum conficiant.
 30 Præter diuersi generis monstra, & figuras à solito Naturæ hu-
 manæ ordine alienas, quæ graues rerum euentus, non minus
 quàm ostenta portendere dicuntur, etiam abortus incidunt, &
 claudicationis, cæcitatē, atque surditatis infortunia comitan-
 tur, sic mutila & deformia membra nonnunquam gignuntur.
 Dissimilis est maris & fœminæ cōstitutio: imbecillioribus hæc,
 firmioribus ille, ex calore ingenito, animi corporisque uiribus.
 Sed quoniam ex hac occasione in ætatū cursum incidimus, hic
 locus est à nobis tractandus: ut Naturæ historia, à suis primor-
 dijs progressa, conuenientem hunc rerum exitum cōsequatur.
 40 Itaque infans primo ortu sic nudus facit, quasi sine animo, suo- *Infantia.*
 rum expectans necessaria ad uitam præsidia: lac alimentum no-
 stræ Naturæ apūssimum, de matris uberibus, & ad incremen-

cum, & ad sui conseruationem fugit: iracundus, facilis in lacrymas, dum per ætatem, quid uelit, nullam dare significationem potest. Vbi paulum firmitatis accesserit, cōninitur ut sese erigat: sensibus, animo, & manibus iam uti posse quodammodo uidetur: quodq; humanitatis est proprium, arridet, & eos agnoscit, à quibus educatur, uiribus & magnitudine indies prohit: sed propter capitis pondus, tardius quàm cætera animantia, sese ad ingressum cōponit. Vt uerò emerferint dentes, solidior cibus, mammas iam exhorrescens, huic succedit: & parentum atq; domesticorum æmulatione, uocem ad uerba & sermonem confor-
 10 mat, ac fari incipit, gestiens, & sese exhilarans, gratus, & iucundus. Cum paulum processerit, ingredi atque ipcedere assuetus, æqualium collusionibus oblectatur, & in horas mutatur: fragili adhuc & imbecilli ætate, suis morbis, & ijs frequentibus, leui ex re affligitur. Quoniam uerò ex cœlestium ordine & ratione, ætates consimilem naturam referre traditur, infans ob humoris copiam diutius dormiens, uicinū orbem Lunam proximè con-

Pueritia.

sequi creditur. Excipit hanc minimè malam & simplicè ætatem
 20 Pueritia, membris compositis aliquanto firmior, uoce propter tennes spiritus exili, clara tamen, & distincta, cum delapsis prioribus, alij dentes recenter succrescunt: ut ad animi sententiā aperiendam, & ad mandata perferenda sit expeditior. Itaque puer congregatione suorum ducitur, datq; se ad ludendum: ut multalulus genera, quæ domesticis, opificum, ciuilibus, bellicis rebus, ac serijs prouectiorum actionibus similia uideantur, non sine ingenio comminiscatur, atque laboriosè exerceat: nec facile conquiescat, nihilq; non imitetur: deq; eo quod superest, gratificari uelit, ac curiosius animaduertat, quæcunque domi sunt: etiam fabularum huic ætati accommodatis auditionibus, recētis
 30 quasi Naturæ stimulis ad cognoscendum res admiratione dignas, impulsus retinetur, iram facile cōcipit, quam tamen deponit celcritè. Hic clarè elucet ex ingenita uirtutis indole melioris Naturæ iudicium, & futuri ingenij lumen, uitiorum utique propensio quædam deprehenditur. Manent, quæ illa ætate animis sunt impressa, ut auelli postea non possint, sicut non facile erigitur incuruata semel planta. Hac memoriæ tenacitate aptissima ætas primæ ad rerum cognitionem & tractationē suscipiendam informationi: ut si quid seriò discendum sit, primis illis puerilibus annis maximè proponi soleat. Quæ tanta docilitas, ingenij in quamuis partem mobilitas, atque morum uarietas, ex cœ-
 40 lestibus globis Mercurium repræsentare uidetur. Sed cum ad cibum capiendū, ex insito calore pueri sint auidiores, fit, ut suis incre-

incrementis aucti, in longiores febres sæpius incurrant. Pubertatis uerò tempore, ineunte Adolescentia, maior est uirium & *Adolescentia*

proceritatis accessio, uox aliquanto asperior, sensus multo acutiores, ut laboribus sustinendis corpus firmum reddatur. Pudore atq; liberalitate ut facile adolescens retinetur, ita minis & metu abalienatur. Serijs iam negocijs, ludicra omnia prioris ætatis relinquens, adhiberi incipit, quo pericula & difficultates ad rerum usum cõparandum adeat. Cognitione, præcipuo in nobis

10 tur: commentari incipit, & se scire gaudet, & alijs narrare gestit, cumq; æqualibus certat: si uincit, effert se letitia, laudis & approbationis amans: uictus, animo debilitatur, ac demittitur. Atque ita minimum in discendo laboris sentiens grauitatem, maximos facit progressus, ut breui ea addiscat, quæ grandiore ætate optimè instruant, nec unquam deferant. Sed cum insit maxima imbecillitas consilij, incerta omnium ætas, quam in partem inclinet, quamq; habeat uoluntatem, cupidè agit omnia, & breui fastidit, ambitiosior ad honores, quàm pecuniæ auidior. Profusus est adolescens, ac liberalis, compositus in cultu, & ad amores ar-

20 dentior, leuis, inconstans, multa sibi spe meliore proposita bene euentura persuadens: secunda ætas eorum, quibus uita omnis distinetur, conuiuijs, lusu, saltationibus, nihil ut cunctetur diem proferre: atq; pertinacia, ferocitate, insolentia, & dicacitate potissimum noretur. Efferuscens itaque sanguis, calore huic ætati proprio, ad omnem iracundiam facile commouet, ut pugnis & gladijs cum æqualibus adolescentes decertent. Longitudo omnis accedit, & in uiris quidè, matura iam ad procreationem ætate, genas barba uestit, ac fœminæ ad concipiendum idoneæ redduntur. Huius ætatis uarij mores, & ad uoluptates propen-

30 sa uoluntas, tertium ex cœlestibus orbibus, Venerem, cõsequi maximè uidetur. Ex magnitudine incontinentiæ ipsæm adolescentem in multiplices morbos incidunt, grauius ægrotant, & tristius curantur. Valentior est luuenta, uoce acutiore, *Iuuentus*, incalescenti adolescentiæ, & refrigeratæ senectuti interiecta: firma totius corporis in latum excrefcentis constitutione, & temperationis constantia quadam medium ætatum obtinens. Iam plurimum de prioribus studijs remittit, perinde ac maximis atque periculosisimis est uitæ difficultatibus incolumis & saluus iuuenis euaserit: ad liberorum procreationem maximè idonea ætas, seria nanque rerum domesticarum ut sibi, coniugi, atque liberis optimè sit, ad omnes superandas uitæ necessitates, prouisum, cura suscipitur: iam & amicitias comparare, & honores capessere,

Virilis etas.

capessere, ut est cuiusque conditio, student. Flos quidam ætatum, & perfectio hæc est, ut principatum teneat, perinde ac Sol corporum cœlestium rector habetur. Adiungunt huic in progressione & aliud ætatis discrimen, in qua eadem suam quandam maturitatē ratio uidetur assequuta, & corpus suum utiq; robur, ut utroque melius quodammodo uti possimus, & nos ipsos, quod magnum est in omni uita, melius cognoscere, usu rerum, & multa tractatione, uersutia in gerendis negotijs, calliditas atq; Prudentia comparata, simul & in propositis retinendis constantia, ut administrationi Reipublicæ, & grauioribus laboribus sustinēdis sit accommodatior. Itaque cum musculis & lacertis uires insint firmissimæ, Virilis ætas nominatur, & Marti quintum locum ex cœlestibus obtinenti, conuenienter

Senectus.

ascribitur. Aduenit sensim irrepens, & à summo inclinans, extremus huius uitæ actus, & ætatis peractio quædam, Senectus, quæ calore illo naturali sese refrigerante, multum uiribus atq; sensibus læguescit & debilitatur. Ac proinde spretis & contemptis iuuenilibus studijs, labores minuere, & ab ijs interquiescere necesse habet: animum uerò, quasi in tranquillum, quietum, & sedatum uitæ genus transierit, ad meliores cogitationes exercere. Igitur senes diuturno illo rerum usu, tot periculis & difficultatibus exercitati, utilia maximè inquirunt, & quæsitis parcissimè utuntur, ac semper metuunt, spe minimum ducuntur, tardiores in iudicando, nihil nisi dubitanter & timidè pronunciant, aut difficulter credunt, prioris ætatis errores multiplices recognoscunt: & quibus rationibus prouideri poterat, tum acutius, re iam confecta, cernunt: uariam rerum multarum cognitionem assequeuti, earum frequenti recordatione, superiora tempora semper commendantes, plurimum afficiuntur. Licet uiribus debilitata, iudicij tamen maturitate idonea ætas, Reipublicæ negotijs cōsilio & Sapientia moderandis. Inde honos illi, ac reuerentia defertur, & dictis illius summa habetur fides atque autoritas: ut à senibus doceri & informari, sit laudabile; perinde ac nos plurimum tribuimus, & monitis eorum acquiescimus, qui longum & difficile iter, aut periculosa nauigationem confecerint, quam eandem nos suscipere aliquando oporteat. Eadem senectus, cum præclaras habeat, quibus commendetur, uirtutes, pietatem, uerecundiam, & castitatē, Ioui, sexto ex orbibus accōmodant. Iam uerò ingrauescens senectus, ardescens plātæ instar, uoce tenui, cum sint spiritus imbecilliores, caluitio, rugis, & canicie accedente, per se ipsa morbus est, adferēte hoc Naturę necessitate: sensus omnes infirmi, auditus atq; uisio,

Decrepita etas.

- uisio, dentibus, ciborum conficiendorū instrumentis, dilapsis, non ad mandendum solum, uerū etiam ad loquēdum minus apta. Sentit grauiā tum intemperantis adolescentiæ incommōda, frigida est omnis temperatio, & ad generandū non idonea ætas. Incidunt morum uitia, ut sint decrepiti senes queruli, morosi, iracundi, minimē patientes, tristes, anxij, & difficiles. Igitur effectum corpus, decoloratum, incuruum, & membris intortis tremēs, baculo innititur, ac tardius incedit: ut ex ordine cœlestium ultimum, & eundem tardissimum, Saturnum non male repræsentet: ea est superiorum cum terrenis obseruata à studiosis hominibus consensio. Sed repuerascens nonnunquam, quasi repetito à Luna uitæ ordine, simplicius, quicquid superest aui, transigit: & obrepente, tanquam somno, morte, ex his corporeis uinculis, nulla molestia, & minimo dolore tandem soluitur. Est hic legitimus atq; præfinitus ætatis hominum cursus: quem tamen etiam perbreuem, ne immodicē insolescat, aut superbiat humanus animus, uariē interrumpūt, præter sexcenta morborum genera, nouis quotidie occurrantibus: quæ cum hæreditarijs, ex cibi ac potionis copia & inopia, calore & frigore nimio, laboribus immodicis, quiete, uigilijs, ac uoluptatibus, diuersis etiam affectibus, metu, gaudio, curis, sollicitudinibus, ærumnis, atq; aeris ex elementorum ratione corrupti contagione quadam, tum contrahuntur, tum augentur. Grauiā etiam multa interueniunt, cuiusmodi esse possunt, quæ repente nobis inopinantibus, & nonnunquam leui de causa accidunt: calamitates etiam, procellæ, tempestates, eluuiones, hiatus, uastitates, terræ motus, naufragia, ruinæ, incendia, noua & insolita indies periculorum & casuum genera: similiter & ictus, morsus, incursiones, atque impetus ferarū: latrocinia terra maricq;.
- 30 & quæ sita ad improbos publicē puniendos diuersa & atrocia supplicia: quæ item sunt grauiā uenenis, quibus soli homines alienis utuntur, sese aut alios interimere, aquis se immergere, præcipitem dare, aut incisis uenis, alijsq; rationibus necem sibi adferre: quæq; sunt his grauiora, multis in discrimen simul uenientibus, cum homines inter se factionibus, seditionibus, bellis exagitātur, ad hæc utentes pugnis, faxis, gladijs, omni armorum genere, & tormentis. Adeo uidentur in suam perniciem sponte ruere: cum cætera animantia, non nisi in diuersa genera, maxima ex parte scæuiant & grassentur. Sed dum morbi maioribus difficultatibus premunt, sensuum stupore quodam solitos cibos fastidit stomachus: immissos, nullam eorum suauitatem sentiens, respuit: membra consuetum officium deserunt,
- 40 k propter

Diuerse hominum calamitates.

Absorbentur.

propter debilitatas uires, corpus iacet ac decumbit: macies, & uultus deformitas, quæ intus sunt difficultates, patefaciunt. Somnus capi non potest, uariæ interueniunt uoluntates, ciborum

Instauratio. dissimilium immodica appetentia: consequuntur gemitus, iulatus, suspiria, & laboriosæ uolutationes. Instaurantur nonnunquam à grauioribus morbis, & senfim amissas uires recolligunt,

Corporum tædet. atque solitis uitæ muneribus iterum sese homines accommodant. At ingrauescens morbus humore illo natiuo, qui paulatim iam ab ipso ortu, quasiq; à radice continenti iactura (est enim cursus à die natali ad mortem perpetuus) consumebatur, 10
arescente & exiccante sese, simul etiam ingenito calore, unde uis tota uiuendi manat, subtracto quasi alimento, refrigerante sese,

Diuidio. & luminis instar consumpto oleo extinguente, infirmum tandem ac debile corpus, multis modis exagitant. Interim animus ex hac uita excessurus, & in patrias sedes ab hoc terreno exilio commigraturus, multa cogitatione reuoluit: multa, in quibus occupatior fuit omnis uita, nonnunquam refert, & quædam diuinitus pronunciat: ut qui sunt moribundi, uim quandam diuinandi, deq; futuris uerba faciendi assequantur: inde tanta uis extremæ illius uoluntatis est concessa testamentis condendis. Iam 20

Appropinquatio mortis. uerò, morte impendente, consequitur partium omnium languor & imbecillitas: turbantur, intcreunt, corrumpuntur omnia: inæquales sunt, & formicantes uenarum atque artiarum motus & percussus, oculi lumen refugientes, & languidæ aures, ceteriq; sensus solitum usum prorsus amittunt, uox deficit, rigent & contrahuntur membra, difficili hoc cōflictu, graui suspiria trahuntur, & in præcordijs Mors concipitur. siquidem ut primum uitam cor ex uisceribus concipere, ita extremam esse partium quæ moriuntur, existimant: corpore toto immoto recum

Orta occidere. bente, per pallido, decolorato, & exanguis: quod utique omnibus, quæ in terris sunt nata, commune habetur, atque à certa & definita Naturæ lege diuinitus est constitutum, ut omnia ab origine suis prouehantur incrementis, aucta inde paulatim à fastigio decrescant, & abeant unde orta sunt, atque intcreant: sic & recentem natis, alia proximè ex ipsius progenita, succrescant: quæ ipsa uicissim successione cōtinenti, alijs nascituris loco cedant. Inde sunt illæ generis hominum à suis primordijs progressionem, quas secula & ætates nominamus: puncto temporis animi fit & corporis custodijs, cōpagibus, & uinculis, secretio atq; 30
Corporis dissolutio. dissolutio: ipsum corpus è terra constans, quando sunt omnia 40
Vniuersitati reddenda, ut partes singulæ in suam quandam elementorum Naturam redeant, sensibus omnibus dilapsis, frigidum, stu-

- dum, stupidum, & inane cadauer ad humationem atque sepul-
 turam relinquitur. Animus autem pars in homine, ut ex cursu
 huius historiæ suis locis sæpe est demonstratum, simplex, minime
 ex quatuor illis notis ac usitatis Naturis cōmixta, sed maxi-
 me diuina, suo & à supremo Deo constituto, orbis terrarum
 administrandi munere perfunctus, ueluti ex utero in meliorem
 uitam, & maiorem lucem translatus, eodem in cœlū, unde pri-
 mum fuerat demissus, in pristinū suę cognationis domicilium,
 ex his terrenis omnibus prorsus liberatus, purus & integer, fe-
 10 lici ac prospero cursu remigrat, atque regreditur. Itaque cum
 eum ordinē uniuersa hac Naturæ historia sequi oportere, pro
 nostra ingenij mediocritate iudicemus, à minus perfectis
 cursu perpetuo ad magis perfectā sumus progressi: ut post de-
 scriptum suis partibus hominē, hæc prætereunda non sint, quo
 ita conuenientem finem primus hic Vniuersitatis rerum liber
 consequatur. Genios esse, nulla terrena contagione uitiatos, *Angeli.*
 quibus ipsēdem supremus Deus interioribus ministris, nuncijs,
 ac legatis, ad sua hominibus patefacienda consilia, & ad neces-
 sariam totius generis humani tutelam, utitur. Sed in aduersum
 20 perpetuū colluctari malos atque astutos spiritus, qui à Dei mi-
 nisterio desciverunt, ut ad omne malum perniciosi & multi-
 plicibus artibus homines pertrahere identidem conentur. Igi-
 tur ex conditis totius Naturæ mundi huius rebus, atque ex lin- *Deus.*
 gulari administrationis eorum omnium, quæ cœlo & terra la-
 tissimè continētur, Providentiā: quod principio positum, per
 omnem hanc historiam est continuatum, ab sapientissimis ho-
 minibus summa & absoluta præpotentis Dei æterna maiestas,
 luce illa nostris mentibus magno beneficio insita, uerius ac ma-
 nifestius æstimari potest: ut ingentem sui admirationem omni-
 30 bus excitet, atque ardentem amorem animis conciliet: quæ est
 (cæteris Naturæ uniuersæ rebus conseruandi nostri gratia ge-
 nitis) præcipua ortus & conditionis hominum causa: quam
 eandem piæ mentes, ueri ac debiti officij memores, con-
 cordissimè profitentur.

PRIMI LIBRI HISTORIÆ

Vniuersitatis rerum, quæ est de Natura,

FINIS.

K 2 EXCVR

EXCURSIO AC TRANSITVS EX
HISTORIA NATVRÆ, IN ALTERAM TO-
TIVS HISTORIÆ VNIVERSITATIS
RERV M PARTEM, QVÆ DE
PRVDENTIA IN-
SCRIBITVR.

*Materia de
Natura com-
mendatio.*



*Priscorum ho-
minum obser-
uationes.*

*Impensa & La-
bores.*

Successus.

ABSOLVTA EST, ET EXPOSITA A nobis in genere totius historię de Natu-
ra, breuissima, sicuti eramus polliciti, &
simplicissima descriptio: cuius forma,
quasiq; facies ita illustris apparet, ut in
ea perspicienda, & causis rerum perue-
stigandis, sicuti est dignissima ingenuo
homine occupatio, ita pastus animorū,
& delectatio suauissima meritò habetur. Quocirca par est, hic
mirari, & grata animi beneuolentia ueteres omnes prosequi, 10
ac priscos illos rerum obseruatores, quorum singulari cura at-
que diligentia nihil propè in tanta obscuritate (ut est huma-
ni ingenij capacitas) relictum intentatum, nihilq; quod uitę
prodesse existimarent, ab iisdem occultatū: tanta cognoscitur
in illis tradendis benignitas, & tantum in explicandis studium,
ut bene is apud eos uixisse uideretur, qui nouum aliquid uitę
hominum adiuuandę excogitasset, & in communem usum, li-
teris consignatum, protulisset: atque ea tam multiplici conatu
inuestigarunt, & pertractarūt, ut propè eadē discendi & com-
probandi solum laborē nobis reliquerint. Itaque tantę rerum 20
magnitudini & uarietati deprehendendę, publicę magnarum
Rerumpub. atque potentum Principum opes, laudabili facto,
liberaliter sunt impensę: & pręclara ingenia nullo emolumen-
to rei familiaris inuitata, sese acerrimis studijs, perpetuis uigi-
lijs, periculosis & longis peregrinationibus consumpserunt: ut
nihil tam inuolutū uideri potuerit, quò non acumine ingenij,
multo rerum tractandarum usu atque exercitatione, lustran-
do & obseruando peruenerint. Nam inuentes in rerum cœle-
stium ordinem, constantiam, & uarium motum, spretis rebus
terrenis, pariter & in pręstantissimas animi nostri dotes, de ip- 30
sius perpetuitate, deq; summo uniuersi fabricatore Deo, boni-
tate diuinis nostris mentibus insita, adiuuante, ueritati con-
sentanea multa sunt assequuti, & literis prodiderūt. Sed iam in
diuersa hominum studia, inde à Naturę lustratione & colloca-
tione proximus fiat transitus: quę ipsa eadem constabunt ma-
nifestius,

nifestius, cognitis eiusmodi rerum naturalium primordijs, quarum præscripto atque ductu studiosissimi & optimi uiri multas per ætates, ut laboriose, ita & utiliter ad magnos rerum tractandarum usus sese composuerunt. Quam quidem ad rem, ne recedamus à perpetua rerum omnium instituta continuatione, ut constamus, & cōpositi sumus ex corpore atque animo, ita duas ad res nati, ad agendum, & ad intelligendum: inde cunctæ res, quarum usum in terris habemus, studiaq; nostra, cuiuscunque modi illa sint, corporis alia, alia animi Naturam rationemq; se-

Studia ex hominum Naturam duplicia.

- 10 quuntur: ut cogitanti attentius, duæ similiter uitæ partes, quod antea diximus, possint aptissimè constitui. Et ad corporis quidem conuenientes effectiones, atq; multiplices uitæ hominum sustentandæ actiones, Prudentia: ad animi uerò præstantes cogitationes atque intelligentias, Sapientia: licet ita disiungi & separari non omnino debere, quibusdam uideri possit, apertius tamen, ac distinctius, quæ hoc consilio uolumus, congruentissimè poterunt accommodari. Siquidem omnes cogitationes, motus animi, & obsequentes huic corporis actiones, aut ad consilia de rebus honestis, pertinētibus ad bene beatèq; uiuendum,

Prudentia.

Sapientia.

- 20 capienda referuntur: aut ad ea comparanda, quæ cum mente & ingenio cōstent, in studijs cognitionis, scientiæ, & ueritatis uersantur. Ac Prudentiam datam hominibus idcirco existimatur, ut hominum generi uniuerso ad societatem nato, & ipsam Naturam in rebus necessarijs manuum opera imitanti, consultum bene sit, ac prouisum. Sapientiam autem, mentis atque rationis ingenitæ, & in capite collocatæ officio, ut cognationem & communiter quendam se habere cum diuinis rebus, summi Dei beneficio, uariè contemplantes, intelligerent. Quocirca ut hoc propositum à nobis utriusq; discrimen magis constet, Prudentia ad res tractandas est comparata, quæ in rebus hominum perturbata sunt, uaria, dubia, fortuita, & commutationibus exposita, utiliter moderatur: & in his omnibus, quæ consultatione & deliberatione indigent, uersari consuevit. At Sapientia contemplatur & considerat, quæ sunt uniuersimodi, firma & perpetua, quæq; nullo cōsilio habent opus, neque mutantur: sed sunt diuturna, & permanent. Igitur Naturæ, quam ex tribus cognitionis gradibus primam esse, supra demonstrauius, secundo loco hæc Prudentiæ tractatio proximè succedit: quæ quomodo primū fuerit ab hominibus deprehensa & notata, priusquam

Utriusq; uitæ usus & discrimen.

Prudentiæ incrementa.

- 40 ad enumerationis illius ipsius collocationem ueniatur, paucis hæc altius repeti possunt. Vnum è maximis bonis, diuinitus hominum mentibus ingenitis, est Memoria, qua una ad rerum

Memoriæ uis hominibus ingenita.

cognitionem fidelius conseruandam & custodiendam, nihil habetur accommodatius: ut eadem in hac communis uitæ consuetudine, rerum nouitate & admiratione animis nostris excitantis, frequentius dum recurrit, toties repetita, etiam cum aliquo periculo agitata, & assiduitate exercitationis confirmata, certam & conuenientē, quasiq; ex multis rebus ipsam in unum comportatis, ornatam Experientiam, uitæ mortalium ducem gignit: quæ ipsa singula, in quibus potissimum uersatur, congruenti ordine colligendo, & frequenter idem faciendo (ut est eiusmodi progressio ad maiora) mentem optimè instruens, uarijs rerum coniecturis, sensum quendam in uniuersum & in commune facit, multarum quasi Naturarum unam & eandem consensionem, ad utilem, certum, constitutum, atque propositum uitæ finem, ut ea quæ in Natura quodammodo deesse ac desiderari uidebantur, auxilio, præsidio, & imitatione cæteris in illius rebus compleri conuenienter possint: iudicio ita ad res eiusmodi tractandas, ex his inter se collatis & coniunctis, bene informato: *Artem cognitionem hoc efficientem, & experimenta regentem, nominant: ad cuius præscriptum res alia in uita atque alijs, certis & exploratis rationibus, nō temerè, casu, aut fortuito efficiuntur, usu rerum uario & diuturno, longa meditatione & obseruatione in notandis rebus, atq; exercitatione omnino firman-* 20
tur. Ex his progressi considerati homines, & publici commodi studiosi (liceat enim hoc tempore nobis ita ad rerum progressionem tenendam, liberè distinguere) partem illam positam in actione cōsultatricis animæ, plenius inquisierunt, quæ præstanti iudicio, atque rerum conuenienti & necessaria tractatione, in his uersatur, de quibus est consilium, & delectus corū quæ sunt uel expetenda, uel fugienda: ut locis, temporibus, personis, rebus accommodata bona diligentes, reiicientes contraria, salui 30
& integri esse possimus: omninoq; in his rebus, quæ ad utilitatem, & commoda hominum inquirenda, ad facultates, ad opes, ad copias parandas pertinent. Sunt enim homines hominum causâ generati, ut ipsi inter se præsidijs omnibus, et operis in medium allatis, alijs diuersis in rebus prodesse possent. Hanc excellentem uirtutem, hoc efficientē, conuenientissimè Græci à com-
modando, Latini à prouidendo Prudentiam appellarunt: utiliter enim uersantem in rerum humanarum negocijs tractandis, coniectorem esse optimum, atque uatē quendam, de ijs quæ proposita sunt, oportet. Eadem Prudentia non nisi mutua & ea 40
ne, consuetudine, atque exercitatione, potest comparari. Hanc
 idcirco

*Experientiæ
progressio.*

Artis origo.

*Prudentiæ in
quibus uersetur.*

*Prudentiæ
origo.*

Prudentia.

idcirco non malè Naturę considerationi subiecisse uidebimur: Prudentiam
conuenienter
Naturę subij-
ci.
protinus enim ut nati ortiq; sumus, uitę necessitati maturę est
prouidendum & consulendū: siquidem Prudentia, altera quę
dam est Natura: quam efficere, & proximē in omnibus rebus
uitę necessarijs imitari conamur. Itaque Prudentiæ subiecta
omnia deinceps eo ordine, quo quidque primum, quem nobis
ad historiæ rationem hoc tempore præscripsimus, sicuti antè
in Natura factum est, explicabuntur. Quam ad rem ne quid mi
nus distinctè fiat, & genera dicendorum omnium complecta-

Tractationis
ordo.

19 mur, à rudi & simplici hominum uita, primordia in omnibus
ducere uoluimus: inde ut quidque hominum usu & tractatio-
ne est in rebus auctum & excultum, illud continenter subieci-
mus: quo dissimilia hominū studia in sese tuendo & honestan-
do (quemadmodum ipsa rerum parens Natura diuersis ex re-
bus, contrarijs quodammodo, & pugnantibus inter se, consen-
sione quadam omnia producit) ad communē hominum tran-
quillitatem optimē comparata uiderentur: quæ ipsa unum in
locum è dispersis obseruationibus relata, plenissimè simul &
iucundissimè conspici, cognosci, & comprobari inter se pote-
runt. Tametsi ea quæ sunt cogitationis & considerationis ani-

20 mi, præcedere corporis actiones debere, plerisque uideatur.
Sed hic ordo historicus est multo conuenientior: quandoqui-
dem diuturnus rerum usus artes, doctrinasq; omnes, quas ha-
bemus, peperit: ut par sit, de communi rerum usu principiò di-
cere. Ac multo minus nobis placuit eorum ratio, qui non pri-
mas progressiones sequuntur, sed uaria rerum genera quædam
statuunt, minus inter se coniuncta atque colligata: ut nullum
memoriæ conseruandæ præsidium, cum pars ea sit studiorum
maxima, quæsiisse & attulisse uideantur. Cuius memoriæ cum

Ordine memo-
riam adiuuari.

30 habetur ratio, multa perspicua, & ad intelligendum expedita
redduntur. Illud enim toto opere persuasissimum mihi fuit, ut
omnia, quantum cogitatione, quantum lectione, quantum in-
genij atq; iudicij mediocritate consequeretur, ad naturales quos-
dam rerum, & continentes cursus accommodatè referrem: quan-
do studiose inquirentibus nulla uideri poterit in quoque gene-
re ordinis ratio, aut tutior hac eadem naturali, aut conuenien-
tior, aut quæ communis literatorum assensum magis habe-
re possit. Rationes, quibus adductus sum, ut ita cederē & sta-
tuerem, ad finem horum quinque librorum adferre, pro uiri-
bus sum conatus. Ac Prudentiæ historiā ita tractaui, ut remo-
tis personis, cuncta quę in mentem uenirent, persequeretur, cum
tamen illæ eadem inseri suis conuenientibus locis potuissent:

Naturalis ordi-
nis indagatio.

Remotis perso-
nis Prudentiam
esse tractatam.

existi-


existimans melius esse, ut illa nominatim uno loco posita legerentur: quæ fuit occasio libri tertij, de Principatu inscriptionem habentis, faciendi, qui idem altera quædam pars est huius historiæ de Prudentia. Memores tamen nihil nos hoc tempore conari aliud, & experiri, quàm breui & angusta hac expositione, nostrum hoc consilium proponere: quod aliter commodius fieri non posse uidebatur, quàm eiusmodi Vniuersitatis rerum collocationē instituere, ut non deliberasse solum, quod perfacile habetur, uerùm etiam exiguum aliquid in eo genere nos tentasse & cœpisse appareret. Sit igitur consilij & adumbrationis scribendę historiæ de Prudentia, tale quoddam initium.

EXCURSIONIS AD PRUDENTIAM finis.

CHRISTO

CHRISTOPHORI
Mylæi, de scribenda Vniuer-
sitatis rerum historia, è
quinque libris
Secundus, qui est de
Prudentia.

PROEMLVM.



PROVIDVM ANIMAL HOMO,
tanquam benè à Natura instructus
uiator, uniuerſo terrarum orbi ad-
ministrando diuinitus præſcitur, ut
ingenij celeritate, qua una re cæteris
animantibus præſtat, atque rerum
indigentia & neceſſitate continen-
ter impellente, ſingulari conficienda
rerum rerum duce & magiſtra, utilem

*Administratio
rerum terrena-
rum homini
conceſſa.*

- 10 degendæ uitæ mortalium Prudentiam adipiſceretur, & obti-
neret. Cuius ipſius præſidijs (quando hominum utilitati cun-
cta maria, cunctæq; terræ patent, ut commodorum ex his om-
nium in homine ſit dominatus) uitæ ſuſtentandæ accommoda-
ta longè lateq; diſquiſiſſe, totisq; uiribus diu multumq; con-
tendiſſe, ad exprimendam multis in rebus alteram Naturam,
omnium ætatum memoria cognoscitur. Eſt hic labor certo ac
diuino iam à primordijs rerum conſilio, ad agendum commu-
ni ingenito ſtudio propoſitus, ne animi ſimul & corpora non
conuenienti exercitatione firmata, ocio, ignauia, atque ſocor-
dia languidius ac remiſſius ſeſe haberent. Nam fieri noſtro ip-
ſius naturali iudicio, uſu & tractatione rerum uidemus, ut cum
res affluunt, omnis induſtria, & animi intentio penitus minua-
tur: cum uerò eſt rerum difficultas, ad inquirenda multiplicia
præſidia quiſque ſuſcitetur, utiliter retineatur, atque occupa-
tur. Itaque licet cæteris animantibus iam ab ipſo ortu eadem
Natura, nihil illis laborantibus, uarios & copioſos paſtus totis

*Labor homi-
num genera
propoſitus.*

Parentum com-
mune studium.

Labores homi-
num in commu-
ne.

Artium vulg-
riam tractatio.

terris latissimè fuderit: hominum tamen ea est cōditio, & quasi quædam prima imbecillitas, nihil ut illis sine labore suppetat, & eo mutuo. Nam recēter natus infans, nudus atque inermis, suorum ad conseruationem & incrementum salutarem opem ingemiscens postulat, efflagitat, atque expectat. Quam ad rem laudabile est omnibus insitum studium, ut priores ad ea quæ sunt & uictus & cultus, perpetua quadam generis hominum progressione copiose suis quique relinquere præcipuè laborerent. Eadem ratio, præter alia communis inter homines iura, hominem hominum appetentem effecit, ut isdem ex omnibus dispersis Naturæ muneribus, usum meliorem studiose inquirerent. Societati etenim atq; communitati nascimur, ut patria, parentes, & amici, nostra opera, nostrisq; studijs utantur. Inde temporum spacijs, usu rerum omnium efficacissimo magistro, & ingenij præstātia, labor, qui suscipiendus fuit, magna ex parte est imminutus, cum ad inuenta animo, & percepta sensibus, adhibitis hominum manibus, in medium proferrentur, singulis communi accedente consensu suum munus obeuntibus, creuit artium multitudo, quibus cōmunes operas adferre quique studerent, ut nostris alijs, nos aliorum laboribus uicissim uteremur: à quibus isdem cum auxilia petuntur, uita communis exultior fit, munitior, atq; cumulatior. Hæc omnis cognitio licet magna ex parte non sit monumentis literarum tradita, sed in communis uitæ usu, & exercitatione opificum atq; artificum tota posita: tamen quoniam historiam instituiamus, priusquam ad eam partem, quæ est administrationis Rerum publicarum, fiat ex his progressio, nihil uetat, quo minus pauca eiusmodi attingamus: ne cursus hic Vniuersitatis rerum institutus, aliqua uitæ occupatione relicta, interrumpatur. Neq; minus illa debent probari, si hoc loco quædā cognita satis, uulgata, nullaq; descriptione digna adferuntur: quando id potissimum inquirimus, qui sit rerum omnium ordo seruandus: quod constare satis non poterit, nisi eiusmodi rationibus, quas sequi sumus conati, enumerētur. Quanquam nec inutile fuisset, prætermisissis ijs, quæ sunt solertiæ cuiusque, & industriæ, quæque propter uarietatem arte nulla includere possumus, si ueteres ac nostri in his studium maius, ut illa fidelius perpetuis literis conseruarentur, posuissent: & in his maximè, quæ ab opificibus, cum sunt magno rerum incommodo, non satis benignè suppressa, sæpius eadem excogitare, inuenire, ac diuersis ætatibus laboriose comprobare, & iterum experiri cogimur.

NARRA-

PRUDENTIA LIBER II. 83
NARRATIO.



GITVR cum supremus Deus iam à primordijs rerum omnium, hominem, propter admissam grauem offensionem, ad multiplices labores in hac uita terrena & suscipiendos & perferēdos, quasi relegasset, necessarias ad res conuersus, quæ ad uictum pertinerent, primum quæsiisse uidetur. Nam conseruandi sui maximum studium communis rerum parens Natura ingenuit: quod elucet

10 in homine certius, qui non solo sensu, ut ceteræ animantes, sed ipsa ratione instructus & ornatus, omnē hanc imbecillitatem uincere atque superare potest. Itaque simulac natus est infans, quæuis ori admouet, inquirens alimentum ad sese tuendum: quasi iam certus, se minimū temporis posse consistere, nisi corpus cibo ac potu frequenter repetito alatur atque sustentetur. Post ut coepit, ætatis progressionē, maiorem intelligentiam habere, multo id facit diligentius, alienans semper seipsum ab interitu, & ijs rebus omnibus, quæ noxia esse, & interitum adferre cognoscuntur. Ac principio rudi, simplici, & omniū artium

20 ac usus experti uita (nam ab ijs huius historiæ sunt ducēda primordia) sponte natis, & passim obuijs diuersi generis herbis ac fructibus, naturali iudicio & periculo facto, salubria à perniciosis discernens, cuiusmodi fuere glandes, castaneæ, syluestria pira, ficus, & poma, homo uesci coepit: exposita aqua communis animantum omnium fuit potio. Ignis dein usus hominum uitæ, quorum celestis est origo, proprius atque necessarius, calfaciendo corpori inuentus, adhibetur: cibus etiam, qui crudi erant, atque insalubres, molliendis atque mitigandis: præterea ad ferendū obscuritati ac tenebris, lumine accenso, subsidium,

30 & ad uarias opificum actiones peragēdas, eundem utiliter ac commodarunt. Primam autem occupationem uitæ degendæ, Agriculturam frugibus percipiendis, atque Pecuariam fuisse tradunt, pecudum grege per pascua deducto, ut inde opportunum lactis alimentu, & eo in coagulum discreto atq; cōpresso, paratum casei usum haberēt. Iam uerò propius sese congregantes, de impositis à primo parente rerum nominibus (quod nostra religio primordia rerum omnium uerissima cōtinens profitetur) optimē consenserunt. Minus enim commodum fuisset, ad patefaciendas mentis nostræ uoluntates, quibusdam uti

40 signis digitorum, capitis, ac totius corporis uario motu, quod in his qui muti sunt, fieri uidemus. Aptius uerò, & opportunius, uolubili hac lingua, uoce modò elata, modò depressa, mo

*Victus primæ
hominum occū
patio.*

*Simplex homi
num uita.*

Ignis usus

Pecuariæ

*Nomina rebus
imposita.*

Nominum yd-
no.

Sermonis usus.

Linguarum us-
us et al.

Linguarum
cultus.

Rediit ad
nactum.

do inflexa, ad omnes animi motus explicandos, orationem con-
formare. Rebus igitur nomina data tum consideratè, cum ea-
rum Naturam quandà & affectionem referre atq; exprimere
uellent: quo ita cum expediret, celerius à quouis recognosci
possent, & intelligi: tum etiam pro arbitrio & uoluntate conse-
quentium temporum, aut ut quidque, nullis constantibus de
causis, fortè contigerat, perinde ac impressas distinctis sonis
rerum notas seruarunt. Atque ita ultro citroq; sermones, ad
communem usum necessarios, publico omnium consensu, &
longa exercitatione conferre coeperunt: quod animantium om-
nium solus facit homo, cuius beneficio mansuetior, ne in feram
& agrestem uitam degeneret, prohibetur, quin potius societa-
tem atque congregationem amet, & sequatur: ut cum per se ni-
hil possit quisquam, hoc quasi firmissimo uinculo, qui sunt pa-
triae eiusdem, optimè colligentur, & mutuis praefidijs sese adiu-
uent. Nam cum externi homines, quiq; sunt dissimiles & alie-
nae linguae inter se occurrunt, quàm magno & necessario desti-
tuantur adiumento, in tanta linguarum uarietate experiuntur:
ut cum homo socium sit animal, homini propè inutilis ex hac
linguarum ignoratione reddatur. Ex disiunctis locorū inter-
uallis, fluminum, montium, maris interuentu, cum nulla, aut
non ita frequens esse potest consuetudo, nullaq; habetur inter
se commercia, rebus etiam principatuum cōmigratione diuer-
sarum gentium commutatis, linguarum retenta est omnis dissi-
militudo: ex qua eadem multiplices gentes, suis uiuentes insti-
tutis, exortas tradunt: quae peculiarem linguam, ignotam ceteris,
multo loquentium usu comprobata & conflata, diutissi-
mè seruarunt. Longo dein rerum usu atque tractatione ad ue-
rius, certius, & explicatius cogitationes nostras exprimendas,
aptis translationibus, acutis prouerbijs, commodis & illustri-
bus sententijs, etiam uulgo tritis, plerq; ex his auctiores sunt
factae, excultiores, atque elaboratiores. Prima haec est commu-
nis omnium hominum, & non mediocri ad cōparandam Pru-
dentiam, assidua loquendi consuetudine firmata cognitio, om-
nem mentis animiq; sententiam propriè, eleganter, apertèq;
sermonis ratione posse explicare. Verùm ut ad uictū reuerta-
mur, uita spacijs temporum excultiore facta, dum alia, suscita-
tis semel ad excogitandum ingenijs, ab alijs deprehenderentur,
prouifum est, cum intelligerent homines, se imperiū terrae ha-
bere, & illius se esse cultores, quādiu hic est peregrè uiuendum,
diuinitus constitutos, ne eadem beluarum efferretur immani-
tate, aut paludum foeditate, aut saxorum impedimentis, atque
stirpium

stirpium asperitate uastaretur. Itaque máximo ferri usu intro- *Ferri usus ad*
 ducto, cum Naturam & ingenium eiusdem terræ, ut sunt mul- *agriculturam.*
 tiplicia genera, probassent atq; cognouissent, quæ magno cum
 fœnore & usura semper redderet, quod acceperit, nō hyemem
 quidem propter lutum ac gelu, neque æstatem propter siccita-
 tem immodicā: uerū autumnum propter maiorem aeris tem-
 periem, atque uer delegisse consulto uidentur: quo eodem an- *Aratio.*
 ni tempore, pluuijs dilapsis, agro ad maiorem fœcunditatem
 stercoreato, gremio terræ molito (id fit, cum eandē aratro pro-
 10 scindunt) & conuenienter subacto, ut semen æquabiliter spar-
 sum excipiat: primum id occatum cohibet, deinde tepefactum
 uapore, & complexu suo diffundit, & elicit herbescentem ex
 eo uiriditatem. Iam inutiles herbæ nascentes, runcatione & sar-
 ritione euelluntur. Eadem herbescens uiriditas nixa fibris stir-
 pium, sensim adolefcit: culmōq; erecta geniculato, uaginis iam
 quasi pubescens induditur: ē quibus cum emerferit, fundit fru-
 gem, spicæ ordine structam, & contra auium minorū morsum
 munitur uallo aristarum: quæ tandem sub messis tempus (ma-
 turitatis id est significatio) latē flauescunt: has tempestiue de-
 20 metunt, in manipulos & fasces colligant. Pōst ipsa messis in 2. *Messis.*
 rea tribulis, aut equorū gressibus exteritur, aut perticis flagel-
 latur, pro diuersa gentium consuetudine. Excussis inde granis,
 uentilatione aut uanno frumentum diligenter secernunt, repo-
 nunt, ac recondunt. Atque ita factum est, ut relictis glandibus
 (his enim quasdam gentes pro cibo usas primum fabulæ com-
 inemorant) ex iisdem frugibus mitiore cibo cōuenienter præ-
 parato, homines deinde uescerentur. Ac primis utique tempo- *Vitis à primo*
 ribus agrestem uitē satam ab altero generis hominum paren- *Noe satā.*
 te, ac pōst in apricis collibus ad ortū maximē, & ad meridiem
 30 positam, fossione, omnīq; diligenti ad fœcunditatem cultura,
 optimē mansuefecerunt: siquidem uitis Natura caduca est, &
 nisi fulta sit, ad terram fertur: eadem ut se erigat, clauiculis suis,
 quasi manibus, quicquid est nacta, complectitur: quam serpen-
 tem multiplici lapsu, & erratico, ferro amputans, coercet ars
 Agricolarum, ne syluescat sarmentis, & in omnes partes nimia
 fundatur. Itaque ineunte uere, in ijs quę relictæ sunt, existit, tan-
 quam ad articulos sarmentorum, ea quę gemma dicitur: à qua
 oriens, & mox florescens, uua sese ostendit, quę & succo terrę,
 & calore Solis augefcens, primō est peracerba gustu: deinde
 40 maturata dulcescit, uestitāq; pampinis, nec modico tepore ca-
 ret, & nimis Solis defendit ardores. Ex uberrimis & lactissi- *Vindemia.*
 mis eiusmodi uuis, tempore Vindemiæ, dulces succus, ut calca-
 1 3 tæ sunt,

tæ sunt, torculari etiam fortissimè exprimuntur, Vinum appel-
lamus: quod suis uasis conseruationi repositum, ad conuenien-
tes quotidianæ potionis usus, sustentâdis uiribus, & firmandis
Arbores. accommodatur. Cum Arborum fructus nimis essent acerbi,
hominum manus, amputatione etiam adhibita, mitiores quo-
dammodo faciens, in pomarijs & plantarijs easdè arbores or-
dine descriptas atq; dispositas, utiliter excoluit. Quam ad rem
plurimum commendantur, & speciosi habentur, in quincun-
cem directi ordines, quòd cum omni ex parte aspiciuntur, recti
Insitio. sint, quodq; terræ succum æquabiliter trahant. Post Insitionis, 10
casu, uti tradunt, deprehensa laudabili solertia, factum, ut ad ma-
iorem propagationem, fructus diuersis in locis perciperentur.
Inde magna pomorum ubertas, uarietas, iucundus odoratus,
gustatus, & aspectus. Herbæ diuersi generis, & olera ad eam ra-
tionem, in Hortos, hominum diligentia, suis areis, spacijs, & pa-
Horti. ribus interuallis distincta, transferuntur, quo ita ex agrestibus
grandiora fiant, simul & meliora. Itaque alteram succidiam hor-
tum appellant, quòd in eo herbæ esculentæ, ad usum domesti-
cum semper paratæ & expeditæ, habeantur. Summa est etiam
in plurimis herbis suauitas odorum, & pulchritudo florum, 20
quos diuersis anni temporibus terra liberaliter gignit, ut sem-
per nouitate, usu, & copia delectemur. Ratio dein habita iu-
mentorum atque armentorum, quæ altera est ab aratione &
fossione, totius Agriculturæ occupatio, tum ad focturam & so-
bolem, tum ad opus rusticum faciendum: cuius generis sunt ad
uectiones & onera, equi, asini, muli, cameli, & boues, quibus iu-
ga imponimus. His alendis exposita gratæ uiriditatis irrigua
prata, & minimi impendij, ex quibus hyemis necessitati para-
tum fœnum colligitur, ac in fœnili reponitur. Pascuntur etiam
totis campis, pratis, arbustis, & syluis, uaccæ, lactis copiam red- 30
dentes, uituli, oues, maximæ propter lanam & stercorationem
utilitatis: capræ, sues, qua pecude nihil Natura genuit fœcun-
dus, ducète pastore, cui sunt ad maiorem custodiam canes ad-
iuncti. Itaque præter accommodata pastionibus eiusmodi lo-
cæ, syluæ cæduæ relinquuntur, ad hyemandum, ad necessarium
alijs in rebus domesticis ignem excitandum, atque ad omnem
Syluæ cæduæ. ædificandi materiam comparandam. Seruantur apum exami-
na, quæ animantes Natura cōgregabiles fingunt fauos, ad sua-
uem mellis, & ijs expressis ad magnum ceræ usum. Aluntur do-
mi, & sustentantur gallinæ, pulli, turdi, columbæ, turtures, an- 40
seres, anates, pauones, perdices, phasiani, aliæq; eiusmodi: & ea
omnia ad usum, ad fructum, ad uescendum. Itaque referta est
cella

- cella uino, oleo, melle, lacte, butyro, caseo, ouis. Sunt diuerſe ^{Cella}
 neris & alij fructus, humidi ac ſicci, poma, nuces, atque pira.
 Plenum horreum frugibus, frumento, tritico, hordeo, ſiligine, ^{Horreum.}
 auena, ac uarijs leguminibus: cuiuſmodi habentur piſum, faba,
 lens, milium, cicer, oriza: quæ eſt uniuerſæ Agriculturæ multi-
 plex opulētia. Hæc ipſa ſingulari Agricolaæ parci, frugi, ac pro- ^{Frugi agri-}
 uidi uigilantia atque diligentia prudenter adminiſtratur, cum ^{cola.}
 actionum omniū idonea anni totius tempora deliguntur, cum
 apta ad diuerſos uſus inſtrumenta comparantur, cunq; ſeruo-
 10 rum munera conuenienter diſtinguuntur: præterea cum tem-
 peſtiuos fructus percipiendi, reponendi, condendi, atque ſuis
 occaſionibus diſtrahendi, omnes opportunitates ſequuntur.
 Simplex horum hominum uita, minimeq; malè cogitantium, ^{Agriculturae}
 ut ad communem hominum utilitatem nati uideantur. ^{lunt.} Præci-
 pua nanque fuit, & laudabilis, in qua omnes primū uerſaban-
 tur, occupatio, tanti habita ueterum conſenſu, ut omnium re-
 rum, ex quibus aliquid exquiritur, nihil Agricultura melius, u-
 berius, dulcius, homine libero dignius, & ad ualeitudinem fir-
 mandam, cum ſemper ſit aliquid, quod agatur, cōſeruandamq;
 20 accommodatius diceretur. Qua eadem bene habente, omnia
 inter homines ſuccedunt: at ea reliſta, ſpreta, deſerta, aut op-
 preſſa, terræ & maria nullos uſus præbent. Eſt enim Agricul-
 tura generi uniuerſo ſalutaris & neceſſaria: in hac repolitæ iu-
 ſta, parabiles, ingenuæ, & certiffimæ diuitiæ: parens eſt, & a-
 lumna artium cæterarū, in quibus nō uerſantur, qui conuenien-
 tia ad diuerſos uſus, & ad rerum noſtrarum amplificationem
 opera relinquunt. Expediit nanque, ut ſit uita inſtructior, & ſo-
 cietas hominum retineatur, unumquemq; certum aliquod mu-
 nus, quod ſibi tractandum iudicio & naturali propoſitione dele-
 30 gerit, obire diligēter, & fideliter exequi. Igitur multorū inuen-
 tis augeſcente hominum induſtria, rerum omnium copia mu-
 nitiores & locupletiores ut eſſemus, quoq; parata & in prom-
 ptu alia atque alia inuenirētur, artes propè innumerabiles, mu-
 tuum inter ſe auxiliū ferentes, utiliter ſunt inſtitutæ, & per mul-
 ta tempora conſultò retentæ, diſtributis conuenienter mune-
 ribus, quæ quique in hac uita exercerent, & ſtudioſè perfeque-
 rentur. Ex opulētia agricolarum acceptum frumentum, igna ^{Mole frumen-}
 ra adhuc ætas, laborioſè in molis, quas truſatiles dixerunt, cir- ^{larie.}
 cum agendis terebat: poſt rotis, aqua, uento, aut iumentis con-
 40 ueniēter impuſiſ, melius id ipſum fecit inter duas molas, iſ qui
 nunc Molitor nominatur: à quo ſecretam è furfuribus fari-
 nam, addito fermēto, & per ſulā caleſcēte aqua, Piſtor ſubigit: ^{Piſtor.}
 atque

atque confectos ex ea massa panes (calidis primùm cineribus nondum exulta ætate operiebant) in furnum coquendos im-

Panis. mittit. Præter multa genera deliciarum, necessitas rerum mari-

Opsonia. timarum, ad diurnitatem nauticos panes, rursus atq; iterum coctos, indurare docuit. Panis quotidianus est, & communis mortalium cibus: cui quasi suavius & salubrius cōdiendo, præ-

Ciborum dele-
ctus & oppor-
tunitas.

ter cætera Agriculturæ multiplicia cōmoda, in quo genere est succidia, à domestico fundo accepta, & in carnario suspensa, etiam animantium, bouis, uituli, ueruecis, & porci carnes, recen-

ter in portiones dissectas, Lanius uenales habet. Vbertatem & suauitatem omnis generis piscium è fluminibus, piscinis, lacu-

Penum. bus, & uasto mari, magna in iisdem capiendis hami & retium in-

Coquus. dustria usus, Piscator importat: quæq; canum singulari sagacita-

te, uenatu ceruorum, aprorum, & leporum nanciscimur, atque aucupium perfert: ut ita bestiis terrenis, aquatilibus, & uolanti-

Conuiuia. bus commodè uescamur. Quorum omnium ad uictum quoti-

dianum uarietate & copia, ut sunt facultates, quo id diutius fieri

possit, ut est cuiusque ad temporum anni idoneam rationem di-

uersa corporis cōstitutio, atque parabilis, moderati, & salubris

cibi cura, magnus fit delectus. Eam ad rem ut multorum in præ-

parando minuatur labor, iam parata à diuersis hominibus uaria

opsonia promuntur: idq; in maioribus potissimum ciuitatibus,

propter multitudinem & frequentiam externorum, ac eorum

qui solis opificijs tractandis, atque mercibus distrahendis occu-

pantur, præter alios, uacationem laborum habentes. Nam con-

fectum iam panem ex alio accipimus, uinum inde, conditas sale

carnes, coctas etiam, pisces, aues, olera, cæteraq; uictus commu-

nis ad penum pertinētia, in quibus singuli uersantur. At in prin-

cipum & locupletum familijs eruditi palati Coquus, ad sapores

discernendos introductus: qui ex omni auium genere, & diuer-

forum animalium selectis partibus, additis suis & accommoda-

tis cuique condimentis, delicatos cibos reddit: in quibus uolu-

ptatum blanditijs, & gulæ irritamentis exquirendis, hominum

cupiditas longius & curiosius à cōmuni usu recessit: præter id,

quod aceruatio saporum pestifera est, & condimenta ualitudi-

nem incommodam reddunt. Artem hanc adiuuant, & in omni

genere lautis ciborum conditionibus instruunt, olitores, salsa-

mentarij, fartores, dulciarij, cupedinarij: ita nanque à necessarijs

orfa primùm cuncta, ad nimium uenerunt. Igitur cum se dare iu-

cunditati, præter domesticam, consuetam, & priuatam cuiusq;

uictus rationem, delecti homines, communis societatis aman-

tes, beneuolentiæ inter se confirmandæ gratia, in locis amœnis,

domesti-

- domesticis, aut publicis, cum ij qui nobis sunt sanguine uel affinitate coniuncti, æquales etiam, contribules, & populares, cum externi hospites aduenerint: cunq̃ nuptiæ celebrandæ, apparatis opiparè & artificiosè conditis epulis, splendide excipiuntur. Instruitoris & conditoris Prudentia, quid primò, quid secundo apponi debeat. Iurulenta, elixa, aslla, tosta, & frixa, quæq̃ sunt epulæ diuersi generis, aptissimè distinguuntur, & fercula opportunè assidentibus atque accumbentibus collocantur: cœnam claudunt secundæ mensæ, & bellaria. Hic liberalibus & iu-
- 10 cundis sermonibus exhilarantes sese, humaniter & communiter uiuunt: inde est Latinis Conuiuiorum nomē accommodatum. Sed necessariò hominibus ultro citroq̃ comitantibus, præter sancta hospitij atque amicitia iura, opportunè illis & commode excipiendis, passim locis regionum idoneis, in ipsis uillis, simul & oppidis, diuersoria, cauponæ, ac publica Hospitia sunt conuenienter disposita, in quibus peregrinantes paratum cibum capiant, iumenta reficiantur, cæteraq̃ ad subleuandos peregrinationum labores pertinētia, in promptu habeantur: quod est maximum tuendæ huius communitatis hominum, & præsens
- 20 adiumentum. Proxima uictui diligentia fuit cultus ac uestitus, in propulsandis externis ab aere commutato iniurijs, tuendi sui causa: quandoquidem cætera animantia, etiam in ipso ortu, tegumentis suis naturalibus obducta sunt: at homo delicata, tenera, & molli cute nudus, qualicq̃ inermis, ac rebus omnibus destitutus: ingenij tamen celeritate, omnem necessitatem uincentem præditus, nascitur. Quocirca uti obuio & simplici alimēto prisca homines, sic etiam cultu imparato, necessitatis & uerecundiæ causa, primùm contenti fuere. Exposita erant arborū lata quæ-
- 30 rarū, quas fortè ceperant, detractæ pelles & exuuiæ: maius fuit, & solertis ingenij, ut est à necessitate ad rerum ornatū progressio, cætera, quæ multis temporum spatijs deprehensa sunt, & retenta, præsidia adhibuisse. Itaque ex tinsa ab ouibus lana, inde lota, discretæ, & collectæ, nendo tenuissima fila ducunt: quibus araneorum telis instar, artificiose contextis, Pannus conficitur, cuius magna est ad cultum hominis opportunitas, & ex uarietate colorum, quibus ab insectoribus tincta est eadem lana, ornatus. Sunt artifices, qui aptissimè textis lanæ filis, capiti contegendo pilea, diuersi utique coloris & formæ, adornant. Præter hæc
- 40 ex decorticato lino & cānabe, stupas dicunt, ad molliciem lanæ tundendo coactas, tenuior & candida fit Tela, quæ magni est usus ad res domesticas: ut sunt mātīle, mappa, linteum, interior
- m tunica,

tunica, ad mundum muliebrem instruendum, ad uela, retia, & funes. Sed maioris est ornatus, cum Bombyces uermiculi, maximo Naturæ artificio, subtilissima fila deduxerint, parare ex his diuersorum colorum pannos, ad locupletū & principum cultum: similiter è filis auri & argenti ingeniose pannos maximi precij intexere. Fiunt etiā ex lanæ filis, uarijs coloribus tinctis, textilia opera, quæq; acu pinguntur, aulæa, peripetasmata, stragulae, peristromata, tapetia, eorum quæ terra cœloq; conspiciuntur, figuris consimilia: historiarum etiam, & fabellarum, ad ornatum, & aspectus oblectationem, in ijs habentur: uillosis oriens 10 potissimum utitur. qui hæc opera relinquunt, Textores nominantur. Iam uerò ut panni usus sit, Sartoribus traditur, quæ illi, demensa & æquata corporis magnitudine ac forma, ut est gentis, uoluntatis, necessitatis, etiam temporū anni, & facultatum ratio, in partes conuenientes forfice dissecant, ut eadem acu bene futas, corpori toto uestiendo & contegendo accommodent.

Sutores. Cum uerò ad ingressum, & ad frigorū iniurias arcendas, firmiora pedum tegumenta habenda sint, optime prouisum, ut è præparatis pecudum & iumentorum corijs, calcei habiles & apti ad pedem, à Sutoribus, subula utentibus, conficerentur. Annexæ & introductæ artes multæ, quæ diuersa corij genera zonis, cingulis, faccis, loculis, atque ephippijs parandis adornant. 20

Pelliones. Cumq; foras per brumam ad opus, aliaq; sit eundem, nec continenter domi ad focum sedendum, paratas animantū pelles, uillis relictis, commodè uestibus interius subijciunt: quorum hæc est occupatio, Pelliones appellantur. Infinitæ sunt artes, præter eas quæ collapsa & detrita reficiunt, exornant, aut expurgant, quas curiosior uita exquisiuit, dum à necessarijs artificijs ad elegantiora, luxum & pompam nimium persequentes, de-

Curationes corporis. fluximus. Propius autem ad corporis munditias, capillum & 30 barbam Tonsores pectine explicant, componunt, & adornant, uel nouacula abradunt. In balneis sudor manat è toto corpore, aut in aquis calidis sulphuris, nitri, aluminis, salis, atque metallorum salubres lauaciones, pro morborum cuiusq; ratione, parantur.

Chirurgia. Acceptas plagas curant ij, qui à Græcis Chirurgi nominantur: similiter putrefacta, conuulsa, & fracta membra, tumores, & nascentia ulcera, quæ grauius per reliquū corpus sæuire possent: & ad id multis adhibitis unguentis, uestione, atque amputatione opportunè utuntur. Cadauer ijdem, aut Medicinæ 40 studiosi, diuersis instruētis, nouacula, spongia, ferra, cerebra, malleolo, scalpello, & eiusmodi aperiunt: quo ita partium totius corporis humani situm explorēt, & omnis generis functiones in con-

- in conspectum sibi proponant. Itaque morbis interioribus sanandis, diuinæ Medicorum arti etiam inferuiunt Pharmacopola^{Pharmacopole.}, qui uaria & multiplici in arte cum uersentur, stirpium & herbarum omnem copiam, aromata, quæ ex oriente potissimum importare solent, & eorum omnium quæ ex animantium partibus idonea habentur, quæq; ex abditis terræ uisceribus eruuntur, maximè diuitem supellectilem, cum sint salutarium medicamentorum terræ plenissimæ, sibi comparant. Fructus ejdem, & cibos condire, multa ægris accommodata & delicata parare didicerunt. Iidem succus & liquores uarios exprimunt: oleum, uiscum, gummi, aliaq; multiplices uires & effectus habentia, educunt: in quibus singulis deprehendēdis, Antiquitas magna diligentia, regiones toto orbe terrarum inuias, inaccessas, & disiectas adire, lustrare, experiri, ad communem mortaliū salutem, minimè est grauata. Miscet illa, & uariè componunt, ut rerum Naturam, elementorum permiscendorum ratione imitari uideantur. Inde sua uis odoris unguenta, portiones, atq; alia fumenda, haurienda, & apponenda parantur: ita è pluribus & contrarijs inter se Naturis, unam quandam mitigandis & profligandis morbis conuenientem, scienter efficiunt, quorum maximas utilitates longinquo temporum usu & periclitatione animaduertunt, & perceperunt. Sequuta est corporis conseruationem, habitationis & domiciliorum cura, ut ab cœli iniurijs primi homines cum suis affinitate aut sanguine coniunctis, sese mutuo melius ac tutius defenderent: cum sub dio pernoctare, ut nec commodum, ita nec salubre esse uideretur. Itaque principio in sylvarum cauas arbores sese includere, in speluncas & foueas, communi beluarum domicilio, abdere sese consueuerant: cum uisum est, paratis ad hoc uehiculis, rudi adhuc ætate, cōuenientius uti: in quibus mollius decumbentes, quò nox oppressisset, sedes cum grege & armentis collocarent. Sed confociati homines (ita paruis ab initijs progressum semper est ad maiora: et frequenter aliquid faciendo, illud ipsum tandem melius facere addiscimus) stabiles sedes deligere, postquam utilius esse cognouerunt, simplicem auium solertiam imitari uolentes, luto, stramine, stipulis, & arundinibus, Casas atq; tuguria, quo tectis se propriæ ætus ac calorū molestias sedarent, frigora & tempestates pellerent, ingeniosè construxerunt: quibus in locis, focijs coniuncti animis, cōmuni opera, uxor, liberi, propinqui, amici, serui degerent. Edocti post melius, rescisis uirgultis, uiminibus, ramis, ac frondibus, & ejdem aptè subacta argilla intextis, firmiora aliquāto ædificia habuere, Maior uerò ea fuit industria,
- m 2 & gra-

*Domus bene
materiata.*

& grauioris laboris (ita in eo quod est summè necessariū, multum homines occupantur) bene materiatae aedes, in multos annos duraturas, fabricari. Itaque præter uarios lapides, truncos arborum, & ingentia saxa excindere, aut coctilibus laterculis uti coeperunt, quo ita structuras moliri, & eiusmodi quandam

Aedificatio.

descriptionē facere possent. Primum perfossa altius terra, tum lapidibus, calce, & arena, ut arctius haerent, aptissimè dispositis & coniunctis, firmissima fundamēta posuerunt: & interius, quòd frigidus sit locus, cellam uinariam accommodarunt. His deinde uestibulo & ianua, quo, pateret aditus & egressus, reli

*Contignatio-
nes.*

cta, parietes omni ex parte erexere: qui quòd ibi esset præcipua habitatio, luminibus ac fenestris contignationes conuenienter distinctas habuere. Suis interuallis sunt culina luculento foco ac camino instructa, cibus coquendis: & ad hybernandum uaporaria, atque hypocausta. Iam disponuntur cubicula, triclinia, & cenacula. Quam ad rem locupletibus (nam humilioris fortunæ homines una contignatione sunt contenti) cura est laxitatis, ad copiosam familiam separatim capiendam, & ad hospites suos atque aduenas excipiendos. Inde columnarum interuallis multa artificiosè distinguuntur, pauimenta arte elabora

Tectum.

ta fiunt, superiora cælati & laqueati operibus sumptuosè exornantur. Postremò his omnibus contegendis, Tectum ad arcendas pluuias, uentos, ac tempestates, conuenienter imposuerunt. Adiuncta sunt aedificijs cum alia, tum etiam hortus, stabulum, fons, puteus, auarium, piscina, leporarium. Præter priuatas cuiusque aedes, uicis ad ornatum totius ciuitatis ordine

Publica aedificia.

coniunctis, templa, moenia, turres, propugnacula, mercatus, curiae, thermæ, porticus, theatra, palatia, regia, & castella publicè

Monimenta.

maximis sumptibus extrui solent. Iam uerò ad diurnam po

*Aedificiorum
causæ.*

steritatis memoriam sepulcra, columnæ ac pilæ ingentes, pyramides, obelisci, colossi, & arcus eriguntur. In structuris eiusmodi sumptuum in primis subducitur ratio, facultatum & rerum quæ possidentur, cura habetur potissimum uoletudinis, ad anni temporum commutationem, usus, amœnitatis, commoditatis, ornatus, atque dignitatis, ut appareant ex dissimilibus familiaribus inæquales structurae, quibus habitabiles terræ tectis & urbibus distinguantur: quorum hæc est profectio, Architecti dicuntur, quos eosdem uehementer commēdat Historiarū atque

*Supellex do-
mestica.*

Picturæ scientia, & solers dimensionū ratio. Sed ad domos multiplici instrumento & supellectile ornandas atque instruendas, innumeræ artes repertæ: quæ quo in promptu sint omnia, & parata,

- parata, nominatim à singulis opificibus certæ in hac uita exercentur. Ex omni uarietate una *Fabrica*, inuentu facili materia, lignum tractans, rudes arborum truncos, & paratos ex his asseres, norma & circino dimensos, securi, ascia, cuneis, malleo, serrâ, terebra, dolabra expolit & exornat: opera autem relinquit, *Opera fabri*
subsellia, mensas, abacos, lectos, ianuas, contignationes, scalarum gradus, columnas, parietes, atque tectum. Parantur etiam dolia, pocula, cæteraq; uasa lignea, fagina, & hederacea: similiter lecticæ, plaustra, currus, uehicula, aratra, nauigia, quæ que
10 sunt in tam multiplici hominum occupatione diuersi generis. Est huic coniuncta, quæ conuenienter torno utitur, & ligna ad *Tornus*
globos, statuas, diuersasq; figuras exprimendas, ingeniose solummodo incidit. Magnæ industriæ habetur, uaria rerum instrumenta, *Machinæ*
Machinas appellant, nauigijs faciendis, cæterisq; structuris accommodata subtiliter inuenire potuisse, & ad usus expeditos aptare: cum grauiora pondera funibus, perinde ac neruis in corpore animato, impellenda sunt, trahenda, & extollenda: cum aquæ hauriendæ, aliâq; obsidionû tormentis dirigendis pertinentia: idq; facilius, celerius, minore labore & impensa, ut præstanti ingenio humano uires quantumuis ingentes superari posse, ex his intelligatur. Quæ sit etiam ad necessarios usus Molæ, non ad terendum frumentum solum, sed etiam ad alia quædam. Itaque è rotis aqua impulsis illa est industria profecta, cuius ratione è contulis ueteribus, ac iam tritis lini & canabis pannis, atque peruso humore, aliquot diebus maceratis, charta et papyrus aptissimè efformatur: qua exiccata, calamus aut pennam in temperatum atramentum tingentes, scribimus. *Molæ papyræ*
Præter membranæ usum, à Librarijs & scriptoribus eadē charta usurpatur. *Librarij*
Habuere olim librarios diuersi generis, qui ingeniorum monumenta scitè & uenustè exarabant: horum professio maxima ex parte hodie relicta, introducto nouo & laudabili ad omnem scripturæ celeritatē, superioris memoriæ inuento: Typographiæ nomē ei arti dedimus, qua ipsa plumbeis *Typographiæ*
characteribus, pro literarum atque notarum numero ingeniose fusis, & in cellulas sui cuiusque generis aptissimè distinctis, ad eandem, qua scribimus, rationem typos expeditè seligunt, componunt inuicem, quasiq; colligant, ut paginæ totæ æqualibus inter se uersibus compleantur. Has marginibus ferreis arctè, ne dilabi possint, concludunt, & diligenter emendant. Post
40 atramento, quo hæreat, parato, duabus semipilis mollibus ad conuenientem resperisionem utentes, prælo subiiciunt, ac fortiter comprimunt. Itaque iusto paginarum numero expresso,

ijdem typi dissoluuntur, ac in suas cellulas reponuntur: ut reliquis totius instituti operis partibus effingendis, rursus atq; iterum, pro uerborum serie, coagmentari possint. Repetitis inde frequenter utraq; ex parte eiusmodi, quas uocant, formis, scriptores diuersarum linguarū, perinde ac sigillo ceræ impresso, quodam numero so partu in multa exemplaria celerrimè transcribuntur: quorum ut est commoditas, uenustas, & elegantia maior, ita laboriosæ & lōgæ scripturæ habita ratione, precium longè minimum. Nam scriptoris unius libri pluris olim uenire solebāt, quàm hodie tota propè bibliotheca: ut priuatus libris 10 non minus abundanter sese possit instruere, quàm tum maximis sumptibus Respublicæ & Principes uiri comparare potuissent. Effectum etiam illud est hac industria, ut studiosi homines in omni genere scriptorū maximos progressus habeant: quandoquidem omnia quæ oppressa diutissimè latuerant, in lucem ad communem usum iam proferuntur: ut semel editi libri, non perinde possint deinceps obliuione posteritatis extingui. Digna profectò ars, quæ iustis de causis, sicut olim Pictura, propter maximum studiorum usum, inter disciplinas liberales adnumerari debeat. Libros ita uenustissimè excusos, ut ha- 20 beri in manibus, & expeditè à studiosis literarum explicari & euolui possint, Glutinatoribus librarijs cōcinnandos tradunt.

Bibliotheca. Ex his Bibliothecæ tum publicæ, tum priuatae instruuntur, orientem potissimum respicientes, ne à blattis & tineis corrosi libri, etiam computrescant. Eosdem libros pro dissimilitudine professionum in suos conuenientes ordines, ut inueniantur facillimè, distributos, diligenter adseruant, quo non est locupletior alius generis hominum thesaurus. Consequuntur multiplices operariæ artes, quibus omnis uita instruitur. Præter ligni materiam, ex animantium ossibus atque cornibus multa pa- 30 rantur: sed magni usus est de Elephantinis dentibus Ebur, ad uasa, pectines, aliaq; eiusmodi. Ac operosæ artes habentur, quæ maximo ignis usu, ad diuersas res efficiendas, cognito, ea quæ

Plastice. eruuntur ex terris, fabricare solent. Itaq; è subacta argilla, atq; pingui & tenaci luto, uasculorum minoris impendij plurima genera, urceos, lateres, ollas, lances, tegulas, cæteraq; fictilia opera præparant. Inde etiam similitudines, figuras, statuas, atq; simulacra, ut quiduis imitari, fingere, & formare didicerint: quæ ipsa inductis uarijs coloribus, in arduas fornaces posita, magis indurantur: qui illa tractant, Figuli, ars Plastice nomina- 40

Vitrum. tur. Arenis autem, & stirpium cineribus, solerti temperatione colliquefactis, Vitrum in quas lubet formas conflare posse, ad diuersos

Typographie
laus.

Glutinatores.

Bibliotheca.

Operosæ ar-
tes.

Ebur.

Plastice.

Vitrum.

- diuerfos usus deprehensum. Hoc eodem fiunt pocula multipli-
cia, fenestræ & lumina illustriora sunt: etiam specula, imagini-
bus reddendis, aere quasi repercusso, & in oculos admirabili-
ter reflecto. In ergastulis magno hominum labore ex ipsis uiscē
ribus terræ, metalla omnis generis eliciunt, atque effodiunt. *Ergastula.*
Ferrum ex his necessarij usus, quo ceteræ artes omnes suū mu- *Ferrum.*
nus ex conuenienti ad incidendi firmitatem, & ad tundendi so-
liditatem, tēperatōne exequuntur: ignibus remollescit, & mal-
leis tenaci forcipe, ad incudem uehementer tunditur, atque do-
10 matur. Instrumenta nanq; effici uidemus agriculturæ, uectio- *Ferrea instru-*
nis, domus, rei militaris, & nauticæ, cum malleis & lima clauēs, *menta.*
feras, cardines, pessulos, clauos, uomeres, ligones, falces, secu- *Horologia.*
res, ancoras, aliāq; propē innumerabilia conficiunt. Sunt mul-
tæ his coniunctæ artes, quæ præter alia magni ingenij opera, fa-
bricatis etiam ad debitum & legitimum pondus rotis, Horolo-
gia: quibus ut in solarijs descriptis, uel ex aqua confectis, edito
sonitu horæ declarātur: & Sphæras, orbium cœlestiū uarium *Sphæra.*
motum ac ordinem referentes, solerter præparant. Est autem *Ferri incom-*
ferrum temeritati hominū inuentum, non ad necessarios usus *moda.*
20 solum, sed ad nostram pernitiē, cum fabricant, præter cultros,
etiam gladios, enses, clauas, thoraces, galeas, sagittarum & lan-
cearum spicula acuminata: idq; ad bella, ad cædes, ad homici-
dia: ut optimum sit ferrum, idēq; pessimum uitæ mortalium.
Omnes terræ fibras persequimur, in uenas penitus abditas ho-
minum avaritiā altius progreditur. Aere, quod primū ab ho- *Aer.*
minibus inuentum putant, utimur ad instruendam uasis fami-
liam, ut sunt lebetes, athena, cacabi, lucernæ, lampades, candelā-
bra. Inde etiam statuas atq; simulacra fingunt. Scriptorum uti-
que monimēta, & inscriptiones honorificæ, ad diuturnitatem
30 in ære incidebantur à ueteribus. Ex eodem Bombarda, inuen- *Bombarda.*
tum superioris ætatis, funditur: quæ ui pulueris è nitro, sulphu-
re, & tilia cineribus compositi, atque cum fulmine affinitatem
quandam habentis, globos diuersi generis, paruos & ingentes,
maxima pernitate euomit: & quocunq; inuasit, cuncta pe-
netrat, disturbat, ac dissipat. Fiunt è plumbo uasa, unguentis et *Plumbum.*
odoribus diutius conseruandis accommodata. Similiter è stan- *Stannum.*
no ad excipiendas escas idonea parantur: quo eodem ænea ua-
sa illita, gratiores sapes faciunt, & cōpescitur eruginis uirus.
Sed precij maioris, quæ argento & auro constant, ad locuple- *Argentæ &*
40 tum domos diuite & magnifica supellectile instruendas, pocu- *Auræ.*
lis, calicibus, signis: quibus Cælatura multū inseruit, dum præ- *Cælatura.*
ter uasa ingeniose fabricata, annulis & coronis gemmæ artifi-
ciose

ciosè includuntur. lidem numismata, torques, & emblemata, plena artis opera, solerter construunt. Auri bonitas indice lapide probatur, igne perspicitur, trutina pondus examinatur. *Che-
mia.* miam uero tractantes, expensa diligenter metallorum Natura, & quæ sita quadã inter se amicitia, ad dissolutionis & coagmentationis interiorẽ & occultam rationem, quo ex uilioribus in preciosiora commutari possint, multis rerum experimentis occupantur, consili arte minuere se posse eorum quæ à Natura, in ipsis terræ uisceribus, fiunt diuturnitatẽ. Sunt hæc omnium maximè laboriosæ artes, quæ igne utentes, & malleo, ab horis plerunque antelucanis cõtinenter in obeuntem usque Solem operi intentis opificibus, summa industria exercetur. Itaque iidem opifices propter uarietatem & multitudinem nominatim sunt in uicos idoneos distributi, ut in singulis singuli uerferentur, & sit speciosa distinctis tabernis & officinis totius ciuitatis forma. habent quandoq; appensa & expressa signa, quibus emptores admoncantur, quæ apud quosq; uendi & fabricari soleant. *Opificum in uicos ciuitatis distributio.* Com-
mendantur iidem assiduitate, diligentia, uigilantia, labore, fide, & probitate, quibus excitata celebri de se fama, multum confirmantur. Præterea ordine sua omnia disponunt, & cõuenienter collocant, ut inueniri expeditè possint. Parsimonia item & frugalitate, quo diutius in his uerfari possint, res suas plurimũ stabiliant: impensarum, laboris, lucri diligentẽ habent rationem, & omnes conseruandi atque distrahendi quærunt opportunitates. *Opera.* Sed opera probantur materię precio, integritate, & bonitate: tum formæ elegantia, uenustate, & conuenientia: dein artifice maximè idoneo, solerti, & perito: post sine, quod eadem opera faciant ad commodos, aptos, atque necessarios usus, & ad diuturnitatem habeantur. *Materia.* Ac materiæ bonitas, locorum etiã discrimine & uarietate cognoscitur, quãdo res plurimæ alijs in locis meliores nascuntur, & inueniuntur. Temporũ etiã quadam ratione iudicari solent, cum deteriora alia, uel utiliora, suis temporibus fiant: quę omnia multo rerum communium usu & tractatione deprehensa atque percepta, non scriptis, aut ullis sermonibus satis intelligi comprehendiq; possunt. *Relaxationes.* Sed nec semper serix & operosæ mortalium omnium occupationes: quæ sitæ sunt ad sustentandam commodam ualeitudinẽ, relaxandorum animorum & corporum, ne grauitati laborum succumbant, opportunitates, inuitamenta, atque oblectationes. Nulla enim uitæ pars, nullaq; conditio his carere potest, siue corporis uires sint renouandæ ac reficiendę, siue animus leuandus, & reuocandus ab ijs molestijs, ærumnis, curis, sollicitudinibus, quæ uitam omnem

omnem uariè distrahunt: ut conuenienti hac intermissione & remissione, ad proposita persequèda uegetiores & paratiores inde reuertamur. Itaque cum è sensibus principatum oculi teneant, his quasi pascendis inuenta ab hominibus *Pictura uide-* *Pictura.*
 tur, ars in primis liberalis, ingenua, & inter liberales reposita, ut nobilioribus adolescentibus olim cognoscenda proponere
 tur: quæ eadem ex umbrarum profecta lineamentis, accedente
 singulari artificum æmulatione (approbationis quippe inge-
 niij & solertix magis, quàm quæstus rationem habent) alijs at-
 10 que alijs inuentis, eorum formas, decentiam, & uenustatē, quæ
 toto orbe terrarum cernuntur, expressè & appositè refert, atq;
 imitatur. Varios etiam animorum affectus, & animi motus af-
 fingens, ut artis admiratione solum in his sermonem, aut spiri-
 tus desiderari, homines pronunciant: siquidem penicilli debita
 aspersione conuenientes, cuiq; rei suos adhibent colores. Hac
 eadem *Pictura*, eorum qui locis atque temporibus à nobis dis-
 iunguntur, & diuersarum actionum effigies, forma, atque me-
 moria diutius seruatür, cuius usus loco fuit historix: inde tabu-
 læ & parietes illustribus picturis artificiosè exornati, ut aspe-
 20 ctus rerum multarum totius Naturæ, spacia & tractus regio-
 num, in domos ad omnem oblectationis uarietatem introdu-
 cantur. Coniunctæ huic Sculptura atque Cælatura, eiusdem
 usus & delectationis. Alter aurium sensus, concentuum suau-
 tate in primis afficitur, præter uocalis *Musices* oblectamenta,
 atque gratas auium uoces, instrumentis diuersos, & eos distin-
 ctos sonorū modos, homines artificiosè sunt imitati, oris con-
 uenienti inflatione, fistulis, ac tibijs, follium impulsu, atque uä-
 rio tactu: similiter in eliciendis digitorū, aut plectri opera, ner-
 uorum ac fidiū sonis: cuiusmodi sunt cithara, lyra, & testudo,
 30 aliaq; multa, ab ingeniosis quæsitæ & exercitata, quorum om-
 nium in solennibus celebritatibus & epulis magnus est usus.
 Sed ad utrumque sensum simul recreandum, etiam odoratum, *inambulatione-*
 à conuiuijs æquales ipsè studijs imbuti, aut eiusdem condi- *neq; equalium.*
 tionis potissimum, iucundis inambulationibus per hortos, o-
 dorum suauitate gratos, & uirentibus herbis ac floribus con-
 uestitos, per amœna salicta & plantaria, per syluas, arbusta, col-
 les, prata, & uarios fluminum decursus, per lacuum ripas, & læ-
 tissima oræ maritimæ littora, multum exhilarantür. Quæ ipsa
 eadem à singulari Prouidentia, non tam ad necessarios uitæ ho-
 40 minum usus, procreata sunt, quàm ut undiq; in omnibus esset
 admirabilis, ad conuenientem generis hominum oblectatio-
 nem. Incidunt plerunque iucundi sermones, qui aut de dome-
 sticis

*Colloquia fami-
liarū inter se.*

sticis rebus, & familiaribus negotijs habentur: aut de Republica, & communium temporum cōditione: aut de artificum laudabili industria, & de egregijs operibus, quæ illi efficiunt, de gentium diuersis institutis ac moribus, de ueteri rerum gestarum memoria, de abditis & obscuris rerum naturalium causis, de liberalibus artium studijs, atque multiplici literarum tractatione. Nam ij qui lōgis peregrinationibus, rerum uario usu & cognitione sunt instructi, simul & homines literati, in tanta eorum quæ scriptis ueterum ac recentiorum continentur, magnitudine & multitudine, quæq; ex aliorum dictis suscitata multum ingenia per se excogitant, sermones docti, uarij, & eruditi minimè defunt, de quibus amicè inter se consiliantur, suauiter & utiliter conferant. Admiscētur eiusmodi colloquijs festiuæ, iucundæ, & acuminis cuiusdam plenissimæ narrationes, fabulæ ingeniosæ, subtilia ænigmata, non ineptæ & raræ dubitationes, facetiæ item, sales, ioci, omnisq; illa Vrbانيتatis doctrinæ: argutè etiam, scitè, & breuiter dicta, illustres & graues sententiæ, quæ Apophthegmata uocantur: ijsdem hominum societas & coniunctio, deposita omni seueritate negotiorum, atque occupationum grauitate, retinetur. Præter puerilia lusus generæ, quæ multiplicia habentur, illi ætati accommodata, minus probari possunt, quæ diuersis placent, alex, tali, tessera, foliorum uarij lusus, acierum maximè ingeniosus & militaris conflictus: præsertim si non intermissionis, sed quæstus minimè liberalis gratia exercentur. Oblectationis etiam sunt theatra & spectacula scenicorum, in Comœdijs & Tragedijs agendis atq; recitandis, & histrionum ac saltatorum uarij, longa exercitatione acquisiti motus, & artificiosi gestus, atque Circulatorum mirandæ artes, ociose multitudini tenendæ, cum multa minus uera, ut uideantur tamē, repræsentant. Sed corporis uiribus, quæ ocio languescunt, optimè firmandis, plurima introducta exercitationum genera, cursus, saltus, iactus disci, ictus, lucta, natio, gestatio, nauigatio, uectio, equitatio, lusus etiā pilæ, æqualiter animi simul & corporis uires exercentis, quæq; sunt eiusmodi propè innumerabilia. Militaris autē exercitationis sunt, gladiatorum certamina, & athletarum: arma inde omnis generis conuenienter tractare, lanceis cōcurrere, insilire in equum, eundem scitè circumagere, & uariè decertare: tum etiam ferarum uenatu assuescere: præterea minoribus bombardis & arcu globos atque tela ad scopū dirigere. Interijciuntur hæc continentibus laboribus non incommodè, & consultò, ne corpus satietate aut fastidio abalienetur, aut nimia grauitate atq; pondere

Vrbانيتas.

Apophthegmata.

Lusus generæ.

spectacula.

Exercitationes.

Pila.

Militares exercitationes.

- dere opprimatur. Verum eadem cum sunt immodica, superua
 canea, aut intempestiua, ut plerunq; ab ociosis fit, maximo exi- *Relaxationum
modus.*
 tio esse tum firmitati corporis, quæ conuenienti labore confer-
 uatur, deprehendimus: tum etiam mentis integritati, quæ ad se-
 ria, grauiā, & ad uitam cōmuniter degendam necessaria à pru-
 dentissimis referri debet. Itaq; multis & diuersis elaborātibus, *Rerum & ope-
rum transla-
tio.*
 ut diuinitus cōdita sunt omnia ad usus hominum, ita alios alijs
 prodesse debere, communibus utilitatibus in medium allatis,
 prudenter animaduersum: ut commutatione officiorum, dan-
 10 do, accipiendo, tum artibus, tum opera, tum facultatibus homi-
 num inter homines societas cōmodè retineatur. Quandoqui-
 dem rebus ita ultrò citroq; commutantibus, uita hominum mu-
 nitior fit, nihil ut in omni genere eorum quæ arte & manu effe-
 cta sunt, desideretur. Et eam ipsam ad rem cū Natura bono *Terrarum pe-
culieria munc-
ra.*
 cōsilio cunctas terras peculiari munere uoluerit dotatas, ut fru-
 ges apud alios in copia et bonitate maiore, apud alios locorum
 ratione laudabilius uinum nascatur: similiter ut omnis generis
 stirpes atque animantes, gemmæ, lapides, metalla, liquores, o-
 leum, fructus, lanæ, & cuiusmodi plurima, ad conuenientes usus
 20 uitæ mortalium sustentandæ, diuersis in locis habeantur: cumq;
 apud alios suis occasionebus multiplicia opificum & artificum
 opera fiant, utiliter introducta est Mercatura, quæ multa un- *Mercatura.*
 dique, quibus egemus, laboriosè atque periculosè inuehens, &
 multa eorum quibus abundamus, exportans, longè lateq; dis-
 iunctos toto orbe terrarum homines, communibus cuiusmodi
 præsidijs & cōmercijs, ut coniunctiores sint, perficit. Ex Mer-
 catorum numero alijs in uniuersum uendunt, collecta ex diuer-
 sis, ut emptores postea illa per partes alijs reuendant: alijs quæ
 perceperint, & fabricarint: ita nulla est inter homines uarietas
 30 maior, aut occupationum dissimilitudo, quàm eorum qui ope-
 ra conficiunt, & eadem longè lateq; transferunt: maxima habi-
 ta ratione mensuræ, numeri, & ponderis: ut est rei cuiusq; pro-
 pria Natura, commoditas, & gentis cuiusque sua, ac longo tem-
 pore seruata consuetudo. Inscrutunt Mercaturæ diuersa homi- *Mercatura
que infer-
niant.*
 num genera, præter baiulos, sunt aurigæ, qui equos ac boues
 iungunt, ad uehicula, plaustra, & currus trahendos: similiter
 onera iisdem equis, asinis, mulis, camelis gestanda imponuntur.
 Est etiam Nautica ars fructuosa quidem, & ad multiplices res *Nautica.*
 facilius, minoreq; impensâ transferēdas, maximè conueniens:
- 40 sed magnis naufragiorū periculis exposita, quæ in fluminibus,
 lacubus, & uasto mari exercetur. Ratibus, coniunctis rudibus
 lignis, principio sunt homines usi: maiore deinde audacia nau-

Manigra. gijs faciendis animum conuerterunt. Primum nancq; carinam, fundamenti instar, suis costis texuere, parietibus omni ex parte ad formam prægrandis uasis assurgentibus: hos clauis, ut hæreant, firmissimè connectunt: & pice, ad prohibendū aquæ ingressum, illiniunt. Pars prior nauis, prora: quæ est posterior, puppis nominatur: hanc suis partibus constructam, remis longè lateq; impellunt, perinde ac mobiles in eo elemēto domus. *vela.* Sed ad incredibilem celeritatem reperta uela, quibus tanquam uelocissimis equis, uentorū ui nauis fertur & incitatur: ut quas res uiolentissimas Natura genuit, earum moderationem homi- *10*
Gubernatores. nes habeant. Gubernatores ij sunt, quibus nauticæ scientiæ peritis, locorum ac temporum ratio multiplici rerum usu & tractatione cognita & explorata: ut frequenter circumspectantes cœlum, stellas tanquam duces sequuturi, maria etiam atq; terras, minus errabundo cursu per immensum uagentur, & in tutissimum portum, atque eum destinatum, se ac sua omnia prouehant, atq; recipiant. Eiusmodi onerarijs nauibus omnes undique ad uitam copię, alijs ad alios translatis, suppeditantur. Præter multiplicem rerum indigentiam, qua diuersi premuntur, sequuta negotiorum & commerciorum inter homines ua- *20*
 rietate & magnitudine, alij Reipublicæ administrationi, & rei militari, alij præclarissimis literarum & doctrinæ studijs, Medicinæ cognitioni & exercitationi, atq; Diuinis literis occupati, uacationem à cōmunibus uitæ huius laboribus necessariam habuere. Ex dissimilibus huiusmodi studijs, & uitæ degendæ conditione, tanta est facta hominū inæqualitas, ut relicta difficili & impedita rerum permutatione, ad translationum æqualitatem seruandam, necesse fuerit intermediū aliquid, quo metiri omnia possent, quærere: ac primū certa pondera ex particulis aeris, argenti, & auri ultrò citroq; sunt commutata: pre- *30*
 cij operum & mercium ad uenditionem & emptionem introducendam, facta ab artificibus æstimatione: quam ad rem precium copia minuitur, sed augetur raritate & indigētia. Pōst ad uitandas imposturas, Principū & Magistratuum publica auctoritate firmata, qui cudēdæ monetæ ius habent, ex iisdem metallis Numus signatus: æstimationem amittit, uiliore metallo permixto, remissione & amplificatione precij, aut ponderis diminutione. Facilis iam uisa est hæc permutatio, intermedia pecunia, ut ætatum consequentium approbatione, apud omnes gentes fuerit retenta. Factum inde, ut qui eiusmodi numos ha- *40*
 beret, quæcunque ad uictum & cultum, ceteraq; usui uitæ necessaria essent, commodè sibi suisq; posset cōparare, & peregrè obeuntes,

*Permutationis
 usus relictus.*

*Numi intro-
 duci causæ.*

- obeuntes, iisdem opportunè instruerentur. Vitiosum deinde fuit, sed in negotiationibus regionū disiunctissimis atq; transmarinis visum est expedire, propter metum periculorum, & ad opportunitates minimè prætermittendas, è pecuniæ mutatione, præter institutam primū rationem, fructum aliquem percipere, cuius eiusdem pecuniæ immodicū studium res priuatas & publicas sæpissimè labefactauit. Qui diligētia, assiduitate, & parsimonia cæteris prævalent, mercium magnitudine & multitudine, auri & argenti signati numero, facti ornatu, atque infecti pondere, ædificijs, agrorum possessione, inde locupletum nomen, seruis omni artificiorum genere peritis, supellectili, omniq; ornamento domus, armentis, pecoribus, & ad opus faciendum diuersis iumētis, sunt instructi. Diuitias & opulentiam comparant, quam horum laborum & periculorum præmium atq; perfugium homines statuunt: quo quasi instrumento iuuantur, ad usus uitæ degendæ necessarios, ad commoditatem rerum acquirendarum, ad liberalitatem in ferenda salutare indigentibus ope, & ad gratificandi facultatē, ijs quibus prouisum ac consultum uolunt. Abutimur autem diuitijs inconsiderata, quæ fundum non habet, largitione, & fomite maiorum auaritia, atque in luxu, & perfruendis homine indignissimis uoluptatibus. Commiserationis est, humanæ conditionis habita ratione, Paupertas, quæ aut uirium corporis imbecillitate, aut grauib; infortunijs, alijsq; uitæ calamitatibus est oppressa: quæq; solis facultatibus destituta, emergere nequit, ad ea uitæ obeunda munera, quæ sibi quisque cum iudicio delegerit. Humilis & mediocris conditio, nullis, aut minimis implicata & constricta rebus, perniciosas curas, animos multum exagitant, eximit, & præclaris cogitationibus liberas habet rationes, cum excitantur ingenia ad res maiores inueniēdas, cumq; omnem industriam ad res tractandas adferunt, ut præter commodam ex assidua corporum exercitatione ualitudinē, & singularem uitę integritatem atque probitatem, animi etiam tranquillitatem et securitatem, quicquid inter mortales est magno pere laudabile, primordia ex hac priuata et solitaria uitę degendæ ratione duxerit. Sunt enim omnia non modò in rerum naturalium rato & constanti ordine, sed etiam in hac communium mortalium uita, certo atque diuino consilio, & summa Providentia, diuersis rationibus introducta. Itaque eiusmodi occupationibus hominum dissimilibus, hanc uitæ societatem uariè implicari expedit, & communes utilitates in medium adferre, ut alij pecunias habeant, alij artes ad communem usum exer-

Rerum com-
munitas.

ceant, alij præfint, & res adminiftrant autoritate, potentia, & fa-
cultatibus: periculofa nimium fuerit, ad euertendam publicam
falutem, rerum æqualitas & communitas. Nam frequentes con-
tentiones, atque acerbas, etiam inter fanguine & iure aut affini-
tatis, aut amicitiae coniunctos, exoriri uidemus: ut non ea fit fu-
tura communis diligentia, aut idem ftudium in conferuandis re-
bus: cum alij alijs nimium confiderent, cumq; optimi improbo-
rum & ocioforum iniurijs expofiti, rebus laboriofe partis, ini-
que priuarentur. Ac nec in tanta hominum malicia fatis inueni-
rentur, qui uitæ accommodata uel inquirerent, uel fufceptis tan- 10

Rerum pro-
prietas.

rum temporum ufu & tractatione, priuatarum rerum (quo cer-
tus quifque fit, quid poffideat) per fingulos adminiftrandarum
comprobata fit ratio, & magnis de caufis conftanter retenta.
Itaque fieri confulto exiftimandū, bonitate noftre Naturæ im-
pellente, non aliter quā uidemus diuerfas effe corporis fun-
ctiones ad unam conferuationem, & animi ad eandem rationis
confenfionem: ut alij imbecilliores, fortioribus cōfilio, Pruden-
tia, æquitate commendatis, uolentes acquiefcant, & legitime im-
perantibus parere uelint: fine quibus communitas & congrega- 20

Oeconomia,
hoc eft, de ruen-
da re familiari.

tio generis hominum minimè poteft firma, ftabilis, & diuturna
retineri. Altera iam fequitur pars libri huius de Prudentia, quæ
in uniuerfum de hominum rebus inter fe uerba facit, atq; totius
multitudinis, à familia progrefione facta, communem & publi-
cam tuitionem enumerat. Igitur ut hæ mortalium diuerfæ occu-
pationes, quibus domus fupellectile inftruitur, locū idoneum
habeant, quando feperatim nulla coniunctione effici commodè
poffunt, & uagis libidinibus opportunè occurratur, conferua-

Coniugium.

tioni generis data eft uxor, & partis utriufque legitima con-
fenfione diuinitus inftitutum Coniugium, prolis fufcipiendæ cau-
fa, liberis noftis certius recognofcendis, & familijs rectè ac libe-
raliter ab unoquoque inftituendis atque informandis: ut fit be-
ne memorata, beneq; conftituta familia, quali perfugium folitudi-
num & curarum omnium: quando hic prudenter non rixandi
quæritur ulla occafio, aut contemendi: fed intimæ beneuolen-
tiæ, ac mutui amoris iucunditas, totiusq; animi hilaritas & tran-
quillitas. Eandem uxorem noftis accommodamus uiuendi mo-
ribus, ut fit perpetua comes laborum, & incommodorum om-
nium fidelis focia. Parua enim eft quedam Respublica cuiufque
domus, fuis inftitutis & legibus ordinata, atque ad unius impe- 40
rium fele componens: in qua eadem omnia fint inter uxorem &
maritum communia. Siquidem arctior eft habenda in ciuitate,
& prima

- & prima hæc societas muneribus conuenienter distributis: ut cum uir audacior sit, & robustior, externas propulset iniurias, labores grauiores sustineat, atque domum necessaria importet; Viri & uxor. rās muner. fœmina autem timidæ Naturæ, importata condat, seruet, tueatur, promat, & considerat, tanquā publicis in rebus Quæstor, suis distribuat. Eadem charitate est maiore, studio erga liberos, & patientia, ad molliter in tenera ætate illos nutriendos atque educandos: aut cum fieri id non potest, selectis nutricibus commendandos. Domesticas operas & curas sustinet illa facilius,
- 10 quæ uiri animum ab alienare possent, & distrahere. Grandiores Liberos in domo stantio. uerò factos, idem uir, cum sit prudentior, domestica disciplina informat, aut Pædagogis erudiendos tradit, & Ludimagistris: ut in concursu æqualium, laudabili æmulatione ad doctrinam certatim amplectendam, uehementius inflammentur: inde ex scholis digressi, ciuilia instituta, mores patrios, ritus, & leges cognoscunt. Dominus in familia, gubernatoris instar clauum tenet, & imperium, totius curam suscipit, iustrat ipse, & circumspect omnia: progressiones rerum, incrementa, ac successus notat. Et ad eam rem, ualitudinis confirmandæ gratia, simul & rei familiaris amplificandæ, suo unius exemplo cæterorum diligentiam excitat, & ante lucem operi manus admouet. Ac in ampliore familia, propter negociorum magnitudinem, & rerum administrationem, sua obeunt separatim munera Serui, assiduitate, Serui. solertia, obseruantia, sobrietate, taciturnitate, patientia, & fide potissimum commendati. His cum alimenta subministrant, ac debitam mercedem persoluunt, sit, ut in officio & labore commode retineantur. Eidem Prudentiæ domesticæ, pecuariam, agriculturam, uenatum, piscatum, architecturam, mercaturam, ac regię domus administrationem plerique subiiciunt, & eiusmodi nonnulla, de quibus suis locis, ad ordinem totius tenendum, meminimus. Quocirca eorum quæ in agro & uilla percipiuntur, quæq; ad diuersos usus pro facultatum ratione impenduntur, diligens & accurata habetur ratio: non prætermittuntur occasiones rerum agendarum: nihil est tam pusillum, quod a frugi & attento patrefamilias negligatur: supellex omnis, instrumenta, uasa, arma, uestes, frumenta, uinum, cibi, ad suos & conuenientes usus seruantur, debito ordine disponuntur, atq; collocantur. Sed ad rei familiaris certissimam conseruationem Parfimonia. & amplificationem, præter diligentiam & uigilantiam, nullum uectigal locupletius, quàm frugalitate & parfimonia uti, atque uendacem potius quàm emacem esse: ut ad quotidianū uictum, cultum, ac ædificiorum usum necessaria suppetant: & liberis, quorum

*Liberorum nu-
ptie.*

*Affinitates et
cognitiones.*

*Rerum publica-
rum femina-
rium.*

Patria.

*Homo sociale
animal.*

*Primum Reli-
gionis studiū.*

*Homines ad
coetus celebra-
dos conuocati.*

quorum præcipuus nostri ipsius sanguinis communione, Na-
tura ingenitus amor, relicto conuenienti patrimonio, bene sit
prouisum: quibus ad iustam ætatem prouectis, et honestissimis
uitæ artibus informatis, cõueniens moribus & cõditioni (quan-
do parem pari coniungi debere, tutissimum à prudētissimis ue-
rissimè pronuntiatur) adolescentibus uxor communiter susti-
nendis sumptibus dotata: filiabus, quæ iam grandes & nobiles
sunt, maritus datur. Atque ij similiter suis prouident, & ætatis
progressione imbecilliores factos parentes, ijdem liberi iam ro-
bustiores, pia eiusmodi relata gratia, adiuuant. Est hæc generis 10
hominum continuatio perpetua, & laudabilis progressio, quæ
nulla omnino esset, nisi familiæ talibus coniugijs legitimè con-
stituerentur & confirmarentur. Itaque cum eiusdem sanguinis
una in domo capi non possunt, in alias domos, tanquam in colo-
nias, separatim res suas commodè, & sine ulla mutua perturba-
tione administrare uolentes, exeunt, cognitionibus ita factis lo-
cupletioribus, & affinitatibus: qua beneuolentię coniunctione,
& arctiore charitate, homines plurimum deuinciuntur. Multi-
plex hæc familiarū propagatio & soboles, Rerum publicarum
bene institutarum principium est, & origo. Locus in quo nasci- 20
mur, Patria dicitur: cuius in animis nostris atq; sensibus tantum
studium est ingenitum, ut multa huic postponamus: etiam pro
illius salute & conseruatione mortem oppetere, honestum iudi-
cemus: quæ eadem plurima beneficia in sese continens, magna
charitate eiusdem loci homines optimè cõplectitur: ut ad com-
munem patriam concordibus animis augendam, tuendam, &
conseruandam, facili sint homines coniuncti inter se, congrega-
ti, & retenti. Est enim homo diuinitus ad societatem, & ad com-
munitatem progenitum animal: ut præter alias multas ciuiles,
quæ describi solent, rationes, ideo ex fera & agresti uita primum 30
sefe homines congregasse tradant: quo non solum de admiran-
da mundi totius fabrica inter se accommodata colloquerentur,
uerum etiam, quod maxime referebat, de supremo Deo sanctè,
innocenterq; sentirent, deq; eius immensa erga genus hominum
benignitate, mutuis confirmati animis, & uoluntatibus ijdem,
summa omnia ad uitam moderandam pronuntiarent. Religio-
nis locus ad finem historiæ de Sapientia est repositus, ut conue-
niens sit cõceptum de multitudinis administratione cursum suis
incrementis iam persequi. Itaque circa rerum initia, sine mutuis
inter se præsidijs, ita diiuncti homines, & separati, nihil se esse- 40
cturos cum intelligerent, frequentes coetus concelebrare opor-
tere cognouerunt. Inuitabat communis societatis desiderium,
liquidem

liquidem homo animal est Natura congregabile, et solitudinis minimè patiens: usu deinde atque consuetudine mutuus quidam ingeneratus amor confirmatur: ut is naturalis consociationis affectus, recto iudicio, ui rationis, & morum similitudine impulsus, constanter inuicem illos retinuerit. Firmissimum etià fuit linguæ eiusdem uinculum, ad uoluntates patefaciendas, in conferendis sermonibus de ijs rebus, quæ communiter & priuatim essent necessariae. Nam rerum difficultate interueniente, frequenter cōsultare inter se, ac deliberare, ad publicam

Linguæ eiusdem firmum uinculum.

10 incolumitatem retinendam, cœperunt: quæ fuere coniunctionis humanæ, atque societatis primordia. In collocandis igitur ita multiplicatis familijs, ad sedes stabiles firmandas, cœli primum salubritatem & temperiem prudentissimè in locis editis delegerunt: agros dein fertiles, percipiendis frugibus: pōst irrigua prata, nemora, & syluas, ad pabulī ubertatem, atque materiam usui ædificationis accommodatam: simul & lapides, ac terram tenacem, lateribus faciendis. Aquarū etià copiam ex scaturientibus fontibus, aut effossa altius terra, è puteis hauriendam, ad necessarium potionis usum sibi, armentis, pecudibus,

Sedes habitationi accommodatae.

20 & iumentis præbendum. Inde conueniens, à Græca fontis uoce, Pagi nomen deducitur. Quæsierunt pariter fluminum & lacuum opportunitates, atq; maritimas regiones littoribus, quibus in locis habitarent, portuosas factis: idq; ad res suas transferendas, & alienas recipiendas, quo ita rebus omnibus necessarijs abundanter undique instruerentur. Quocirca in eiusmodi rerum primordijs nondum constituta certa uitæ degendæ ratione, cum in loca uacua uenissent, è communibus quodammodo facta sunt propria, ut consequentibus deinde temporibus, suis de causis ad diuersos fuerint translata. Erat quippe homi-

pagi.

Rerum occupatio.

30 nibus propria quædam eiusmodi ratio constituenda, & æqualitatis ius conueniens, ad omnem tranquillitatem uitæ retinendam, ut spacijs regionum, immobilibus terminis ac limitibus circumscriptis, certa cuique esset, ad quam colendā sua diligentia impelleretur, & distincta possessio, ne ab ociosis, labori aliorum confidentibus, incultum & desertū solum relinqueretur, ne ue per avaritiam temerè alius in aliena irrumperet: unde Latius nomen, à dimotis limitibus originem traxit. Atque ita frequentes discordias ex eiusmodi rerum communitate nasci & exoriri solitas, hisce artibus prudenter sedarunt. Igitur ab im-

Termini ac limites.

Latius nomen.

40 manitate quadam, & feritate, ad humanitatē, mansuetudinem, ciuilitatem, & iustitiam progressi homines, dispersas locis diuersis domos, maiore impellente charitate, propius coniunxe-

Hominum ciuilitas.

o runt: &

runt: & facta est ad hanc rationem, iunctis in unum ædificijs,

Vicinia. Vicinia, in qua res ad uictū necessarias mutuis laboribus præpararent, atq; communis permutationis iura omnia seruarent, simul & metuendas ferarum incursiones cōiuncti melius prohiberēt. Omnibus negotio intētis, breui in copia res affluunt, & magnæ opes ab hominibus modestis, luxus atq; lautitiarum

Rerum affluentia.

Contemptus. ignaris, cōparantur. Sed in opulentia cum bene secum agi quique putāt, ingenito primo nostræ originis errore, cæteros contemnunt, nullius iam præsidij se egerc existimantes, securo se esse posse animo, instantur quodammodo, superbiunt, insolenscunt, magna corū qui humilioris sunt fortunæ, despicatione, ut populares suos & tribules minimè pares esse præ se ferant.

Luxus. Consequuntur omnis generis deliciæ, luxus, immodicæ uoluptates, atque impudentia: & quod grauius est, humiliores contumeliose lacessunt. Illa in hominum odium & inuidiam facillimè trahuntur: inde magnarum contentionum seminaria exoriri, & graues rerum motus inter homines cernimus; dum nemo se contemni, & rebus necessarijs destitui uult: dum multi ociosi tantum habent, quantum manu ac uiribus, per eadem & uul-

Odium & contentiones.

Predatores. nera, aut eripere, aut retinere possunt. Itaque prædandi animo, alicnis ut laboribus utātur, quamcunq; occasionem arripiunt. Ac cum ita dissimiles sint animi, & prauis affectibus ducantur, diuersis è locis, eiusdem conspirationis homines in agros alienos irrumpunt, & populantur omnia: quibus fortioribus aduersari uolentes, unum in locum præsidij gratia conueniunt: eodem iumenta & gregem deducunt, atque suas comportant

Vici. facultates, ut Vicus iam amplior coniunctis pluribus ædificijs reddatur. Hæc primum fieri solita sunt priuatim, inter uicinos,

Bell. propinquos, & coniunctos: inde multis coalescentibus, tota gens & populus in alios fecit impetum, ut publica odia publicis iniurijs, graui multorum strage ulcisci cœperint. Quam ad

Arces. rem locis regionum suarum opportunis, in collibus, & ad angustias montium, Arces & castella, immissa custodia, & firmo præsidio cōmuniunt, quibus aduenientes hostes arceri & prohiberi possint, ne subita & repentina irruptione aut incursione, nec opinantes & imparati à quoquam opprimantur. Incidunt homines flagitiosi, & rerum nouarum auidi, qui omnia periniscunt, & cōmotos iam per se animos, ad mutuam iniuriam inferendam sollicitant & prouocant, ut acerbius iam ad uim faciendam, & ad infecta arma res deducantur. Igitur cum nec illud satis esse uideretur, uicos eiusmodi & arces habere, cumq; grauius premerentur, spe maioris custodiæ rerum suarum, & ut ipsi

Rerum nouarum studiofi.

- ipsi communiter in tuto uiuerent, suis ipsorum uiribus nixi, & communis patriæ cōseruandæ studio adducti, multa adiumenta introduxerunt. Est enim hominum animus in excogitandis *Solers hominum animus.* salutaribus præsidijis maximè solers, ut si quid primum fefellerit, nouis, atque ijs melioribus inuentis, rerum successum & euentum confidenter experiri uelit. Loca itaq; quæsierunt, non *oppida.* solum Natura per se munita, atq; hostibus minimè peruiâ, ad fluminum flexus, & ad collium altitudinem: uerùm etiam artis ratione, uicos eiusmodi alta fossa, uallo, mœnibus, omniq; o-
 10 pere, ac turribus extrâ prominētibus, & oppositis propugnaculis cinxerunt atque sepserunt: relicto circa mœnia uacuo spacio, quod Pomœrium dicitur. Loci ita multitudine domiciliorum, & coniunctione tectorum in unum conclusi, Oppida ab ope, aut opibus ferendis, nominantur. Vrbes etiam, ab aratri curuatura, quam aruum dixere: siquidem priscos homines in condendis urbibus primam designationem atque descriptionem aratro fecisse traditur. Hic præter communem ab externis *Ciuitat.* quibusque defensionem, concordēs animi, ordinis atque iuris consensu, morum beneuolentia, & utilitatum communione so-
 20 ciati, multa adiumenta & ornamenta ad rerum suarum amplificationem & conseruationem, maximis contentionibus inquisierunt. Eiusmodi hominum conuenticula, quod mutuo quodam uinculo societatis omnis multitudo coeat in unum, Ciuitatum nomen habuere. In eadem hominum frequentia opportunitum est, communis usus & consuetudinis ratione, multa ex diuersis cognoscere, & experiri plurima, ut homo homini discendi est & proficiendi summa occasio. Ciues itaq; sociati suis legibus, consilijs, & institutis, res omnes moderantur, atque rebus omnibus ad uitam transigendam necessarijs, cumulatè ci-
 30 uitatem instruunt. Frequentes nanque coloni, quibus est de mandata agrorum cultura, certis diebus cōstitutis euocantur, conueniunt, & omnem Agriculturæ opulentiam uenalem exponunt. Locus inde à ferendo, Forum dictum: similiter nundinæ, quod nono die in urbem coloni uenirent: mercatus etiam, & emporium, ab emendis rebus, & uendendis, atque omni ne gociatione, appellatur. Iidem agricolæ uicissim artificum & opificum uaria opera, ac instrumēta, quæq; ad uitam pertinent, facta eiusmodi necessaria permutatione, exportant. Accom- *Hominum di-*
 40 si degant, quod est cōmunitati perniciosum, ut alij in agris degentes, opcri rustico sint afsidui, & cōtinenter in eo uerlentur: alij omnis generis opificia laboriosè exerceant: alij obijcientes *stinctio.*

Morum deprava-
tio.

Viri ad rerum
administratio-
nem apti.

Stipendia.

Dominatus.

Sodalitates.

Tribus.

Magistratum
institutio, et
Demarchia.

sele periculis, finitimas ciuitates, atque socias, & plures gentes
excurrant, quo res faciant ita communes, & sint mutua homi-
num etiam locis disiectorum auxilia. Sed nec in ipsa ciuitate
incrementis aucta, sibi constare satis possunt: ea est morum de-
prauatio & licentia, ut cum defensionis gratia in ciuitatem con-
uenerint, securi inter se esse nequeant, multa sint pericula, pre-
mantur alij ab alijs, perturbentur omnia, & misceantur grauius,
quam hostilibus incurfionibus: ita fit, ut cum deest externus
hostis, in nos ipsos, & in nostra uiscera laeuire iam non reformi-
demus. In tantis difficultatibus, & multorum querelis consti-
tuti, publicæ utilitatis habita ratione, expedire cognouerunt
(foeminis interim domesticis negocijs retentis) ut ex uiris alij
suis laboribus occuparentur: alij rerum administrationi, aeta-
te, usu, consilio, Prudentia, uirium & animi præstantia atque ma-
gnitudine commendati, publicè præficerentur: quibus ipsædem
ad tuendam communem tranquillitatem, summa rerum ac im-
perium est delatum, ut illorum fidei se, suarq; omnia, decernen-
di autoritate, quod æquum bonumq; uideretur, concessa, tu-
tilsimè traderent. Inde quo statum suum possent conseruare,
nec cæteris ad uitam agendam rebus nimium distraherentur, 10
factum, ut eiusmodi publici consilij autores, publicis facultati-
bus etiam adiuuantur. Est autem illud imperium tenere, atque
parere & obedire, adeo rationi cõsentaneum, ut ad omnem rerum
incolumitatem, naturali quodam iudicio et admonitione,
alia quæ potiora sunt, præfint: alia uerò, quæ imbecilliora, con-
sulto obsequantur. Itaque ab eiusmodi primordijs Respublica
è dispersa, dissipata, confusa, perturbata, liberè errante, nullo
neque naturali, neque ciuili iure descripto, nullis institutis ac le-
gibus euagante, in statum meliorem atque ordinem est addu-
cta. Nam cum uis rationis, & innata illa societas, quæ homines 30
primùm conciliauit, etiam bonos ciues ad cõctus inter se conce-
lebrandos impelleret, similitudine occupationum atque nego-
ciorum, simul affinitatis & sanguinis iure, cõsuetudinis & con-
uictus beneuolentia, alios congregante, instituti sunt in ciuitate
conuentus, sodalitates, epulæ, & cõuiuia publica: quæ quod
ex ipsædem popularium ciuium conuenticulis constarent, diuisa
est ciuitas in certas classes, ordines, collegia, & tribus. Ex dissi-
milibus his ciuitatis partibus, ut sunt diuersæ, consentientes ta-
men rerum coelestium & elemētorum effectiones, sequuta ur-
bis certa constitutio, atque Magistratuum ad omnem consen- 40
sionem, mutuamq; concordiam descriptio, ex omni multitudine
in Tribus distincta: ijs delectis, qui propter iudicij maturi-
tatem,

- tatem, rebus communibus administrandis utiliter præfici posse uideretur: ij fuere grandes natu potissimum, probitate, æquitate, integritate, iusticia, usu rerum, atque tractatione comprobationem omnium habentes, qui ex priuatis honorati, & in publica dignitate constituti, omnia Reipublicæ in tranquillitate & æqualitate retinendæ adiumenta inquirere, cupiditates & libidines, ne latius serperet, coercere, iura & iudicia describere coeperunt. Ex iisdem alij muniendæ urbi adhibiti sunt, qui altiores fossas perducerent, & muros frequentibus ac firmissimis propugnaculis distinctos construerent: ut communibus animis, cum necessaria interueniunt tempora, prædari & irrumpere uolentes possent prohibere. Præter hanc diligentiam alia fuit, ad exornanda, atque in omni mundicie conseruanda publica urbis loca, & ad communes ciuium usus accommodatiora faciendæ: cuius generis esse solent, forum, pauimenta, itinera, templa, ductus aquarum, deriuationes fluminum, pontes, portus, naualia, atque moles prægrandes fluctibus obiectæ: simul & ea quæ sunt ad emerendam populi gratiam quæsitæ, ut ludi, certamina, & spectacula: Aedilium hæc fuit occupatio. Morum ac uitæ integritati, pudori, atque modestiæ, ad minuendum priuatum luxum, ac immodicas in conuiujs, cultu, & structuris impensas tollendas, sumptuarijs legibus institutis, atque ad ponderum & mensurarum æqualitatem retinendam, grauitate, seueritate, animaduersione, & autoritate probati Censores præfuerunt. Qui autem fructus ex uectigalibus, tributis, animalibus, metallis, frugibus, re nummaria, sale, salubus, mercibus percipiuntur, eisdem ad sumptus diuersis de causis publicè sustinendos, & ad necessaria bellorum tempora, in publicum ærarium Quæstores, probitate & integritate laudati, reposuerunt.
- Inde & alij, qui Annong præessent, delecti, ne plebs immodico precio alimentis constituto, graues motus in Republica excitaret: dum est fertilitas, frumenti uim & copiam in horreis, atque leguminum: & in cellis publicis uini, olei, salis, succidit, ad sterilitatis incidentia tempora, belli etiam, prudentissimè recondidere. Fuerunt, qui excubijs agendis, ad omnem ciuium noctu dormientium securitatem adhiberentur, Præfecti uigilum nominabantur: hos cura, diligentia, atque uigilantia multum commendabat. Quarum utique rerum necessaria uidebatur memoria, fides, & locuples testimonium, tam in publicis, quam in priuatis rationibus & commercijs, Scribe, autoritate & fide publica recepti & confirmati, ne qui in tanta hominum dolis & fraude uiuentium, palam tergiversari auderent, ad omnem diuturnitatem

Magistratum
munus.

Vrbem munire.

Aedilium occupa-
tio.

Censura.

Quæstores.

Præfecti an-
none.Præfecti uigi-
lum.

Scribe.

nitatem pacta & conuenta inter ciues, diligenter literis obsigna-
runt: ut cum opus esset, recognosci ex eiusmodi tabulis, & com-
probari tutissimè possent. Atque ita omnis ciuitatis multitudo,
duas in occupationes potissimum à primordijs est diuisa, qua-
rum una publicis rebus administrandis, auctoritate confirmata,
præset: altera ad omnem rerum uitæ cultui pertinentium ne-
cessitatem, diuersis artibus exercendis retenta subesset, atq; ob-
sequeretur. Ac in tanta multitudine nec tantus erat Magistratuum
metus, quin plures certa & innata malicia grauius delin-
querent, ut cōtra uim & iniuriam alij Magistratus fuerint insti-
tuendi. Nam flagitia, & diuersi generis maleficia committeban-
tur, doli, imposturæ, furta, rapinæ, incendia, stupra, adulteria,
proditiones, ueneficia, homicidia, atq; parricidia. Quam ad rem
cum nihil priuatis & publicis admonitionibus efficerent, & in
eiusmodi uitæ genere illi perseuerarent, necessariò supplicia, ad
priuatam uindictā tollendam, & ad coercendam hominū cupi-
ditatem atque contumaciam, sunt introducta. Ac proinde mul-
torum querelis deferuntur ad publicè constitutos rerum capi-
taliū iudices, in carceres, uincula, & compedes missi, ac coniec-
ti, tormentis atque cruciatibus, quæ commiserunt, pronuncia-
re & confiteri coguntur. Illi re cognita & comprobata, aut absol-
uunt, cum innocentis falsa est accusatio: aut nocentis pecunia fi-
sco adiudicatur, & sit bonorum proscriptio: aut pro loci, tempo-
ris, personæ, rei, causæ, & facti ratione, ad metalla mittitur, rele-
gatur in exilium, & deportatur: aut capitali supplicio in illum a-
nimaduertitur, pro genere criminis, unius æquitatis præscripto
semper res moderante, plagis, uerberibus, ignominia, seruitute,
talione, ferro, laqueo, aqua, & igne: quo eiusmodi exemplis
cœtus hominum non corrumpantur, & improbi à facinoribus
pattandis, hoc grauium suppliciorum metu & terrore auocentur.
Dirimendis autem ciuilibus cōtrouersijs, litibus, & omnis
generis actionibus persequendis, cuiusmodi plures hominibus
à naturali simplicitate, modestia, & integritate recedentibus, in
ciuitate exoriuntur: ut ius suum ab insidiatoribus optimè quicq;
conseruent, aut quod est laudabile, metu grauioris incommodi:
siquidem immodicos sumptus facere oportet, componunt inter se,
& amice transigunt: aut concordēs, ad arbitros ex propinquis,
amicis, popularibus, & grauibus personis delectos, causam omnem
disceptandā referunt. Sin minus, in rebus difficillimis, & maioris
momenti, id fieri debere uideatur, ad publicè constitutos iudices,
consuetudinum, morum, & legum peritos, ac interpretes, quibus
legitima concessa est iuris dicendi potestas,

Triplex ciuitatis
occupatio.

Capitales
causæ.

Suppliciorum
genera.

Ciuiles causæ.

Controuersia
ac lites.

- testas, summo iure agere uolentes, confugiunt. Hic certæ iuris sui persequendi formulæ, de omnibus rebus cōstitutæ, & multo usu, atq; longa caussarum exercitatione comprobata, quas minimè transgredi expedit, ne quis aut in genere iniuriæ, aut ratione actionis errare possit. Itaque uaria incidunt, cuiusmodi est contumacia, dilatio, exceptio fori, aut iudicis declinatio. Accusatoris est probare, Rei inficiari. Lite cōtestata, quæ princeps est negocij pars, ab ijs quæ accusator proposuit, patroni aut aduocati opera sese tuetur reus. Tabulis & instrumentis diligenter ac fideliter excusis, cōiecturis, signis, ceterisq; rerū multiplicibus argumentis, idoneis testibus, atque iureiurando, ad rei ueritatem dicendam, omnia inquiruntur, probantur, & cognoscuntur. Iudex uerò sedens pro tribunali, collectis senatorum sententijs, ad eorum rationem, quæ producta sunt utrinque, & comprobata, prudenti, fideli, diligentisq; rerum ac personarum, in quibus actiones sunt positæ, habita ratione & æstimatione, ex legum atque consuetudinum communiter ad omnes pertinentium præscripto, quod rectum, uerum, bonum, & æquum est, decernit, ac pronunciat. Condemnatus aut stat iudicio, aut bonitate suæ causæ fretus, ad supremū ordinem prouocat. Eadē causā de integro est cognoscenda, lata hic à Præside aut Principe sententiæ parendum omnino, & publica auctoritate ad hoc confirmata, acquiescendum. Impensæ factæ plerunque ab eo persoluuntur, qui litem perdidit. Restituitur in sua alius, quæ occupabantur, ut ita ciuium inter ciues optanda seruetur æqualitas. Quæ duæ res, causæ uidelicet capitales & ciuiles, cum probè administrantur, communi Iustitiæ exercitatione, salua est ab iniurijs, & incolumis humana coniunctio, societas, & congregatio, ut sit locus cæteris Reipublicæ præclaris institutis. Sed spretæ ac neglectæ, odio, ira, metu, gratia, amore, precio corruptæ, in manifestum rerum omnium discrimen, statum principatus adducunt. Cōmendatur in iudice singularis in facto & iure cognoscendo facilitas, & in parte utraq; audienda attentio, atque patientia, maturum iudicium, considerata deliberatio, longo rerum usu comprobata Prudentia, excellens in ferenda sententia grauitas, clementia, animi magnitudo & constantia. Statuunt etiam iidem Magistratus de summa rerum, ut ad suscipienda arma hortari, & à susceptis reuocare possint. Itaque de amicitijs & societate contrahenda, ac de ferendis legibus deliberant, potestatem habent uitæ necisq; ac publicis rationibus reddendis præsumunt: ut quæ illi publicè decreuerint, iussa, rata, & firma habeantur. Locus in quo illa tractari

Litis contestatio.

Iudex.

Pronocatio.

Iuris æquæ descriptione.

Iudicis uirtutes.

Magistratuum potestas.

Curia & Senatus.
Natus.

Libertas.
Aequiditas.

Suburbia.

Locuples ciui-
tas.

Status ciuita-
tum conuersio.

Domesticae cō-
tentiones.

Plebis tumultus.

Optimum ge-
nus Reipub.
Aristocratie.

tractari & exerceri solēt, Curia & Senatus dicitur. Libertatem, quam amplectantur, sibi proponunt: pro qua conseruanda oc-
cumbere, præclarum & honestum ducunt. Vnam æqualitatem inter se amant, æquo iure omnia metiri uolētes: & attentē pro-
uident, ne qui superiores præter conditionem reddantur, metu-
ne illi principatum inuadant, & cæteros sibi subijciant. Quam
ad rem frui tutò rebus omnibus ad uitā necessarijs, & in copia
uolunt, quibus assequēdis omnia præsidia inquirunt. Ciuitates
eiusmodi plerunq; in rebus gerendis concursu hominum, in
exercenda mercatura, & rerum prudenti administratione fre- 10
quentantur & locupletantur. Itaq; familijs sese ad urbis portas
dilatantibus, uiciniae fiunt, & Suburbia coniunguntur: quæ ea-
dem similibus de causis multitudine & opibus aucta, difficilli-
mis bellorum temporibus necessariò muris & fossa concludun-
tur. Atque ita locuples & ampla ciuitas redditur, ut cuiusq; est
maius in sese conseruanda studium, & in rebus tractandis maior
Prudentia: quibus & principatum comparare, & fines longius
proferre possint. Nam aliæ ē tam multis ciuitatibus atque prin-
cipatibus, toto orbe terrarum diuersis temporibus constitutis,
statum suum diutius retinent: aliæ uarijs rerum incōmodis de- 20
bilitantur, & inclinant: ut sunt continentes humanarum rerum
omnium uices ac conuersiones. Statum igitur cōmutantes, gra-
uissimis, ijsq; domesticis contentionibus uariè exagitantur: pri-
mùm occultis, post apertis & manifestis, ut in periculū ueniant.
Plebs irritata in potentiores, agrorum & possessionum tantam
inæqualitatem ferre non potest, & multo minus se cōtemni pa-
titur. Ac nec ipsi, qui rebus præsunt, satis inter se consentiunt,
multis deliberantibus, non quæ expediunt cōmunitati ciuium:
sed priuatis affectibus ac commoditatibus obsequuti, de rebus
consulunt. Sententiæ magis numerantur, quàm ponderantur, 30
ut multa minus prosperè eueniāt: dum enim alter alteri nimium
confidit, plurima negliguntur. Priuata etiam odia ad Rem publi-
cam adferuntur, ut ab ijs quibus minimè fauent, perperam po-
tius, quàm cum aliquo successu res geri exoptēt. Hæc plebi cum
referuntur, etiam ut fiat locupletior, commouetur facilè, & te-
merè in Magistratus insurgit: uaria committuntur, maximo hu-
mani generis detrimento, & atrocia certamina. Rebus in hanc
& illam partem distractis, qui ex clade remansere, publicæ salu-
tis retinendæ bono consilio, accedente communi suorum con-
sensu, aut pristinum Reipublicæ statum reuocant, atq; retinent: 40
aut aliud constituunt, & ad Optimos quosq; uirtute, nobilita-
te, opibus, doctrina, & eloquentia præstantes, atque eos Rei-
publicæ

- publicæ in primis studiosos, summam administrationis potentiam referunt. Mutato iam ex populari in optimatum genus Reipublicæ statu, alia studia, aliæ contentiones & uoluntates oriuntur: ut consideranti attentius hæc rerum humanarum progressionem, incrementa, & conuersiones, uideri poterit illud esse uerissimū, Principatus suam quandam adolescentiam, maturitatem, & senectutem habere: quod in hominum ætatibus, annorū accessione fieri cognoscimus. Ex quo intelligitur, æternam esse mentem, quæ interioribus consilijs, quam in parte uelit, Principatus soleat transferre, & ex aliorū ruinis alia firmare, & summa Prouidentia stabilire. Igitur è nonnullis ciuitatibus sunt, quæ contentæ suis institutis, longa consuetudine firmatis, nihil de ijs immutantes, eadem cōstanter seruant. Pleræque acceptas à prudētibus Leges, ad coercendam impudentiam latas, introducunt, sine quibus Respublica non faciliē constituitur, & eas diuturnitate temporum approbatas retinent, & nisi consideratē quicquam de ijs commutante: ut si nouę proponantur, ad ciuium concordiam prioribus, naturali quodam iudicio cōsentaneas recipiant. Id fit, cum temporum, locorum, rerum, ac personarum certa & diligens habetur ratio, cum eadem leges sunt apertæ, ne uerborum & sententiarum captioni bus obſcurentur: cumq; ad unam communem ciuium utilitatem totæ sunt cōparatæ, & omniū unanimi consensu receptæ: ad quarum rationē iura de finibus, de hæreditate, de commercijs, de cæde, alijsq; delictis, plenē sunt descripta: utile idcirco existimantes, certis legibus iudicia moderari, ne cuius aut ignorantia, aut incertis opinionibus, uiribus, arbitrio, & gratia, æquitatis præscriptum frangatur, legibus per se ab omni affectu, iracundia, & cupiditate uacātibus: ne uel cum certum ius extat, à multitudine imperita, iudices nomine corruptionis temerē accusentur. Est in his ciuitatibus bene moratis & institutis, iuris æqua descriptio, certior quidam rerum omnium ordo, & exultior uiuendi modus, atque disciplina, ut procerū illustria exempla suos omnes ad imitationem inuitent, & publica iussa, uitæ modestia & integritate comprobent: nihil nisi cōsultō & consideratē, præeunte Magistratuum Prudentia ac diligentia, aggrediuntur, ea inquirentes præsidia omnia, & consilia, quibus honestis artibus augeri ciuitas opibus & ditione possit, quibusq; illa eadem optimē conseruari: ut publici consilij rectores & autores, usu atque rerum scientia cōfirmati, studium omne ad moderandā Rempublicam adferant, ad decus, dignitatem, & bonum publicum conseruandum. Itaque præter alia
- Legum præſentia & uſus.
- Leges quid efficiant in Rep.
- Bene moratæ, beneq; constituta ciuitas.
- p multa

multa, diligens initur ratio, ut rerum necessariarum ad totius uitæ cultum copia abundet ciuitas, omnis generis opificibus, & mercatoribus diuersis, externa importantibus, et domestica uicissim aliò transferentibus. Quam ad rem ne alios alijs in negociando anteuertant, suum priuatum quærētes commodum,

Monopolia. Monopolia dicunt, attentè prouident, ut sit libera omnibus, & æqua negotiatio. Priuati homines pacificè cum ciuibus degunt, tranquilla & sedata omnia cupientes. Ad Magistratus obeundos, ex iisdem admittuntur: qui locupletiores facti, tantum processerint, ut primarijs uiris possint adæquari. Sed ad 10

Iuuentutis ad litterarum informatio. maximè necessariam iuuentutis informationem, publicis, & ijs liberalibus stipendijs, eruditi literarum magistri, magno iudicio delecti, euocantur: à quibus prima, & ad discendum optimè comparata ætas, in præclarissimis doctrinæ studijs retinetur: quandoquidem hæc est omnium uehementer laudabilis, eademq; in primis conueniens opera, qua optimi ciues, maximis gerendis Reipub. muneribus, ab ijs incrementis salutariter præparantur. Nam hæc ipsa sunt eiusmodi, ut institutionis præstantia, & prospero successu æstimari facillè possit futurus cuiusque

Peregrinationes. ciuitatis status. Et quoniam dissimilia sunt hominum studia, 20 atque alia suis occasionibus ab alijs melius tractantur, sicut stirpes alijs locis alias meliores nasci uidemus, ad multiplicem rerum cognitionem nihil accommodatius, & ad communem Prudentiam comparandam fructuosius, quàm mores, instituta, & leges diuerforum populorum, quantum quibusque prodesse quæque soleant, peregrinationibus didicisse: qui id commodè facere possunt, liberos domesticis doctrinis institutos, in alias atque alias regiones emittunt: in quibus ea discunt, quæ in patria commorantes, nunquam essent assequuturi. Inde præter alios multos, Scribæ atque Legati, quibus ad externa transigenda 30

Scribe. Legati. negotia utuntur: publica q̃ mandata perferunt, exponunt, et uices totius Principatus in summa dignitate gerunt. Medici

Medici. etiam, quorum opera morborū diuersa genera curari possint, illa locorum lustratione, plurimum instruntur. Iurecōsulti, à quibus regitur publica & priuata ciuitatis salus, atque conseruatur.

Theologi. Theologi, quorum laudatissimis studijs salutaria Christianæ religionis documēta traduntur. Reliquam iuuentutem

Militaris exercitatio. necessarijs belli temporibus ad arma omnis generis conuenienter tractanda, multis exercitationibus uires ac robur cōfirman

Munera Reip. tes, instituunt, atq; præparant. Munera cetera administrandæ 40 urbis distributa, ad parandū difficilibus temporibus commeatum, ad recondendas in publicum ærarium facultates, & ad armamenta.

mamentarium omni armorū uarietate ac copia instruendum. Equestris ordo paratus atque instructus ad repentinas quasq;
 ciuium cōmotiones, aut externorū nec opinatas incursiones. *Equestris ordo.*
 Foederibus ad uires amplificandas diuersæ Respub. inter se con- *Federate ciuitates.*
 iunguntur, ut ita mutuis auxilijs tueri sua facilius possint. Ple- *Opulentia.*
 be interim sine uiribus ad obsequium parata, & mutua ciuium
 concordia ingentes opes breui comparātur, & maior assurgit
 potentia, negociorum magnitudo & multitudo consequitur:
 cum necesse habent illis aduersari, qui eiusmodi incrementa pro
 10 hibere conantur. Finitimorum nanq; rebus confectis, magnæ
 & longinquæ expeditiones suscipiuntur, & uario rerum geren- *Expeditiones.*
 darum successu præda & prouincijs locupletantur. Sed rebus
 secundis & affluentibus, animi semper insolescūt, ut nec domi *Domestice contentiones.*
 quies, nec tranquillitas ulla esse possit, plebe cōmota & sollici-
 tata, seditiones exoriuntur grauiores, quas periti Reipub. con-
 seruandæ uiri, summa Prouidentia cōprimunt, & omnes offen-
 sionum causas opportunè subtrahunt, atque occultatis Reip.
 morbis salutariter medentur: qui eo sunt perniciosiores, quo
 minus à quibusque intelliguntur: quando neglectæ seditiones *Seditionum ratio.*
 20 leues etiam, & perexiguæ, eiusmodi sunt, ut si non primò seden-
 tur, celeriter magnum incendium excitent, quod postea nulla
 ui, aut ratione extingui possit. Itaque maiores causæ in forum *Causæ foret.*
 adferuntur, & maioribus contentionibus eadem tractantur,
 quibus agendis iuuenes dicendi periti adhibētur, quorum est
 præcipua ingenij laus, & in libera Repub. ad animos ciuium re-
 tinendos & impellēdos maximus usus. Nam Eloquentiæ com- *Eloquentiæ uis.*
 mendatione & præsidijs, non minus quàm ui armorum, popu-
 lum ad omnia obsequentem habent, & in debito officio tuen-
 tur. Eadem manifestus etiam humillimo cuiq; ad auctoritatem,
 30 gratiam, honores, potentiam, aditus patet. Quæ autem Sena-
 torum sententijs diiudicata sunt, & pronunciata, ijs parendum
 omnino est, & acquiescendum, Senatusconsulta inde appellan- *Senatusconsulta.*
 tur: ut in qua Repub. plebs aliquid potest, Plebiscita. Rebus i-
 gitur affluentibus, perpetuum illud, ut difficile sit statum tran-
 quillum seruare. Adeo est propensa à summo inclinatio, ambi- *Ambitio.*
 tione, communi Rerumpub. peste, illustrium & potentum ui-
 rorum animos occupante atq; sollicitante, dum alium alijs di-
 gnitate, auctoritate, gloria, diuitijs, gratia, uiribus, & principatu
 anteuertere contendit. Ex tanta hominum inæqualitate, dum
 40 censu & opibus Magistratus eliguntur, spretis humilioribus,
 multæ incidunt contumeliæ atque iniuriæ. Factiones inde, si *Factiones.*
 multates, seditiones, & tumultus perfacile exoriri solent. Mi-

Corruptiones. scentur omnia, & distrahuntur. Iam captare intentius suffragia, muneribus & largitionibus, ceterisque artibus nihil non audere, tentare, & efficere. Atque ita cum publicis commodis priuata anteponuntur, certum exitium rebus omnibus imminere cognoscitur. Populus ab ijs qui maiores opes possident, grauius premitur, & in potētiore protinus insurgit multitudo, ut acerbissime ciuilis sanguis fundatur. Pōst rebus melius consulturi, ad unum aliquem, cōmuni totius populi consensu, uirtute præstantem confugiunt: huic, perinde ac gnaro & perito gubernatori in maximis fluctibus est consuetum, se suaque omnia liberè subijciunt, qui solus prohibeat ab iniuria tenuiores, æquitate constituenda summos cum infimis pari iure retineat. Quocirca is publicæ tranquillitatis factus studiosus, cum ab incommodis omnibus, & periculis suos tuetur, dominatum eiusmodi confirmat: sui dignum principatu & imperio iudicantes, gratiam quodammodo habituri & relaturi, huic uolentes parent, & obsequuntur, parati eundem à quibuscunque insidiatoribus omni tempore tueri & defendere. Plerumque ab eiusmodi initijs, unius fit & constituitur Principatus, qui idem uel generis legitima & hæreditaria successione, cum filij sanguinis cōmunionē, parentum uirtutem imitatueros præ se ferre uidentur: uel procerum gentis & primorum, latis communibus suffragijs, facta electione, illius, quem ob singulares uirtutes Principem habere uoluerint, à posteris lōgissimis progressibus retinetur. Sed in Republica, siquidē alia alijs occasionibus fiunt, aliter nōnunquam res succedunt, ut multitudo maiora uiribus ausa succumbat, & re collectis uiribus, principes ac primarij ciuitatis uiri statū confirmant, omnemque publicam potentiam ad se conuertant: qui cum pauci sint, eorum autoritate res pro arbitratu ad priuatam utilitatem potissimum retinentur. Incidunt uaria, ut nonnunquam externi sese in unum colligentes, maioribus uiribus regione late uastata, & occupatis locis munitis, metum incutiant, & trepidationem. In difficillimis eiusmodi Rerum publicarum negocijs, dum omnia in manifestum discrimen ueniunt, & res ad extrema adducta uidetur, sepositis domesticis controuersijs, ne qua discordia inter se distrahatur, ad unum ex suis summam rerum potentiā, certo constituto imperandi tempore deferunt, Dictator olim is dicebatur, cui tanquam Principi totius dominatus, erat parendum. Itaque ut sunt res præsentēs, qui uiri apud externos re bene gesta triumphos reportarunt, tanto successu rerum elati, partam semel dignitatem atque potentiam constanter retinere uolunt: cumque rerum communium tractatione periti sint,

Ciuites tumultu.

Delectus Rei-pub. princeps.

Principatus unius.

Oligarchia.

Dictatoris institutio.

- riti sint, ac uiribus Eloquentiæ multum cæteris omnibus præstent, & opulenti facti largitionibus, nihil non moliantur, animos multorum in suam uoluntatem trahunt, ut facili inter pares, qui ferre superiorem non possunt, grauis æmulatio exortatur. Consequuntur exilia, expulsionones, insidiæ, cædes: cum alij Reipublice perturbatio-
net. alios sequuntur, & anteponunt, breui diuiditur in partes dominatus: quibus iam apertè inter se commissis, fuscitato acerbissimo ciuili bello (ut interiores morbi ijs qui sunt extrinsecus, longè grauiores habentur) communem potentiam in medium rerum omnium discrimen, attritis uiribus, adducunt: uictis iuxta & uictoribus, cruenta omnia, & funesta. Igitur qui è ciuili sanguine, & intestino conflictu factus est superior, uictorij signis confirmatus, cæterorū omnium uires ad se totas trahit, prohibuitos comprimit, res cum finitimis gerit, ut multi tandem Principatus in unum coalescant. Sunt nonnulli Mixtu Reipub. statum. Resp. in tanta terrarum amplitudine, quæ diuturno usu rerum constitutæ, triplici hoc statu coniunctim reguntur, ut plebs non negligatur, primores ciuitatis res administrent, quibus iisdem unus plus habens potestatis, dignitatis, & autoritatis, præsit, atque
- 10 dominetur. Itaque ad continentem progressionem seruandam, qui armis Principatum comparauit, summa rerum, cum nullus possit aduersari, uniuersa potitur, Imperator & Rex salutatur, Imperator & Rex. Princeps ac dominus totius, cui honores deferant, cuique se subiiciant cæteri uiribus inferiores, obsequia & imperata facturi, se suaque omnia illius fidei, tutelæ, & defensionis committentes. Alius iam ex optimatum genere in Regale commutatus totius Reipublicæ status. Ille namque suscepta totius Principatus administratione, Regiam custodibus, ministris, & satellitibus, ne qua inferri iniuria, aut repentina fieri possit impressio, communit. Frequens
- 30 procerum, potentum, ac nobilium uirorum comitatus, qui illum quocunque euntem proximè consequuntur, ad honores suscipiendos, & ad regia diuersi generis consilia moderanda. Assidui sunt circum Principem uiri à memoria, à libellis, & à secretis Scribæ: hi Principis mandata omnia in scripta promptissime & celerrimè referunt. Latè per Prouincias ad rerum administrationem, & ad comprimendos factionum atque seditio- num tumultus, Præsides, Præfecti, & Gubernatores constituuntur. Adiuncti illis sunt Consultores & Senatores, qui excellenti Iuris ciuilis doctrina imbuti, priuatorum controuersijs dirimendis & componendis, quo melius moderari iudicia possint, occupantur: quæ illi in consilijs dandis respondere sunt soliti, Prudentum responsa, magnæ olim autoritatis nominabantur. Prudentum responsa.

Ad Principem est prouocatio: quæ decernit ille, rata, stabilia, & firma, legis instar, habentur, & Principum placita atque Constitutiones dicuntur. Interim Quæstores tributa, uectigalia, omnesque fructus publicos, sustinendis quotidianis sumptibus, & pecuniæ in ærarium reponendæ, colligunt. Publicis etiam rationibus reddendis adhibentur alij, ne qua fraus admitti possit: qui ijdem commune Principatus bonum conseruant, & uetera omnia iura in publicis tabulis adseruata producunt: ut est diuersa in quibusque regnis, pro rerum magnitudine & uarietate, consuetudo. Sunt complures militiæ proceres: ex his est Præfectus 10 Prætorio, Magister equitum, & Præfectus mari. Consequuntur etiam Principem & alij magno comitatu, quos Duces, Marchiones, Comites, & Barones hodie uocamus. Hos deinde manus nobilium: atque hi, pro dignitatis magnitudine, territoria toto Principatu latè possident, & eadem in sua ditione ac potestate, iura reddentes, tenent. Hos expeditos & paratos ad necessaria belli tempora Princeps habet: quibus, cum res exigit, est bel- 20 landum, ac exercitus ducendi committuntur. Regia in medio totius Principatus potissimum constituta, unde possit, quæ quibusque locis geruntur, etiam ab ultimis suarum regionum finibus, per celeres & expeditos equos protinus cognoscere. Insigne regium, & maiestatis decus, sceptrum, atque corona aurea, gemmis fulgēs. Ac uniuersæ Regiæ præest Architrclinus: sub- sunt huic, præter alios multos, etiam instructores, qui ad quotidianum uictum, ad sumptuosos, magnificos, atque copiosos lautitiarum apparatus incumbunt, ut conquisitis epulis mensæ extruantur: quicunque cultui precioso, gemmarum, eboris, auri, & argenti, suppellectili conseruandæ & promendæ præficiuntur. In- seruiunt nobiles adolescentes, qui militaribus studiis atque ex- ercitationibus imbuuntur & confirmantur. Omnia fiunt cum 30 summo splendore ac nitore: disponuntur suis locis coronæ, incenduntur odores, alia unguentis perfunduntur. Adsunt Musici clarissimi, cum instrumentis: signa, tabulæ, aulæ, præclara & plena artis opera, cum omni elegantiâ & copia, ad exornandum, passim collocantur: ut sit ædium regiarum magnificentia, quæ hortorum etiam amœnitatibus, dispositis conuenienter arboribus, cæterisque diuersi generis plantis, resplendeat. Inquiruntur omnia oblectamenta certaminum, aucupij, & uenatus: ut quid- que totis terris excellens & rarum, hoc ad Principem solet per- ferri. Regia omnis concursu diuersorum hominum frequenta- 40 tur. Mutat ille plerunque sedem, & omnem multitudinē secum trahit, ad stabilienda sua, & ad ciuitates, quæ sunt in confinijs, instru-

- instruendas atque communiendas. Studium Principis & mores sui sequitur, grata quæ ille probat, & amplectitur. Magnæ hic aulicorum, & ad dignitatem, & ad opes comparandas, suscipiuntur contentionēs: inde graues repulsæ & offensiones plerisque sunt sustinendæ. Est Principis uxor Augusta & Regina, uitæ comes & socia, pari dignitatis & ornamentorum splendore, frequenti nobilium uirginum & matronarum comitatu atque famulatu conspicua & illustris: suis etiam, ad statum & decus retinendum, quibusdam Præfecturis instructa. Nascitur
- 10 Princeps infans, in quo est spes futuræ successionis: hic post diligentem educationem disciplinis informandus, linguis etiam traditur, ad iura diuersis populis reddenda, & ad externorum Principum legatos excipiendos: tum liberali, & digna Principe uiro doctrina Prudentiæ ciuilis, atque Historiæ imbuatur. Inde res maiorum suorum cognoscit, & externorum facta publicis consilijs moderandis accommodata: quando eundem conueniat multarum rerum esse peritum, ne falli à quoquam possit, & temerè quibusuis assentiri, in oculis atque in auribus tantæ multitudinis aliquando uersaturum. His equestris exercita-
- 20 tio, & omnis militaris disciplina coniungitur. Regno iam maturus, grauioribus negocijs audiendis & tractandis, prouinciarum administrationi adiunctis ex procerum ordine, uiris prudentissimis: & cum bella ingruunt, ne imparatus ueniat, regendo exercitui adhibetur. Finitimorum Principum affinitatem coniugio, ad res suas stabiliendas, contrahit. Patre uita functo, coronam accipit, & uniuerso Principatui maximus natus filius, cum est cæteris fratribus, si qui sunt, bene prouisum, succedit. Hic maiorum facta ante oculos posita, & omnes causas diuinitus cõstituti Principatus, salutem & incolumitatem publicam,
- 30 atq; summum Religionis studium, cum animo prudenter repetit, & ad ea ipsa se suosq; diligenter componit, statum pacificum & tranquillum res omnes consequuntur. Sed diuersis rerum ac temporum progressionibus, grauiæ & acerba multa, ut sunt humanæ uices perpetuis conuersionibus expositæ, interueniunt: Principe à priorum institutis, communi utilitate relicta, longius recedente: populo etiam, qui his rationibus diuinitus coercetur, insolenti facto, rebus nouis intento, & seditio-num amante. Iam luxu, sæuitia, auaritia, ambitione, cuncta labefactantur: aures assentatoribus patefactæ, Principis animū pro-
- 40 arbitratu commutant: qui dum priuatum querunt cōmodum, atque res suas augere & firmare, omnem publicam salutem in maximum rerum periculum adducunt. Inde simultates, factiones, con-

Augusta et Regina.

Princeps infans.

Regno maturus Princeps.

Affinitas.

Patri succedens Princeps.

Acerba Principatum incommoda.

nes, coniurationes, atque conspirationes, & omnis generis insidiae, suis rerum occasionibus, exoriuntur. Nam alij atque alij positam in medio dominandi palmam existimantes, quibuscunque artibus Principatum compararunt, ipsi dem amittunt. Miscentur tum diuina atque profana, certatur atrocissime & diutissime: nec prius, nisi late fuso sanguine, feroces & concitati animi conquiescunt: ut cum longis progressionibus creuerit dominatus, maximisque priorum contentionibus celerrime à summo inclinet,

Principatus tenendi periti.

atque prorsus corruat, Principatus uero tenendi periti, rerum Prudentia & consilio pollentes, diuinitus hominum tranquillitati conseruandae missi, dati, & constituti, iura cuique aequabiliter distribuunt, commune bonum procurant, optimisque arti-

19

Clementia & Grauitas.

bus se ac suos tutantur: simul & difficillimam illam, atque praclarissimam Placabilitatis & Clementiae cum grauitate & seueritate societatem studiosissime amplectuntur: ad hoc toti incumbunt, quo beneuolentia suorum animos ad obsequia praestanda, sibi officio & fide ita concilient (quae sunt Principatus praesidia, non thesauri, neque exercitus) ut consentientibus omnium uoluntatibus, status rerum sit optimus. Illustri exemplo sunt suis: nihil statuunt, quod uitae dignitate, autoritate, & constantia ipsi non comprobent. Prudentibus uiris, peritis rerum, ac sapientibus, ad Magistratus obeundos locus est, & pater aditus: in quo Principis iudicium plurimum commendatur. Indigni muneribus publicis tractandis deturbantur, ac repelluntur: ut omnia

20

Principum cura & procuratio.

suam quandam maturitatem assequantur. Iam uero omnibus Reipublicae agris & laborantibus partibus, industria, fide, studio, ac diligetia succurrere, luxum in sumptu ac cultu minuere, & superuacaneas impensas tollere, sui muneris esse existimat, ne priuatorum facultates dissipentur, & ad externos transferantur. Præterea efficere, ne animi suorum, remollescere atque insolescere

30

Studijs literarum patrocinari.

possint, ceteraque obseruare, quibus sui commodè uiuant: cuius generis esse possunt, cum alijs multis, amnes nauigabiles redere, agros incultos & derelictos, excolendos tradere, opificia omnis generis introducere, & conuenienter ad usus necessarios distinguere, mercium liberè transferendarum ultro citroque potestatem dare. Ac cum studia doctrinae & literarum magno sint Reipublicae & adiumento & ornamento, honorarium est, earum patrocinium atque defensionem suscipere, nullos ducere sumptus, peruestigatores naturalium rerum, ac disciplinarum omnium amplificatores & instauratores iuuare. Quae omnia cum

40

fiunt, non modò sui bene habent, quin & finitimi praclare sentiunt, admirantur, & illorum amicitiam, societatem, & coniunctionem

ctionem

- ctiōnem certatim ambiunt. Populus uniuersus sua studia, Populi ac Prin-
cipis cōsensu suasq; uoluntates ad Principum iusticiam, fidem, pietatem, for-
titudinem, liberalitatem, beneuolentiam, atque continentiam,
liberè componit, ut sit mutuus, idemq; laudabilis utriusq; par-
tis consensus. Sed ut ex progressione rerum huius historiæ de
Prudentia colligi potest, Agriculturam, à qua initium fecimus, Agriculturæ
& Rei milita-
ris usus. alumnam esse cæterarum inter homines occupationum: ita ea-
rundem tutissimum perfugium, & necessariam custodem, uir-
tutem bellicam, & Militarem disciplinam consultò ad hunc fi-
nem reponendam duximus. Nam quemadmodum illa colen-
do agro ad uictum comparandum est introducta, similiter hæc
ad parta uiribus & armis custodienda, atque ad omnem uitæ
societatem conseruandam, usurpatur ac retinetur: atque id in
discordijs & tumultu, qui aut cum suis ciuibus, inde ciuilia bel-
la, & coniurationes domesticæ, aut cum externis solet exoriri.
Itaque cum nihil sit, ad statum Principatus conseruandum, ac
commodatius, quàm omnes belli suscipiendi causas auertere,
cumq; ultro aut temerè quenquam laceßere, impunitum nun-
quam sit, & inultum: paci, quæ nihil habitura sit insidiarū, con-
sulere oportere, ad uitandam omnem sanguinis effusionem, à
prudentissimis, & rerum gerendarū exercitatissimis pronun-
ciatur. Humanum nanq; est, & in primis salutare, omnem rem,
de qua est cōtrouersia, iuris nostri legitima disceptatione, com-
munibus prudentum consilijs transigere. Quam ad rem in dif-
ficillimis & periculosissimis eiusmodi Principatuum conten-
tionibus (siquidem locis disiuncti Principes, passim esse ne-
queunt, & minus securè de communibus negocijs inter se col-
loqui possunt) Legati, quorum est præcipua dignitas, & apud
suos autoritas, è media Republica sceliguntur: qui cum sunt re-
rum usu & tractatione exercitati, & doctrinis liberalibus cu-
mulati, atque in primis disertis rebus componendis, & animis
conciliandis, ultro citroq; emittuntur. Horū accepta fide publi-
ca, per hostium fines liber & tutus est transitus, cōfirmato gen-
tium iure & consensu. Atque hi nominatim aut dicēda omnia,
in mandatis præscripta habent, aut liberam ex momentis tem-
porum, & rebus uariè interueniētibz, summa in omnibus cau-
tione, transigendi potestatem. Dispositis equis ad omnem cele-
ritatem, diuersa mandata recipiunt, ac reddunt. Per eosdem in-
duciarum, foederum, societatum, amicitiarum, & ipsius Pacis Pacis transac-
tio. conditiones proponuntur, & transiguntur. Hinc alterutrius
partis amicos pro amicis, inimicos pro inimicis recipiūt, ut ui-
res sint ita coniunctæ maiores, Quam ad rem est laudabile, &

*Belli gerendi
necessitas.*

*Belli suscipien-
di consilio
difficillima.*

*Inopinatos esse
bellorum even-
tus.*

*Prima homi-
num arma.*

*Primordia
belli.*

Apparatus.

*Pecunia nervi
belli.*

ad tenendam Principatus existimationem, quæ magni est mo-
menti, opportunum habetur, datam semel in eiusmodi pactis
conuentis fidem ac iusiurandum constantissimè seruire. Iidem
legati in publica hac administratione summam & exquisitam
rerum Prudentiam colligunt, quæ postea maximo præsidio
& subsidio suæ cuique Reipublicæ esse possit. Sed cum nihil
obtineri potest, ne cuiusquam grauibz iniurijs aut deiciatur,
aut debilitentur, cum iniuste occupata repetenda, cum adue-
nientes hostes prohibendi & propulsandi, cum socij & fœde-
rati ab hostium iniurijs sunt vindicandi: ne imminuantur opes, 10
ne imperiū adimatur, ne uē seruitus imponatur, necessariū ad
uim & ad arma decurritur. Deliberationum omnium hæc est
difficillima, procerum gentis conuocatione, propositis com-
modis & incommodis tentantur omnia, atque omnes uitandi
belli occasiones, quod incerti sint bellorum euentus, inquirun-
tur: ut prudētissimi, & rerum agendarum peritissimi multa de
iure suo concedant, circumspecte, cunctanter, & non nisi maxi-
ma necessitate impellente, res suscipiant, atque ea omnia ad pu-
blicam salutem & tranquillitatem retinendam. Provident con-
sulto, ne qua temeritate ducantur: quandoquidem è minimo 20
bello maximum atque diuturnum, & serium è ludicro magnis
rerum incommodis exoriri experiuntur: ut res quantumuis fir-
mæ & stabiles, leui ex occasione protinus concidant, & dissi-
pentur. Leuia fuerunt prima mortalium arma: pugnis, faxis, ba-
culis, fustibus, ac fundis dimicant: sed grauiora consequuta,
inmultiplici ferri usu semel introducto. Igitur quando ita omni-
bus uisum est, belli initia, perinde ac firma fundamenta ponun-
tur, ut iure, & legitima de causa susceptū cuncti iudicent. Pro-
uocati animos suorum perspiciunt, uirium ac omnis potentie 30
diligentem & accuratā habent rationem, simul & hostium uires
atque consilia explorare solent: quo inde constet, quibus in re-
bus superiores alij, aut inferiores sint. Sed protinus ut de susci-
piendo bello consultum est, nulla interposita mora, rem matu-
re aggredi consueuerunt. Ac domestica primū firmissimis
præsidijs, finitima oppida, & arcēs montibus impositas, com-
primendis hostium incursionibus communiunt: quando nisi
sit domi consiliū, frustra esse foris arma, prudenter existimant:
Est in ærario ad necessarios usus, facultatum reposita copia,
qua ad bellum persequendum nihil neruosi: tum commeatus
rerum necessariarum comparatur, tormenta, machinæ, tento- 40
ria ex instructis armamentarijs educuntur atq; disponuntur.
Nauigia cuiusque generis, & triremes armantur. Fœderatos,
auxilia.

- auxiliares, socios, propinquos, ac uicinos quosque, communis periculi explicatione, ut in fide permaneāt, auxilia mittant, hortantur, quo eas cogant undique copias, quibus aduersari nemo possit. Intenti utrinque omnes ad sua tractanda, incertum omnibus, quem sint res cursum habituræ. Indicitur antè bellum; & denunciatur, Clarigationem appellantur. Tota regione periti rei militaris Ductores & exercitati mittuntur, qui militem ex agris (quando fortissimi & strenuissimi ex colonis, assiduo labore assuetis, gignuntur) & oppidis educant. Auxiliarij post
 10 à socijs & foederatis mittuntur, & mercenarij asciscuntur. Fit iam eorum delectus, qui institutione militari, & exercitatione sunt commendati. Præter uires, robur, alacrem & paratam ad obsequendum animi promptitudinem, quæ quanti sint ad res bellicas momenti, facta illustria declarant: laudatur in forti belatore, laborum, Solis ac pulueris, frigoris & caloris tolerantiâ; atque conueniens in uictu parsimonia & sobrietas. Ex his qui probati sunt, & selecti, militiæ sacramento obligantur, ac mox quibusque idonea stipendia decernuntur, ut ita sint militiæ astricti & autorati. Munera inde assignantur, ac describuntur, Centurionum ac Decurionum. Tyrones simul, & iam exercitati, atque
 20 ueterani, galea, thorace, lorica, ense, gladio, pugione, claua, arcu, scuto, clypeo, lancea, bipenni, hasta, & minore bombardâ, ut cuiusque est gentis mos, uirium & dexteritatis ratio, arman-
 tur. Singulis cohortibus, signis, ac uexillis distinctis, & legionibus præest Ductor. Atque ita equitatu leuis & grauis armaturæ, totoque peditatu cōiuncto, & diuiso Exercitu in præsidium, primam aciem dicimus, conflictum mediam, ac subsidium ultimam, iustæ militum copiarum coguntur. Eam ad rem plurimum commendatur paucitas bene exercitata, erudita, & armis scien-
 30 ter tractandis diu multumque assueta. Belli totius administrandi in grauissimis rebus Principes curam ipsi suscipiunt, in quorum oculis & auribus res magno successu geruntur: aut illis tradunt, quorum fides, cōtinentia, laborum patientia, matura ætas, uirtus, præfens animus, eloquentia, consilium in prouidendo, celeritas in conficiendo, industria in agendo, fortitudo in periculis, autoritas, felicitas, perspecta antè in magnis rebus, & cognita: Imperator is dicebatur. Hic omnibus obsequentibus summæ uniuersæ præest, & ad eundem cuncta referuntur, ut unius solius consilij, res communibus animis prosperè geri possint.
 40 Lustrato exercitu, militaris disciplina, & iura omnia, quæ seruare oportet, præscribuntur. Protinus ut uisum est, præmissis exploratoribus, & regionum peritis ductoribus adhibitis, iti-

Belli denunciatio.

Militum delectus.

Militiæ sacramentum.

Arma.

Cohortes.
Legiones.

Exercitus.

Princeps.

Imperator.

neri faciundo accinguntur, intermedio commeatu, cibarijs, & impedimentis, fabris, ac tubicinibus, cormencis, atque omni apparatusu conuenienter distincto. Ordinata acie, traducendus exercitus per loca pacata: hic temperare & continere ab iniurijs & populationibus solent: aut per loca infesta, uiribus coniunctis, ne intercepti possint. Amnes sunt plerunque laboriose tra-
 ijciendi, & montes superandi: ut ex difficilibus locis euaserunt, procedentibus utrinque copijs, hostium fit occurfus. Hic suis
Castrorum po- occasionibus, locorum opportunitate quaesita, hostes praue-
fuio. nire uolentes, castra loco idoneo, tuto, salubri, & pabulationi, 10
 aquationi, frumentationi, ac lignationi commodo, ponuntur
 & collocantur: fossa, uallo, aggere circundantur, atque muniantur, ut celeriter constructi oppidi formam referant. Iam ordi-
 nantur custodiae, stationes, uigiliae, & excubiae: post ad omnem
Excursionet. securitatem iussa, signa, & tellicae dantur. Praecursores com-
 missis leuibus prelijs (uelitationes erant) hostiles animos explo-
Exercitatio- rant. Interim milites in seruandis ordinibus, & quibusdam lu-
net. dicris certaminibus exercentur, ne ad seriam dimicationem no-
 ui, imparati ueniant, & in experti. Emanforibus, proditoribus,
 transfugis, atque desertoribus, ne clandestina cum hostibus col- 20
 loquia haberi possint, opportunè occurritur. Iam rerum geren-
Consilia. darum exercitati & periti, hostium consilia ex captiuis solent
 cognoscere, eadem anteuertere & praeripere, commeatu inter-
 cludere, maturare, accelerare, & cunctari: ut rerum, temporum,
 ac hostium est ingenium, Natura, condicio: insidias struere atque
 uitare: quae eiusmodi artes, solertia ducum facta, & consilia, a
Conflictus dies. Graecis Stratagemata uocantur. Constituta igitur ad publicam
 conferendam pugnam die (nisi fortè singulari certamine, Duel-
 lo, ut parcatur multitudini, dimicare placeat) postquam ad ar-
 ma ueniendum, milites cibo conuenienter curati, aduocata con- 30
 cione, omni formidine ac metu, si quis obortus sit, liberantur.
Aciei ordina- Itaque ut alacres progressi, & spe erecti sunt, ordinatur ex his
tio. utrinque acies, & uarie disponitur, in quadrum, in orbem, ut
 omni ex parte tecti & instructi sint, in cuneum & forficem co-
 gitur. Vtraque exercitus pars cornua habet, dextrum ac sini-
 strum: ut est locorum dissimilitudo, occasionum uarietas, mili-
 tum scientia, armorum diuersitas, atque hostium condicio. Ad
Bellicum. praelium ineundum, inflammandis omnium animis, Bellicum
Dimicatio. utraque ex parte canitur. Itaque appropinquant, emissis hor-
 ribili sono grauioribus bombardis, cruentus equestrium ac pe- 40
 destrium copiarum fit conflictus, multa passim caedes commit-
 titur, perturbatur acies: inclinat modò haec, modò illa, ancipiti
 utriusque

utriusque partis fortuna: restituitur, confirmantur reliquiarum animi, dimicantes nox dirimit. Renouatur de integro prælium, supplementa expectantur: quandiu vires suppetunt, maximo animorum ardore, dubia adhuc uictoria, confligitur. Multa incidunt diuersis occasionibus: castra oppugnantur, capiuntur, incenduntur: alij abijciunt arma, & dedunt sese: nonnunquam inducias paciscuntur, datis ad maiorem securitatem obsidibus: alij tentandam omnino fortunā, alij nihil nisi cum ratione, iudicio, & consilio experiri, oportere suadent. Interea militiæ flagitia,

Inducie.

Militiæ flagitia.

- 10 qui ordines non seruarint, aut eiusmodi aliquid commiserint, se uerissimè pro delicti genere puniuntur: præter exautorationem, uerbera, exilium, damnum, talio, uincula, seruitus, ignominia, et decimi cuiusque occisio olim proponebatur. Pars autem superior è prælio, uictos, strage & clade accepta, in fugā uersos, persequitur, atque conclusos in angustias comprimit: aut in oppidum, comæatu, tormentis, propugnaculis bene instructum, atque Natura loci munitum, sese recipientes, obsidione cingit. Admouentur bombardæ maiores ad muros, quarū tantus hodie est usus, ut relictis uterum machinis omnibus, muniendarum urbium commutata sit forma, & difficilior sit omnis belligerandi scientia. Opportunum etiam uidetur, flumina auertere, ac deriuare, cuniculos agere, ne suppetiæ obsessis ferantur, prohibere. At illi callidè earum rerum, quibus destituuntur, copiam dissimulare, aliāq; eiusmodi solent. Ad extremum exhausto comæatu, & spe omni soluendæ obsidionis deposita, acceptis conditionibus, in deditionem recipiuntur: aut fide suis constanter seruata, fortiter occumbere malunt. Itaq; qui obsident, simulare interdum regressum consueuere, aut falsas diuersis ex partibus irruptiones facere: aut suis consiliis uiribus, tormentorum uistratis & cuersis muris, portis etiā effractis, ualidissimos quosque & audacissimos præmittere, atque in propugnantes acriter irruere & penetrare conantur. Oppidani, cum aduenientes satis prohibere non possunt, tandem succumbunt. Expugnat
- 30 tur urbs ferro, rapinis, flamma, ruina uastatur. Cæteræ ciuitates aut obsistunt, aut uictoris successum sequuntur. Humane est clementiæ, supplices abiectis armis in fidem recipere, & uictorem exercitum à cæde temperare. Bella comitantur, ut omnia uitæ incommoda, tot mendici, pupilli, uiduæ, totius domesticæ disciplinæ perturbatio, luctuosa & funesta omnia: sic maximè, corporibus contagione corruptis, sæuiens pestis, & neglecta uel oppressa Agricultura, dura fames, atque rerum omnium uastitas & deformitas, quæ ipsa ad nostram coercendam insolentiam

obsidio.

Oppugnatio.

Expugnatio.

Bellorum incommoda.

*Navalis pu-
gna.*

diuinitus immittuntur. Fluminibus & mari interdum (neque enim omnia simul fieri scimus, sed huius est institutæ orationis, rerum progressionem & genera breuissimè describere) dubio maximè, & incerto euentu acerbius et periculosius decertatur, cum nauigandi quæsitæ opportunitate, magnæ & constrictæ naues comæatu uariò, milite, & armis multiplicibus complentur, atq; è statione ac portu solucentes, datis uelis, in altum feruntur. Coniunctis in unū multis trirēibus, alijsq; actuarijs, quæ

Classis.

plures habent ordines, Classis ingens cogitur. Præmissis speculatorijs nauigijs, hostium aduentum explorant. Propius accedentes, summo impetu aduersæ naues, remis fortiter & alacriter impulsæ, rostris concurrunt, uariè decertatur atque confli-
gitur: Naumachiæ eiusmodi conflictus inde nomen habet. Bel-
lo capti, aut precio redempti liberantur, aut perpetuò seruiunt.

Mancipia.

Inde Mancipia nomen habent, & seruitutis apud diuersas gentes conditio est instituta, præter id, quòd Natura imbecilliores ratione & consilio, superioribus atque prudentioribus obtemperant. Sed quæ pars ex nauali certamine est superior, incensis aut depressis hostilibus nauigijs, disiecta & dissipata classe, liberum sibi facit mare, ac totius littoris & oræ maritimæ impe-
rium obtinet. Consequitur uictorem gentis totius deditio, hu-
manitatis, moderationis, clementiæ, benignitatis recordatione,
multitudo conseruatur: quicq; non crudes in bello, neque im-
manes fuerunt, inde sacramento fidei seruandæ obligantur: tri-
buta interdum ad sumptus recipiendos imperantur. In societa-
tem nonnunquam admittuntur, ut pari iure cum suis utantur,
& coniugia (uinculum est firmissimum) utrinque misceantur:
aut isdem moribus ac legibus retinentur, quibus antè iusi sunt:
quæq; eiusmodi suis occasionibus fieri solere, ex scriptoribus
rerū gestarū, à quibus nos hæc maxima ex parte accepimus, ple-
nissimè cognoscitur. Prouincia eiusmodi Principatui annexa,
præsidijs locis regionū idoneis collocatis, administranda præ-
fectis traditur. Pace terra mariq; confirmata (cuius solius con-
silio iustissima bella suscipiuntur) Imperator acclamationibus,
ouatione, triumphis à suis excipitur: & in testimonium uictori-
æ, trophæa atque arcus eriguntur. Res gestæ, picturis atque
scriptis eruditorum hominum, ad continentem memoriam ser-
uandam, commendantur. Qui fortiter dimicarunt, præter spo-
lia, prædā, manubias, præmijis datis honorantur. Coronæ mul-
tiplices, qui ciuem seruassent, qui primī castra, aut nauem hosti-
lem fuissent aggressi, qui primī cōscendissent murum, olim da-
bantur: præterea torques aurei, annuli, æra donatiua: aut pro-
moueban-

Victoria.

Prouincia.

Triumphus.

Premia.

10

20

30

40

- mouebantur ad maiores ordines, aut militiæ uacationem consequerentur. Quibus uerò in armis oppetere pro cõmuni patriæ salute contigisset, ad prouocandos posterorum animos, orationes funebres, sepulture, statux, & inscriptiones honorificæ illis decernebantur. Princeps nonnunquam strenuis quibusque agros diuidit, seruata obsequij præstandi fide, ut paratos semper necessitatibus, & instructos habeat. Atque ij cum diuersa territoria, & latè patentes agros ipsi non possint, agricolis excolendos tradunt, à quibus fructus annuos recipiant:
- 10 quo illi suum statum tueantur, quo publicũ suorum bonum, iuris æqua descriptione, conseruent, quo militares sumptus difficillimis temporibus, reposito in his potentibus familijs patriæ præsidio, sustineant. Nobilitatis, quam hodie habemus, tituli inde sunt profecti: insignia clypeis sculpta, ad familiarum inter humiliores discrimen, à Principe concessa. Atque ij, cum per facultates liceat, ciuilem rerum Prudentiam ex scriptorum monumentis studiose cognoscũt, ut obeundis præclarissimis Reipublicæ muneribus, utiliter & honorificè adhibeantur. Venatu alijs ad disciplinæ militaris similitudinem continenter exercentur: præter necessaria ualitudinis conseruandæ commoda,
- 20 & locorum totius prouinciæ cognitionem, strenui inde, promptiores ad struendas & ad fallendas atq; uitandas insidias cautiores redduntur. In multis alijs seria certamina, firmandis & conseruandis uiribus, imitantur: in castellis degunt, quo campestrem uitam perferre assuescant: & suis, in quos habent iurisdictionem, præsent. Igitur qui ab horum stirpe descendunt, opibus relictis, atque rerum gestarum memoria, tanquam domesticis & hæreditarijs ad uirtutem consequendam inuitamētis, ingenua nobilitatis indole, multum commouentur. Et ne qua
- 30 ignauitiæ ac fociordie ignominia aut dedecore possint notari, ad res magnas aggrediundas, communis salutis, à qua minimè declinandum, & patriæ incolumitatis conseruandæ studio, uehementer incitantur, atq; inflammantur. Populus autem uniuersus, conuiuiscẽtibz ita rebus, cum mores publicè & priuatim bene sunt constituti, cum oppida propugnaculis munita, & rebus necessarijs instructa, suo labore partis in summa copia perfruitur: opificia, ut est cuiusque industria, commodè exercentur, & ingenia ad præclara opera relinquenda excitantur, exhilarantur omnia, agri coluntur, liberè peregrinatur, res omnes in magna ubertate affluunt, merces tutò transferuntur & recipiuntur, debitum hunc laborum fructum atque præmium desiderantibus prudentissimis hominibus, & statuentibus.
- 40

Summa

*Agrorum distributio.**Nobilitatis origo.**Venationis exercitatio.**Populorum tranquillitas.*

Pax summa
Prudenti re-
tentia.

Summa itaque hac, & libera totius Reipublicæ tranquillitate, publicis inimicitijs sublatis omnibus, quam Pacem nominamus, dum optimis rerum ciuiliū institutis ac legibus suis habetur honos, optanda est communiter ab omnibus, quo societas uitæ in terris possit conseruari, Prudentia, diuinitus constituta & firmata: ad quam studia omnium, operæ, contentiones, facultates optimè referuntur, ut laudabilis Principatus retineatur, & legitimus.

SECUNDI LIBRI HISTORIAE 10

Vniuersitatis rerum, quæ est de Prudentia,

FINIS.

EXCURSIO AC TRANSITVS EX

HISTORIA PRUDENTIAE, IN EAM QVAE

HVIC EIDEM PROXIME EST CON-

IUNCTA, QVAE QVE DE PRIN-

CIPATV INSCRIBITVR.

20



ON MIHI VITIO DABITVR, si in angusta hac licet, & breui tam multarum rerum continenti, atq; perpetua colligatione, cum in diuersa genera transitus est faciendus, pauca quædam adferam, quibus totius consilij mei ratio studiosis huius partis doctrinæ magis consistare possit. Et hoc instituto opere potissimum: quoniam minimè illud est propositū, singula ex mul-

tiplici rerum uarietate in pauciora contrahere: sed quomodo id naturali ordine fieri possit, tum ex hac sententia, tum ex adumbratione hac per breui, pro mediocribus nostris eiusmodi studiorum incrementis, representare. Habent cætera scripti genera faciles & liberas in quamcunque partem egressiones, sed propositus hic ordo nullas admittit: & si quæ per occasionem inserantur, easdem admodum breues esse oportet, atque ita rei congruentes, ut nihil alienū à continuato orationis cursu allatum dictūq; credatur. Quocirca ueluti ex lōgis & magnis itineribus reuersis, liberum est aliquandiu respirare, atq; 40 interquiescere: sic defessum iam animū, & spiritus, tanta rerum uarietate inspicieda, quodammodo oppressos, eiusmodi locis per oppor-

Excursiones
re proposita.

- peropportune recipere concedatur: ut ad ea quæ conficienda restant, atque tractanda, recollectis ita uiribus, aliquanto paratioribus, & alacrioribus. Prudentiæ igitur collocatio fit ad hanc, quam modò proposuimus, rationem breuissimè ex Hystoria scriptis magna ex parte repetita: quæ uaria & multiplici hominum inter homines consuetudine ac negotiatione, plurimas ad res tractandas cognitu dignissima, tota continetur. Neque enim quicquid aut iucundius, aut fructuosius, quàm in congressionibus hominū assidue uersari, mores, instituta, ritus studiose inquirere & cognoscere: quādo iudicium ex his ad res gerendas maius comparatur, & acuitur. Itaque uniuersum hoc opus ita libuit temperare, ut proportionem quadam in his commemorandis seruata, de ijs quæ expediret scribere, propè æqualiter à me diceretur, ac tractaretur: simul & nō interrupto rerum ordine, atque perpetuo orationis decursu, iucunditatis ac utilitatis ratio aliqua haberetur. Nam cum ex Naturæ atque Prudentiæ multiplici commemoratione, Lectori propè incussum sit fastidium, nullis introductis personis, quas Hystoria potissimum complectitur: sam loco non ingrata cuiusdam lectionis, proximè consequitur, & adiuncta est Principatus hystorię collocatio, regnorum & imperiorum haud iniucundam narrationem breuissimè continens: quæ in omnem antiquitatis memoriam ingressa, perpetuam quandam actionum humanarum cognationem & successionem latè persequitur: quæque, quod maximum est in uita, efficit, ut priorum illustria in rebus tractandis facta, magno sint posteris omnibus ad uirtutem & documento & incitamento. Quanquam plerisque non satis consideratè, sicuti ego arbitror, uidetur, nonnulla eiusmodi in scripta esse relata, quæ gesta nunquam sunt: ut si illi ipsi, quorum res commemorantur, reuiuiscerent, aliter facta pleraque essent affirmaturi. Sed prætermisissis ociosorum accuriosorum uanis dubitationibus, rectissimis ingenijs, & longa ætatum memoria retenta, comprobatis, omnino acquiescendum: à quibus uerissimè iudicatur, illa maximo ad uitam instruendam atque informandam exemplo, & ad necessariam temporum rationem cognoscendam, adiumento esse introducta. Cui quidem parti de Principatu plenius intelligendæ, expediebat primum, quadam in uniuersum Prudentiæ doctrina fuisse imbutum: quo dispersa longissimis temporum spatijs, conuenienter suis generibus subijcerentur: quo etiam plurima his generatim, de causis rerum administrationis publicæ comprehensis, minimè repeterentur. Ita est hic Vniuersitatis rerum cursus, ad certum ordinem tenendum, &

Prudentiæ hystoria quanti sit usus.

Collocatio totius hystorię Vniuersitatis rerum.

Principatus hystoria.

Hystoriam utiliter esse introductam.

Prudentiam conuenienter præcessisse.

*Naturalē hunc
ordinem multa
secum trahere.*

*Quod fuerit
institutum.*

*Que huius tra-
ditionis ratio.*

*Per magnitudi-
do atq; diffi-
cultate.*

ad minuendam persequendæ longioris lectionis molestiam, quantum nobis uidetur, accommodatus. Sed uideo scriptionis huius quadam ratione impellēte, longius ab instituto, quod primum habui, me recedere, & minus consideratè pleraque, nondum mihi satis percepta, compertaq; attingere: quorum certior usus atq; experiētia non est unius ætatis, ac multo minus unius aut alterius hominis: ut plurima sint, licet non satis à me probentur & intelligantur, ex aliorum iudicio & sententia pronuncian-
da. Cum enim hoc tempore abūdè sufficere mihi proponerem, paucis consilij huius rationes reddere, mentem meam, ac senten-
tiam, quàm possem commodè, explicare, ultrà euectus, temperare ipse mihi nullo modo potui, hoc naturali ordine postulante, etiam cum aliquo rerum tractandarum periculo, quin eius-
modi assidua rerum meditatione inquisita, & ex scriptorum lectione reperita, suis locis conuenienter interijcerem: atq; id bre-
uiter, ne rerū magnitudini, quæ quanta sit, ex unica harum quin-
que partium æstimare quisq; per se potest, succumberem: consultò etiam à longiore scriptorum, qui licet erant in manibus, lectione abstinendum existimans, ne manum, quod dicitur, de tabula tollere non posse uiderer, aut metu curiosæ nimium cuius-
dam singulorum in tanta uarietate inquisitionis: ut cum plenius aliquid & accuratius recensere uellem, in eo exquirendo & cognoscendo occupatior, uniuersam hanc rerum lustrationem patrefaciendo huic meo consilio, non ita commodè possem animo scriptoq; comprehendere: quod ipsum ita factum est, ut propè ex quaque pagina liber, qui ad unius ex his quinque magnitudinem accedat, institui & conscribi possit: multo minus, si ad obscura quæque, implicata, controuersa, ac plena dissensionum inter doctissimos uoluisssem subsistere, & in illis cōponendis atq; conciliandis diutius immorari, ne ad hæc quidem totius historię cursus deduci potuisset. Itaque in plerisque maior diligentia desiderabitur. uerū cuius est singula plenè & accuratè persequi, aptè collocare & distinguere: eius fortasse, qui cōmunibus studijs literatissimos quosq; in suo doctrinæ genere perpetuos adiutores tanti conatus haberet, et amplificatores. Quod quàm difficile factu sit, omnes qui in his considerandis uersantur, satis intelligunt: fiet tamen aliquando. Neque enim existimandum est, prolem illam futurorum hominum doctrinas omnes in hac tanta distractione, quasiq; diuortio relicturam. Quam ad rem meæ huic inscriptioni de scribenda Vniuersitatis rerum historia, satis factum hoc tempore ab æquisimis literarum iudiciis uideri poterit, si eum ordinē, rerum admixta aliqua cognitione, legendum

legendum proponam, qui naturali progressionis est accommodatus. Magnæ etenim difficultatis in tanta eorum quæ à diuersis scriptoribus traduntur, uarietate, quæq; in consuetudine hominum & moribus posita, exercentur multitudine, in uniuersum quæ sequaris, deligere posse: maioris, eadem ordine conuenienti collocare: sed non minimæ, illa ipsa multum inter se dissimilia atque perplexa, uno orationis filo, sermonis puritate, ac sententiarum perspicuitate, scriptis ita persequi & cõmendare, ut nihil dissonum aut dispar allatum, in oratione deprehendatur. Coniici illa satis non possunt, nisi ab ijs qui simili in re uersantur. Vt cum magnitudine rerum, & multitudine totus obruerer, statuerim, quo huius scripti documentum qualecunque extaret, etiam uirtutem esse (quod ipsum de Grammaticis est dictum) eorum quæ mihi ad seriem totius seruandam dicenda essent, aliqua nescire, & quædam (sicuti à multis, etiam in hunc ordinem deducta, facile deprehendi poterit) alieno loco, non suo adferre. Nam qui, ne erroribus implicentur, nimium reformidant, præfens illi habent consilium, cuius hominum expeditum, nihil omnino scribere: quod qui faciunt, cum studio atque diligentia res magnas præstare possent, recte ne, an secus faciant, meum non est pronunciare. Illud tamen dicam aliquanto liberius, cum studiosi soleant in alteram partem errare, eorum factum tolerabilius mihi uideri, quibus cum prodesse uellent, & pro uiribus conarentur, in nonnullis humanitas, atque errore memoriæ falli atque decipi cõtingerit, quàm eorum, qui in ocio quodammodo literis abutuntur. Scriptores etenim in plerisque sua uitia compensare posse uidentur, ut si quis illorum uirtutes simul & uitia ex æquo beneuolè candidè præstimare uoluerit, hæc genere & numero uirtutibus longè inferiora esse deprehendatur. Sed cum aliquo successu literas didicisse, nec perinde ad communem studiorum usum, habita ijs qui nos præcesserunt, debita gratia, quicquam proferre uelle: cuiusmodi illud sit, facile omnes agnoscunt. Videbam præterea complures in singulis aliquo negotio occupatos, sibi non satisfacere solere: quanto minus uni harum quinque partium uel mediocriter tractandæ: etiamsi ter renasci cõtingat, & solitos uitæ humanæ cursus conficere, nulli est successurum. quocirca iniquius dijudicant, perfectionem quandam in his requirentes, quæ ab uno aliquo homine expectari minimè debet. Multa in omni genere laboriose tentauimus, quo aliquid dignum lectione proferrem: sed cum minus id succedere, & me in diuersa distrahi animaduertirem, his paucis fui hoc tempore cõtentus. Igitur in hac consequenti

Ex Grammaticis
ci uirtutibus,
aliquis nescire.

Tolerabile
esse, pro uiribus
scribere,

Temporū diffi-
cilis ratio.

Principatus historia, nominatim tempora subtilius distinguere & consignare nolui: quando ex uarietate scribentium non satis adhuc mihi constant, propè omnibus quos uidisse contigit, inter se dissentientibus: longo etiam temporum decursu corruptis, quasiq; oblitteratis annorum numeris, plerisque maiores suos antiquiores facere uolentibus: præterea alijs & alijs in diuerſas linguas conuerſis, multis utique scriptis seriem temporum comprehendentibus, magno uetcris memoriæ incommodo deperditis: ut ipsi contenti iam esse debeamus, quæ utiliter in exemplum adduci possunt: & in uniuersum illud cognoscere, 10 hoc quodammodo uel præcessisse, uel consequutum esse: quod equidem admodū breui hoc tertio libro facere uoluimus. Accuratioꝝ namq; tractatio, & plenior, iustum & liberum scribendi tempus requirit: neque ita postulatur, cum à plurimis, quorum opera nobis sit utilis, eo ipso, quem sequuti sumus, ordine plenissimè est hodie pertractata. Tamen si ad eam ipsam Principatus historiam complendam, colligari suis locis potuisset altera de eruditis & literatis temporibus: quam ideo separatam, ad finem reponi debere iudicauimus, ut conuenienter historiæ de Sapientia responderet, quemadmodum Principatus historia 20 Prudentiam aptissimè consequitur. Quam ipsam utriusq; partis coniunctionem primis studiorū conatibus ante quinque annos feceramus, uniuersi operis de Armorum & Literarū historia inscriptionē sequuti, & hoc tempore sequi nostrum erat institutum: sed uarietas, rerum magnitudo, simul & perturbatio tāta uisa est, ut quæ nō posset satis lectionis cursu à quibusq; comprehendendi: præter id, quod utraq; per se multum est implicata, rerum multitudine confusa, ac plurimū distracta. Poterat etiam pro ratione diuerſorū populorum, qui res magnas gessere, hæc omnis rerum gestarū doctrina nominatim & distinctè 30 describi: ut uiusculiusq; gentis facta & progressiones, ab ipsis rerū primordijs, uno loco separatim tractatę constarent: quam illud mihi uehementer probaretur, aliquanto meliore tamen, sicuti existimo, usus consilio, cum delegi seruandum ordinem, qui est ab omnibus comprobatus, receptus, & ad temporum cōtinentem memoriam retinendā, atq; rerum uicinarum coniunctionem, Synchronismi dicuntur, accommodatus: idq; carptim, quasi illa Pictorū more, simplici primum ratione adumbraturus, quæ maiore cognitione & pertractatione opus habere intelliguntur. Quocirca scribendæ historiæ Principatus, eiusmodi quoddam exordium fecimus.

Historia Litera-
ture huic
coniungenda.

Armorum &
literarum hi-
storia.

Res diuerso-
rum populo-
rum nomina-
tim describere.

Exy, πορροί,
que in eandem
statem concu-
runt.

CHRISTOPHORI

Mylæi, de scribenda Vniuersitatis rerum historia, è
quinque libris
Tertius, qui est de
Principatu.

PROEMLVM.



XCELLENS ATQVE MAGNUM in homine cōgregationis, societatis, & communitatis esse studium, ut multis alijs in rebus, quæ omni uita continentur plenissimè, ita & maximis temporum difficultatibus interuenientibus uerissimè cognoscitur. Nam tum facillimè in unum homines conueniunt, & de rerum summa concordissimè delibe-

Societatis in homine studium.

rant: ut cōsensu omnium factò, ad aliquos è suis, qui usu rerum, atque singulari Prudentia cæteris præstant, se suæq; omnia referre, & ipsæ iustè ac legitimè imperantibus libèter obsequi & parère uelint. Diuersis itaque temporum momentis, dum à multis ad paucos, & ab ipsæ ad unum rerum summa recideret: sic & commutatione atque conuersione ipsæ cursus, aut dissimiles, ab uno ad paucos, inde ad multos suis occasionibus uariè repeterentur: prudentissimè factum illud uidebitur, extitisse homines ex omni multitudine præclarissimos, doctrinæ
10 & literarum studijs imbutos, qui perpetuis ingenij monumentis diligenter consignarint, per quos res à primordijs temporum, ut qui que suo labore conquisitis rebus perfruerentur, & uita in summa tranquillitate conseruaretur, fuerint ad hanc memoriam administratæ. Hic enim Principum, & magnorum populorum, bellicas ad artes, & ad publicam incolumitatem tuendam, facta dictaq; illustra, posterorū imitationi, maximarum

Rerum conuersiones.

Historie rerum gestarum summa utilitas.

Historia, Principum liber.

Rerum publicarum à rudibus & modicis principijs incrementa, conuersiones, aliarum atque aliarum successiones: perinde ac si in illa secula, in tam longinquas orbis terras, & in tantas rerum difficultates admitti tuto contigisset, magna cum oblectatione leguntur, atque ediscuntur: ut in concursu hominum, & deliberationibus ad magnos rerum tractandarum usus, commemorari utiliter possint, ac recitari. Quandoquidem similes Rerum publicarum & Principatuum iisdem casus frequenter recurrunt: ut Principum, atque eorum qui publica negocia tractant, hæc sit omnis longo temporum decursu constanter & si 10 deliter seruata doctrina, quam studio atque diligentia præcipue unumquemque eorum cognoscere expediat. Cum enim maiorum res gestas, in illustri positas exemplo intuentur, ut stultorum, malorum ac improborum auerlantur facta: simili ratione, ad moderandas res suas, & rectè cum æquitate atque iustitia administrandas, optimorum exemplis uehementer inflammantur. Et ad eam rem animaduertendum illud est, cætera præstantissimorum uirorum ingenij monumenta excogitari iterum, atque inueniri: sed præcedentium temporum ab ultimis principijs memoriam, nullius cuiusquam ingenio aut diuinatione reuocari posse: ut hac sola de causa multo diligentius Historia, quasi quidam perpetuus generis hominum thesaurus, adseruari debeat, & ad posteros fidelissimè transmitti: siquidem illa eadem diuersis temporum rationibus, dum alij scriptores alijs proximè succederent, continentem rerum gestarum per omnes ætates seriem constanter seruauit: ut cum uita nostra perbreuis sit, hoc facto longius quodāmodo, priorum rebus cognitis, proferretur. Quoniam uerò ea commemorat, quæ quique in hac rerum humanarum uarietate posteritati profutura lustrarunt, hoc nomen Historiæ una scriptio- 30 num aptissimum habuit. Ita que cum huius institutæ doctrinæ rationem sequendam nobis proposuerimus, à primordijs rerum omnium, perpetua oratione, continentiq; spiritu ad hæc nostra tempora deducto, eorum quæ sunt à diuersis populis gesta, multiplex cognitio, ut unum in conspectum proponatur, & auarissimis eiusmodi uerbis in uniuersum sic repeti poterit.

NARRA-

Historiam ex omnibus scriptis potissimum adseruandam.

Historia à lustrando: in præsentia & in ætate adseruanda.



RINCIPIO totius generis hominum Hebræam gentem, qua nulla aut antiquior, aut sanctior exstitit, singulari accepto munere diuinitus, edoctâ, origines et primordia rerum, diuinitus per manus, ac fidelissimè conser-

uasse, atque eadem ne aut deprauarentur, aut exciderent, plenissimè simul & uerissimè in scripta retulisse,

10 & præpotens Deus certo, bono, ac libero suo ipsius consilio, su
premaq; Sapientia, hanc uniuersi fabricam, nulla subiecta ma-
teria, cœlo & terra comprehensam, non amplius quàm sex die
rum spacijs cõpleuisset, quarum rerum historiam primo libro
de Natura complexi sumus: diem septimum, ad continentem
memoriam seruandâ, requietis causâ, sacrum esse uoluit. Ada-
mus hominum primus, rubra è terra factus, & ad Dei similitu-
dinem atque simulacrum efformatus, infusa ac conclusa mente
diuina, in fecundiorum & amœniorum hortum, Paradisi no-
mine, collocatur. Inde rerum omnium, quæ & in mari & in ter

*Summus Deus
mundi fabri-
cator.*

*Adamus homi-
num primus.*

20 ra sunt, dominus atque administrator constituitur. Itaq; pro-
ductis dissimilibus animantium omnium generibus, congruen-
tia cuiusque Naturæ nomina primùm imposuit. Somno post
oppressus, ortam ex se adiutricem Euam, atq; communem ge-
neris hominum matrem, uitæ sociam habuit. iussu ita permixto
sexu genus propagare: ducta inde coniugij primordia. Interea
mali & criminatoris spiritus astu atque impulsu, colubri spe-
cie, eadem Eua spe melioris fortis illecta, à uetito, boni & mali
intelligentiam habentis cibo, cui certa mors erat proposita, &
conditio deterior, non abstinuit, ac in eundem errorem ipsum

*Nominum im-
positio.*

*Eua communis
mater.*

Serpens.

Lapsus.

30 maritum adduxit: qui ijdem protinus, cum se nudos deprehen-
dissent, pudore ac uerecundia adducti, tegumenta quæsierunt.
Deus ob admissam hanc grauem offensionem, Euam ad perfe-
rendas partus molestias, hominis imperio subiecit. Adamum
ad sustinendos cum sudore necessarios uictus comparandi la-
bores, utrunque definito uitæ tempore, Paradiso pulsum rele-
gauit. Ab eiusmodi initij uniuersum mortalium genus, reten-
to hoc eodem originis errore, longissimis progressionibus est
profectum. Nam cum mandato de amplificatione & propaga-
tione sobolis parerent, duos primùm filios suscipere, Cainum

Relegatio.

Libert.

40 & Abelum, animis studijsq; dissimiles: ut ille agricola impro-
bus, per inuidiam hunc opilionem probum, innocentem, pium,
atque diuino cultui deditum, de medio sustulerit. primum hoc

*Cainus fratrem
fuit abel.*

fuit homicidium: qui idem Cainus profugus, de nomine Enochi filij maioris natu, primum oppidum condidit. Huius dein de posterij, moribus ijsdem ad omnem maliciam addicti, uarias artes atque opificia adinuenerunt. Sethus autem in locum interempti Abelis cum successisset, integritate uitæ & sanctitate commendatus, traditam à patre disciplinam constanter tenuit & auxit: ut ab eodē electus populus, progressuris ad maius incrementum rebus, latè dimanarit. Crescebat interea, mixtis atque multiplicatis inter se familijs, cæterorum hominum malicia & improbitas: cum Deus immissa eluuiione, cuncta animan-
 10 tum genera è uiuis summouere instituit. Ex omni multitudine unus Noa, iustus & integer, à Deo probatus, quē præscire uoluit, ut ex ædificata arca, saluus & incolumis esset. Itaque sub eluui-
 15 onis tempus arcam ingressus, cum uxore, tribus filijs, ac eorum uxoribus, simul & delectis, ne perirent, animantū cuiusq; generis paribus. Post subsidientibus iam aquis, idem Noa, alter generis hominum parens, & instaurator, ut sacra incolumitatis fecit, mandatum de amplificatione generis accepit, & cœlestem arcum, testem icti scederis cum summo Deo, nullam dein
 20 ceps eluuiionem futuram, qua genus hominū submergeretur, necessarias ad res conuersus, uineam seuit: quem fortè ebrum factum, irridens filius Camus, cæteris duobus, Semo & Iapeto inferuire, conditione mutata, uoluit. Ab ijs tribus filijs innume-
 25 ræ gentes breui deductæ, & profeminatæ. Nam totidē in partes per orbem diuisi, latè inhabitarūt: Semus in orientē Asiam, Camus in meridiem Africam, Iapetus in occasum atque septentriones Europam, quam incolimus, habuere. Cōsequuta dein peruersa soboles, quæ duce Nemroto & suafore, ab extruenda
 30 audacius turri Babel linguis dissimilibus, perpetuo cōsequen- tium temporum, & graui malo, cum uoluntates suas sermonis confusione patefacere non possent, ab opere instituto sese remouentes, dissipātur: gens quæ illa loca tenuit, Babylonij sunt
 35 appellati. Transfertur hæc de rerum primordijs sententia, ab Hebræis constanter & fideliter seruata, etiam in cæteros orbis terrarum populos, & eos quidem literis imbutos: sed multis commentorum inuolucris prodita, cum rerum omnium Chaos, è quo omnia manarunt, cum similem dijs hominem genitum, cum Giganteos conatus, cumq; ætatum discrimina, & his conuenientia multa ingeniose commemorant. Itaq; generis homi-
 40 num à tribus Noæ filijs dimanante, sanctior gentis disciplina, & rerum à prima origine certior progressio, in Semi prole diu- tissimè remansit: è qua profectus Heber, huic populo Hebræo- rum pri-

Sethus.

Ex eluuiōi-
bus saluus
Noa.

Arca.

Iris.

Vitis.

Partitio orbis
terrarum.

Turris Babel.

Externorū de
mundi origine
sententia.Sanctior Semi
proles.

- rum primum nomen dedit. Cæteris interim populis inclare-
 scētibus, dissiti lōgius Tanais, Scythæ, & Vexores Aegyptius, Externorum
prima bella.
 quasi rupto communi humanæ societatis fœdere, non quidem
 adhuc pro amplificandis finibus, sed pro gloria comparanda,
 infestis armis concurrerunt: quod exemplum maxima generis
 hominum internecione est relictum, ut minimis plerunque ex
 causis totæ gentes in mutuam perniciem deinceps, nulla pro-
 pè facta temporum intermissione, uenerint. Vtræq; gens, Ae-
 gyptij & Scythæ, de prima uetustate multis rerum argumentis, Vetustatis con-
tentio.
 10 ex situs locorum, quæ inhabitarent, Natura & ratione conten-
 dit. Ac Aegyptum quidem, nondum cognitis Hebræis, terra-
 rum parentem Græci dixerunt, & eandem diuturnā rerum pri-
 scarum memoriam in templis adseruasse. Scythiæ uerò, & his
 coniunctæ regiones, tutissimis in locis montanis positæ, diuer-
 sis temporibus maximas emigrationes fecere, quas easdem ab
 Hebræis originem duxisse tradunt. Abramus primum, dein
 Abrahamus dictus, pater gentium futurus, & sanctioris huius Aegyptij.
Scythæ.
Abrahamus.
 Reipublicæ seminarium, diuinis monitis informatus, & obse-
 quutus, comite Loto, relicta Chaldæorū gente, in Aegyptum
 20 fame cōpulsus uenit. Idem post opulentiores reuersi, separan-
 tur: Lotus terram ad flumē Iordanem occupauit, Abrahamus
 Cananem, quam postea Palæstinā dixere, proli futuræ à sum- Palæstina.
 mo Deo promissam: è cuius ancilla Agar Ismaelus natus, qui in
 Arabia Ismaelitis initium dedit. Sed è Sara iam annosa Isaacum Isaacus.
 suscepit: quem ex mandato Dei immolaturus, agnita constanti
 fide atq; obedientia, prohibetur. Dein ipsi Isaac, paternæ fe-
 licitatis successori futuro, adiuncta est uxor Rebecca, ex qua u-
 no partu Esau (ab eo Idumæi Arabes) & Iacobū habuit: Iacobus.
 idem obtenta ortus prærogatiua, ad Labanem profugus, Liam
 30 primum, post Rachelem seruitij iure in uxorem duxit. Idem ad
 patrem rediens, Israel dictus, filios in uniuersum XII genuit, i.e. Israelita.
 minarium magnæ illius, & futuræ omniū felicissimæ Reipubli-
 cæ, quam inde Israeliticam appellarunt, summum dominatum
 aliquando habituræ. Ex iisdem filijs Iosephus, suscitato cætero Iosephus.
 rum fratrum odio atq; inuidia, quod amicior patri esset: quodq;
 magnum aliquando futurum, uisa somnia promitterent. Itaq;
 indignè à fratribus diuenditus, seruitutem seruiit: comparata
 post in Aegypto, ex singulari in somnijs interpretandis doctri-
 na, apud Pharaonem regem, dignitate & autoritate, eodē pa-
 40 trem cum omni familia, quæ graui rerum penuria & sterilitate
 premebatur, transtulit. Israel autem moriens, filios XII nomi-
 natim singulos affatus, quæ euētura essent, diuinitus prædixit:

Sceptꝛũ Iude. cùm alia multa, tum illud, sceptꝛũ Iudæ non sublatum iri, quoad nostræ salutis autor, qui esset mittendus, uenisset, clarè pronunciaſſe traditur: cuius corpus, ſicuti mandarat, Joſephi opera eſt in auitas ſedes deportatũ. Diuerſi per orbem Principatus iam ab Abrahami temporibus, multiplicatis populis, exoriebãtur. Ninus Belo (quem Nemrotum patrem habuiſſe dicũr) progenitus, patri diſſimilis, potēs apud Aſſyrios, mortalium primus ſola regnandi cupiditate adductus, & minimè ſuis finibus contentus, quos tueri primũ ſatis erat, infeſta arma latiſſimè per Aſias, ad Libyæ terminos uſque circumtulit: qui præter cætera 10
Aſſyriorum regnum. Ninum, appellatã Niniuem, condidit: & Zoroaſtrem Baſctriarum regem, aſtrorum peritum, & Magices autorem, confecit. Summa hæc tum fuit potentia, cui oppoſui alia non poſſet. Eodem Nino mortuo, & impubere filio eiufdem nominis relicto, *Prima Monarchia.* mater Semiramis nondum regno maturum circunſpiciens, uirilem ſexum ementita, magnis rebus aduerſus Aethiopus & Indos geſtis, atque ingentibus ſtructuris celebris, Babylonem, ut quidam tradunt, inſtaurauit, ac regnum diu tenuit. Poſt confirmata de ſe uirtutis armorum opinione, quæ eſſet, patefacere uolens, filij Nini concubitum poſtulare auſa, ab ipſo interimitur. 20
Ninus iunior. Hic deinde regno potitus, ſpreta rerum gerendarum gubernatione, & eadem præfectis conceſſa, luxui, ocio, & ignauix ſeſe dedit: quod exemplum poſtea tanti huius Aſſyriorum Principatus fuit ruina. Sed populus Iſraeliticus auctior iam factus, *Emigratio populi Iſraelitici.* Aegyptij maximo terrori erat, ut dura Pharaonis ſeruitute premeretur, & ille nimij incrementis ſeſe proferentem ſobolem conaretur extingueri: cum Moſes infans ſumma Prouidentia ſeruatus, à regis filia ſuſceptus, adoptatus, & educatus, inſtituitur. Poſt adultior, parta iam de Aethiopibus uictoria, ad res maiores ſuſcipiendas diuinitus adhibetur: cuius excellen 30
Aaron. te Prudentia, adiuncto Aarone fratre, uniuerſus populus eſſet à ſeruitute liberandus, & extra Aegyptum in patrias ſedes, ſuperiorum uaticinationibus promiſſas, deducẽdus. Itaque cum nullis calamitatibus prædurum cor Pharaonis à ſeruicia reuocari poſſet, Moſes multis diuinitatis documentis confirmatus, *Pharao.* re ſecretò confecta, Aegypto exceſſit: ipliſ tranſituris aquæ maris patuerunt, quæ perſequentem Pharaone cum maximis equiſtribus copijs, Aegyptios calamitoſo exemplo abſorbuerunt. Moſes per Arabiæ deſerta & ſolitudines multitudinem edu 40
Transitus maris. cẽs, acceptis ad mōtem Sinam à ſummo Deo legibus, afflictoſ ſuorum animos, & magnis rerum difficultatibus debilitatoſ, XL annorum ſpacio prudentiſſimè confirmauit, atque Iſraeliticam

- ticam Rempublicam & priuatam præclaris institutis, ciuilibus & sacris, optimè stabiliiuit. Tot rebus maxima uirtute gestis, moriens, conuocatis XII tribubus, easdem ad seruandam summi Dei legem, euentura prædicēs, cohortatur. Cuius successor relictus, uir in primis strenuus, Iosua, terram Cananæam, maioribus antea promissam, & pulsus magna uirtute, atque felici rerum successu, eius loci regulis, occupatam, conuenienter suis, uti Moses mandauerat, distribuit: ut firmas iam sedes posuerint, atque per multos annos, rebus in omni uarietate administratis, incolucrunt. Idem Iosua sub finem uitæ, populum euocatum confirmat, & ut in lege Dei constanter perseveret, hortatur: cuius rei testimonio prægrandem lapidem erexit. Cæteri per orbē dispersi populi, cum iam stabiles sedes collocassent, rebus omnibus ad uitam transigendam necessarijs sese commode instruxerunt. Græciæ nanque rerum aliquo successu inclarescentes, iam ciuitatibus Sparta, Athenis, & Corintho nobilitantur. Præcesserat sub Ogyge (Græcos Noam intellexisse existimant) grauis eluuio, quam alia Deucalionis & Pyrrhæ temporibus est consequuta, Græcis cum alia multa, tum genus humanum ex proiectis lapidibus instauratum affingētibz. Longinquæ etiam ad Indos Liberi patris peregrinationes multos populos, rebus ad uitam degendam conducentibus, excoluere, in cuius exercitu erant Bacchicæ scæminæ. Idem primus Græcis uini usum dedit, ac emere & uendere docuit. Argonautarum celebris, duce Iasone, & comite Medea uxore, ad Colchos consequuta nauigatio, collectis ex omni Græcia primæ nobilitatis uiris, quo inde pellem arietis, gentibus memorabilem, reportarent. Ex his fuit Alcmena progenitus Hercules, uirum & animi magnitudine excellens, atque monstrorum domitor habitus, qui cum Amazonibus, scæminis uirilī audacia à Scythiis oriundis, Asias excurrentibus, conflixit. Idem comparato & instructo exercitu, orbem terrarū latè peragrauit. Itaque ex Africa progressus in Hispaniam, erectis ad Gades columnis, Geryonis boues abducens: inde Gallias, condita Alexia, quam finitimis compleuit: superatis post Alpibus, quæ inde Graiæ sunt dictæ, Italiam, Caco fure sublato, primū lustrasse proditur: à cuius socijs & militibus passim relictis, multæ orbis regiones factæ exultiores, inclarauerunt, ut pleriq; populi ab ipsdē nomina atque originem suam repetant. Scriptores hisce temporibus duo maxima bella cōtigisse memōrant, Thebanum & Troianum: illius hic fuit cursus. Oedipum Laus pater ex Iocasta uxore susceptum, ne ab eo, uti prædictum erat, interficeretur,

Iosua.

Externi populi inclarescunt.

Deucalion.

Liber pater.

Argonautæ.

Hercules.

Columnæ.

Bellum Thebanum.

pedibus ferro traiectis, in solitudines amādarat. Hic factus adul-
 tior, cum pater in angustijs fortè occurrisset, neuter alteri no-
 tus, cedere Oedipus recusans, orta dissensione, Laiū interemit:
 ac pōst similiter infcius, locastam matrem pro uxore habuit. Ex
 eadem nati sunt fratres duo, ita coniunctissimi, Eteocles atque
 Polynices: qui patre mortuo, de alterna regni Thebanorū admi-
 nistratione consenserunt. Eteocles autem, expleto anno, Poly-
 nicem minimè admissurus, repulit. Hic profugus ad Adrastum
 regem Argiuorum, cum Tydeo gener asciscitur. Itaque cum A-
 draustus illum restituere pararet, ut præmissum Tydeum iniuria
 affectum uidit, protinus commotus, armis rem tētare conatur.
 Hic proceribus gentis inter se commissis, ad extremam utriusq;
 partis internecionem atrocissimè simul & acerbissimè est dimi-
 catum. Troiani autem belli, quod memorabile fuit, ni quid Græ-
 ciæ affingat uetustas, brevis eiusmodi progressio esse poterit,
 præter ea quæ in contrarium à nonnullis, de Troia non capta, di-
 cuntur. Priamus rex Troianorum, cum Hesionam sororem à
 Telamone non reddi intellexit, Alexandrum filium, qui & Pa-
 ris dictus, ulciscendæ iniuriæ causā, in Græciam mittit. Hic He-
 lenam Menelai regis coniugem, Græcorum pulcherrimam, ra-
 puit, & abduxit. Græciæ totius proceres grauiter offensi, Aga-
 memnonem instructissimæ classis præfectū, consequuntur. Inde
 præmissi legati, qui Helenam repeterent: ij cum minimè illam
 reddituros Troianos nunciaissent, maturant omnes proficisci.
 Ac primū in littore infensis animis fortissimè utraque ex par-
 te dimicatum. Troiani pōst in urbem repelluntur. Iam Hector,
 Paris, & Aeneas, Græcis, Agamemnoni, Achilli, Diomedi, &
 Menelao oppositi, acerbius per multos dies uario euentu con-
 fluxerunt. Hector strenuissimè dimicans, ab Achille tandem in-
 terimitur. Orta in castris Græcorum seditione, Palamedes Aga-
 memnonis locum aliquandiu tenuit, & breui occubuit. Interim
 Achilles uisam Polyxenam Priami & Hecubæ filiam, adamauit,
 ut ad certamen difficulter pertraheretur. Commisso tandem
 prælio, Troilum sustulit: ipse per insidias à Paride est occisus.
 Bellatum cum Amazonibus, quæ in auxilium aduersus Græ-
 cos uenerant. Harum regina Penthesilea, uiriliter manum con-
 ferens, faucia moritur. Pōst Aenææ & Antenoris facto (uti cre-
 dunt) qui Græcorum legatorum honoratissimi hospites, & au-
 tores pacis, atque reddendæ Helenæ semper fuerant, introdu-
 ctis noctu Græcis militibus, sublato Priamo, Ilium decēnio ob-
 sessum capitur, & incenditur. Hoc tanto hominū concurfu non
 militaris solum disciplina instituta, uerū etiam pleni artis opi-
 ficum

Bellum Tro-
 ianum.

Helena rapi-
 tur.

Græcorum na-
 uigatio & con-
 flictus.

Græci in ur-
 bem admissi.

Ily excidium.

- ficum labores, & præclara opera, legum utique, ac totius ciu-
lis uitæ instruendæ & informandæ rationes, in aliqua celebri-
tate atque usu tum fuisse commemoratur. Vlysses inde Græco
rum legatus, diuturno errore multa passus, & ex dissimilibus
gentium, quas uidit, moribus, longo rerum usu exercitus, sum-
mam Prudentiam atque Sapientiam collegit. Sed dispersi post
Troiani, diuersas orbis terrarum partes incoluerunt: à quibus
ijsdē genus se ducere, Antiquitatis memoria inde repetita, ple-
rique populi editis libris profitentur. Eiusmodi tamen res in
10 summa temporū obscuritate esse positas cognoscimus, ut nec
ab ipsis, qui illa cōscribunt, satis probari uideantur: cum alij di-
uersis temporibus atq; rationibus alia esse aliter gesta contē-
dant. Quocirca Hebræos scriptores, qui rerum omnium pri-
mordia uerissimè, & quod est laude atque fide dignissimum,
maxima inter se consensione persequuntur, constanter retine-
mus: ut eos solos, quibus ad ultimam temporum memoriam
patefaciendam, summa omnia tribuimus, amplectamur. Itaq;
decessum Iosue multiplices rerum commutationes atque disti-
cultates protinus consequuntur: siquidem eorum quæ Moses
20 & ipse sanctissimè præscripserat, Hebræi obliti, peregrinis in-
stitutis sese tradiderant: quibus regendis ac defendendis, diui-
nitus suscitati principes uiri, quos Iudices appellarunt. Ex qui-
bus præter alios fuere Gedeon, in rebus strenuè gerendis ma-
ximi animi uir: atque Samson, mortalium omnium fortissimus
habitus: qui uario rerum successu à finitimorum iniurijs, incur-
sionibus, & seruitute populum tutati sunt, ut acceptam à Deo
sanctiorem disciplinā diutissimè, licet uarijs interuenientibus,
conseruarent. Post Samuelus ab Helio sacerdote præclare in-
stitutus, & diuinis monitis informatus, populo auidè regē pe-
30 tenti, instituta ac regia iura, quæ essent seruanda, proposuit, ac
primum Saulem regem creauit. Rebus conturbatis, ascitus in-
terim Dauid, qui admodum adolescens, eximia uirtutis indole
præditus, inermis, baculo & funda solum usus, superbum ac se-
rocientem ex Palæstinis, inusitatae magnitudinis bellatorem,
nomine Goliath, singulari certamine prostrauit. Israelitæ rece-
ptis animis, hostes sunt persequuti. Dauid præcisum Gigan-
tis caput Sauli pertulit. Eodem Saule mortuo, Dauid rex salu-
tatur: qui maximis rebus cum summa gloria aduersus hostes
gestis, regnum tenuit, & amplificauit, ut finitimis iam superior,
40 eisdem tributarios fecerit. Hierosolymam inde regiam sedem
constituens, mœnibus cinxit, atque communiuit. In tantis suc-
cessibus multa interuenire: ut commissi grauis adulterij cum

Vlyssis erro-
res.Græcorum res
obscuræ.Historie He-
bræorum ueri-
tat.Hebræorum in
dicet.Gedeon.
Samson.

Samuelus.

Saulus.
Dauid.

Hierosolyma.

Bethsabea, marito illius, Vriæ nomine, bellicis periculis exposito, poenas sustinuerit. Itaque per seditionem regno ab Absalone filio pulsus, hostiliter cum eo dimicauit: uictus Absalon, à loabo Dauidis praefecto, cum inter fugiendum, è quercu forte pendèret sublimis, est confossus: qua re intellecta, Dauid filij necem acerbissimè tulit, & admodū piè luxit. Postremò ob factam eorum qui arma ferre possent, ex omni populo recensionem, ex data triplici optione, per triduum pestis latissimè saeuit. Iam moriturus, Solomonem ad constanter seruandū summī Dei legē, sanctissimè est cohortatus. Hic idem regni factus 10:
 successor, accepta diuinitus Sapientia, eandem prudenter lata de duabus inter se contendentibus mulierculis sententia, populo optimè comprobata reliquit. Itaque cum festa pace uteretur, rebus omnibus affluens, apparatu regio, opum magnitudinē, atque finitimorum regum singulari amicitia, patris institutum opus de exedificatione memorabilis templi, ipse septennij spacio compleuit, atque supremo Deo consecrauit. Sub finem autem uitæ, more humani ingenij, sese indignis uoluptatibus tradidit. Abeuersa Troia profugi Antenor atque Aeneas, instructa classe, nouas sedes quaesierunt. Ille ad dextram, in intimum maris Adriani sinum penetrans, pulsus Euganeis, Patavium condidit: gentem inde uniuersam, à comitibus Henetis, dictam Venetam tradunt. Sed Aeneas, ad maiora rerum instituta ducentibus fatis, longiore errore primū in Macedoniam uenit: inde in Siciliam, in qua insula Anchisem patrē amisit: post in Italiam, quam Latinus rex, Fauni filius, & Aborigenes incolabant, conuersus, ab eodem Latino, colloquio excipitur. Hic gentis uirū nobilitatem admiratus, & animū uel bello uel paci paratum, dextra data, fidem futuræ amicitiae sanxit. Conciliatis animis, Latinus filiam Lauiniam in matrimonium dedit, de cuius nomine Lauinium oppidum conditur. At Turnus Rutulorum rex, ereptam sibi ante Aeneæ aduentum, despoſatam coniugem, moleste ferens, tantam iniuriam bello uindicare conatur. Hic commisso praelio, uiribus inferior, Aeneæ uictori Mezentium Etruscorū regem opposuit, ac ultimò inter illos est dimicatum. Ascanius Aeneæ filius, adultior factus, relicto nouerca Lauinio, haud ita procul Albam sedem regiam construxit. Phœnices negociationibus maritimis clari, Tyrum, quam condiderant, incoluere: ac post in Libyam missa iuuentute, coloniam deduxere, Vtica est appellata: quo tempore Pigmalion, spe potiundi auri, Sichæum sororis Elisæ, quæ & Didō, maritum sustulit. Hæc grauitè indignata, effugiens, in Cyprum,

Templi exedificatione.

Antenor.

Aeneas.

Lauinium.

Ascanius Albanus condidit.

Carthagini primordia.

- prum, pōst in Africū litus defertur: quo in loco solum mercata, Byrsam primū, dein minus ex reperto bubuli capite auspiciatum exultimans, ut equinum non ita longē inuenit, bellicam gloriam significare rata, Carthaginem condidit: quæ ab eiusmodi incrementis, magno finitimorū concursu, rerum omnium copia affluens, ad summum uenit dominatum. Victrices Athenæ bello cum Dorienſibus ex uolūtaria Codri regis morte, oraculo obſequentis, in ſemel parta libertate ſeſe continuerunt: ut fuerit hic regū ultimus à Cecrope, nec ullum deinceps
- 10 regem admiſerint, principibus ciuitatis nouem, annuis magiſtratribus, rerum ſummæ præſectis. Apud Aſſyrios, contempta rerum adminiſtratione, intemperantius luxuriantem, & in grege ſceminarum purpuram colentem Sardanapalum, Arbaces præſectus principatu indignum arbitratus, cum bello illato in deſperationem adigiſſet, regnum ad uicinos Medos tranſtulit. Sed Hebræorum dominatus iam à Solomonis deceſſu, propter illius grauem offenſionem, in partes contrarias, maximo rerum quæ conſequutæ ſunt, incommodo, diuiditur. Ro-
- 20 boamus nanque ſpretis ſenibus, aſcito iuniorū conſilio, de grauitate exactionum nihil populo remiſſurus, ſeuerius reſpōdit. Factum inde, ut relicta Iudæ & Beniamini tribu, cæteræ decem Ieroboamo rege delecto, per ſeceſſionem, regnum aliud Iſraelitarum conſtituerint: qui à religionis integritate deſciſcentes, auita diſciplina commutata, peregrino cultui ſeſe implicarunt. His inteſtiniſ inter ſe diſcordiis in rerum omnium diſcrimē uenerunt, ut ſuis ipſorum conſecti uiribus, acerbisſimis & atrocisſimis finitimorum Aſſyriæ regum incuſſionibus expoſiti, capta Samaria, & ſeruitute impoſita, fracti ſint, atque conciderint. At Iudæ regnū, licet diuerſis rebus interuenientibus, con-
- 30 cuſſum & debilitatum fuerit, diutius, ut prædictū extabat, conſtitit: atque ſyncerioris doctrinæ aſiduos hortatores, Vates, & Prophetas habuit. Pōſt Aſſyrii, qui partem Babylonice tenebant, cum uehementius premerent, obſeſſa eſt, & capta Hieroſolyma. Templum totius orbis terrarum maximum & nobiliſſimum conflagrauit, translata omnis precioſior ſupellex: ciues in ſeruitutē Babylonem abducti, miſerè & indignè habiti ſunt. Inſtitutū iam apud Græcos Olympiades, celebritas fuit magno totius Græciæ concuſſu, quæ annis quatuor expletis, quinto quoque redeunte ita repetebatur, ut annus Olympiadis cuius-
- 40 que primus, ſinis eſſet antecedentis, & initium conſequentis. Quibus certior ac fidelior rerum diuerſis locis ab iſdem Græcis geſtarum memoria, inſcripta eſt deinceps relata, & pro temporum

Athenarum libertas.

Regnum Aſſyriorum ad Medos tranſlatū.

Seceſſio Iſraelitarum.

Iſraelitarum regnum.

Iude regnum.

Hieroſolyma capitur.

Olympiadum inſtitutio.

Reges Albani.

Remus & Romulus.

Romae conditur.
Primus regum
Romulus.Populus tres
in ordines di-
stinctus.Numa Pompe-
lius.Tullus Hosti-
lius.

porum ratione distincta. Nam quæ supra illa tempora illi ipsi
 gessere, ad eò sunt uarijs & ingeniosis commentis implicata, ut
 pleraque meritò fabulis simillima habeantur. Reges autem in
 Italia Ascanio succedentes, dum ad Procam est uentum, Albæ,
 quæ erat Latij caput, regnarunt. Hic duos habuit filios, Numi-
 torem & Amulium. Pulso fratre, principatum Amulius obti-
 nuisset, uirilem fratris stirpem interemit: ac fratris filiam, Rheam
 Syluiam, ut partum auerteret, in ordinem Vestalium coopra-
 uit. Hæc à Marte, uti credebatur, compressa, geminos, Remum
 ac Romulum suscepit, quos flumini coacta est exponere. Hic
 Faustulus regius pastor, cum lupam mitem factam, infantibus
 mammas summissas præbentem, inuenisset, Laurentiæ uxori
 educandos tradidit: quanquam eandem, uulgo corpore, Lu-
 pam inter pastores uocatam existimant. Protinus ut adoleue-
 runt, regiæ indolis significatione, & fide pastoris tandem agni-
 ti, impetu facto, Amulium obtruncant, & Numitorem in illius
 locum reponunt. At ipsi relicta Alba, cum montium ac flumi-
 nis amatores essent, ubi fuerant educati, moenia nouæ urbis au-
 spicatio aggressi, Romam condidere. Occiso dein per inuidiam
 fratre Remo, suscepta totius administratione Romulus, ur-
 bem principatu orbis aliquando potiturum, Asylo instituto,
 uiris undique confluentibus, & per fraudem ad spectandos lu-
 dos Sabinis uenientibus, foeminis cõpleuit. Eosdem Sabinos,
 uicinorum ope tantam iniuriam ulcisci uolentes, cohibuit. Post
 facta pace, in urbem immigrarunt: pro hostibus amici redditi,
 apud generos suos uixerunt. Idem Romulus administrationi
 rerum delectos Senatores centum, ætate, uel curæ similitudine
 Patres appellatos, publicis tractandis consilijs præfecit. Alter
 erat equestris ordo, ut militari uirtute res suas & principatum
 firmaret. Plebei ordinis erat reliqua artificum multitudo. Inde
 Numa Pompilius regno, pietate & iustitia insignis, succedens,
 ferocem populum, armis deditum, legibus & sacrorum institu-
 tis deuinxit, ac omnibus pacis artibus fecit mansuetiorem, quo
 ita principatû ui & iniuria partum stabiliaret: quæ eadem, quo
 plus autoritatis haberet, nocturnis cum Aegeria dea cõgressi-
 bus sese moneri atque informari simulat. Iani templum edidit,
 cuius porta pacis index, tum primùm clausa. Hunc sequutus
 Tullus Hostilius, arma quæ conquieuerant, disciplina militari
 instituta, recepit, ne populus ocio ac desidia langueret & tor-
 pesceret. Cum Albanis dimicans, totius belli euentus Horatijs
 Romanis, Curiatijsq; Albanis, trigeminis hinc inde fratribus,
 committitur: ex his unus superstes Horatius, uictor redit: post
 Alba

Alba deleta, & opes Romam translatae. Ancus Martius, magnificis structuris delectatus, urbem muro cinxit. Tyberim ponte Sublicio iunxit, Hostiam maris portum coloniam deduxit.

Tarquinius Priscus, Graecorum disciplinis imbutus, Sabinos acie deuicit: Senatum ac Tribus auxit, Capitolium est auspica-

tus: ac primum Triumphum, equis albis aureum currum trahentibus, instituit, & multiplicia Magistratuum ornamenta introduxit. Praecipuus fuit Seruius Tullius, sanctorum legum, quibus etiam reges obtemperarent, Idem censum primum instituit, quo

- 10 bello & paci opportuna redimerentur: in classes & centurias populum diuisit, atque Lustrum introduxit, quo temporum ratio haberetur. Aes tum primum signatum, a pecudis nota, pecuniae nomen retinuit. Eiusmodi regum incrementis urbem omnium maximam futuram, a finitimorum grauissimis incursionibus optime uindictarunt, atque praclaris Reipublicae administrandae institutis nobilitarunt & firmarunt. Sed praegr-

uantem interim Gallorum multitudinem, quam inuitatam Helconis Heluetij, qui Romam fabrilem ob artem uenerat, facto, tradunt. Bellouesus in Italiam, pulsus Tusci, quos dux Rhe-

- 20 tus ad Alpes deduxit: inde Alpina Rhetorum gens profecta, & Sigouesus in Hercynios saltus, ad sedes collocandas, transulerunt. Itaque Galli sedibus in Italia firmatis, Mediolanum, Comum, Brixiam, Veronam, Bergomum, Tridentum, Vicentiam, urbes, quarum etiamnum magna est celebritas, condiderunt. Ex hac Gallorum in Italiam emigratione, intermedijs Al-

pibus, Gallia citerior atque ulterior est appellata. Quo eodem tempore aduenae Graeci Phocenses in littore Galliarum Mafsiliam primum aedificarunt: quae cum esset Graecorum portus, linguam, instituta, atque disciplinam suorum constanter serua-

- 30 uit. Eadem Mafsilia, consequentibus annis, uiribus aucta, cum uicinis, maxime cum Carthaginien-sibus, res gessit, & in Hispaniae atque Galliae littore pleraque oppida condidit. Graecorum res suis incrementis multum prouehabantur, cum Athenienses simul & Megaren-ses de contentione insulae, quae Salamina dicitur, multis praehijs debilitantur: ut iam Athenis capitale esset, de eadem uindicanda consultare. Quibus temporibus Solon

Legislator, subita dementia simulata, miro consilio perfecit, ut de Megaren-sium manibus protinus eriperetur. Pistra-

- 40 tus dux Atheniensium, isdem Megaren-sibus, cum iniuriam ulcisci uellent, est oppositus: qui ipse successu re bene gesta elatus, non multo post callide tyrannidem occupauit. Medorum principatum tenebat Astyages, qui somnij memor, natum ex

c Mandane

Ancus Mar-tius.

Tarquinius Priscus.

Seruius Tul-lius.

Gallorum emi-grationes.

Ciuitates in Ita-lia a Gallis con-ditae.

Mafsiliae pri-mordia.

Res Athenien-sium.

Solon.

Pististratus.

Medorum re-gnum in Persi-dem translatum.

Mandane filia (huic nanque totius Asiae imperium promittebatur) occidendum Harpago dedit: sed is metu filiae ductus, tradidit pastori regij pecoris; cuius uxor mota regio infantis aspectu, suum partum fortè tum mortuum, huius loco exponi uoluit. Ita magni illi principatus diuina Prouidentia ex periculosisimis exordijs ducuntur: præter hunc Cyrum nomine, etiam admirabiliter seruatum Mosem, & fratres Remum ac Ro-

Astyages crudelitas.

mulum suprà diximus. Astyages igitur Cyrum ut cõseruatum intellexit, patri Harpago filium crudeliter epulandum apposuit. Tantam iniuriam expectata occasione sic ultus est, ut cum aduersus Cyrum aduitiorem factum, copiarum prefectus esset delectus, ad eundem trãsierit. Post Astyage superato, regnum

Cyrus rex Persarum.

Iudeorum restitutio.

in Persidem est translatum. Itaque Cyrus, præstanti uir ingenio, atque imperij gloria, totis Asijs iatè uictor, capta Babylone, Danielem audiuit, & Iudæos à seruitute liberauit: quos Zorobabele duce, ac Iesu Pontifice, maneribus donatos remisit. Idem cum templi ruinas instaurare conarentur, ad consequen-

Craesus.

tia usque Darij tempora sunt impediti. Cræsum Lydorum regem opulentissimum, bello captum, prudenti Solonis admonitu, nullam tantam esse beatitatem, aut potentiae magnitudi-

11.

nem, quæ non suis incommodis & periculis ante obitum sit exposita, cum se in eundem casum humana conditione recidere posse intelligeret, clementer habuit. Idem Cyrus opū & uirum ampliudine cõfirmatus, transiit in Scythiam bello, Thomyris reginae insidijs in angustias redactus, quàm maxima suorum litrage, ne nuncio quidem relicto, opprimitur. Præcisum

Cyri mors.

Cyri caput, in utrem sanguine humano plenum, fuisse impositum, diuersi commemorant, cum hæc crudeli exprobratione, ut sanguine, cuius insatiabilis fuisset, tandem saturaretur. Alij tradunt, conuocatis filijs, amicis, atque magistratibus Persarum, luculentam, quæ etiamnum legitur, orationem de immortalitate animorum habuisse. Confirmauit primùm Cyrus gentes linguas & institutis dissimiles, locis disinctas, legitimo u-

Monarchia.

nus principatu teneri posse. Tertius hic fuit dominatus ab Assyrio & Medorum, cui non facillè propter magnitudinem per ea tempora quisquam opponi posset: Monarchiæ inde nomen dimanauit. A qua eadem Græci tam multarū rerum, quæ longis temporum spacijs præcesserāt, ignari ueteris memoriæ scribenda, initia potissimum deduxerunt. Apud Romanos, ut sunt res hominum ad commutationem faciles, simulac rebus secundis animi insolescunt; L. Tarquinius, ex morum sæuitia Superbus appellatus, cum in hostes eandem sæuitiam transtu-

Rerum Romanarum commentatio.

L. Tarquinius Superbus.

lisset,

lisset, maxima oppida in Latio occupauit. Huius deinde filius
 Sextus, constantis Lucretiæ (uxor erat Collatini) nocturna ui Lucretia.
 pudicitiam cum expugnasset, tantum dedecus ferro expiatu-
 ra, in conspectu omnium seipsam interemit. Brutus & Collati-
 nus, pudicitiae decus uleisci uolentes, populo ad libertatem ex- Reges urbē
pulsi.
 citato, Tarquinius urbe exegerunt: communi deinde cōsensu,
 iureiurando Bruti opera dato, non censuerunt deinceps reges
 habendos. Itaque isdem in libera ciuitate primū Coss. desi- Consulum insti-
tutio.
 gnantur, & Senatus dignitas apud Romanos cōstituitur, quæ
 multis è regibus cōposita uidebatur. Sic principatus annuus,
 ne qui diuturnitate insolecerent, ex perpetuo: duplex, ut alius
 ab alio, si improbus esset, coereretur, ex singulari constitutus.
 Iam inde hoc libero Reipublicæ statu, Coss. annis ad tempo-
 rum seriem tenendā, prætermisissis lustris, res dinumerare cœ-
 perunt. Ab ijs primordijs pastoricius hic populus admirabili Romanorum
successus.
 progressione, incredibiliq; cursu, ad omnem principatus excel-
 lentiam atque potentiam contendit, & aduersus finitimos de fi-
 nibus atque imperio, pro uita atque gloria, diu multumq; ua-
 rio successū, magnis animi corporisq; uiribus decertauit. At in
 20 Perside Cyri filius Cambyfes, dissimilis successor, Despota di- Cambysei.
 ctus, Prexaspis filium ipse crudeliter, Smerdim fratrem, ac so-
 rorem pro uxore habitam, interimi iussit: qui idem cum ex Ae-
 gypto rediret, uagina clapso gladio incumbens, nullo regni he-
 rede relicto, moritur. Magis, quos pro sapientibus Persæ ha- Magi.
 buere, cum depulsis, facta procerū maxima de statu rerum con-
 stituendo deliberatione, Dario, qui unus erat ex ijsdem princi- Darius.
 pibus, singulari astu serui, ceteris protinus acquiescentibus, re-
 gnum est concessum: quod ipse, ducta in uxorem Cyri filia, con-
 firmauit. Post callido Zopyri facto, qui præcisissis auribus, la- Babylonia re-
cepta.
 30 bijs, & naso, Babylonem transfugit, urbs recepta. Hic inter li- Templum He-
braeorum.
 bros Cyri decretum est inuentū, de instauratione templi Hie-
 rosolymæ: cuius rei admonitu Darius, ne deinceps impediri
 posset, sumptus ad ædificationem contulit. Eundem cum ma-
 gis ex omni Perside copijs uenientem in Europam ad Mara-
 thonios campos, Athenienses decem millibus armatorum, &
 Platæensium mille, nimium cunctantibus Lacedæmonijs, dūce
 Miltiade, magna celeritate, & animi alacritate profligarunt.
 Multū inde aucta & celebrata, hoc totius Græciæ terrore sub-
 lato, Atheniensium in arthi gloria, ut picturæ insignes factæ
 40 sint, & multi scriptores eius uictoriæ claram memoriam con-
 seruarint. At nimis ingrati ciues, maioris potentiae metu, eun-
 dem Miltiadem in uinculis ad extremum indignè habuerunt, Miltiades in
uinculis con-
iectus.

*Tarquinij resti-
tutionem mo-
liuntur.*

*Virtutis exem-
pla.*

Aditio plebis.

*Tribunitia po-
testas.*

Dictatura.

*Magister equi-
tum.*

Coriolanus.

Fabij oppressi.

*Xerxes in Gra-
ciam expedi-
tio.*

*Leonide ani-
mi magnitudo.*

Themistocles.

Rome autem cum Tarquinij urbe pulsus pugnatum: siquidem finitimos, quo restituerentur, sollicitarunt. Itaque Etrusci, Por-
senna rege, Romanis sese opposuerunt: cum Horatius Cocles
sublicium pontem solus magna uirtute defendit: cum Mutius,
Scaeuola cognominatus, occiso scriba pro Rege, singularis pa-
tientiae documentū dedit, cumq; obfes Cloelia uirgo Tyberim
tranauit: ut eiusmodi fortitudinis, constantiae, & magnitudinis
animi exemplis uictus Porfenna, pace facta, à bello abstinerit.
Tarquinij uero tam diu dimicarunt, quoad Brutus, & Aruns
regis filius, mutuo occubuere. Pulsi sunt etiam Latini, Tarqui- 10
nij opem ferentes: cum translatis à finitimorum bellis ad suos
inimicitij, plebs aere alieno oppressa, in sacrū montem secessit:
ex quo fabellae explicatione, quae est de immuni atque ociofo
uentre, & artubus alimenta subministrare negantibus, Mene-
nius Agrippa uix tandē reduxit, nisi in eiusdem plebis gratiam,
sedatis discordijs omnibus, Tribunitia potestas fuisset concessa
& instituta: quo his defensoribus atque iudicibus, suam liberta-
tem aduersus Senatum & Consules tutarentur. Paulo ante hæc
tempora nouus Magistratus, Consulatu maior, in extremis pe-
riculis creari coeptus, summæ potentiae unicū robur, cunctis 20
terrori fuit, & Dictatura appellat. Titus hinc Largius primus
Dictator habitus. Suberat eidem dignitatia alia Magistri Equi-
tum: hanc primū gessit Spurius Calsius. Ita continenterum
progreffione hic principatus ad summum prouehebatur. Pul-
sus interim urbe Q. Martius dux Romanorum, qui Coriolos
ceperat, Volscorum oppidum: quorum auxilij fretus, Tribu-
nos, qui illum exagitarant, patriæ urbis expugnatione erat ag-
gressurus, nisi post aliquot legationes tandem missæ fuissent Ve-
turia mater, & Volumnia uxor, quarū precibus & lacrymis est
obsequutus. Venientes ad Cremerā trecentos & sex uiros unius 30
familiae, quæ Fabiorum dicebatur, dolis circumuentos, oppres-
sere. Xerxes uero, terror gentium, patris Darij acceptam à Græ-
cis cladem, quā maximis copijs, quantas nulla audierat ætas,
uindicaturus, è Perside in Græciam uenit: copijs procedentibus
ad Thermopylarum angustias, alacri animo & erecto Lacedæ-
monius Leonidas cum paucissimis bene animatis, fortissimè oc-
cumbentibus, restitit: multa hostium millia à Græcis sunt cæsa.
Progreffus inde exercitus, Themistoclis Atheniensium ducis
consilio & diligentia, quem Miltiadis trophæa uehementer in-
flammarant, naualibus prælijs debilitatur. Post Græcia exce- 40
dens Xerxes, fugienti similis, relicto belli totius suafore & im-
pulfore Mardonio, cōmunibus totius Græciæ uiribus ad Pla-

teas

- teas uictus, tandem celsit. His Persarum expeditionibus præda & auro locupletata Græcia, luxum admirari coepit. Sed Themistocles ab ingrata patria, quam conseruat, exul est factus. Tribunis uero, cōparata Romæ potestate, grauius tumultuantibus, factō communi consensu, Decemuiui, qui annuo imperio sine alio Magistratu, Reipublicæ præesse deberent, creantur. Decemuiui apud Romanos. Misi inde sunt in Græciam, qui leges XII Tab. adferrent. Cum uerò ijdem à magnitudine scruitiæ atque insolentiæ, decem Tarquinij appellaretur, cumq; in tertiū annum Magistratum proferentes, non deponerent, incōtinens Appij Claudij libido tantum breui hoc finiuit imperium. Appij Claudij libido. Hic enim Virginij cuiusdam filie stuprū illaturus cum esset, à patre illa protinus interempta, plebs multum commouetur. Seruatis pōst legibus, intermissus Consulatus reuocatur. Regnum Persarum multum opibus & potentia creuit: erant quippe præclara uitæ informandæ instituta, cum iunior Princeps à multis, qui in quoque doctrinarum genere excellerent, ad omnem ciuilem Prudentiam & uirtutem comparandam, diligentissimè præpararetur, cæteraq; ad conuenientem Principatus administrationem adhiberetur. Regni Persici administratio. Xerxi uir fortissimus Artaxerxes filius successerat, qui quod dextram sinistra longiorem haberet, Macrochir est dictus. Hic bellicis et pacis artibus clarus fuit, & reliquos Hebræos, Esdra legis peritissimo, & Nehemia duce prudentissimo, remisit, qui urbis muros instaurauit, atque prisca gentis instituta confirmauit. Græci itaque rebus gestis inclarescentes, diligentius rerum memoriam in scripta retulerunt. Ex his, quasi duo lumina, Athenæ & Sparta nominabantur. Hæc acceptis à Lycurgo legibus, seueritate disciplinæ, grauitate morum, constantia, patientia, continentia, æquitate, rerum grendarum studio, atq; omni bellica uirtute plurimum fuit commendata. Reipublicæ Spartanæ ratio eiusmodi, ut Ephoris supremæ potestatis Regi adiunctis, ex omnibus formis constaret. Athenæ autem singulari aeris temperatione acutiora habuerūt ingenia, ut diuturna usæ libertate Eloquentiam, quā ad honores patebat aditus, & cætera doctrinæ atque literarum studia uehementer excoluerint. Eadem Solonis legibus utebantur, ex quibus præclara habuerūt uitæ informandæ, atque Reipublicæ administrandæ instituta. Itaq; Athenienses & Spartani, pulsīs communibus animis Persarum uiribus (ea est mortalium conditio, ut qui ab externo metu sunt liberati, uiolentas in sese manus postea cōuertant, & facilis sit inter pares conquiscentibus rebus æmulatio) diutissimè & acerbissimè infestis signis dimicarunt. Cum enim opulentiores facti

Primordia bel-
lorū Græciæ.

Bellum in Sici-
liam translātū.

Alcibiades.

Lysander.

Conon.

Atheniensium
deditio.

Triginta uiri.

Thraſybuli
uirtus.

Epaminonda.

essent, nimum inter se discordes, una ciuitate euerſa, rerū sum-
mam ſibi altera pollicebatur. Itaque poſtquam muros Atheng
ex ſpoliorū magnitudine firmāſſent, protinus in ſuſpicionem
affectati totius Græcię principatus uenerūt. Spartanis ſeſe op-
ponentibus, præter alia multa, origo fuit maximi & diuturni
belli, ut non niſi mutuo excidio duæ potētiſſimę ciuitates con-
quieuerint. Nam Athenienſes aduerſus Lacedæmonios Peri-
clēm ſummę eloquentiæ uirum, ſimul etiā Sophoclem Tra-
gœdiarum ſcriptorem, delegerunt, qui excuſionibus Lacedæ-
moniorum uires frangerent. Ventum tandem ad conditiones 10
paciſ annorum x x x: ſed nondum x v elapſis, ijdem Lacedæ-
moni, moræ & oſij minimē patiētes, factis latē excuſionibus,
bellum renouarunt. Quæſita ab Athenienſibus occasione, ex-
pugnatur atque diripitur Sparta. Inde annorum l pax repeti-
ta, ad ſextum annū non progreditur. Nam cum manifeſtē bel-
lum redintegrare, propter initum ſœdus, non auderent, utriq;
in Siciliam ſocijſ ciuitatibus, Athenienſes Catanenſibus, Lacedæ-
moni Syracuſanſ auxilia mittentes, de ſumma Græciæ lon-
gius decertaturi, maximas uires tranſtulerunt: ut non de Sici-
lia; ſed de uniuerſa Græciæ potentia, graue & acerbum certā. 20
men committeretur. Apertius iam commotis animis, Lacedæ-
moni bellicis ſumptibus à Perſis confirmati, aduerſus Athe-
nienſes dimicarunt. Ab exilio reuocatus Alcibiades, inſtructa
claſſe, magno rerum ſucceſſu eſt uſus, ut Lacedæmoni ſactus
ſit ſuperior. Athenas reuerſus, honorificē excipitur. Lacedæ-
monij Lyſandro duce bellum redintegrarunt. Miſſus ab Athe-
nienſibus Alcibiades, cum minimē res ſuccederent, ijdem Con-
nonem in illius locum reſoſuere: cui etiā ceſſit minus ſelici-
ter. Alcibiades interca uoluntario exilio ad Perſas profugit, à
quibus, ita ſollicitātibus Lacedæmoni, eſt intercemptus. Poſt 30
Athenienſes, ſpe omni amiſſa, in deditiōem recepti ſunt. urbs
metu ſeditiōis, cum eſſet à Codri tēporibus Ariſtocratiā uſa,
x x x rectoribus adminiſtranda traditur: ijdem Tyranni poſt
facti, etiā in optimos quoſque ſæuierunt: ac Theramenem,
quo cæteris terrori eſſent, ſuſtulere. Interca Thraſybuli magna
uirtute, collectiſ reliquis exulibus uariē diſperſis, tandem fa-
ctum, ut ijdem deturbarētur. Reddita igitur libertati ciuitate,
& introducta, ad uitandas omniſ generiſ controuerſias, præte-
ritarum iniuriarū obliuione, memorabili inſtituto priſtinum
Reipub. ſtatum reuocarūt. Rebus dein uariē geſtiſ, Athenien- 40
ſium auxilijs cōſiſi Thebani, duce Epaminonda, maximi animi
uiro, Lacedæmonioſ diuturniſ conſectos bellis adoriuntur, ac
ſupe-

- superiores fiunt: sed interueniens Agesilaus, comparata uicto- *Agesilaus.*
ria compresit. Repetito bello, Spartam Thebani sunt aggressi: ac post in Leuctris, & ad Mantineam pugnatum, ut Lacedæmoniorum uires multum fuerint debilitatę. Epaminondas fortissimę dimicans, suis uictoribus relictis, graui accepto uulnere occubuit. Thebanorū uirtus hoc uno imperatore plurimum emicuit. Apud Athenienses uir fuit clarissimus Timotheus, *Timotheus.*
quo duce urbes insulas, omnem oram maritimam receperunt: & pace cum Lacedæmonijs facta, maris imperium tenuerunt.
- 10 Post Athenienses deposita armorum gloria, ad ludorum apparatus conuersi, publicam pecuniam in ijs multam consumpserunt. Quocirca succrescentibus nondum compertis Macedonum uiribus, ut Athenienses Spartanorum, & iisdem Thebanorum armis succubuerant, ita uniuersi tandem cessere. Sed in Italia Galli accersitis Cisalpinorum auxilijs, quę & militum robore & uiribus semper formidabiles fuerunt, obsidione Clusium cinxere. At postquam Romanorū Legatos, de pace componenda Clusium missos, pugnantes in acie uiderunt, relictis Clusinijs, aduersus ipsos Romanos profecti, obuiam ad flumen
- 20 Alliam eorum aciem, duce Fēbio Cos. fuderunt. Inde Romanos conuersi, patentem, & defensoribus destitutam, occisis maioribus natu, incenderunt. Iuuentus, quę in Capitolium duce Manlio concesserat, eisdem irruptionem facturos, clangore anseris admonita, prohibuit: post Camilli exulis aduentu, qui absens fuerat creatus Dictator, Galli auro accepto, urbe cesserūt: qui idem Camillus, ob liberatā patriam, alter Romanę urbis conditor est appellatus. Monumentis librorum hoc bello Gallico incensis & consumptis, res gestę Romanorū deinceps plenius ac fidelius conscriptę, ad posterorū peruenerunt. Tanta quippe
- 30 fuit calamitas, ut Gallorum uicinitatem metuentes, de sede Veios transferenda consularint: sed hoc consiliū Camillus distulit. Inde Romani ab ea pugna, maioribus deinceps studijs ac uiribus, ad res gerendas processere. Galli tum ex cultus uarietate certius cogniti, ut qui in Italia confederant, propter uestes ad similitudinem Romanorum factas, Togati: qui maritima Gallię loca tenebant, Braccati: longius in septentriones dissi, à promissis comis, Comati dicerentur. Superior Dionysius in Sicilia tyrannicę imperitans, Carthaginenses ab insula repulit: & in magnam Græciam conuersus, multum bellis eandem adflixit: post suorum insidjs de medio est sublatu. Iunior autem Dionysius, dissimulatione corrupti animi, militū facto, patri succedens, cum nefandis cędibus arderet, atque intemperantius

*Atheniensium inclinatio.**Brillum Gallicum.**Urbis Romę capitur.**Camillus.**Consilium Romanorum de transferendis alio sedibus.**Galli à Romanis distincti.**Dionysius Superior.**Iunior.*

*Philippus rex
Macedonum.*

rantius luxu diffunderet, coactus est Corinthum profugere: qui cum in summam inopiam recidisset, eadem in urbe literas docuisse traditur. Philippus Macedonum rex, domestica Epaminondæ institutione, apud quem obses antè uixerat, cum cæteri populi diuturnitate bellorum essent quodammodo exhausti & confecti, rebus gerendis animum adiecit, ut autum regnum plurimum auxerit. Itaque rebus domi compositis, aut finitimos sibi conciliare, aut cum iisdem dimicare, aut alios magna calliditate sollicitare tentauit. Inde ab obsidione Byzantiæ, aduersus Scythas profectus, eosdem fudit. Græciæ post rebus intentus, 10

*Athenienses
fusi.*

*Persicæ expedi-
tionis auxilia.*

cum Atheniensibus acerbè grauiterque pugnaui: hac uictoria modestè usus, captiuos gratis remisit. Conuētu Græciæ totius factò, suscipiendæ Persicæ expeditionis auxilia obtinuit. Idem cum esset in eiusmodi conatibus, occiditur. Hisce temporibus ita sunt collapsæ Græcorum uires, quæ quidem difficillimis bellis fuerunt occupatæ: sed imperium maximis uiribus à grauissimis externorum incursionibus defenderunt. Igitur patri Philippo successit Alexander, Aristotelis summi Philosophi doctri- 20

*Alexander
Magnus.*

*Persicæ expedi-
tionis suc-
cessus.*

ter gesta, Magnum fecerunt. Suis ad arma incensis, & Græciæ rebus compositis, atque eorum auxilijs potens, patris institutum in Persidem magno rerum successu est persequutus. Parua hic manu, suis militari disciplina bene institutis & eruditis, Darium regem cum maximis copijs sese opponentem, magnis uiribus prostrauit. Amplissimo & opulētissimo Persarum regno factus ita instructior, peregrinationū Liberipatris & Her- culis admonitu, longissimè in orientem, ad Indos usque, condi- 30

*Indiæ expedi-
tiones.*

tis oppidis, rerum à se gestarum testibus, progreditur. Inde in Babyloniam conuersus, legationes de amicitia totius occidentis audiuit. Post coorta febre, cum largius adbibisset, rebus per annos XII in omni uarietate gestis, moritur. Regiones orbis plurimæ huius armis cognitæ, & certior populorum orientis fama perlata: ut orbis terrarū penè totus aut Alexandri arma

Monarchia.

senferit, aut nomen audierit. Ita Europæ arma Asianis potiora semper fuerunt. Quartus hic habitus est ab Assyrio, Medo, & Persico summus Principatus. quod si Medi Assyrijs cōiungan- tur, tertius, ut Romanorum quartus constituatur. Versanti in his conatibus Alexandro, etiam alter nominis eiusdē, rex Epi- ri, non minorem gloriam in occidentis expeditione reponens, 40

*Alexander rex
Epiri.*

cum res in Italia gereret, breui succubuit. Hac ætate etiam præ- stantis & liberalis ingenij artes inclauuerunt. Nam cum supra hæc

- hæc tempora Polygnotus & Aglaophon in Pictura præstan-
 tes habiti fuissent, aliquāto post Zeuxis, luminū umbrarumq;
 ratione inuenta, & Parrhasius subtiliore linearū examinatione
 plurimum præstiterunt. Itaq; Alexandro res gerente, clari no-
 minabantur, Apelles, à quo pingi uellet: Pyrgoteles, à quo scul-
 pi: Lysippus, à quo ære duci, etiam publico edicto, ne quis alius
 idiplum faceret. Romani autem, præter uicinorum bella, nec
 domi satis inter se conueniebant: quando in liberis ciuitatibus
 regnare omnes cupiunt, & tenuiores sese negligi non patiun-
 10 tur. Plebs igitur Romana, honorū auiditate suis Tribunis mul-
 tum confidens, ut iam antea patriciorum cōnubia obtinuerat,
 ita & Consularis dignitatis ius, magna contentione repugnan-
 tibus patribus, est assequuta, ac primus ex plebe L. Sextius est
 creatus. Agrorum inde possidendorum modus, quingentis iu-
 geribus finitur. Iam duo Magistratus introducti, Prætura, atq;
 Aedilitas curulis. M. Curtius pro salute patriæ, oraculo obse-
 20 quutus, eques armatus in patentem urbis uoraginē sese præ-
 cipitem dedit, eaq; expleta est. Finitimi propter urbis incre-
 mentum continenter infesti erant: sed magna uirtute ex his dif-
 ficultatibus sese explicuere. Ita diuinitus comparatum huius hi-
 storix progressione uidemus, ut uno principatu inclinante, di-
 uersa ex parte ad summum imperiū alius contendat. Nam Ro-
 mani, militaris disciplinæ seuerissimi obseruatores, ipsi potius
 in periculum uenire, quàm eandem uiolare, parati erant. Inde
 T. Manlius filium, bello aduersus Latinos licet uictorē, quod
 contra edictum pugnasset, securi percussit. P. etiam Decius, la-
 borantibus Romanis, tunc cum Manlio Cos. deuouit se pro
 exercitu, & cursu equo concitato in medios hostes cum se intu-
 30 lisset, interfectus, uoluntaria hac morte Romanis uictoriā resti-
 tuit: Latini in deditionem uenerunt. Tumultuantes Samnites,
 uastata prorsus eorum regione, Papyrii & Fabii multiplicibus
 præliis, magna uirtute tandem compresserunt, reportatis inde
 xxxiii triumphis. At Italiæ populi, cum nihil se posse aduer-
 sus Romanos, experirētur singuli, diuersis ex partibus impres-
 sionem facientes, iam cōiuncti, huic nimium incrementi poten-
 tiæ sese opposuerunt: quibus Fabii Maximi consilio obuiam
 itum, & conatus illorum opportunè sunt repressi: nihil ut iam
 difficile fuerit Romanis, superioribus cum finitimis factis, in
 externos quosque arma transferre, & cum ipsdem, uicinorum
 40 metu deposito, confidēt deinceps manus cōserere. Moriens
 Alexander, regnum tot laboribus ut celeriter partum, ita bre-
 ui diuisum iri in diuersas partes, præsensit, atque pronunciauit.

u Nam de

Pictura.

Apelles.

Romanorum
domesticæ se-
ditiones.

M. Curtius.

Romanorum in
ermet uirtus.Samnites com-
pressi.Coniuncti ua-
le populi.Regnorū Ale-
xandri diuisio.

Nam de successore regni eligendo, principibus, peditatu & equitatu diuersum sentientibus, tandem in hoc conuenerunt, ut ne quis se neglectum quereretur, tantę magnitudinis regnum, quod ab uno regi non poterat, inter se partirentur. Itaque post multas in his contentiones, omnis potentia ad quatuor regna deducta: unum fuit Macedoniae, alterum Syriae, tertium Asiae, quartum Aegypti, quod à Ptolomaeis diutius est conseruatum. Fuit hæc diuisio, maximorum bellorum, quæ deinceps sunt consequuta, seminarium: continentes expulsionēs, exilia, & cædes audite: nihil ut magis perturbatum, aut turbulentum diuersis in locis extiterit. Tandem Romanorū uiribus ad summum perductis, omnes fracti sunt, & cōcidere. Gallis interim, Brenno ac Belgio ducibus, Asia latissimē excurrentibus, cum fuisset usus aduersus hostes suos rex Bithyniæ, partem agri incolendam illis dedit: regio inde à mixtis Græcis atque Gallis, dicta est Gallogræcia, & Galatia. Tarentini autem temeritate quadam in legatos Romanorum cum impetum fecissent, bello Gallogræci. fuscitato, ut se impares cognouerunt, Pyrrhum strenuum Epirotarum regem, maximis copijs, & n̄dem militari disciplina uehementer commendatis instructum, illis opposuere. Romanis insolito Elephantorū aspectu conterritis, apud Heracleam primo consiliū superior fuit. Redintegrato post maioribus uiribus prælio, idem Pyrrhus magnę Curij & Fabricij uirtuti, quę nullo auro, magnificis præmijs, aut amplis promissis sollicitari & corrumpi poterat, celsit: nulla etiam gratuita captiuorū restitutione, aut excellenti Cynæ oratoris eloquētia, qua eadem plures urbes, quā armis, se deuicisse pronuntiabat, Romanis potuit reconciliari. Hoc difficili bello confecto, & opimis spolijs Romam deportatis, uniuersa Italia Romanorum partes est sequuta. Pyrrhus nihil cum efficere se posse intelligeret, spe omni Italiae obtinendę ita deiectus, in Siciliam quæ imperium deferebat, uenit: & Carthaginienſes, quod insulam grauius premerent, cohibuit, atque profligauit. Is latē uictor, rex salutatur. At inde excedens, partem regnum tenere non potuit. Postremo Argos profectus, deiectus à foemina tegula ictu occiditur. Carthaginienſium & Romanorum emulatio. Romani itaque & Carthaginienſes hac eadem Pyrrhi militia bellicam disciplinā orientis accepisse uidentur: quam deinceps suscitata æmulatione, hostilibus animis inter se commissi, exerceuerunt: ut uix ciuitates ullæ opibus ualidiores, robore ac uiribus arma contulerint. Gens Carthaginienſium callida & uersuta habebatur: Romanorum fortitudine, animi constantia, atq; patientia commendabatur. Intermedia utrisq; populis Sicilia, quæ

- quæ quasi auulsa ab Italia uidebatur, hæc in graue certamen obtinendi imperij adduxit. Igitur Messana fœderata Romanis ciuitas, de Carthaginiensium iniurijs querebatur. Contra hos, & Hieronem Syracusanorū regem, missis auxiliariis copijs, eo tempore Romani, classe maxima celeritate comparata, primum mare ingressi, naualis certaminis uictoria de Carthaginiensibus signa, Cn. Duillio Cos. reportarūt. In tanto rerum successu, cum traiecisset in Africam M. Attilius Regulus, serpente inusitate feritatis ac magnitudinis superato, & obsessa Carthagine latè uictor, Xantippo duce Lacedæmoniorum, in auxilium Carthaginiensibus misso, ab ipsè uiuus capitur: qui de pace, etsi eam non impetraret, de cōmutandis captiuis, quod ipse non censuit, Romanam missus, iusiurandum atque fidem, quæ sancta habebatur, reditus, constantissimè seruauit. Pōst grauissimis huius supplicijs (nam resectis palpebris, uigilādo necatus) offensi Romani, fortius Carthaginienses aggrediūtur, & à Sicilia deturbant. Vltimò ipsē ad Ægates insulas uirtute Romanorū ita compressi, ut iam Carthago in mari capta & deleta crederetur. Pax petenti Amilcari, quod exhaustam sumptibus patriam uideret, est concessa. Inde Sicilia prima, ad quam missus sit Prætor, iuris Romani facta prouincia; cuius tanta fuit ex frugū ubertate opportunitas, ut horreum, nutrix, cella penaria, et alumna P. R. eadem diceretur. Iani porta secundò à Numæ temporibus est clausa. Sed cum hic populus ociari non posset, in Ligures, propter locorum asperitatem inuētu difficiles, aduersus Insubres Gallos, Viridomaro duce occiso, atque Illyrios, regnante Teuca muliere, uario successu proficiscitur. Carthago autē animis receptis, & uiribus confirmatis, fortunam omnem experiri, quā uictores Romanos, auarè superbèq; imperitātes, ferre maluit. Diuersa ex parte Romani uictos uictoribus arma ultro inferre, molestè ferebant: ut maximo animorum ardore dimicatum sit, grauissima utriusq; populi calamitate: ita propius periculo fuit is, qui uictoria est potitus. Ab Hispania, cuius imperiū primi Carthaginienses appetuerāt, maximi & periculosissimi belli ducta primordia. Hic Annibalem admodum puerum Amilcar pater, odij in Romanos iureiurando confirmati, hæc edem cum exercitu reliquerat: qui idem Annibal, lbero amne contra fœdus traiecto, Saguntum (opulenta fuit, fœderata, & coniuncta Romanis ciuitas) fame expugnauit. Ciues hostis aspectum refugientes, collatis in unum facultatibus, subiecto igne, in medias flamas sese coniecerunt. Interueniens Fabius, eligendæ pacis aut belli, optione utrinque delata, bellum ipse dedit. Relicto hic Al-
u 2 drubale,

Prima Romanorum nauigatio.

Regulus capitur.

Sicilia prima Rom. prouincia.

Secundum bellum Punicum.

Annibal.

Saguntum capitur.

*Annibal in
Italiam aduen-
tus, & uictoria.*

drubale, Annibal cum pugnacissimis copijs Gallias peragrās, transitum impedire conantes prohibuit. Alpes transgressus, quæ inde Poeninae sunt dictæ, in Italiam uenit. Pugnatum est atrocissimè ad Ticinū amnem, ad Trebiam, ad Thrasimenum lacum, & ad Cannas acerbissimè, ut XLV millibus Romanorum occisis, detractos equitum & Senatorum aureos annulos (horum tres modios fuisse commemorant) miserit Carthaginem. Itaque tot prælijs superior Annibal, in agro Capuano fertili iuueniliter exultabat, atque luxuriabatur: cum Romani uires & animos, facultatibus in publicum collatis, receperunt, ut 10

Roma obfessa.

Marcelli uirtute primum Annibalem uinci posse, fuerit cognitum. Romam aliquandiu obsidione tenuit. Post mora Q. Fabij Maximi, atque singulari patientia est prudentissimè compressus: inde Cunctator, & imperij scutum nominatus. Marcellus Siciliam omnem, captis Syracusis, solertia Archimedis admirabiliter defensis, recepit. Sardiniam Gracchus occupauit. Pub.

*Syracuse
capte.*

& Cornelius Scipiones in Hispania occisi, quibus successit P. Scipio filius. Hic ut Carthaginem Hispaniæ, Afrorum præda opulentam, cepit, omnis ferè Hispania Romanorum partes est

Asdrubal.

sequuta. Asdrubal coniungere sese uolens Annibali, prohibetur. Sed postquā in Africam traiecit idem Scipio, Annibalem ab Italia protinus reuocauit. Pax petentibus Carthaginensibus iterum concessa: Scipio nomen Africani inde habuit. Profu-

*Annibal Antio-
cho sollicitat.*

gens Annibal Ephesum uenit. Hic sollicitato Antiocho, orientis arma in Italiā aduersus Romanos transferre conatur. Missi sunt contra Antiochum, qui illius copias instructissimas latè profligarunt. Postremò L. Scipio Cos. eundem Antiochum Asiæ regem cum uniuerso exercitu oppressit: & clarum inde Asiatici nomen, uti frater Africani, reportauit. Interim Philip-

*Macedonicum
bellum.*

pus Macedonum rex, præsentiens Romanos confectis Punicis bellis, etiam in orientem irruptionem facturos, cum Athenienses grauius premeret, ipsæ auxilia petentibus, sunt à Romanis missa: quibus cum se obiecisset, in regnum est repulsus. Græciæ status instauratus, & libertas reddita. Post cum idem

Perseus.

Philippus copias repararet, moritur, ac Perseo filio hoc institutum reliquit: aduersus quem ultimò L. Aemilius Paulus mittitur, qui commisso prælio, captum cum uxore in Triumphum adduxit. Omni Macedonum gaza, quæ fuit maxima, potius, tantum in ærarium pecuniæ inuexit, ut unius Imperatoris præda finem attulerit tributorum: cum nihil in domum suam attu-

Andrisco.

Andrisco post regnum appetere, & bellum suscipere auso, Macedonia

- cedonia tertiò subacta, seruijt: qua eadem in provinciam redacta, Asia totius aggregiundæ magnus quidam portus fuit parafactus. Carthaginienses autem extrema omnia uolentes experiri, specie quidem aduersus Masinissam, sed reuera contra Romanos, bellum redintegrarunt. Scipioni Nasicæ, seruandam esse urbem consulenti, ad Romanam iuuentutem in metu continendam, Cato aduersabatur, qui excindendâ propter uicinitatē ex recentib. allatis fideis confirmatâ, suadebat. Rebus uariè gestis, sequuta est ingens urbis magnæ, populosæ, & tot annos æmulæ uastitas, Scipione Aemiliano, superioris nepote, res administrante, atq; graue incendium, ut x vii diebus tota conflagrarit. Sed Hebræi, præter magnas superiorum temporum calamitates, grauissimis finitimorum iniurijs uehementer affliguntur. Persæ quidem magno beneficio illos restituerant, & Alexander Magnus in summo honore habuerat: sed huius successores iniquissimi fuere. Ac primum Hebræus Matathias, uir integer, cum filijs quinq; grauius sæuienti, & patriam gentis atque sanctam disciplinam perturbanti Antiocho Epiphanis, collecto etiâ exercitu, fortiter sese obiecit. Idem moriturus, ad seruandam summi Dei legem, filios euocatos piè est cohortatus: è quibus Iudas, Machabæus cognominatus, huic principatui Machabæorum initium dedit: & maxima in armis uirtute, res uario successu, instaurata disciplina domestica, administrauit. Singulare autem constantiæ documentum, in retinenda Moïsi disciplina, filij septē in matris conspectu dedere, cum atrocissimis et acerbissimis supplicijs ab Antiocho sunt affecti. Iudæ fratri succedens Ionathas, istum cum Romanis foedus renouauit: atque Spartanos, qui sese ex Abrahami prole similiter progenitos affirmabant, in mutuam amicitiam recepit. Eidem & Simon frater successit, inde filius Io. Hyrcanus. Confectis autem Punicis bellis, omnes terræ & omnia maria potentiæ Romanorum, ac uirtuti patuere, ut breui orientem occidenti coniunxerint, & amplissimum omnium temporum memoria imperium constituerint. Erant optimis, atque patriæ conseruandæ studiosis, maximi honores, & ampla præmia proposita: per niciososq; ciues, & improbos patriæ hostes, seuerissimè coercabant: ut quamdiu manserunt in maiorum suorum præclaris institutis, res magno successu administrarint. Itaque scribentibus in uniuersum omnium gentium historiâ, necessum fuit, ad eorum ipsorum rationem cuncta ab eiusmodi initijs, ad nouissima tempora commemorare. Punicis igitur bellis cōfectis, per facile fuit in cæteros populos arma transferre. Corinthus

Tertium Punicum bellum.

Carthaginiensium excidium.

Machabeorum historia.

Matathias.

Iudas Machabeus.

Ionathas.

Simon.

Io. Hyrcanus.
Romanorum incrementum.

Corinthios euersa.

*Hispanie expe-
ditio.*

Achaiae caput, quod Romanorum legatis illata esset iniuria, oppresso Critolao duce, à Mummio Cos. est euerfa. Hispaniae magno militum numero Romanis sese opponebant, cum bellicosa gens, atque Hispaniae robur Celtiberi, sunt late fusi & oppressi. Viriatus ex pastore uenator, inde latro, mox iusti dux exercitus factus, et Lusitanorum uirib. confirmatus, deletis Consulū ac Praetorum copijs, per annos XIII frequentissimè uictor, Ro-

Numantia.

manos in armis tenuit. Erat Numantia, alter post Carthaginem imperij terror: quae cum uinci non posse, nisi illius opera, qui Carthaginem deleuerat, uideretur, missus P. Africanus, restituta militari disciplina, Numantinorum ingentes conatus fregit: atque urbe eorum capta & euerfa, uires ademit: inde uicticia signa ad Gades usque transtulit. Atralia hereditas res orientis

Aristonici.

perturbauit, cum Aristonici audaciae successorem sese facienti, postremo Aquileius missus obijcitur: qui idem, foedatis ueneno aquis, turpem Romanis uictoriam retulit. Grauius interim domi consequuta. Nam omnibus gratiae, largitionibus, luxui, & ambitioni locus erat. Itaque cum totus Italicus ager à potentioribus occuparetur, plebis turbator, & agrariae legis suator Tiberius Gracchus Tribunus, uir disertus, non se modò, sed & fratrem in primis eloquentem, C. Gracchum, ac dein con-

Leges Agrariae.

sequentes Cn. Apulcium, & M. Liuium Drusum, commissi eiusmodi grauiusimis seditionibus plebe, & equestri ordine, Rempublicam Romanam in summum discrimen adduxerunt. Ex quibus domesticis contentionibus res postea sequuta grauiores, malorum omnium initio ab his sumpto. Necdum foris res conquieuerat. Salyi foederatam Romanis Massiliam exagitabant, qui primi cis Alpes Romanorum arma senserunt. Domitius & Fabius Maximus aduersus Allobrogas, gentem in armis exercitatum, & Auernos, qui Heduis Romanorum socijs infesti e-

*Bellis cis Al-
pet.*

Bituitus.

rant, mittuntur. Bituitus Auernorum dux in triumphum à Domitio deductus, Fabius Allobrogici nomen retulit. Quibus cum populis non pro finibus, aut de imperio: sed uter esset, & de uita atrocissimè est dimicatum. Insolecens in Africa homo callidus & uersutus Iugurtha, caesis regis Numidarum Micipsae filijs, Adherbale et Hiempsale, à quo rege fuerat adoptatus, Romanis socios defendentibus sese opposuit. Calpurnio Cos. successit Metellus, inde C. Marius: cuius uirtute, praелиjs aliquot commissis, tandem captus, in triumphum cum duobus filijs ad-

Iugurtha.

*Cimbricum
bellum.*

ducitur. Sed ad Cimbrorum multitudinem è septentrionibus progressam, & sedes nouas quaerentem, cum agros Romani dare illis recusassent, uicina quaeque excursionibus uastantem, mul-

tis du-

ris ducibus succumbētibus, missus C. Marius, Dictator factus, populum gentium uictorem conterritum optimē cōfirmavit: atque Cimbros magnis uiribus dimicantes, foeminis ad extremum sese strenuē opponentibus, maturē oppressit. Rei bene gestæ, liberata à tanto metu ciuitate, præmiū fuit triumphus, ut

tertius à Romulo & Camillo Ro. urbis conditor appellaretur. Diuersa ex parte orientem fraude, insidijs, cædibus Mithridates. *Mithridates.* tes populatur, Asiæ atq; Europæ obtinendæ magna confidentia. Aduersus eundem L. Syllam delectum C. Marius indignē

- 10 ferens, turbare cœpit Rem publicam. Sylla cum exercitu Romanam celeriter reuersus, ciuile bellum difficile & cruentum excitauit: quo multis cæsis superiore, Marius repulsus. Eodem Mario pōst ex Africa reuerso, atque comparato protinus ex seruitijs exercitu, Syllanæ partes multorum cædibus grauiter oppressæ. Reuocatus iterum Sylla, qui restitutus Athenis, Mithridatem latissimē profligarat, cum uictore Asiatico exercitu rediit, & similiter in Marianas partes impetum fecit, atque atroci cæde Romanorum ciuium oppressit, & superior factus, sustulit. Cui cum omnia in uictoria, lege belli licere uiderentur, non

- 20 solum cædibus, uerū etiam proscriptionibus, pernicioso consequentium temporum exemplo, omnia compleuit: Tribunitiam autoritatem imminuit: Dictaturam, quam inuaserat, perpetuam uisus meditari, sponte postea deposuit. Exul & profugus ob Syllanas tabulas Sertorius, & Hispanicis armis confirmatus, Romanos Imperatores, Metellum atque Pompeium,

aduersus se missos, multiplicibus prælijs sæpius uictor exagita uit: postremò desertus à suis, & proditus, interimitur. Mithridates interea, maioribus comparatis uiribus, fortior resurgit: cui oppositus magni uir ingenij, & excellentis Prudētiæ, L. Lucullus: qui uariē iactatū, in Pontum magna uirtute fugere coegit. At in Italia, præter bella seruilia, & sociorū discordias, quæ non minus infestæ erant, & formidolosæ, quàm longinquæ hostium excursions, his Pompeij temporibus, Piratæ oram maritimam uastantes, diuisis copijs per omnia maris ostia, magna celeritate, nullo incommodo accepto, ab eodem Pompeio ita fugati sunt, ut mare tutum à prædonibus deinceps fuerit. Res in Asia erant prosperæ, cum magnis Luculli successibus interueniens Pompeius, debilitatum & fractum Mithridatem reddidit: ut ipse pōst, coorta militum seditione, uenenum hauserit.

- 30 Inde Pompeius Alexandri, Herculis, & Liberi patris expeditionum memor, ac latissimē uictor, orientem peragrans, etiam in Iudæam uenit: quo tempore, dissidentibus inter se fratribus, arbiter

Bellum ciuile;

Cædes & proscriptiones Syllanæ.

Sertorius.

Mithridates belli redintegratio.

Discordie Italice.

Piratæ delicti.

Pompeius in Asiam.

arbiter factus Pompeius, Hyrcanum in administratione regni Iudaici Aristobulo prætulit: atq; capta Hierosolyma, eundem Aristobulum Romam secum abduxit. Erat regnum Iudæa à superioris Aristobuli tēporibus, quem primū diadema capiti imposuisse traditur. Post eum regnarat Alexander filius, qui hosce duos, Aristobulum & Hyrcanū, successores reliquerat.

Asia Romano-
rum prouen-
cia.

Romanorum
corruptio.

Prætorum Ro-
manorum vir-
tutes.

Catiline coniu-
ratio.

Romani impe-
rij partitio.

Mithridatico bello confecto, Asia iuris Romani facta est prouincia, & Parthi in foedere manserūt: ut præter Indos, nōdum Romanis cognitos, totus ferè oriens imperio tandem obtemperarit. Postquam uerò (nihil enim in statu eodē consistere potest) ab externis luxum, auaritiam, uoluptates, ambitionem, & omnes malas principatus labefactandi artes, ex Asia maximè importarunt, tenuitatis atq; frugalitatis maiorum oblitī, quorum constantia, patientia, solertia, industria, mansuetudine, clementia, fide, integritate, fortitudine, & magnitudine animi, firmatum erat imperium, omnia sursum atque deorsum iactata: ut cum priuatas inimicitias atque discordias publicis uiribus ulcisci uellent, latius deinceps ciuilis, quàm hostilis sanguis dimanarit. Itaque è grauissimis urbis factionibus, in spem occupandæ atque opprimendæ Reipublicæ adductum Catilinam, repulsa Consulatus incensum, & flagitiosis hominibus stipatum, cōiuratione, epoto humano sanguine firmata, M. Tullius Cos. magna uirtute cohibuit, illiusq; multiplices conatus prudentissimè patefecit, ut primū libera ciuitas Patrem patriæ eundem appellarit. Sceleris huius socij deprehensi, grauibz supplicijs afficiuntur. At ipsum Catilinā, in angustias cum suis deductum, Antonius M. Tullij collega fortissimè & animosissimè dimicantem, cruenta uictoria fregit: usque ad cō præpotentis populi uires se ipsæ intestinis discordijs conficiebant. Grauiora sunt consequuta, posteaquam in hoc principatu maior ambitio potentum animos, recordatione Marij & Syllæ uehementius sollicitauit. Igitur Pompeius Magnus partem tot bel-
lis dignitatem & auctoritatem conseruare uolens, cui M. Cato aduersabatur. Inde M. Crassus in maxima opulentia egens, fieri locupletior cum uellet, C. Cæsar ingenij, doctrinæ, spiritus, & uirtutis armorum præsidijs confirmatus, atque uisa Alexandri Magni statua inflammatus, cum maiorem potentiam comparare studeret, omnes Romani imperij uires eiusmodi rationibus ad sese pertraxerunt: ut facillimè inter hos tres, de inuadendo imperio, deq; distribuendis in totidem partes prouincijs, conueniret. Itaq; Pompeio Hispaniæ, Crasso Parthi, à quibus propter nimiam cupiditatem miserè est interemptus (nam præciso

- præciso capite, liquefactū aurum in rictum oris infusum fuisse tradunt) Cæsari Galliæ obuenerunt, quæ nondum imperio Romano parebāt. Quam ad rem magnis itineribus in Galliā uenit, atque Heluetiorum in Santonas emigrationem, ad transitum Araris, impediuit: Ariouistum à Galliarum populatione prohibuit. Post à Belgis, qui illum aduenientem communibus animis pro libertate dimicantibus exceperant, scilicet magna uirtute explicuit. Flumen Rhenum factō ponte traiecit, ac Germanos in syluas repulit. Oceanum ingressus, Britannias, ignotum
- 10 Romanis orbem, tētauit: Ambiorigem uariē est persequutus. Auaricum, Gergobia, & Alexia grauius obfesse. Dein Gallicę libertatis uindex, diuersos secum trahens populos, Vercingetorix magnis Cæsaris uiribus celsit. Bellouacis post, cæterisque Galliæ populis deuictis, Galliā Romani iuris prouinciā fecit, quæ annis multis eisdem exagitarat, ut formidabilis semper esset Gallorum aduētus, & pro tuenda libertate fortissimē dimicarat. Atque ita Romani suis armis, non aliter quā Græci longis peregrinationibus, effecerunt, ut pleræque orbis gentes fuerint cognitæ: quibus ab utrisque, præter patriā cuiusque
- 20 gentis, noua etiam nomina sunt imposita, quæ scriptis consignata, diutissimē remanserunt. Sicuti modō Cæsaris opera, ex fluminum decursu, tres in partes Galliā diuidi intellectum. Rheno & Sequana Belgæ continebantur: qui inde ad Garumnam interiacerent, Celtæ dicebantur: conuersi ad montes Pyrenæos, Aquitani fuere. Verū ut coeptum communis belli & ciuilis cursum paucis, sicut cætera omnia, complectamur: Iulia Cæsaris filia, Pompeio nupta, fœderis illius uinculum, ut mortua est, soluta affinitate, quasi omni amicitia, suspectę Pompeio Cæsaris opes, diuersa ex parte Cæsari Pompeiana dignitas atque potentia grauis: ferre ille parem, hic superiorem non poterat: ut iam hostilibus animis de summa imperij obtinenda acerbissimē inter duos supremos Imperatores, quorum multiplicibus rebus gestis auctum fuerat imperium, decertaretur. Itaque Consulatus repulsa incensus Cæsar, uiribus rem aggredi conatur. Verū salutare fuit consilium, ut uterque arma deponeret. Nihil cunctatus Cæsar, posteaquam in se, tanquam in hostem, decretum intellexit, cum uictore è Gallijs exercitu Italiā ingressus, traiecto, perinde ac iacta alea, Rubiconē, quod armato cuiquam, nisi communi patriæ hosti, non licebat, Pompeium cōsequitur: inde reuersus, urbem defensoribus uacuam inuenit, Consulem se fecit, ærarium effregit, honores ac dignitates assumpsit, et prouincias distribuit. Pompeiū longius persequutu-

*Cæsar apud
Parthos in-
teremptus.
Bellum Galli-
cum.*

*In Britannias
nauigatio.*

*Gallia Roma-
norum prouin-
cia.*

Gallię diuisio.

*Bellum ciuile
Pompeianum.*

*Cæsar Roman
capit.*

Apud Pharsalia
confluctus.

Pharnaces.

Africane reli-
quia.

Cato Vitiensis.

Sextus Pom-
peium clapsus.

Perpetue Di-
ctature pri-
mordia.

Julius Caesar
interemptus.

in uersis.

Successores
Caesaris.

sequuturo Malsilia, clausis portis, se obiecit. In Hispanias pro-
gressus, eandem uictor ad Ilerdam cōposuit. Pōst in Thessaliam
totius belli robur translatum: & apud Pharsaliam ingentibus
acerbissimè dimicatum. Acie uictus Pompeius, nihil hostile ar-
bitratus, in Aegyptum profugiens, Ptolemæi regis iussu indig-
nè est interemptus. Venit eodem Cæsar, ac Ptolemæo supera-
to, Cleopatrarè regnum tradidit. Conuersus inde in Asiam, Phar-
nacem celeriter oppressit. Romā profectus, tertio se Consulem
fecit. Pōst in Africam, ad belli reliquias cōficiendas, traiecit. Hic
cum Iuba, rege Mauritanie, Cato & Scipio bellum reparabant.
Idem Scipio seipsum interemit: similiter & Cato, Vitiæ sese con-
tinens, ac hostis aspectum refugiens, Platonis libro, qui est de
Animo, confirmatus, uiolentas manus in sese conuertit, Viti-
censis inde appellatus. Cæsar postremò in Hispaniā reuersus, Sext.
Pompeium superioris filium consequutus, apud Mundam, in
maximo uitæ discrimine, ut à sese interimendo propè non absti-
nerit, Pompeianos, Sexto fuga in Celtiberiam elapso, deuicit.
Atque hic fuit tanti belli exitus, quod ferè uniuersum terrarum
orbem exagitauit. Tot rebus gestis Romam reuersus, tentatam
à Sylla Dictaturam cum inualisset, perpetuam sibi ascripsit. Pon-
tificiam & Tribunitiam potestatem ad se conuertit. Repudiato
nomine regio, quod Romanis memoria tenētibus uetus sacra-
mentum erat odiosum, Imperatorem, quasi exercitus ducem, se
appellari uoluit. Inde principatus unius, post hominum memo-
riam maximus, initium habuit: ut non unius populi, sed generis
humani res, iam à Punicis bellis gestæ, Romanis coniungantur,
& simul explicentur. Cæsar itaque ad ordinandam Rempubli-
cam conuersus, multis institutis eandē exornauit. Soligenis ope-
ra annum ad Solis cursum emendauit: atque præclara Clemen-
tiæ documenta dedit ijs, qui suis conatibus fuerant aduersati.
Pōst excitata graui inuidia, cum honores, qui antea populo de-
ferebantur, pro arbitratu distribueret, cumq; uenienti Senatui
non assurgeret, odiosus factus, Bruti & Calsij orta cōiuratione,
tribus & uiginti uulneribus, dum iura in Senatu redderet, accep-
tis, triennio administrata Dictatura, interiit. Ac nec hoc facto,
licet reddita ciuitati libertas, & Dictaturæ honor in perpetuum
sublatus uideretur, perinde ac exactis regibus, ciuilia bella con-
quieuerunt. Occupato nanque à perculsioribus Capitolio, de-
creta M. Tullij singulari Prudentia, omni præteritarum iniuria
rum obliuione, reuocantur. Sed adoptatus Octauius, admodum
adolescens, nominis etiam hæres relictus, atque M. Antonius,
Cæsar

- Cæſaris quondam collega, mox potētix æmulus, ac conſequen-
tium temporum perturbator: qui cum à Senatu hoſtis eſſet iudi-
catus, aduerſum eundem miſſus Octavius: à quo uictus Anto-
nius, M. Lepidi opera conciliatur: qui amicitia coniuncta, atque
distributis inter ſe prouincijs, in hoc conuenerunt, ut oppreſſa
Repubblica, & Syllana proſcriptione reuocata, communibus ui-
ribus Cæſaris percuſſores, & ſuos quique inimicòs aggrederen-
tur. Sublatus Antonij improbitate per Popilium M. Tullius, ac
præciſum illius caput, cum utraque manu, in roſtris poſitum.
- 10 Atrocia inde multa in maximos quoſq; uiros commiſſa, & per
Italiam atque Prouincias exilia conſequuta. Brutus & Caſſius
percuſſores, multis prælijs debilitati, tandem fracti ſunt, & con-
cidere. Vt ceſſit Triumuiratu Lepidus, hi duo imperium diuiſe
runt: occidentem habuit Octavius, orientem Antonius. Inte-
rim Sext. Pompeius, paterna repetiturus, nauali certamine eſt
oppreſſus. Clade Parthica accepta, cum euaiſſet Antonius, Cle-
opatrx amoribus & delicijs totus implicatur: qui cum Octa-
uium Cæſaris ſucceſſorem moleſtè ferret, diſſenſione exorta, &
collecto utrinque exercitu, eidem ſe oppoſuit. Itaque commiſſo
- 20 ad Actium promontorium graui certamine, uno die, uter eſſet,
& de ſumma totius imperij, fuit pugnatum. Antonio ſuperior
factus Octavius, eundem Alexandriam, unà cum Cleopatra ſu-
gientem, eſt inſequutus. Antonius ſpe omni deiectus, cum ſe
obſeſſum uideret, mortem ſibi conſciuit. Triumphum metuens
Cleopatra, uoluntariam mortem antepoſuit. Egyptus regio-
num omnium magnitudine opum diſiſſima, ſoli ubertate, at-
que cœli temperie commendata, negociationum ex Arabia,
Aethiopia, & Indis opportunitate frequens, Romanorū fit pro-
uincia, ac Cornelio Gallo adminiſtranda traditur. His rebus ge-
- 30 ſtis confirmatus Octavius, cum uictore exercitu Romam ingre-
ditur: ac bellis ciuilibus, quæ imperium altero & trigefimo an-
no diſſipauerant, finem eiufmodi imponit. Itaq; rebus animum
adijciens, cum multas gentes nondum imperio ſubditas circun-
ſpiceret, in quatuor orbis terrarum partes arma trãſtulit. Nam
Ventidium aduerſus Parthos miſit, qui Pacorum regē cum to-
tis copijs deleuit. Ultra Danubium, in ſeptentriones, cum lon-
gè diſſitis gentibus, nulla locorum aſperitate, aut flum inum in-
teruentu prohibiti Legati, feliciter dimicarunt. Ac Drufus uici-
nas Moſe gentes, Rheno, & Albi, eſt adortus: cui ſuccedēs Va-
rus, ob ſuperbiam odioſus, à Germanis, duce Arminio, deletis
40 legionibus, opprimitur. Ad meridiem Getuli cum alijs popu-
lis, ad ortum Armenij latè compreſſi. Ipſe in occidentem pro-

Triumuiratus.

M. Tullius oc-
ciſus.Percuſſores
caſi.Bellum graue
ad Actium.Antonius ex
Cleopatra me-
riuitur.
Egyptus pro-
uincia.Bellorum ciui-
lium exitus.
Imperij unius
adminiſtratio.
Bella in omnē
orbis partem.

Hispania Ro-
manorum pro-
uincia.

Pax uniuersa-
li.

Augusti appel-
lato.

Prudēs rerum
Augusti guber-
natio.

Clementia.

Structura.

fectus, pugnaces Hispanorum gentes, Cantabros, Astures, Lu-
sitanos compescuit: quæ iam à Scipionum temporibus ducen-
tos per annos fortissimè restiterant. Hispania inde prouincia
facta, Prætoribus administranda traditur. Itaque Romanorum
consuetudine Latinam linguam didicit, & constanter retinuit.
Tot rebus magno successu gestis, humani generis consensu, or-
bis totus, quaqua uersum patet aditus, conqueiuit. Sarmatæ,
Scythæ, Parthi, relatis Craſsi & Antonij signis, orientis popu-
li Seres, atque nunquam antea uisi à Romanis Indi, rerum ma-
gnitudinem circūspicientes, Legatos cum muneribus de amī-
citiis Romam, imperata facturi, miserūt. Iani porta tertio à Nu-
ma & primo bello Punico clausa. Cum uerò de honesta Octa-
uij appellatione consultaretur, alijs Romulum, alijs patrem pa-
triæ, alijs Dictatorem perpetuum nominandum esse suadenti-
bus, factum, ut ex Munatij Planci sententia, ob auspiciatum &
felicem in rebus gerendis successum, Augusti nomen retine-
rit: Cæsaris etiam, testamento maioris auunculi, atque Impera-
toris: quæ eadem nomina consequentes longissimis progres-
sionibus conseruarunt. Itaque rerum administrationem susci-
piens, recēti Iulij interitu admonitus, nullum uiolentum simul
& diuturnum esse, in has temporū perturbationes sitam Rem-
pub. prudentissimè constituit. Bella non nisi irritatus, coactus,
& iustis de causis suscepit. Populum ac Senatū sua obire mu-
nera passus est. Igitur Prætor è populo, Proconsul è Senatu eli-
gebatur. Ipse Præsidentem ac Legatum mittebat. Prouincias, ne
qua usquam irruptio fieret, Prætorio exercitu, ac legionibus;
idoneis in locis dispositis, optimè cōmuniuit, & ad repentinas
incurſiones paratas habuit. Maxima usus est in eos, qui aduer-
sus illum conspirarunt, clementia. Sic ferocibus ciuili ferro de
medio sublatis, cæteri superiorū temporū memoria relicta, 3^a
publicis muneribus obeundis potius, quàm periculosis in re-
bus mouendis, occupantur, & conqueſcunt: ut pax diuturna,
quod antea nunquam, neque consequentibus temporibus au-
ditum, sit consequuta. Vnus principum omnium structuris, lu-
dis, totoq; principis apparatu, magnificus extitit, ut ex latericia
urbem marmoream reddiderit. Multitudinis tenendæ artibus
peritissimus. Nam muneribus plebem, donis militem, & hono-
ribus procures in officio obsequentes habuit: quibus ipsam ra-
tionibus principatum longo tempore summa libertate usum
firmauit. Roma amplum quoddam totius orbis terrarum do-
micilium facta, & perinde ac cōmunis quædam patria: in quam
eandem, quicquid esset usquam opulentia, comportaretur.

Quietis

- Quietis omnibus populis, tuta & libera fuit in omnes regio- Liberæ peregrinationes.
 nes peregrinatio: ut sit omnium laudandarum artium summa
 celebritas cōsequuta, magnis ingenijs, & ad literas tractandas,
 & ad artificiosa opera relinquenda, laudabiliter occupatis. Iu- Iudeorum statu.
 dæorum status uarius, cum Antipatrum Idumæum C. Cæsar
 antea illis præfecisset: quo per insidias sublato, filius Herodes,
 necem patris uindicaturus, Octauij atque Antonij auspicijs,
 primus rex externus Iudæorum regnum administrauit. Eius- Christi natalis.
 dem Herodis regni anno xxx, & imperij Augusti xlii, salu-
 10 tis humanæ instaurator Christus nascitur. Itaque coæptus à
 Julio Romanorum unius dominatus, singulari Augusti in re-
 bus administradis uirtute, omnium principatuum diutissimè
 permanfit, licet consequentibus temporibus per uarios Impe- Augusti mori.
 ratores uariè fuerit iactatus atque dissipatus. Moriens Augu-
 stus, cum sex & quinquaginta annos imperiū felici rerum suc- Tiberium.
 cessu tenuisset, ingentem pecuniam populo legauit: ac Tiberio
 dissimili successori, Liuiæ uxoris opera ascito, ut qui esset eius-
 dem Augusti priuignus, grandem reliquit. Hic factus Impera-
 20 tor, cum naturali propensione sæuus esset, aliquādiu ingenium
 dissimulauit, matrem reueritus: ut diuturnitate atque Pruden-
 tia confirmatum Augusti imperium retinuerit, luxui multum
 deditus, ut ab excurrentis prouincijs orientis & septentrionis
 gentes nō cohibuerit: post Caligulæ insidijs est oppressus. Fuit
 hæc consequentium Imperatorum perpetua occupatio, cum Imperij occupa-
tio.
 amissa sæpius repetere, & populos qui defecerant, ad officium
 reuocare oportuerit. Cuius Tiberij imperio, lautitiarum ma- Apitius.
 gnus autor Apitius, post ingentes factos sumptus, grandære
 alieno cōflato, uenenum hausit. Succedens inde Caligula, reli- C. Caligula.
 ctas à Tiberio magnas opes, uixdum anno uertente, totas con-
 30 sumpsit, maximè incontinens, atque sæuius, ut Pop. Romanum
 unius esse ceruicis optarit, quo eandem uno ictu præcidere
 posset: ipse, facta suorum conspiratione, de medio est sublatus.
 Nec utrique degener Claudius Cæsar, Lugduni natus, conse- Tib. Claudius.
 quitur: qui ut luxui & sæuitiæ succcessit, ita suorum insidijs sum-
 mouetur. Sed priuignus adoptatus, inauditæ atque inusitatæ
 tyrannidis Domitius Nero, qui principio bonus Imperator, Domit. Nero.
 post nefarias manus à matre, coniuge, & præceptore minimè
 abstinuit: quicquid maximo urbis incendio, ad similitudinem ar-
 40 dentis Troiæ, præclaris rerum monumentis consumptis, uehe-
 menter est oblectatus, & in scenam publicè prodijt: ut mirum
 non fuerit, in tanta rerum securitate prouincias ab eo defecisse,
 & à sese necando, alterius ope adiutum, non abhorruisse. Hære

Galba. ditaria eiusmodi uitia in Galbam, Othonem, & Vitellium, qui
 Otbo. non ita multum in imperio fuere, sunt translata, & exitus mori-
 Vitellius. bus consimiles sequuti. Alius iam Reipublicæ status, his impe-
 Quid Reipub. rantibus: arbitrato nanque Principis omnia fiebant, læua iussa,
 status. continuæ accusationes, fallaces amicitie, pernicies innocentum,
 cædes, exilia, proscriptiones bonorum, non ita magna Senatus
 autoritas: cum honores non uirtute, aut aliqua excellēte doctri-
 narum commendatione, sed corruptionibus, alijsq; malis arti-
 bus obtinerētur. Principatum diuturnum non quidem horum
 uita, sed superiorum temporum belli ciuilis retenta adhuc me- 10
 moria faciebat. Sed erāt maximo adiumento ad stabilitatē & fir-
 mamentum totius Principatus, malis eiusmodi boni Imperato-
 res interiecti, qui summa Prudentia, magnisq; contentionibus,
 ne dissiparetur aut collaberetur imperium, maturē & opportu-
 nē prouidebant: ut hoc quasi conuenienti temperamento, cur-
 sus rerum diuturnior fuerit. Igitur has tam graues, breui tempo-
 re allatas; totius imperij calamitates, melioribus institutis, et ma-
 gnis studijs reparare tentauit, ex Flauia gente profectus Vespasi-
 anus: qui adiuncto Tito filio, res prudenter administrauit. Iudæa
 Titus. iam ab Herodis temporibus ad Agrippam deuenerat, cum 20
 Hierosolymæ expugnatio. expugnata est à Tito Hierosolyma. Quo tempore summus fuit
 ex omni Iudæa ad publicam celebritatem concursus, ut ita con-
 clusam gentē grauissimē oppresserit. Nam in ea expugnatione,
 præter eos quos dura fames absumpsit, multa hominum millia
 cæsa atq; capta. Reliqui inde Iudæi per orbem terrarum, in per-
 petua seruitutis cōditione, disiecti atque dissipati, Principatum
 Domitianus. deinceps non habuerunt. Titi frater Domitianus, eorum qui
 præcesserant, uitam imitari uolens, cædibus multum est delecta-
 tus: ut & ipse, facta suorum coniuratione, oppressus fuerit. Inte-
 ger nomine clementiæ Cocceius Nerua, atque singularis probi- 30
 Coc. Nerua. tatis exemplar, per adoptionem susceptus, & Plutarchi nobilis
 Vlp. Traianus. Philosophi institutione cōfirmatus, Vlpus Traianus, ex Hispa-
 nia primus externus princeps, qui restituto Decēbalo, Daciam
 prouinciā fecit, atque orientis & meridiei gentes compressit.
 Idem summum imperij decus præclaris, & his ciuilibus institu-
 tis auxit atque exornauit, ut reuocata ab eo Augusti tempora ui-
 derentur. Similiter gnarus, qualem successorem tanti principa-
 tus esse oporteret, per adoptionem Aelium Adrianum publicæ
 Ael. Adrianus. tranquillitatis studiosum asciuit. Hic militaria instituta restituit,
 & literas elegantiores uariē est amplexus. Quo eodē successio- 40
 Antoninus Pius. nis iure, morum ac uitę integritate commendatus princeps An-
 toninus, Pius cognomēto, Nemausi Gallię oppido natus, ab eo
 deligi-

- deligitur: qui præter alias summas uirtutes, ob id laudatur, quod maximum in seruandis ciuibus studiū adhibuerit, & res in maxima tranquillitate populis conuiuiescentibus, per tres & uiginti annos administrarit. Inde etiam adoptatus M. Antonius, à doctrina Philosophus appellatus: qui L. Verū fratrem, administrationis rerum magnitudinem circūspiciēs, primus Imperatorum, collegam eiusdem potentiae sibi adiunxit: ita ab ipsius imperij dignitas plurimum est honestata. Eodem Marco orientis atq; septentrionis bellis occupato, ac in Pannonijs mor-
- 10 tuo, longè patri dissimilis successor, Commodus filius, delicijs, libidine, ac uarijs cædibus, Neronis & Caligulae exēpla sequutus, grauis fuit. Idem Martiae opera, dato ueneno, sublatus. Humili loco accersitus Aelius Pertinax, auaritiæ uitio notatus, breui imperiū suum, coorta factione, finiuit. Iam & Didius Iulianus, populo atque exercitui odiosus, malè parti imperij pœnas sustinuit, ut à Septimio Seuero fuerit interemptus. Erat idē Iulianus Iuris ciuili peritus, qua doctrina ad imperiū tum patebat aditus. Septimius autē factus Imperator, Albinum imperium affectantem summouit. Cuius filius Antonius Bassianus, à ueste Gallica Caracalla dictus, maximo fratris Getæ odio & cæde notatur, ipse à suis interimitur. Perpetuum enim illud, ut in quo uitij genere quis deliquerit, in eo ipso maxime pœnas dare soleat. Post hunc Opilius Macrinus, scientia ciuili imbutus, malis artibus imperium est consequutus. Sed impotentis omnium libidinis Varius Heliogabalus, tantum ex eo suum odium excitauit, ut nomen illius abolere Romani tentarint. Rebus autem imperij ad pristinam dignitatem reuocandis, summo studio, & Iuris ciuili disciplinae conseruandæ nomine, atq; beneuolentia in præstantes uiros, singulari etiam uitæ integritate cōmendatus Alexander Seuerus, ex Mammea præclaram operam nauauit: post suorū insidijs opprimitur. Iam uerò (ut sunt mortalium omnia suis conuersionibus exposita, & nihil in terris magnopere est diuturnum) ab ea potentia imperiū multum inclinauit, diuersis, & ipsius externis hominibus, loco humili & obscuro natis, hoc munus quibuscunque artibus appetentibus. Nam Iulius Maximinus, à corporis magnitudine ita dictus, è pastore Thraciæ miles, inde dux, post exercitus beneuolentia, nullo Senatus decreto, Imperator cum filio asciscitur. Sed huic Puppianum & Balbinū Imperatores Senatus opposuit.
- 40 Post istis, adiuncto filio, in Italiam uenit, & à militibus est sublatus. Dissidentibus autem Puppiano & Balbino, illis interfectis, Gordiano admodum adolefcenti imperium est delatum. Hic rebus

M. Antonius
cum L. Veto.

Commodus;

Pertinax.

Iulianus.

Seuerus.

Ant. Bassianus.

Macrinus.

Heliogabalus.

Alex. Seuerus.

Iul. Maximinus.

Gordianus.

Philippus. rebus in Perside confectis, à Philippo præfecto insidijs est circumuentus: ipsæ militum opera Imperator creatur, quem Christianam religionem amplectum tradunt. Huius tertio imperij anno, millesimus à condita urbe Roma completur. Memoriam admonitu facta tota urbe celebritas, Iudi, ac certamina populo exhibita. Eodem simul & Philippo filio interempto, sequutus

Decius cum filio. Decius, septentrionis gentem Gotthos, sese suis remouentem sedibus, & agros, quos inhabitaret, à Romanis petentem, primum adiuncto filio, minus felici successu est aggressus. Getas eam gentem fuisse creditum, Pyrrho atque Alexandro Magno olim formidabilem: quæ ab his primordijs, continētibus incursionibus, alijs populis cōiunctis, effecit, ut imperij Romani maxima pars in præceps collaberetur. Inde Vibius Gallus, & Vo-

Gallus & Volusianus. lusianus, Scytharū, imperij dignitate imminuta, tributarij fuer-

Aemilianus. Trium mensium Imperator Aemilianus, Gotthos profligauit: quo occiso, Licinius Valerianus calamitoso euentu imperium tenuit. Nam dimicās, à Sapore Persarū rege in durissima

Gallienus filius. seruitute est habitus. Valeriani filius Gallienus, licet studijs literarum cōmendaretur, uoluptatib. tamen et delicijs, maximo rerum incommodo, hostes à populandis prouincijs non pro-

Claudius. hibuit. Flauius Claudius, rebus imperij cōstituendis, salutare manus erat allaturus, si diutius illū uiuere contigisset. Idem longius sese effundentes per Græciam Gotthos cohibuit, & Aegyptum recepit. Transituros in Italiā Alemannos, superiora Germaniæ loca tenentes, continuit, aliquot millibus ad lacum Be-

Quintilius. nacum fufis. Quintilius à Senatu defectus, redeunti Aureliano protinus celsit: uoluntariam mortem, incisa uena, præferens.

Aurelianus. Aurelianus Francos, inferiora Germaniæ occupantes, ad Moguntium fudit: Gotthos receptis animis (perpetuum fuit cum hac gente negotium) continuū. Zenobia prudens fœmina, erudita, & armis assueta, Odenati uxor, cōmendatur: quo mortuo, Oriētis imperium inuasura, ab Aureliano capitur, atq; in triumphum producit. Sed eo sublato, ex interregno, militibus ac Senatu Imperatoris eligendi potestatem ultro citroq;

Tacitus. referentibus, uir integer, publico omnium consensu, Tacitus

Florianus. a seiscitur breui deinde à militib. interimitur. Cuius frater Florianus aduenienti Probo (conueniens moribus nomen) protinus concessit: humili fuit è Dalmatia loco, Sarmatas atque Ger-

Probus. manos composuit, pacis & belli artibus commendatus. Hunc

Carus, cū suis. sequutus est Carus, qui Numerianum & Carinum filios in administratione sibi adiunxit. Carinum sustulit Diocletianus, sæ-

Diocletianus. uus in Christianos. Hic administrationis difficultatem considerans,

- derans, Maximianum collegam habuit: uterque deinde successores sibi delegit, ille Galerium, hic Constantium: distributa quibusque munera, & gentes, aduersus quas dimicarent. Post Diocletianus & Maximianus, Nicomedie ille, hic Mediolani imperio sese abdicauit. Maximianum postea conantem se restitueri, Malsilie Constantius interim curauit: quo mortuo, solus relictus Galerius, rerum magnitudine prægrauante, Seuerum, & iuniorem Maximinū sibi adiūxit: illi Italia, huic oriens & Africa administranda traditur, ipse Illyrios tenuit. Maxentius à factiosis euectus, deposito Seuero, imperium occupauit: Post ascitus Licinius, literarum rudis, ac proinde eisdem maximo odio prosequutus, ut uirus, & publicam pestem esse diceret. Idem cum aduersus Christianos grauius sciret, à Constantino prioris Constantij filio, cui res gestæ Magni nomen dederet, celeriter summouetur. Gotthos illius uirtuti cedentes, pacis conditionibus tenuit. Maxentio deturbato, Italiam ac Romanam restituit. Eundem militi ueterano distributis agris, ut iure successione ad posteros transferri possent, sanxisse primum commemorant. Byzantium, claram Thracie urbem, quod ca mediu[m] quasi terrarum esset, ad coercendas facilius orientis gentes, sedem imperij constituit: qui cum nouam Romam appellandam cœuisset, de suo nomine Constantini urbis appellatorem deinceps seruauit. Facta Romæ æmula, magnis & multis structuris loci opportunitate creuit. Constantinus primus Romanorum principum, repudiatis erroribus, maiestatem Dei singularis ac ueri, ex sanctissima Christi doctrina, præclaris institutis asseruit. Tres huius filij, totidem in partes imperium diuisere: Gallias, Germanias, Hispanias, & Britanniam, eiusdem nominis Constantinus II: Illyrios, Græciam, atque Italiam Constantius orientem & Thraciam, Constantius sortitur. Res successissent, nisi facili inter fratres discordia, imperiū attritis uiribus, externarum gentium excursioni paruisset. Itaque acerbissimis bellis inter se commissis, & Magnentio, quod fratrem Constantem interemisset, difficili certamine superato, Constantius rerum summa potitur. Quem est nullo aduersante sequutus Iulianus, fusis ad Argentoratum xxx Alemannorum millibus. Grauis postea effectus Christianæ religionis desertor atque oppugnator, à sanguinis tamē effusione illū abstinuisse scribitur. Perfas aggressus, calamitoso exitu interijt. Milites nominis affinitate Iouianum, hominē doctum, Imperatorem fecere: qui cum Persis necessario magis, quàm honestè transiegit, nonnulla Romani imperij parte tradita, Valentinianus à militibus euectus,

Galerius.

Licinius.

Constantinus Magnus.

Imperium in orientem translatus.

Constantinus Christi doctrinam amplexus.

Constantinus Constantius. Constantius.

Iulianus.

Iouianus.

Valentinianus cum fratre.

Valentem fratrem collegam habuit, & Procopium imperium affectantem prohibuit. Gotthi Thraciam excessere, Parthi è Syria depulsi. Mortuo fratre, Valens Arrianorum partes sequutus, Scythas atque Gotthos temerè aggressus, incensa domo in

Gratianus. Gratianus Valentiniani filius accersitus, literarū studijs
Theodosius. est delectatus: rerum administrationi Theodosium ex Hispanijs,

Arcadius cum Honorio:
Honorius cum Theodosio iunior.

optimum principem, socium sibi adiunxit, multis in Gotthos præclare gestis, & tyrannis magno successu deturbatis, nobilitatum, ut priscae maiestatis imperij decus restitutum putaretur. Christianam hic religionē multum iuuit. Sed non multo post illius decessum, uarijs interuenientibus rebus, labefactum imperium propè concidit. Nam filij, Honorius atque Arcadius, quos imperij successores reliquerat, à suis tutoribus, priuatum commodum publico anteponentibus, uariè fuerunt circumducti. Post ut ad Honorium omnis rerum administratio peruenit, Stilico Vandalus, rei militaris peritissimus, Radagastum regem Gotthorum, in Italiam cum numerosis copijs primum ingressum, strauit. Gotthi re collectis tandem uiribus, & reparatis copijs, postremò rege Alarico, certamine commissò,

Roma capitur à Gotthis.

superiores facti, atq; Romam còuersi, eandem graui obsidione cinxerunt. Honorius Rauennæ desidēs, opem ferre nullam poterat. Stilico, quòd eisdē minus fideliter iuuisse diceretur, perfidia cognita, tandem cum filio interemptus. Vrbs itaque tot rebus omnium temporū memoria gestis potens & ampla, cum difficilis esset oppugnatio, memorabili astu, regressum simulantibus Alaricis, capitur, & horū arbitrio magna ignominia subiicitur: à cæde tamen eorum qui ad tēpla profugissent, abstinent. Mortuo Alarico, huius collega Adulphus, rex factus, ducta in uxorem Placidia Honorij sorore, conciliatur. Idem sub lato nomine Romano, urbē Gotthiam appellare instituerat: sed barbariem suorum circumspecti, instaurationi Romani nominis potius incumbendum censuit. Peragratis Gallijs, in Hispania Gotthi iam cōsedere: inde ex mixtis Alanis, Cathalanis seruatum nomen. Sic Romanis tantis calamitatibus, quantas nulla habuit ætas, uehementer oppressis, pleræque gentes septentrionis, quæ suis locis sese remouerant, stabiles sedes collocarunt. Itaque propè iisdem temporibus è Germanijs cum magnis copijs progressi Burgundiones, priscorum Sequanorum atque Heduorum fertiles agros ad Rhenum usq; possederant: quos à Burgis castellis uariè dispersis, ita appellatos tradunt.

Cathalanis Hispanie.

Emigrationes diuersorum populorum.

Burgundi.

Franci.

Franci, pars altera Germaniæ, suos prægrauante hominū multitudine deonerare uolentes, Gallici soli ubertate adducti, rege Fara-

- Faramundo (Marcomiri fuit is filius) Rheno flumine traic-
cto, longius inde ad Sequanam fluuium, quò loco est Parisio-
rum ager, constitere: & principatu aucti, latè per Gallias, colla-
bentibus ita Romanorum uiribus, regnarunt. Similiter An-
glosaxones, Hengisto & Horsone fratre ducibus, collecta iu-
uenum manu, Oceanum ingressi, & ad littus Britannicum de-
lati, sedes in Cantio habuerut primùm: ac pòst rerum successu,
magnis artibus principatum stabilierunt. Britannorū quidam
suis pulsi sedibus, in aduersum Gallie litus, ad Armoricas ciui-
tates commigrarunt, ut priscorum inde linguam atque mores
etiamnum retinuisse uideatur. Romanis igitur à Transalpinis
diuulsis, totoq; septentrione, imperium maxima ex parte labe-
factari coepit: ut ita multi principatus diuersis in locis amplitu-
dine, opibus, atque non mediocri potentia creuerint. Factum
enim illud non sine singulari admiratione legimus, ut quas gen-
tes infestis armis tot annos Romani affligerat, eadem receptis
animis, & commutatis temporum momentis, eorum reliquias
grauius exagitauerint: & tandē à Cisalpinis, uiribus auctis, ad
necessariam sui tuitionem postulare auxilia fuerint coacti. Intè
rim ab Honorij decessu, Arcadij filius Theodosius iunior, qui
Persarum regi in tutelam fuerat traditus, imperium consequi-
tur, Eudociam eruditam focminam uxorem habuit. Valenti-
nianus inde tertius Italiam recepit. Gensericus rex Vandalorū,
capta urbe Roma, à cæde & igne abstinuit quidē, sed mul-
tam opulentia in Africam transtulit. Hunni etiam, gens septen-
trionis, Attila duce, qui terror gentium dicebatur, Pannonias
latè populati sunt: inde Hungarorum nomen profectum. Itaq;
ad confluentes Tibiscum in Danubium, etiam hodiè ualli amplis-
simi uestigia apparent, ex quo tam multas excursiones fecisse
creditur. Peragratis Germanijs, urbes ad Rhenū sunt direptæ.
Vltrà progrellum eundem Attilam, Etius Romanorum dux,
bellicis artibus clarus, in campis Catalaunicis, & concursu ad
Tholosam factò, graui atque acerbo certamine fractum, abire
coegit, ipse à Maximo Valentiniani iussu interemptus. Attila
recollectis iterum copijs, Italiam ingressus, totam uehementer
conterruit. Veneti in æstuaria sinus Adriani profugientes, in
medijs fluctibus, ad locum etiamnum percelebrem, qui Riual-
tus nuncupatur, futuræ urbis amplissimæ primordia deduxe-
runt. Hæc suis institutis ac legibus firmata, ex nauigationū op-
portunitate, rerum copia atque potentia multum creuit. Ad-
uenientem Attilam Leo Pōtifex precibus uictum, remisit. Ro-
mæ, quæ omnibus uiribus desituebatur, post uarios urbis præfectos,

Anglosaxones.

Britones.

Theodosius iunior, & Valentinianus.

Roma capta à Vandalis.

Attilæ excursiones.

In Gallijs pugnatum.

Attila in Italiam.

Venetæ urbis primordia.

Præfecti Romæ.

Arthurus Bri-
tannia.

Martianus.

Anastasius.

Iustinus.

Iustinianus.

Roma à Got-
this capta.

Gothis pro-
fus deleti.

Langobardi
Insulæ cul-
tores.

Ius civile in-
stitutum.

Sophiæ tem-
plum.

Iustinus iunior

præfectos, qui se Cæsares nominabant, Augustulus tandem succedens, ab Odoacro deturbatur. Itaque occidēte distracto, nulla iam principum Romanorum societate atque auxilijs bel-
la maxima, & multiplices rerum commutationes fiunt. Arthu-
rus Britanniarum princeps, maximis rebus gestis, animi cor-
porisq; uiribus plurimum commēdatur. Hic apud suos splen-
didus, memorabilis mēse rotundæ proceres cōuiuas habuisse
creditur, ne qua esset in sēsione ambitio. In oriente uerò sum-
ma erat imperij: Valentinianum quippe Valerius Martianus
consequitur. Fuit is pacis studiosus, & Tatianum atque Iulium 10
fratres administrationi rerum sibi adiunxit. Primus ex Græcis
Leo imperauit, qui eiusdem nominis Leonem, filia natum, suc-
cessorem reliquit. Byzantium incendio non parua ex parte ab-
sumptum. Leo autem iunior patri Zenoni imperij administra-
tionem concessit. Etiam his temporibus urbem incensam tra-
dunt, CXX librorum millia, maximo generis hominum incom-
modo, perijisse. Post hunc Valerius Anastasius, cuius imperio
Bulgari primum sunt cogniti: ipse fulmine ictus interiit. Humi-
li è Thracia loco Iustinus, melius quàm sperabatur, res tenuit:
qui postea Iustinianum sororis filium, successorem habuit. Ita 20
que cum Italia diuturnis populationibus externarū gentium
uastaretur & opprimeretur, ad imperium ascitus Iustinianus,
ueterem dignitatem, superiorum infortunij collapsam, recu-
peraturus, in debellandis Persis, eccellente in armis Bellisarij
uirtute usus est: qui deinde Gothos, Totila rege, ab capta, in-
censa, atque iterum instaurata urbe Roma, uario successu repu-
lit, & ex Africa Vandalos profligauit. Post ad eundē Totilam
prorsus conficiendum, alter Iustiniani dux Narses, Langobar-
torū copijs instructus, mittitur: quorū armis Totila, ac Teius,
qui huic successerat, ita sunt oppressi, ut deinceps sublatum fue- 30
rit ex omni Italia Gotthicum nomen. Grauis fuit huius gentis
excursio, siue diuturnitate, siue periculo, & maximis totius or-
bis terrarum infortunij æstimare oporteat. Confecto itaque
bello Gotthico, fertilissimus Insulæ ager Langobardis ad in-
colendum datus: qui ejdem uiribus atque opibus breui creue-
re, ut Italiæ totius dominatum quæsierint. Iustinianus fuis un-
diq; tot populis, omnes terras excurrentibus, latè uictor, ad
stabilendum imperij munus, doctrinam Iuris ciuilis, tempo-
rum calamitatibus grauiter suppressam, instaurauit, magnifi-
cis structuris delectatus: cuiusmodi fuit Sophiæ templum, 40
quod Constantinopoli hodie est à Turcis occupatum. Alter
Iustinus iunior, sororis Iustiniani filius, sublati tributis, Persas
compo-

- composuit, atque Tiberium secundum per adoptionē sibi con
iunxit. Hic cum Persis feliciter, aduersus Langobartos minus
prosperē conflixit: sed utrunque populum, simul & Scythas, ac
Hunnos, Mauritius compresit: ipse insidijs Phocæ, imperio
atque uita priuatur. Mauritijs temporibus Turcarum nomen
primum auditum commemorant. Dubitatum diu est, quibus
ē locis initio profecti sint. Scythas fuisse, uerisimile habetur,
ex his quæ ueteres meminerunt, cum gentem nominis eiusdem
Tanain atque paludem Mæotida incoluisse tradunt. Itaq; pro-
gressi inde, militaribus populationibus per Armeniā, Cappa-
dociam, ac Pontū excurrere cœperunt. Phocas autē factus Im-
perator, auaritiæ & luxuriæ sese deditit, ac minus feliciter res
administrauit: cum prouincias à Barbarorum excursionibus
non prohiberet, ab Heraclio, facta conspiratione, cum suis in-
terimitur. Idem Heraclius, recepta Aegypto, Syria ac Hieroso-
lyma expugnata, posteaquam Persas, Cosroa eorum rege pro-
fligato, Arabum armis fregisset, solita stipendia cum illis nega-
rentur, Mahumeti ducis noua atque maliciosa, ex diuersis com-
posita religionis doctrina, sese confirmarunt, & stabilierunt: ut
Romanis oppositi, breui in principatum sese asseruerint: & A-
rabiz, Syriæ, Aegypti, atque Persarum uiribus auctiores facti,
totum orbem diuersis temporibus exagitarint. Habuit is Ma-
humetes obsequentem multitudinem, ut eiusmodi artibus, fa-
cta liberē comparādi Principatus uir armorum potestate, nihil
non efficere sit conatus. Agarenum nomen in Saracenum com-
mutauit. Diuulsus ita à Romanis merities, cum magna orien-
tis parte, atque septentrionis, multis pāssim gentibus, domina-
tu comparato, sese in spem Principatus erigentibus, ut propē
imperium corruerit, Nam qui populi ante hæc tempora, ad no-
uas sedes quærendas, emigrationes fecerant, ut quique uiribus
potiores fuere, arma inter se mouere, etiam ipsum imperiū ap-
petere ausi sunt: quorum graues cōtrouersias Romani non, ut
antea, componere, aut opem ferre, aut multiplices illorum co-
natus prohibere poterant. Iam erat Hispaniæ, Galliæ, Germa-
niæ, Britanniæ, Africæ magna per se potentia. Itaque Heraclij
filius Constantinus tertius, Martinæ nouercæ insidijs, dato ue-
neno, interimitur: quo mortuo, ipsa cum filio Heracleone ali-
quandiu res tenuit. Scelere cognito, Senatus utrunque ignomi-
niose repulit. Pōst Constanti delatum est imperium, qui cum
Saracenis & Langobartis infeliciter dimicauit: in Sicilia exa-
ctionum grauitate & crudelitate odiosus factus, suorū insidijs
perijt. Inde filius Constantinus quartus, cui reuerso ē Sicilia,

Tiberius.

Mauritius.

Turce pri-
mum auditi.

Phocas.

Heraclius cum
Constantino fi-
lio.Mahumetis
primordia.

Saraceni.

Romani impe-
rij dissipatio.Constantinus.
Heracleon.

Constant.

Constantinus.

Pogonato, ab enata barba fuit nomen. Hic fortiter repulsis Saracenis, eosdem persolvere tributa coegit: ac Bulgaros gentem Scythicam cum prohibere satis non posset, sedes in Moesia collocare passus est. Iustinianus secundus Constantini filius, seuus, ac foederum immemor, Arabas & Bulgaros imprudenter concitauit: sequitua molestus, Leontij et Callinici facto pulsus, ad Treberium, qui Leontium imperio potitū deiecerat, imperitantem sustulit. Hos sunt in imperio cōsequuti, Philippicus, tantæ ignauix, ut Bulgaros à Thracia non repulerit: Anastasius, qui Arabas tētauit: Theodosius inde tertius, difficultati rerum ciuiliū succumbens, priuatam uitam anteposuit, ac Leoni tertio Iconomacho celsit. Saraceni à diuturna & graui Constātinopolis obsidione, Bulgaris opem ferentibus, dissipantur. Iam Constantinus quintus, Copronymos appellatus, Bulgaris bellum intulit, & Arrabasdum repositū, cum liberis, luminibus priuauit. Leo inde quartus, cuius filius Constātinus sextus, cum Irene matre, integritatis & probitatis nomine commēdata, imperium administrauit. Dissipata ad hanc rationem imperij potentia, grauius afflicto occidenti, oriens ferre opem nullam poterat. Langobartis totius Italiæ dominatu potituris. Itaque cum Cīsalpinorum uires iam multum rerum magnitudine creuissent, ab ijsdē Pontifices auxilia euocarunt. Regnabat tum apud Francos & Germanos Pipinus, Caroli Martelli (à comprimēdis hostibus hoc nomen habuit) filius, qui Langobartos pacē facere coegit. Idem & regnum stabiliuit. Cuius deinde filius Carolus, ex rerum gestarum amplitudine Magni nomen assequutus, compositis dormi rebus, petente Adriano Pontifice, cum ingentibus copijs in Italiam magnis itineribus uenit, ac Desideriū Langobartorum regem, Ticini conclusum, in deditionem accepit: post Insubria præfectis traditur administranda. Rolandus sororis Caroli filius, animi atq; corporis uiribus celebratur, ut rerum gestarum magnitudine & uarietate, fabulis similia pleraque in summa admiratione de eo prodantur. Multa gessit Carolus in Germanijs aduersus Saxonas, in Gallijs aduersus Aquitanos, & in Hispanijs contra Saracenos: præterea septētrionis gentes suis sinibus coercuit. In Italiam secundò profectus, res præclare gessit. Hunnos deinde feliciter adortus, Rhingo expugnato, magnam opulentiam inuenit. Tertiò in Italiam ut est reuersus, compositis rebus, ac Leone Pōtifice reposito, eidem Romani imperij decus, communi consensu & acclamatione, delatum. Quam ad rem confirmandam, Irenem orientis imperium tenentem, etiā nuptijs erat

- ptijs erat sibi adiuncturus: consenserunt tamen orientis proce-
res, & acq̃uierunt. Igitur cum ab Augustulo occidentis impe- Imperium occi-
rium esse desisset, cis Alpes hoc cōstituitur: quo factō, licet mul- dentis cis Al-
ta interuenerint, instaurari tamen pleraque, & inclarescere coe- per.
perunt: ut intermedio Germanijs atq; Gallijs Rheno, latissimē
imperium Carolus tenuerit. Itaque Rempubicam præclaris in- Rerum admi-
stitutis & legibus constituit. Nobilitatem in bellis habuit exer- nistratio.
citatam, & propositis præmijs atque honoribus ad necessaria
tempora expeditā. Ea erat Caroli famæ celebritas, ut principes
10 disjunctissimi legationes de amicitia ad eum certatim mitterēt.
Quocirca fuit illud laudabile, occidētis principes, magno & no- Imperij occi-
bili loco natos, rebus fortiter gestis, & suscepta Christi religio- dentis princi-
ne, uita integrē acta, æ quo atq; moderato in his locis usos fuisse per.
imperio: nec superiorū more, in suos perinde seuijsse: bella pro
communi religionis defensione, magna ex parte gessisse: quan-
do Saracenis, Italiam continenter prementibus, strenuē sese op-
posuerunt, & septentrionis plurimas gentes ad Christi cogni-
tionem adduxerūt. Ita semper hoc imperium à suis primordijs,
ex maximis rerum conuersionibus, potentiam, ac uires amissas
20 & debilitatas recollegit. At orientis statum cum teneret Irene, Orientis statu.
missā à filio in exilium, ciues reuocarunt. Nicephorus illa de- Nicephorus.
pulsā, imperium assequutus, auarē crudeliterq; res administra-
uit. Post Bulgaris impressionem facientibus, cum suis opprimi-
tur: cuius filius Stauratus, à Michael Curoplate summouetur. Stauratum.
Hic domesticis rebus, quā militaribus accommodatior, Bul- Mich. Curo-
garis celsit, & in solitudinem abiit. Leo iam Armenius, compa- plates.
rata de Bulgaris uictoria, in rerum tranquillitate seuius fuit: post Leo Arme-
à Michael Balbo est per insidias circumuentus. Hic Michael, nus.
Leone occiso, Thomam tyrannidem appetentē, cum suis sustu- Mich. Balbus.
lit. Saraceni tum prælijs aliquot superiores, Cretam insulam oc-
30 cuparunt: quibus cum huius filius Theophilus, imperio succe-
dens, minus felseiter dimicauit. Eundem casum Michael, huius Theophilus &
filius, cum matre Theodora passus est, qui adultior eandē con- Michael filius.
clufit: ipse focordia & largitionibus res imprudenter tenuit, ut
post à Basilio Macedone collega sit sublatu: qui idem potitus Basil. Macedo.
imperio, in Creta cum Saracenis dimicauit: ijdē ex Africa pro-
gressi, populata Italiæ parte, etiam per Dalmatiam latissimē ex-
currunt. Itaq; Saraceni continenter belligerātes, uariē dispersos
Turcas hisce temporibus mercenarios habuere, quorum uiri-
40 bus Babytonios atque Indos subegerunt. Inde Asiæ terris & coe-
lo affluti Turcæ, ac Saracenis prælio etiā commissio superio-
res, in spem obtinendi principatus adducti, Persarum principa-
tum

Turca Saraceni coniuñcti. tum affectarunt, ut ex Scythijs & aliam militum manum euocarint: Sic cum uiribus plurimum possent, Saracenis reconciliati, socijs armis coniunctis, nuper introductæ Mahumetanæ religionis instituta, quæ suis conatibus conuenire uidebantur, amplexi sunt, unde etiam Saracenorum nomen illis fuit: atque ita confirmati, ipsædem Saracenis Aegyptum, & magnam Asiæ partem relinquunt: ipsi uersus Europam, nostris dissidētibus, principatum comparare cœperunt, quibus cum frequēter est pugnatum, Basilius Macedo imperiū tribus filijs reliquit. Leo Philosophus cognomento, ex ipsædem superstes, astrorum fuit 10
Leo Philosophus. peritus: à Turcis aduersus Bulgaros auxilium habuit, quibus difficulter restitit: melius cum Saracenis conflixit. Tercius è filijs Basilijs Alexander, à fratre Leone imperiū accepit: qui præfectis rerum administrationi nullo delectu adhibitis, luxu & ignauia diffluere maluit. Constantinus literarum studiosus, ut
Constantinus. Andronicus Duca tyrannidis inuasor est oppressus, Bulgaria grauius prementibus, Romanum Lecapenum interim sibi asciuit. Hic postea imperium cum filio inuasit: quibus sublati, ad
Romanus Lecapenus. Romanum Leonis iuniorem imperium est delatum: qui Saracenos Cretā occupantes, & Turcas per Asiam excurrentes, Ni
Romanus Leo. cephori Phocæ factō, compressit: matrem ac sorores indignè tractauit. Idem Nicephorus Phocas, factus Imperator, cum ipsædem Saracenis uariè in Sicilia dimicauit: & cum per Asiam longius sequeretur, Antiochiam recepit. Domi, auaritiæ & so
Nicephorus Phocas. cordiæ magno odio, à Ioanne Zimisce interimitur: qui imperium adeptus, Basiliū atque Constantinum collegas sibi adiunxit. Rhoxolanos gentem Scythiæ, Bulgariam occupare conantes, capto eorum rege, prohibuit. Hac uictoria nobilitatus, in urbem reuersus, ueneno tollitur. Hoc imperium, continua
to. Zimisce. tis domesticis cædibus, nulla seruata imperij constantia & dignitate, multas in partes ita distrahebatur. Sed in occidēte, Carolo Aquisgrani defuncto, filius Ludouicus, cui ex morum integritate Pionomen, successit, multarum gentium legatos excepit: & pacta cum Græcis foedera, Leone imperium obtinente, firmauit. Huius dein filij tres, de successione solliciti, ut Monguntia decessit, totidem in partes amplissimum imperium diuiserunt. Maximus natu Lotharius, imperij munus, Italiā, Narbonensem Galliam, Lotharingiam, quæ inde nomen habuisse
Lotharius. creditur, obtinuit. Ludouicus populos Germaniæ, ultra Rhenum positos, est sortitus. Carolus Caluus natu minimus, inter
Ludouicus. iectas his terras ad fluuen Mofam, & Galliarum maximā partem administrauit. Suscitata dein inter fratres discordia, gra
Carolus Caluus. uissimè

uissimè & acerbissimè in Gallijs ad Fontanaicum dimicatur. Viribus ita debilitati, pòst reconciliantur. Lotharius priua-

tam uitam egit, Ludouicum filium Imperatorem relinquens: hic Saracenos ab Italia fortiter repulit. Carolus inde Caluus à Ioanne Pontifice creatus est Imperator, cui Germanici filij bello ad Andernacum superiores fuere: is tandem, ueneno dato à Sedechia medico Iudæo, moritur. Iam Pontifex eiusdem Caroli filium Ludouicum Balbum, prima ætate Imperatorem utiq;

Ludouicus.

Carol. Caluus.

Ludouicus Balbus.

Carol. Crassus.

10 lus Crassus Ludouici Germanici filius, in auxilium uenit, atq; Saracenos magna uirtute profligauit: rei bene gestę præmium fuit imperij corona. Idem à Galliarum populatione Nortmannos continuit, antè prælijs cõmissis tentatos. Interea cum non satis in se præsidij esse uideret, sustinendis laboribus minus accommodatus, relicto imperio, Arnolphum fratris filium successorem cõstituit. Morauos est adortus, atque Nortmannos à Rheni ripis prohibuit. Cuius filius Ludouicus, Pannonibus superior, cum in Italiam ijdem facerent irruptionem, Berengarij, ex Langobartis collecto milite, sese obiecerunt, atque Impe-

Arnolphum.

Ludouicus.

20 ratoriam dignitatem quesierunt. Eosdem Pannonas sibi oppositos, Conradus primus latè profligauit, ac pòst Henricum primum Saxonem heredem habuit. Otho huius filius, à Romano secundus, et ex Germanis primus, Berengarijs factus superior, coronam est assequutus. Varijs Germaniæ bellis, & Saracenorum maximè implicatus, quos ex Calabria & Apulia repulit: pòst eiusdem nominis filium Othonem secundum asciauit: qui prælio aduersus Saracenos dilapsus, & à nauis comprehensus, parua pecunia, cum incognitus esset, dimittitur. In oriente uiribus confirmatis, & successu rerum impulsu Turcæ, grauius urge-

Conradus.

Henricus.

Otho.

Otho.

Oriëtis statum.

30 gebant, ut principes, imperij munus tueri difficulter possent. Itaque duo collegæ fratres, Basilus & Constātinus, imperium diutissimè tenuerunt: domesticis aduersarijs prælio commisso superioribus, in Bulgaros profectus est Basilus: quibus superioris, tota ea regio orientis Principatui addita: ut Bulgarorum arma, quæ tot annos infesta fuerant, tandē conqueuerint. Constantinus mortuo fratre relictus successor, ad res tractandas minus fuit idoneus, præfectis omnia administranda committens. Inde Romanus Argyropylus, ducta in uxorem Zoe filia, principio multis præclare institutis confirmatus, Saracenorum ar-

Basilus &

Constantinus.

Bulgaria deuicta.

Romanus Argyropylus.

40 mis succumbens, auaritiæ atque ignauitiæ sese deditit: pòst eiusdem Zoes insidijs est sublatu: cuius adulter Michael Paphlago Barbarus, pactis cum Aegypto rege inducens, aliquandiu

Michael Paphlago.

z res ad-

Michael Calaphates. res administrauit. Zoe in adoptionem Michaellem Calaphatem auarum & crudelem recepit. Missam in exilium eandem ciues reuocarunt, ac ipsum Michaellem priuarunt oculis. Zoes de in, sorore Theodora adiuncta, muliebri administratione contenti fuerunt: post eadem Constantinum Monomachum Imperatorem esse uoluit. Hic seditionibus domesticis exagitatus, luminibus priuatur. Turcae uiribus atque successu confirmati, per Asiam hisce temporibus longè lateque excurrunt. Theodora à Zoe decessu res gessit, adiuncto Michaelle seniore: idem imperium aliquandiu tenuit. Res Isaacij Comneni principatu repa-
Theodora & Michael. rari potuisse uidebantur, nisi ille, Senatu assentiente, populi etiam consensu, Constantino Ducae imperium tradidisset. Hic
Isaacius Comnenus. res domi suscitatas componere est conatus, nec à studijs literarum abhorruit. Cuius uxor Eudocia simul cum filijs succedens,
Constantinus Dux. rebus grauius premētibus, in societatem administrationis Romanum Diogenem maritum sibi adiunxit: qui à Turcis captus,
Eudocia. facta pace, cum muneribus remittitur. Admisso interim Michaelle Constantini Ducae filio, & Pselli discipulo, conante Romanum sese restituere, luminibus priuarunt. Eodem Michaelle ignauia languescente, Nicephorus Botoniates imperium
Nicephorus Botoniates. obtinuit: quo repulso, Alexius Comnenus receptus: qui licet suspectos nostros haberet, plurimum tamen Boamundum Nortmannum est prosequutus: moriens, filium Caloianem reliquit. Atque ita orientis principatus perpetuis & domesticis seditionibus dissipatur: ut alijs repulsis, atque alijs interemptis, ad
Alexius Comnenus. obtinendum imperium pareret aditus. Sed in Germanijs maiore successu rebus progredientibus, Otto tertius Imperator salutatur, qui Brunonem (Gregorius quintus is postea est appellatus) Pontificem creauit: quo depulso, ascitum Ioannem sum-
Occidentis imperium. mouit, ac eundem Gregorium restituit: simul & seditionis autorem Crescentium, affectantem imperium, comprescit. Idem
Otho. Gregorius, ad tollendas in creando Imperatore solitas oriri controuersias, Septemuiratum instituit: tres Antistites, Moguntinum, Agrippinensem, atque Treuirensensem: simul etiam imperij procures, Ducem Boemiae, qui post factus est Rex, Comitē Palatinum, Ducem Saxoniae, & Marchionem Brandeburgum. Eiusdem Orthonis temporibus, Beroldus Saxonicus, fratris filius, bene comitatus Germania excedens, cum Bosonem ad Arrelate regnantem, aduersus finitimos quosque, maxima in armis uirtute iuuisset, ac rebus apud eum honorifice praefuisset, Moriana ualle donatus, Sufios affinitatis iure sibi proximè adiunxit, Successores deinde, Alpibus intermedijs, utrinque Allobrogum

- brogum atque Subalpinarum gentium terras latissimè, rebus uario successu gestis, possederunt: genti uniuersè postea, à tuto montium tranlitu præstito, Sabaudia nomen datum. Itaque electoratus auspicijs & Iussu, Henricus secundus, primus Imperator asciscitur. Boemos hic, ac Vandalos cohibuit, & Saracenos ab Italia deturbauit, Lotharingiam atq; Flandriam recepit, Pannonas Christiana religione imbuuit. Eiusdem iudicio adlectus Conradus secundus, Francici generis, qui Romæ coronam accepit. Idem Sclauos & Pannonas bellis attriuit: Rem-
- 10 publicam legibus latis, quæ habetur, exornauit. Sed Henricus tertius, Niger cognominatus, Boemos tributa pendere coegit, ac eiusdem nominis filium Henricum quartum Aquilgrani corona donari uoluit: hanc urbem caput imperij, controuersijs sedandis, statuens. Post re bellica clarus, Rodolphum Sueuiae ducem, ab aduersarijs Imperatorem factum, graui Germaniae calamitate superauit. Huius imperio Gotfridus Billonus confertissimas copias aduersus Saracenos et Turcas in Palaestinam deduxit: recepta Hierosolyma, hostes latè profligauit. Tanta in armis uirtus illius celebrata, ut Heroũ ordini, qui omnium
- 20 temporum memoria militari laude præstitere, fuerit cooptatus. Hebraei tres, Iosua, Dauid, & Iudas Machabeus: totidem externi, Hector Troianus, Alexander Magnus, & Iulius Caesar: totidem Christum professi, Arthurus Britannus, Carolus Magnus, atque nonum obtinens locum, præclaris horum rebus gestis æquandus Gotfridus. Patre autem mortuo, Henricus quintus imperium assequutus, multis bellis occupatur. In oriente perpetuum cum finitimis Turcis bellũ, aduersus quos dimicauit Caloioãnes, cui successit minor natu filius Emanuel, iniquior Conradi Imperatoris, & Ludouici Francorum regis
- 30 expeditionibus, contra hostes nominis Christiani susceptis. Commotus inde Rogerius Siciliae rex, omnem oram Graeciae & Thraciae latè populatur. Idem Emanuel cum Turcis dimicans, uenit in periculum, ne caperetur: post Alexius filio rerum administrationem reliquit: Andronici Comneni insidijs sublatu, hunc eundem (itanunquam inulta est cedes) Isaacius Angelus inopinantè ignominiose disiecit. Hic factus Imperator, Cyprus recipere tentauit, & Valachos minus prosperè est aggressus. Fridericum inde, Aenobarbũ cognomento, in Syriam contendentẽ, honorificè habuit: quod molestè ferens Alexius
- 40 frater, oculis illum priuauit. Inde Alexius iunior, Isaacij filius: quem imperio potitum, cum homo ignobilis Murziphlus interemisset, sumptu est de illo suppliciu. In eiusmodi continua-

Henricus.

Conradus II.

Henricus III.

Henricus III.

Gotfridi Billoni in Palaestinam expeditio.

Heroes omnium ætatum maximi.

Henricus V.

Oriente status. Caloioannes. Emanuel.

Alexius.

Andronicus Comnenus. Isaacius Angelus.

Alexius.

Alexius iunior.

- tis domesticis cædibus, orientis imperij munus præstanti viro
Baldwinus. Balduino, Flandriæ & Hannoniæ Comiti, x virum suffragijs
 delatum. Hic breui amissa omnia ad Adrianopolim usque rece-
Henricus. pit. Cui proximè succedens Henricus frater, affinitate coniun-
 ctis Valachis, amicitiam ducis eorum confirmavit. Relictū Pe-
Primus Alti- fiodorensis. trum Alti fiodorensis generum, Theodorus Lascaris circum-
Robertus. uenit. Byzantium proficiscitur Robertus filius, qui breui in A-
Baldwinus. chaia morbo interijt. Balduinus huius filius, nondum imperio
 maturus, Io. Brenium adiutorē habuit: is cum foras ad Bospo-
 rum copias educeret, Michael Palæologus interim proditione 10
Occidentis im- perium. urbem recepit, & imperium tenuit. Ita cum annis circiter LX in
Lotharius. oriente à nostris esset imperatum, ad Græcos rerum summa re-
 dijt. In Germania ab Henrici quinti morte, Lotharius secūds
 Saxo factus Imperator, Rogeriū ab Italia repulit. Huius Lotha-
 rij auspicijs instaurata iuris ciuilibs disciplina, magnum diuini-
 dis priuatis & publicis controuersijs adiumentum est allatum:
Conradus. Conradus dein tertius, Bernardi, uiri in sacris literis uersati, hor-
 tatu, socijs armis cum Ludouico Francorum rege coniunctis,
 aduersus Saracenos profectus, Emanuelis & Græcorum mali-
 cia impeditur. Iam uero Fridericus primus Aenobarbus, Ro- 20
 mam cõtendens, repulsis ijs qui obstabant, coronam obtinuit.
 Francorū copijs adiutus, recepta minore Armenia, Soltanum
Henricus VII. in Aegyptum coegit. Cuius filius Henricus sextus, rex Siciliae,
 Philippum fratrem Syriacæ expeditioni præfecit: qui Beryto
 occupato, obsidione Ioppen tenebat, cum exorto tumultu re-
 uocatur. Excitatum erat per Germanias graue dissidium, alijs
 Othonem Saxoniae ducem præferentibus, alijs Philippum eun-
 dem Sueuorum ducem. Vterque externis uiribus auctior, in-
 ter se cõmissus: sed Philippus superior factus, imperio potitur,
 ac per insidias tandem interimitur. Post cuius decesum idem 30
Otho IIII. Otho quartus imperium, corona accepta, obtinuit: quo pulso,
Fridericus II. Fridericus secundus potens eligitur. Rebus Syriacis hic inda-
 ruit, complures linguas eum nouisse tradunt, nec astrorū fuisse
 rudem commemorant. Idem in patrocinium studiosorum, me-
 morabilem Constitutionem, quæ inter præfatas merito est rela-
 ta, edidit. Graues tum factiones ex multis discordijs per Italiam
 exortæ, ut qui Cæsareas partes tuerentur, Gibelini: qui Ponti-
 ficias, Guelphi dicerentur. Circa id tempus rex Hispaniarū Fer-
 dinandus tertius, compressis magna uirtute Saracenorum uiri-
 bus, recepta Corduba & Toletum, in Beticam se recipere coegit. 40
Saraceni repul- sius Beticam. Conradus quartus Germania excedens, Neapolin concessit.
 Vuilhelmus Hollandiæ princeps imperio est potitus: quo mor-
 tuo,

- tuo, Electoribus inter se dissidentibus, cōsequutum Germaniæ Interregnum. Orientis interim uires, continuatis finitimorum irruptionibus fractæ, debilitatæ, & cōminutæ sunt. Igitur cum Michael Palæologus imperium inuasisset, res diutissimè administrauit. Venetos est aggressus, post Lugdunum ad cōuentus venit: sui ob id in fensi, mortuum minus honorificè sepelierunt.
- Andronicus natus maximus filius, adiuncto Michaele filio, imperium tenuit. Turcæ autem longis excursionibus Asianis potentiores, & multis prælijs finitimorū successu elatiores, Otho-
 10 manno magnis artibus uariè dispersos cogente, principatū sunt assequuti. Hic rebus gestis, successores, qui orientem grauius oppresserunt, ac tandem occuparunt, reliquit. Medio tempore interueniens Tamerlanes Parthus, ex milite gregario, maximarum copiarum ductor factus, adiunctis finitimis populis, Syria & Aegypto uastata, in minori Asia oppositum sibi Paiazetem Turcarum principem, ducentis, uti tradunt, millibus cæsum, ac uiuum captum, in uincula coniecit. Sed in principatu Byzantino, post graues discordias, Andronicus iunior res administrauit: quo mortuo, sequuti sunt Io. Palæologus, & Io. Cantacuze-
 20 nus: quibus inter se dissidentibus, auxilia Turcarum in grauem rotius orientis perniciem accersita. Palæologus, Matthæo Cantacuzeni filio deiecto, Emanuele successorem habuit: è cuius liberis maximus natus Ioānes, quietius imperauit, & Antistitum comitatu uenit in Italiam, ad Eugenium, Florentiæ conuentum agentem. Imperium tenebat Constantinus, cum ingentes Turcarum copię diu, & magna ui obsessam, fractam, atque debilitatam Constantinopolin, Mahumete ductore, expugnarunt. Imperatori caput præcisum, proles omnis regia sublata: urbs orientis torius potentissima & amplissima, latè ferro, ruina, flamma
 30 uastatur, & grauiā in contumeliam nostræ religionis committuntur. Sic quæ urbs Constantini Magni auspiciens cœperat esse Romæ æmula, alterius Constantini maximis infortunijs collapsa est, & corruit: ut gens Christum professā, seruire iugū, quod nos maximum illam sustinere haud ita pridem uidimus, subiecit. Nam eadem præter multa indignissima, ad comparandum militem Prætorium, Iannizarum nuncupatum, delectu ex Christianorum liberis habito, ignominiose affligitur. Atque ita omnis Græcia, & finitimi populi, quondam clarissimis ingentijs, & imperij gloria cæteris præstantes, planè sunt oppressi & attriti.
- Verum cum lōgè ante hæc tempora, ad rerum progressionem
 40 utrinque seruandam, in Germanijs fuisset Interregnum, alijs Alphonsum Castiliæ regem, doctrinæ studijs, & armorū maximè

Interregni au-
 norum s. r.
 Oriens status.

Michael Palæo-
 logus.

Andronicus
 cum filio.

Othomannus
 primus Turca-
 rum princeps.

Tamerlanes
 Parthus.

Andronicus iu-
 nior.
 Ioannes Palæo-
 logus, & Ioan-
 nes Cantacuze-
 nus.
 Emanuel.
 Ioannes.

Constantinus.

Græcis Constā-
 tinopolis expu-
 gnatio.

Principatus
 orientis in ser-
 uitutem reda-
 ctus.

Occidentis im-
 perium.
 Alphonſus Ca-
 stiliæ.

Richardum Anglie commendarum, alijs Richardum regis Anglorum fratrem an-
teponentibus. Pontificis Gregorij x constituti (siquidem ali-
quandiu uacarat sedes) hortatu, Laufannæ (posita est ad uic-
torem lacus Lemani ciuitas) facto conuentu, Rodolphus Ha-
bisburgius, & Alsatiæ Comes, Imperator salutatur. Idem O-
thacarum Boemiæ regem, Austriam hæredibus carentem oc-
cupaturum, prælio commisso sustulit: atque filio Alberto, Du-
ce constituto, Austriam tradidit: quæ ab eiusmodi primordijs,
latissimè cōparato Principatu, deinceps maximis aucta est in-
crementis. Rodolphus in Italiam profectus, Hethuriz oppi-
da libertate donauit: cui successit Adolphus Naslaus Comes,
qui dum bellū pararet, Albertum superioris Rodolphi filium
principes illi opposuere. Eundem sequutus est Henricus septi-
mus, Lucemburgensis, qui coronam Romæ habuit. Orta dein-
de graui in electione controuersia, Fridericus Austriæ Dux, &
Ludouicus Bauarus deliguntur: hic Aquisgrani, ille Bonæ im-
perij ornamenta accepit. Hisce temporibus Heluetij, uiribus
inter se coniunctis, foedus fecerunt: inde finitimis accedētibz
aucti, communibus de rebus ad oppidum, ex calidis & iisdem
salubribz aquis, Thermarum nomen adeptum, conueniunt. 20
Sed in imperio alij atque alij asciscuntur, Edoardus Angliæ,
Carolus 1111 Misnensis princeps, atque Guntherus. His demortuis, Carolo
quarto Boemiæ regi omnis rerum administratio delata. Is pro-
fectus in Italiā, falsim honorificè excipitur. Reuersus Pragam,
Boemiæ caput, Academia erecta ornauit, atque publica tran-
quillitatis imperij instituta præscripsit. Inde Venceslaus Carō
li filius: cui abrogato post imperio, Robertus Bauarus in eius
locum suffectus: qui opem postulātibz Florentinis, Galeatio
principi Mediolanensi sese opposuit. Robertum sequutus Si-
gismundus, Caroli quarti filius, Pannoniæ atq; Boemiæ regnis 30
locupletior, doctrinis & linguis, quas cognorat, uehementer
commendatur. Idem collectis maximis copijs, adiuncto Bur-
gundiæ principe, expeditionem aduersus Turcas suscepit: sed
rebus minus succedentibus, Sigismundus Constantinopolin
se recipit. Philippus Burgundus à Turcis captus, grandi pecu-
nia redimitur. Albertus 11, Sigismundi gener, Austriæ dux,
Pannoniæ & Boemiæ rex, imperium tenuit, Morauos atq; Sar-
matas suis finibus cōtinuit, aduersus Turcas ad Synderouium
castellum profectus: sed ejdem, recepto per dedicationem castel-
lo, excessere: atque populationibus, Europæ coelo astueti, lon-
gius excurrunt: ut multis mancipiorum millibus abductis, &
inter se diuenditis, Thraciam, Græciam, Macedoniā, Daciā,
Mœsiā,

- Moestas, præterea Peloponnelum, Acarnaniam, & Albaniam
 exagitarint. Pannonum arma, quos Hungaros dicimus, ad tran- *Pannoner Tur*
 situm Danubij frequenter aduenientibus, fortissimè opposita, *ci oppositi.*
 ut se aliquandiu ijs finibus continerint. Albertum Fridericus *Fridericus.*
 consequitur, qui diutissimè, rebus conquiescentibus, imperauit,
 domesticas discordias cōposuit: ac regem Pannoniæ Matthiam,
 irruptionem facientē, continuit. Interim Turcæ successu captæ
 urbis Constantinopolis, & longissimis regionum excursionibus
 afflueti, totam Europam spe hauserant: cum ab Hydrunti expu- *Hydruntum*
 10 gnatione, quæ omnem Italiam conterruerat, Alphonfi regis uir- *receptum.*
 tute sunt deturbati. Etiam si aliqua in artificū operibus, tempo- *Inuenta duo*
 rum lapsu intereant, multa tamen hæc ætas, maximi ingenij, ue- *Germaniæ.*
 teribus inaudita, reperit: è quibus, præter cætera, est tormen- *Bombarda.*
 tum, quod ab horribili sono Bombardam dicimus, ad muros
 subuertendos, & ad acies disturbandas, magna hominū interne-
 cione, accommodatum: quo semel introducto, militaris ueterum
 disciplina relicta: simul & multiplices machinæ, quibus illi in bel-
 lis gerendis utebātur, neglectæ: munitiones etiam oppidorum,
 terra aggestæ, densissimis & firmissimis propugnaculis, diuersæ
 20 factæ. Sed magnæ utilitatis fuisse Typi, quorum ad uenustè cele- *Typi.*
 riterq; excribenda ingenij monumenta, maximus usus hisce Fri-
 derici temporibus esse cœpit. Eiusdem filius Maximilianus, du- *Maximilianus.*
 ctæ in uxorem Maria, Caroli Burgundiæ ducis filia, auctior, ui-
 uente etiam patre, secundis Electorum suffragijs rex Romano-
 rum Francofurti designatur, & Aquisgrani coronam accipit.
 Compositis post Germaniæ inferioris cōtrouersijs, à patris de-
 cessu Imperator creatur: militarem disciplinam restituit, atque
 difficilia bella per Italiam et Germaniā gessit. Pulsi tum ex omni *Saraceni Hi-*
 Hispania Mauri: atq; magnis Ferdinandi uiribus receptum, & *spania pulsi.*
 30 principatui adiectum Beticum, quod & Granatæ regnum dici-
 tur. Idem Maximilianus multorum Europæ principum affini-
 tatem, filiarum nuptijs comparauit: ac Philippus huius filius, Io-
 annam regis Aragonum Ferdinādi filiam, uxorem habuit: quo
 defuncto, Carolus atque Ferdinandus nepotes in tutelam Ma-
 ximiliano sunt traditi. Hæc ætas ingenijs ad studia literarū per-
 tractanda uehemēter incensis, rerum multarum cognitione in-
 claruit: ut longissimæ peregrinationes à nostris hominibus in
 omnem orbis terrarū partem, rerum priscarum lectione, reno-
 uata historię memoria, sint susceptę. Itaq; maximam illam orien-
 40 tis calamitatem, distracto à nobis imperio, cōpensare quodam-
 modo uisus est, inuentus longius in occasum solis Orbis terra-
 rum alter, & is nouus, atque priscis omnibus, quantū ex relictis
 scriptis

scriptis constat, incognitus: licet Carthaginienſes procul in Atlanticum progreſſos commemorent, & alia quædam de terra extra ſidera ſcribantur. Multo uerior & certior Ferdinandi regis Caſtiliæ auſpicijs fama perlata. Chriſtophorus nanque Columbus, & Americus Veſputius, magnis nauigationibus, nulla æquorum uaiſtate deterriſi, ab inſulis Fortunatis, Canarias à canum copia dicunt, in obeuntem Solem progreſſi, oppoſitum nobis orbem quæſierunt: qui ab hominum genere incognito habitatur, cultus ac lautitiarū ignaro, ſimul & habitatio-
 nis, atque rationis ædificandi: ſiquidem homines uiſtu obuio
 nudi latè oberrant. Poſt ex culti ſunt, oppidis & caſtellis ad no-
 ſtram rationē conditiſ: hos religionis etiam Chriſtiani inſtitu-
 tis quotidie imbuunt: multa explorantur, quo is tractus regio-
 num tandē cognosci poſſit. Plurimis deinde nauigationibus,
 mercium noſtrarum commutatione, multiplex opulentiā inde
 reportata. Similiter Emanuelis regis Luſitani auſpicijs, ab oc-
 caſu in meridiem, circum Africam laborioſe nauigantes, ultrā
 longiſſimē in orientem, ad Indos uſque penetrarunt, & loca ca-
 ſtellis ſibi communierunt. Quo memorabili factō, non uiſa an-
 tē cœli ſidera maioris ſplendoris, cognouerunt: & aliæ terræ,
 quas cultoribus deſtitutas ueteres crediderunt, luſtratae. Fre-
 quens eſt finitimarum gentium totius orientis magno concur-
 ſu, & Taprobanæ inſule, Calicutij emporium, ex quo noſtri di-
 uerſi generis aromata & gemmas referūt. Alij in ampliſſimum
 Perſidis regnum, quod rex Sophes dictus obtinet, uiſendi gra-
 tia proficiſcuntur. Alij longiſſimē in ſeptentrionē, gentem Sey-
 tharum, quam Tartariam hodie nominamus, Magnum Cha-
 mum principem habentem, adeunt. Præterea Aethiopiam, cui
 multis regib. potens Ioannes is, qui Precioſus appellatur, Chri-
 ſtum agnoſcens, imperat. Frequenter in Palæſtinam omnem,
 ueſtigijs eorum quæ in ſanctiſſimis literis leguntur, recogno-
 ſcendis: ſic etiam in Aegyptum, Alexandria negociationibus
 celebri, nauigant. Non ignorantur res Turcicæ, Solymano
 orientem occupâte: qui poſita Conſtantinopoli regia, noſtros
 diuerſis temporibus bellis tentauit: cuius Principatus eſt eiuf-
 modi, ut ad unum caput totus referatur: in quo nulli principes
 aut nobiles uiri alijs dominantur, ſed poſſideat princeps om-
 nia, cæteris in uniuerſum ſeruis atque mancipijs. Ad mare gla-
 ciale longè peragratuſ uarijs, & ijs inauditis gentibus, progreſ-
 ſum etiam eſt: ut noſtri homines uniuerſum orbem, certatim
 in diuerſas gētes proſecti, patefecerint. A omnis Europa, qua
 eſt Chriſtianum nomen, multo liberius incolitur, & cognosci-
 tur: loca

Chriſtophorus
 Columbus, &
 Americus Ve-
 ſputius.

Circum Afri-
 cam longa na-
 uigatio.

Calicutij tempo-
 rium.

Sophes Perſe-
 rum.

Tartarorum
 Chæm.

Io. Precioſus.

Palæſtina.

Alexandria.

Turcarū prin-
 cipatus.

Septentrionis
 gentes.

Europa.

- tur: loca rerum à priscis gestarum uestigijs nobilitata, doctissimis hominibus inquirentibus, studiose notantur. Verius fluminum origines ac decursus deprehenduntur, cæteraq; plurima: ut multis huius ætatis peregrinationibus susceptis, *Geographia.* Geographia, una doctrinarum, multo certior sit facta, atque locupletior. Artifices simul & opifices diuersi generis, hanc rerum *Artificum celebritas.* ex instauratis passim literis celebritatem senserunt: ut nobiles Pictores (Michaelum Angelum commendat Italia: Albertum Durerum, Geometricis præsijs adiutum, Germania) in relin-
- 10 quendis egregijs operibus plurimum elaborent: quod & Sculpturæ & Cælaturæ studiosi factitant. Similiter præstantes *Architecti.* Architecti, in structuris erigendis, ad scriptis notatam ueterum rationem & similitudinem, erutis etiam atque effossis antiquitatum monumentis, comprobata, magno successu solentis ingenij, nouis quotidie inuentis occurrentibus, in medium utiliter
- 20 ñdem artifices producant. Inde frequens terra marique concursus mercatorum, Antuerpiam Belgicæ Galliæ, Francofurtum & Nurembergam Germaniæ, Lugdunum & Lutetiam Parisiorum Galliæ, Londinū Angliæ, Vlyxiponam & Medymnam campestre Hispaniæ: Venetias, Mediolanū, & Genuam Italiæ, aliasq; totius Europæ amplissimas ciuitates propè innumerabiles: præter uicos, emporij etiam celebritate certis anni temporibus commendatos, quibus omnes undique ad uitam instruendam copię suppeditantur. Itaque summi Principes, et magnæ Respublicæ, ad potentes ac bene constitutos, omnium seculorum memoria scriptis comprehesos Principatus, cognitis eorum incrementis, inclinationibus, & conuersionibus, pruden-
- 30 tius sua administrare didicerunt: ut in omni publica gubernatione, & rebus gerendis, facta dictaq; illustria, nihil etiam negatum conatibus nostrorum confirmantia habeantur. Maximaliano autem proximè succedens Carolus V. Principatu inferioris Germaniæ, Burgundiæ, regnorum Hispaniæ, Siciliæ, ac Neapolis latè successor, Francofurti communibus Electorum suffragijs Imperator creatur: Aquisgrani, more maiorum, ac deinde Bononiæ coronam accipit. Pòst conuentu Coloniae Agrippinæ facto, Ferdinandum fratrem, Romanorum regem electum, & regnis Pannoniæ atque Boemiæ auctum, in communis administrationis imperij, rebus terra marique feliciter gestis, adiunxit. Sunt maximæ res in hac memoria ætateq; nostra, quæ aliquando maioribus, ipsq; necessarijs præsijs, ad hanc, quam modò sequimur, progressionis rationem,
- 40

A ueterum

ueterum omnium memoria his breuissimè coniuncta, plenius, distinctius, & accuratius, quando eiusmodi Vniuersitatis rerum historię contrahendę angustijs septi atque conclusi, facere non potuimus, commorabuntur.

TERTII LIBRI HISTORIÆ

Vniuersitatis rerum, qui est de Principatu,

FINIS.

10

EXCURSIO AC TRANSITVS EX
HISTORIA PRVDENTIAE ATQVE PRINCIPATVS, IN TERTIAM ET VLTIMAM TOTIVS HISTORIAE VNIVERSITATIS
RERVM PARTEM, QVAE DE SAPIENTIA INSCRIBITVR.

Gratia ueterum scriptis habenda.



Veteris rerum gestarum scriptores legendos.

GRESSI TANDEM SUMVS EX immensa illa rerum, etiam hac perbreui
scriptione comprehēsa, uarietate, in qua 20
præclarum illud sit, & communibus animis priorum benignitati atque diligentiae gratulandū, quorum multiplicibus scriptis omnem antiquitatis rerum memoriam patefactam uidemus: qua non
modò expeditum sit cognoscere diuerforum populorum primordia atque origines, uerum etiam quod prætermittendum non est, incrementa, commutationes, & cōuersiones latè inspicere: è quibus iisdem suae quisque Reipublicae accommodata
deligere possit, cum nostra ad ueterum rationem moderanda 30
esse intelligimus: optimè edocti, quae quibusque Rebus publicis sint aut perniciofa, aut salutaria. Certum enim est, & longo uitae usu comprobatum, non modò nos ea intueri debere, quae in consuetudine hominum quotidie fiunt: sed etiam quae ab ultimis principijs gesta, scriptorum monumentis continentur, quorum uarietate & copia nihil in omni genere potest desiderari. Quam ad rem si uolumus, quod res est, dicere, eum usum præstare deberet Historię cognitio & pertractatio, quem in rerum priuatarum controuersijs adferre Iurisprudentiam, usitatum iam inde longo tempore, & cōfirmatum habemus: quem 40
admodum ad eam ipsam cōfuginus, uaria prudentum responsa, multiplicesque Principū constitutiones in scripta relatas, continentem;

tinentem: ita in difficillimis & periculosis huiusmodi tem-
 poribus, ad cōsilia expressis hominū exemplis firmata, quibus
 quique summi principes, & rerum magnitudine potentes po-
 puli usi sunt, opportunè recurramus: nisi fortè maiore rerum
 priuatarum rationem, quàm publicarum, in quibus & priuatę
 comprehenduntur, censeamus habendam. Quocirca institui
 posset non contemnenda Historicorum professio, qui non mo-
 dō rerum omnium domesticarū atque externarum præclaram
 cognitionem essent assequuti, uerū etiam publicam memo-
 10 riam eorum quæ quotidie fiunt, in commentarios fideliter re-
 ferrent. Est enim uehementer deplorandum & in temporum
 ratione, & in consilijs atque factis explicandis, tam discrepan-
 tes esse scriptorum sententias, quas non possit quisquam satis
 magna diligentia conciliare: ut sæpius in his paucis commemo-
 randis, inconstantia quorundam autorum exagitatus, scripta
 de manibus abiecerim. Hæc eadem Historicorum occupatio
 si publicè introduceretur, uerius, fidelius, et facilius ex collectis
 cuiusque Principis & Reipublicæ Commentarijs, Vniuersita-
 tis rerum gestarum historia conscribi posset. Multas hac occa-
 20 sione rationes adferrem, quibus adductus, non potui hæc præ-
 termittere: sed una ero contentus, quæ studiosis rerum suarum
 abundè persuadebit, eiusmodi quandā Reipublicæ curam esse
 suscipiendam. Quod plurimū referat, qualem posteris rerum
 nostrarum memoriam relinquamus: plus etiam, quàm hæredi-
 tariani Principatus amplitudinem. Siquidem plerique rerum
 à maioribus gestarum solo admonitu, salutaria cōsilia pruden-
 tissimè suis imitanda proposuerunt. Verū de his aliquando
 copiosius, & loco magis conuenienti. Itaque exposita sit breui-
 ter, pro hoc instituto, pars è tribus ad cognitionem rerum com-
 30 parandam secunda, Prudentiæ nomine, historiam Principatus
 coniunctam in se habentis: de qua ut dictum est dupliciter, ea-
 dem prorsus ratione de hac tertia, quæ est Sapientiæ, annexa
 eidem Literaturæ historia, ad complendam huius consilij scri-
 bendæ historiæ Vniuersitatis rerum primam collocationem
 accommodata, pro nostra in his mediocritate subiicietur. Quàm
 uerò aptè triplices hæ rerum partes sese consequantur, ex eo
 æstimari facile potest, quod ab ijs quæ præcesserunt, in depre-
 hendendis doctrinis omnibus, sint homines ad ea progressi,
 quæ deinceps dicentur: & uti animus ad maiora fertur, perue-
 40 nerint. Quam quidem ad rem scio nonnulla esse in hac historię
 parte, magis Prudentiæ, quàm Sapientiæ conuenientia: simili-
 ter in Sapientiā, quæ ad Prudentiam referantur. Sed quoniam

*Historicorum
professio.*

*Sapientia his-
toria.*

*Scribē de huius
historie diffi-
cultat.*

pleraque in scriptis eorum, qui nominatim singula tractarunt, consimilia habentur, & sunt usu quodammodo recepta, non uoluimus hoc tempore, hac doctrinę ratione, quam sequimur, nondum satis comprobata, subtilius diuellere: ut cōsideratē & circumspectē, quantum possemus, illa in ordinē aliqua ex parte usitatum disposita extarent. Quocirca in hac parte concedendum erit, si in occasionum ratione ab eadem uulgata consuetudine scribentium sit discessum. Multa in omni genere sunt à nobis laboriosē inquisita, & pluribus literis cōscripta, priusquam in hanc, quam nunc proponimus, sententiam res deduceretur: 10 cum ea quę iam probarentur, & placerent, succurrentibus lectione, usu aliquo rerum, & longa meditatione, alijs & alijs inuentis, atq; colligationum certis rationibus, abijciēda omnino mihi uiderentur: ut ita statuam, postquā hic inuentionis ætus refrixerit, quamplurima me commutaturum ex his, in quibus ipse hoc tempore mihi non satisfacio. Quā diu enim uiuam, semper erit aliquid, quod emendari, aliter collocari, & reponi debere mihi in his studiosē uersanti uidebitur: quę si uel mediocriter uno tempore præstari à me potuissent, non equidem tam fuisset inconsideratus, ac mei ipsius planē oblitus, ut hæc 20 inchoata, publicē legenda traderem. Atq; ea est ratio eorū quę primò inquiruntur, & excogitantur, ut ea quę protinus placeant, certa uideantur: constare tamen non possint, nisi cogitationum diuturnitate, & necessaria doctissimorum hominum in quoque disciplinæ genere nominatim elaborantium opera atque consilio stabiliantur & compleantur. Quę ipsa tandem effecerunt, ut hæc quamuis in speciem ieiuna, rudia, immatura, atque incompressa, non tamē dubitarim, eruditorum iudicijs, censurę, & emendationi liberē subijcere: nec quicquā eorū omnium, quę à me toto hoc opere scripta sunt, probare, aut perti- 30 naciter asserere, quod non cōsentiente literatorū sententia fuerit antè cōfirmatum: & ad id quidem, quo melius cognoscam, utrum expediat in eiusmodi studijs diligētē operam ponere, & multis partibus aliquādo complere. Itaque optandum illud esset, cum nemo unus præstare hæc possit, uiros in unaquaque disciplina, & in quoque uitę huius negotio præclarē & laudabiliter uersatos, cuiusmodi nostra hæc ætas plerosq; dare consuevit, communi opera & consilio, ex disiectis, confusis, atque perturbatis doctrinæ cuiusque documentis, & uitę institutis, comprobatisima: quo illa cognoscere uolentibus, promptius 40 ac certius constare possint: quęq; prætermitti non debere uidentur, seligere, atque eadem simili aut conuenientiore ordine pertra-

Inuentio rerū.

*Eruditorum
consensio.*

- pertractare. Fieri tale quiddam posset, si ex omni multitudine, quinque uiri publicæ utilitatis studiosissimi, ut sunt totidē rerum constituta à nobis genera, unam ex his partem locupletandam, ordinandam, atque expoliendam, omni conatu & studio confidenter deligerent. Sed cum difficulter hoc nomine literati homines conueniant, ac deliberent, alijs aliò certis & magnis de causis sua studia transferētibz, quæ præstare in eo genere per me potui, occasione, de qua copiose à me suprâ esse dictum meminì, oblata, & ueterum, maiorum, ac nostræ memoriæ scripto-
 10 rum lectione adiuuante, ad totius collocationem talia quædam fuere. Quæ quoniam explicare cœpi, perducam ad extremum: ut si minus consideratè, quæ fortè expectabātur, proposita sint, persequendæ uoluntatis conatus, non omnino reprehendendus, cognoscatur. Experiri nanque etiam cum aliquo iuuenilis confidentiæ periculo uolui: tametsi non nescire, quantam lectionem, ac pertractationē multiplicem illa requirerent: & multos hodie literas, magno successu, in omni uarietate tractare, qui hæc ipsa eruditius, distinctius, atque luculentius exhibere possent. Existimans studiorum doctrinæ eiusmodi quandam esse
 20 concessam libertatem, qua sine reprehensione experiri pro uiribus unicuique liceret, quæ ex usu & commodo Rei literariæ uiderentur, suamq; de ipsdē sententiam dijudicandam fidenter proponere. Sapientia igitur, cui tertiū ē cognitionis gradibus locum suprâ assignauimus, mentem à consuetudine oculorum abducēs, altioris est cuiusdam, & à uulgari sensu atq; intelligentia remotę cognitionis ac considerationis, in uniuersum genera rerum colligētis, atq; liberum hominem à rerum communium tractatione facientis, simul & in quandam aliam quietiorem uitam transferentis: ut animus à corporeis uinculis quasi solutus,
 30 quæ uera, uniusmodi, & diuina sunt, ea studiose inquirat: cui perinde ac ministra Prudentia, & cæteri intelligēdi habitus obsequuntur. Estq; eadē Sapientia, communis quædam intelligentiæ sententia, omnium integris mentibus, qui in studijs literarum uiuerunt, uiuunt, & uicturi sunt, quicq; locis disjunguntur, diuinitus impressa, de ijs rebus, quarum perpetuus est status, quę etiam temporum decursu immutabilia sunt, atque permanent. Quocirca etsi magnam uim habeat ad res cum hominibus gerendas, temporū lapsu firmata consuetudo, Prudentiam quandam retinens: maiorē tamen semper obtinuit uera & probabilis ratio, quam unam propositā habet, in qua uersetur hæc Sapientię historia. Eandem Sapientiam tum cōsequimur, cum
 40 diuina, quæ in nobis est, mentis agitatione, naturali & recto iu-

*Sapientia quid
officiat.*

*In quibus uer-
setur.*

*Progressio ad
Sapientiam.*

dicio intelligere, quod sit rerum omnium precium, incipimus, quæcūq; uera æstimatio, quanta sit generis hominum à cæteris animantibus præstantia, quàm magnas ad res diuinitus fati & geniti, quæcūq; sunt ad uitam honestandam & cōfirmandam accommodata. Nam inde cuiusque rei causæ & rationes certius proficiscuntur, quas rebus omnibus interius quodammodo Natura inseruit, è quibus certam diuinitatis similitudinem inesse animis nostris perspicimus: ut conuenienti studio adhibito, inchoatæ illæ intelligentiæ confirmentur, atque perficiantur. Cuius Sapientiæ talis quidam fuit in deprehendendo & indagando progressus: cum ad eas ipsas notiones, quarum semina habemus, multa experientia, & diuturno usu aliquid ita esse, integris sensibus corporis & animi cognoscimus, ac iudicamus: atque illud idem admiratione simul & dubitatione exorta, singulari quadam rerum inter se coniunctione, similitudine, collatione, inuenta ratione & causa concludimus, ac stabilimus: ut bene informati, cumulatecūq; instructi, planius & certius de eodem sentire, etiam si opus sit pronunciare, ad rerum ueritatem tradendam, accommodatè possimus. Mutua hominum diligentia, & mutue concertationes, de his quæ quisque in rerum Natura per se deprehēdisset, singulari æmulatione sunt excitatæ: ut quique ex suis inuentis lætiores, perinde ac uictoriam cōsequuti, plura sibi proponerent inquirenda. Comprobatio deinde eorum, qui præter alios essent aliquid assequuti, in continenti studio tenuit, & priori inuentioni plura esse addenda docuit: ut multa sint in omni genere ab his reperta, qui se totos, relictis alijs uitæ occupationibus, huic dederunt. Variâ utique peregrinatio rerum cognoscendarum studiosos locupletauit, quando locorum mutatione, & diuersis occurrentibus, mens cuiuscūq; multum excitatur, acuitur, atq; confirmatur. Ac cum hominū Natura sit eiusmodi, præcipuo quodam summi Dei munere, ut suis de causis alia alijs liberaliter largiatur, & sit quisq; cuidā certæ rei naturali quadam uoluntatis propensione magis idoneus, dispersis ita ingenij dotibus, ad unum aliquem referēdis, quo illa cōpleantur, quæ in quibuscūq; defunt: præstanti ratione effectū est, ut homines peritissimi, & diuturno rerum usu, cōsentientibus multis ætatibus, cognitionis uarietate cumulatisimī, certa, in quibus animi omnium conuenirent, documenta pepererint: atque inuentis magno ingenio literarum signis, ad perpetuam eorum memoriam tenendam, scriptis eadem consignarint. Posterī quique priorum studijs cōmoti, multa exercitatione adhibita, cum eadem cognoscere,

Rerum inuen-
tio.

Artium consti-
tutio.

- fecerent, plurima addiderunt, quæ prætermiſſa uidebātur. Non
 minoris fuit commendationis, ſparſa, cōfuſa, & perturbata di-
 ſtinguere, obſcura & implicata patefacere, incerta & dubia
 explanare: ut cōmuni hoc ætatum omnium cōſenſu, opti-
 mæ artes, & diſciplinæ incrementa, quæ circūſpicimus, acce-
 perint. Itaque inuentis & coniunctis in unum eiufmodi multo-
 rum præſidijs, neceſſarius diuturnitatis in experiundo labor,
 maxima ex parte eſt imminutus: & ē multis dum quæſita, tra-
 ctata, ac percepta multiplicibus ſtudijs, docti homines inter ſe
 10 ſtudioſe conferrent, & firmarent, una quædam certior atque
 perfectior Natura, uis, & facultas eſt proſecta: quæ Artis, ſcien-
 tiæ, doctrinæ, ac diſciplinæ appellatione omnis cōtinetur: qui-
 bus liberaliter inſtitutus homo, hanc totam rerum uarietatem
 in multorum animis, qui nos præceſſerunt, qui uiuunt, quiq;
 nos conſequentur, ſparſam ſuo ſtudio aſſequi, non parua pro-
 fus ex parte, neque contemnenda poſſit. Verum inſtitutæ bre-
 uitatis immemores, rerum uarietate ſeſe offerente, abripimur
 longius quàm expedit: quando non eſt huius cōſilij, interio-
 res & recōditos eruditionis locos nimium curioſe ſcrutari & tra-
 20 ctare, noſtra hac hitorica in rebus cognoscēdis atq; diſponen-
 diſ mediocritate contenti. Igitur ad Sapientiæ hitoriam, ut de
 ſuperioribus iam eſt factum, inde progrediamur: quæ eadem
 plurimis fortalle magis placuiſſet, ſi tritam & uſitatam traden-
 tium uiam atque rationem ſequutus, inde feciſſem initium, un-
 de diſcētes neceſſariò auſpicari ſolent. Sed quoniam cœpta eſt
 hoc tempore Vniuerſitatis rerum hitorica tractatio, non po-
 tui conuenientius quicquam facere, quàm omnes occaſiones
 excogitandæ cuiuſque doctrinæ perſequi, ipſa rerum progres-
 ſione me ad hanc, quam ſubiſciam, rationem, naturali iudicio, à
 30 quo mihi nullo modo recedendum putaui, ſponte de-
 ducente. Ac collocationis hitorix de Sa-
 pientia hoc ſit principium.

EXCVRSIONIS AD HISTO-
 riam de Sapientia, ſinit.

CHRISTO-

CHRISTOPHORI
Mylæi, de scribenda Vniuer
sitatis rerum historia, è
quinque libris
Quartus, qui est de
Sapientia.

PROOEMIUM.



INTELLIGENS ANIMAL HO
mo, diuinæq; mentis agitatione præ
ditum, non ea modo, quæ in commu
ni posita usu, expeditas & necessa
rias habebant utilitates, laboriose
inquisiuit: sed etiam præstanti illa
ingenij celeritate adiuuante, ultra
progressus, quo eadem cognitis re
rum causis, minore negotio & tem
pore, ac fidelius, è diurni usus re- 10

Studia homi
num.

rum Prudentia petita, tractari possent, auidè, quantum est ho
minum generi concessum, peruestigauit. Ea modicis & paruis
orta è principijs, honore, præmio, gratia, honesta oblectatio
ne, sed potissimum ueritatis eruendæ studio inuitatis homini
bus, factum est, ut diuersi populi multas per ætates, quadā susci
tata æmulatione, communibus animis in ijs plenè cognoscendis
multum elaborarint. Itaque eiusmodi progressionibus aucta
sunt doctrinæ studia, nihil ut habuerit uita hominū, rerum co
pia locupletius, multis introductis adiumentis & ornamentis
splendidius, diuinarum humanarumq; rerum consideratione 20
& cōtemplatione augustinus. Nam orationem ad differendum
& ad dicendum firmarunt, atq; expolierunt: hominum mores
uirtuti consequendæ & obtinendæ, ad omnem uitæ integrita
tem seruandam, optimè informarunt: atque abditas, & in Na
tura inuolutas causas indagarunt: quæ summa fuit per omnes
ætates excellentum ingenij cōtentionum, Philosophiæ omnia
comple-

Philosophiæ
partes.

complectentis nomine. Siquidē primis temporibus illustrium uirorum doctæ obseruationes, ex dispersis atque dissipatis, unum conductæ in locum, à studiosis cognoscebantur. Pōst ex-
 crescente earum magnitudine, cum omnibus perdiscendis ne-
 mo aliquis sufficeret, factum est diuortium, & quique ea artis
 uia ac ratione conclusa, in quibus nominatim elaborarent, de-
 legerunt: sed ita, ut commune quoddam earum omnium esse
 uinculum, quo inuicem colligantur, mutuisq; præsidij sēse iu-
 uant disciplinæ, à literarum studiosis intelligeretur. Igitur cum
 10 hoc tempore nostrum eiusmodi sit consilium, ad aliquam ordi-
 nis rationem inquirendam & patefaciendā, multarum ætatum
 susceptos ingenij labores breuissimè enumerare, ab ijs potissi-
 mum initium ducere uisum est, quæ prima omnium deprehensa
 fuisse, & tractata, studiose nobis considerantibus, uerisimile es-
 set: atq; inde certa progressione, conuenientiq; historice
 tractationi serie, ad extremum, quod omnia
 referuntur, deducere.

Commune
disciplinarum
uinculum.

NARRATIO.

20



C PRIMVM ea doctrina auspicatō occur-
 rit, quam omnium antiquissimā, & omnibus
 magnis populis cōmunem semper fuisse cor-
 stat: quæ ex oculorum ratione, qui sensus est
 omnium & acerrimus & uelocissimus, pulchri-
 tudinem atque magnitudinem uniuersi suspi-
 cit, ac corporum cōlestiū motus rationes inquirat. Nam illud
 satis inter omnes conuenit, principem inuestigandæ Philoso-
 phiæ causā, unam Admirationē fuisse, qua non est maior ul-
 la, quā rerum superarum, & quæ maxima hominum ingenia
 30 diutius tenuerit, ac exercuerit: quæq; cæteris omnibus in-
 quirendis, primam dedisse occasionem uideatur. Itaq; cum homi-
 nes sapientes non fortuito & casu tam illustre, ingens, & ma-
 gnum opus, omniq; ex parte absolutum ac perfectum statue-
 rent, certum esse tantæ fabricæ, & eorum quæ cœlo atque ter-
 ra continentur, autorem & opificem, immensamq; illius erga
 genus hominum beniuolentiā ac beneficium, multis in rebus
 extare pronunciarunt. In eo communibus animis acquiescen-
 tes, ut ingenitæ Naturæ in nobis bonitatem esse persequēdam
 iudicarent, quæ admirabiles fructus sui studiosis & cōtempla-
 toribus soleat adferre. Hæc igitur excellenti persuasione, dum
 40 singula attentius circūspicerent (ut est perennis animorum
 agitatio) à modicis & rudibus incrementis, ad diuersa in-
 quiri-

Astronomia ex
disciplinis pri-
ma.

B renda

renda conuerſi: atq; in ijs iſſis, quæ deprehendiſſent, oblectan-
 tes ſeſe, rebus maximis, & iſſdem utiliſſimis cognoscendis, hoc
Oculorū uſus. principium dedere. Oculis itaque ad hunc uſum generi homi-
 num, ſicuti exiſtimāt, datis, & mundi totius fabricā intuētibus,
 Solis primū ſplendor & claritas, iacentes quali animos diui-
 nitus ſuſcitauit: cuius poſteaquā aſsiduum motum circum ter-
 ras aſpexiſſent, ortum atque obitum notarunt, quibus noctes
 & dies, alterna luce ac obſcuritate identidem recurrente, mani-
 feſtē ſeparātur. Crebra iam inſpectione, cum idem Sol uehitur
 ſubtus terras, ſeſeſq; corporum coeleſtium admirabiliter diſtin-
 cta facies quali aperit, in tanta aſtrorum multitudine, alia per-
 inde ac inſixa conſiſtere: ſeptem uerò locis, figura, uario motu
ſtelle. diſcreta, peculiareſ curſus habere cognouerunt. Nam duo Pla-
 netæ (ſic enim uocantur) Lunæ ac Soli interpoſiti, Mercurius
 & Venus: ſupra Solem ſpacis immenſis tres, Mars, Iupiter, &
 Saturnus, uoluuntur. Ab ijs eſt Coeli motus, cæteras micantes
 ſtellas diuerſis rerum & animantium ſimulacris uariè colloca-
 tas habentis. Inde etiam ingenij celeritate, & obſeruatiōū diu-
 turnitate, nonum atq; decimum motum quendam ſtatuerunt:
Cœli cōuerſio. ut uelociſſima totius circum polos, traiecto per terras Axe, ho-
 rarum $\times \times \text{IIII}$, cætera omnia ſecum rapiens, conuerſio explea-
 tur: de quibus principio hitoria de Natura, loco idoneo plu-
 ra commemorantur. Iam uerò ab ijs rebus, quæ oculorum con-
 ſuetudine uſurpantur, remouentes ſeſe magno inuentionum
 atque obſeruatiōū ſucceſſu, ea ſunt præter ſuperiora aſſequu-
 ti, quæ mente & cogitatione potiſſimum æſtimari ac compre-
 hendi ſolent: ita nihil ocioſum, nihilq; non ſuis rationibus poſi-
 tum, ac fieri in coelo manifeſtē demonſtrarunt: ut ipſos, qui hæc
 profitentur, è terris in coelum ſubuectos, pedibus obijſſe im-
 menſa illa interualla, oculis omnia luſtraſſe, manibus quodam-
 modo tractaſſe, & mortalibus patefeciſſe, credi poſſit. Maxi-
 ma quippe fuit rationis uis, puſillum animal hominem, è tam
 diſiunctis locis auſum uaſta illa ſpacia cōfidenter dimetiri. Re-
 condita igitur in arte cum uerſantur, ad diuerſas rerum cœ-
*Circularum nu-
merus.* leſtium rationes certius obſeruandas, aliquot orbcs, Circulos
 appellant, quibus cuncta illa ſuperiora uariè & decenter diſtin-
 guuntur, maxima ingenij mentisq; commendatione adumbra-
 runt. Horum circularum maiores ſeptem mundum æquabili-
 ter partiri, cogitatione aſſequūtur. Eſt Aequinoctialis, noctes
 uere & autumno diei æquatas faciēs. Præter Lactæum orbem,
 qui ſolus oculis noſtris ſubiicitur, etiam in obliquum uergens,
 multiplicis uſus Signifer, à $\times \text{II}$ figuris nomen accepiffe perhibe-
 tur,

betur, qui subiectam septem errantium uiam demonstrat. Eundem atque annum quatuor in partes Coluri duo, æquinoctia, solstitium & brumam signantes, diuidunt. Similiter Meridianus ac Finitor, nostrum liniens aspectum, mundum totidem in quatuor partes distribuunt. Sed inæqualiter partiuntur circuli minores quatuor. & Arcticus quidem ad aquilonem nobis est cōspiciuus: uerū huic oppositus Antarcticus in austrum, nobis occultitur. Inde ab extrema Solis conuersione, Tropici duo, quorum unus est Cancrī, æstiuo solstitio dies lōgissimos reddens: alter Capricorni, diebus brumę tempore breuissimis factis. Itaque accedente iisdem quatuor minoribus circulis *Æquinox. zona.* quinoctiali ex maioribus, quādo pariter inter se distant, etiā cinguli quinque, quo ita ad certissimam rerum coelestium rationem, nihil sit usquam in terris non distinctum, ingeniosissimē accommodantur. His instructi omnibus præstantes artifices, cū alia multa, tum etiā ex constantissimo Solis ac Lunę motu, eorum defectiones, longē antequam fiant, in multos annos, non sine posteritatis admiratione, & certissima doctrinæ totius comprobatione, quæ necessitas Naturæ quædam perfectura sit, prædicere possunt: & id tam certō, ut quæ defectiones, quantæ, & quando futurę sint, subtiliore hac doctrina assequantur, ac profiteantur. Quocirca ad horum omnium expectandam intelligentiam, cognitionemq; studio & diligentia comprehendendam, ut nihil fuit negatū interiora illa peruestigantibus hominibus, singulari solertia, quod efficitur in cœlo singulis diebus ac noctibus, artificiosē compositis orbibus, re ipsa sunt imitati: & quo illa sua inuenta alijs tradere, qualicūq; digito commonstrare possent, admirabili ratione expresserūt, nostris sensibus omnem illam mundi totius uastitatem subijcere conati.

30 Præclarum hoc opus, Sphæram, ad similitudinem immensæ illius coelestis, nominamus. Præterea quæ sunt ad ratos & constantes motus, ad certa interualla, ad ortus & obitus siderum, ad defectiones, stationes, atque progressiones: quodcūq; est stupendum, & uix persuaderi potest, ad certas corporum coelestium magnitudines deprehendēdas, quæ sita & aptata. Quid enim tam est mirandū, quā humani ingenij aciem, habita uastitatis aquarum & terrarū ratione, tantam rerum superiorum amplitudinē assequi potuisse? Sed cum in terrena diuersos effectus, mutua quadam, atque ea naturali astrorum consensione

40 & concordia, influere cognoscerent, frequenti reditu obseruata ab ijs sunt rerum conuersiones, incrementa, atque inclinationes, quæ præsentiri & prædici ab ijs possunt, quorum hæc

*Quinq; zona.**Defectiones.**Sphæra.**Astrologia.*

est professio: cuiusmodi uidemus serenitatis & tempestatum signa, sterilitatis atque fertilitatis tempora, quæq; ad Agriculturam exercendam pertinent, ut sunt arationis, insitionis, percipiendi, condendi, excindendi ligna aut saxa: etiam ad navigationum peregrinationumq; opportunitates, & idonea Medicorum ad curationes tempora deligenda. Ex eadem cœlestium consensione, alia utique sunt ab aliquantum curiosis (sicuti traditur) proposita: qui cum multos euentus similitudine ducti inter se conferrent, ex siderum, quæ natalitia uocant, situ inquisierunt, quæ cuiq; euentura, quo quisque fato natus esset: ut inde mores, ingenium, corpus, animus, uitæ actiones, & ad quam maximè rem quisq; aptus futurus sit, cognoscerent. Post accomodata actionum diuersarum tempora, res calamitatum prænuncias, bella, morbos, eluiones, æstus ingentes, terræ motus, graues etiam Rerum publicarum cōmutationes, quæ nulla cognitione hominibus cōstare posse uidentur, inuestigare solent.

Sidera natalitia. Omnis autem de astris scientia, utrunque Astrologiæ & Astronomiæ nomen habuit: in qua magni uiri, etiā Principes studiose sunt uersati. Antiquissimis nanque temporibus maximi atq; diuini honores eidem communibus animis deferebatur, & earum rerum contemplatoribus atque amplificatoribus summa præmia publicè solita erant proponi, ut Astronomia uerè etiam Sapientiæ appellationem obtinuerit: siquidem præter alias uitæ hominum multo maximas utilitates, ad incundam rationem temporum, & certam terrarum designationem, contemptum quendam rerum terrenarum sui studiosis inducit: & quod maximum est, cœlestis fabricæ intuitu, æternam supremi Dei maiestatem cōsentientibus animis celebrare oportere demonstrat. Eadem Astronomia non nisi diuturna obseruatione, notandis rebus per diuersa tempora recurrētib; perfici potuit: ut inde colligatur, quanto studio primi illi generis hominum parentes, longam agentes uitam (ijs per manus ad consequentes traditis, quæ quique inuenissent) artem hanc laudabilem constituerint.

Astronomia professio. A cœlestibus ad terrena lustranda cōuersi homines, cum in tanta locorum orbis totius terrarū immensitate, nemo unus, etiam longis itineribus emensis, cuncta uidere & cognoscere posset: singulari diligentia factum illud uidebitur, ut eorum descriptio nem proposuerint, quæ quique multis diuersarum regionum peregrinationibus obseruassent: cuius generis sunt, fluminum à suis fontibus uarij decursus, uastæ syluæ, planicies, immensæ solitudines, montium altitudines, ciuitatum maximè situs, memorabilia quibusque locis gesta, & peculiæ etiam regionum Naturæ,

- turæ. Itaq; multis in medium à se comperta proferentibus, uni-
 uersi orbis terrarum ex Oceano emergētis, Continens dicitur,
 & finitimarum insularum expressam artificiosè figuram relinqui-
 runt. Geographiam, quæ hæc tradit, appellamus, tres in partes
 orbem terrarum diuidentem, in Asiam, Libyam, & Europam.
 America postremis temporibus, maiorum in Fauonium lustra-
 tione, quarta pars accessit: de quibus in Natura, cursum rerum
 proximè sequuti, cōuenientia etiam huic loco diximus. Sed quo
 hæc omnia certius constarent, ad longitudinem locorum & la-
 10 titudinem deprehendendam, quæ terræ portiones cuique cœ-
 li parti subiectæ essent, studiosè quæsierunt, atque magno inge-
 nio certis spatijs inter austrum & septentriones constitutis, ac-
 commodarunt. Est hæc uehementer commendanda disciplina, *Geographia*
 hominem domi desidentem præclarè instituens, ut ex uarijs *cognitio.*
 eiusmodi artificiosè depictis tabulis, securè, & nullo labore co-
 gnoscere possit, qui in orbe terrarū, patriæ & domicilij cuiuscūq;
 litus, qui uicini populi in ortum, in occasum, in meridiem, & in
 septentriones sint positi, ac totius Vniuersitatis terræ breuem
 & angustam comprehensionē in conspectu habere: usque ad
 20 posteritatis summam curam suscipiens Antiquitas, in omni re-
 rum doctrina peruestigāda & prodenda elaborauit. Iam uerò
 rebus fideliter ac certò tractandis, multa & necessaria adiuuen-
 ta homines adinuenerunt (ita diuturnus rerum usus artes, quas
 habemus omnes, peperit) quæ alijs etiam inuestigandis studio-
 sos excitarunt. Nam ut quique ingenij celeritate cæteris præsta- *Geometria.*
 rent, in earum rerum, quæ in manibus erant, longitudine, latitu-
 dine, & altitudine exploranda, atque necessario usu facilius de-
 prehendendo, certas dimensionum rationes ipsdem accommo-
 darunt: quarum præsidijs cuiusdam æqualitatis ueritas certius
 30 constaret, & apertius demonstraretur. His machinæ parantur,
 ad moles loco mouendas: & instrumenta fiunt, ad easdē dimen-
 siones, longi, lati, & alti æstimādas: quibus Agricultura, Fabri-
 lis, Res militaris, Nautica, Pictura, Architectura, carere nō pos-
 sunt. Geometria inde ars, à dimetiēda terra primum nomen ha-
 bens, est instituta: quæ diuersis temporibus multis aucta docu- *Artis consti-*
 mentis, singulari in his omnibus seruato ordine, à parte minima *tutio.*
 Puncto incipiens: quod licet nullius magnitudinis diuidi non
 possit, in longum tamen Lineas sine latitudine duci & extendi,
 mente atque cogitatione subtiliter complectitur. Linearum
 40 extrema sunt duo puncta: quibus lineis in planum longitudini,
 accedente sola latitudine, decenter inflexis, coniunctis, & uariè
 conclusis, formæ, quas Superficies dicunt, aptè describuntur: ex

*Geometriae
usus.*

Optice.

Musica.

*Numeri Natu-
rae usui.*

Modi.

his est Circulus, triangula & quadrata figura. Sed in solidū cum est altitudo, crassitudo, atque magnitudo, Corpus oritur: cuius modi est Globus, pyramis, cubus, conus, & cylindrus, aliaq̃. Horum cōuenienti ratione, proportionē, & cōparatione, ut excultior ingenij, et acutior facta est ætas, illustres, et certis è principijs ortas sententias necessariò concluderunt, quibus illi non persuadent modò, sed cogunt. Ita studiij & diligentia succellu, abdita multa inquisierunt, quæ & summā in cognoscendo oblectationem habent, & ad tractandas ceteras cuiusq̃ generis disciplinas, Astronomiam potissimum, quæ cōstare sine huius præfidijs non posset, acumine ingenij comparato, præcipuam utilitatem: siquidem ingenuos adolescentes non prius ad grauiora Philosophiæ studia ueteres admiserunt, nisi Geometricis præceptis liberaliter imbutos. Subtilis utique illa in uidendo umbrarum dimetiendarū, & solers ratio, cum res aut maiores, aut minores uariè apparent, dicitur Optice, Architecturam adiuvans, Geometricis documentis constituitur atque cōfirmatur. Proximus uisioni sensus, est auditus, subtilitatis & acuminis nomine commendatus: siquidem homines eodem potissimū magnis de rebus docentur. Neq̃ enim ab alijs, quæ usui nobis sunt, commodè accipere, aut cum alijs nostra communicare, nisi hoc sensus beneficio, intermedio utrinque sermone, satis possumus. Itaque præter eundem sermonem, de quo est in Prudentia suo loco dictum, sensus aurium ratione insita est omnibus sonorum ac numerorum, nostræ Naturæ in primis conueniens, quædam apprehensio: qua una in tam multis hominum laboribus, uitæ huius sollicitudinibus atque ærumnis, quibus distrahimur, opportunam relaxandi animi oblectationem contineri uidemus. Eadem minores aues multiplici uocum uarietate, & pleraq̃ genera animantū, quæ feræ & immanes sunt, cantibus plurimum delectari ac demulceri solere cognoscimus. Prima etiam hominis ætas (adeò naturales sunt numeri) in tanta uirium imbecillitate quandam sentit dulcedinem, qua se uehementer oblectari testatur, quæ consequentibus annis fit multo iucundior. Hanc uocum suauitatem, ingeniosis instrumētis, suam etiam oblectationem adferentibus, imitantur: quæ aut constant oris inflatione, aut pulsu metallorū uario, aut tactu, in eliciendis neruorum sonis, quæq̃ sunt eiusmodi plurima. Vnaqueque gens tam non est barbara, quæ aptos suis auribus modos non inquirat, & partem uitæ lætioris in hac cantuum suauitate constituat: quorum, ut est populorum diuersitas, ita dissimilitudo quædam à priscis studiose hæc cōsiderantibus est notata: ut seuerum quiddam & graue

grauē habuerit is modus, qui Dorius dicitur: hoc fuerit uehementior Phrygius, inde acutior Lydius, sed uarius & suauis Ionius. Quocirca ab acutissimis ingenijs constituendæ Musices arti obseruata diuersi generis documēta, rectē & suauiter canendi, ex temperata longarum, breuium, atque mediocrium uarietate & uicissitudine: ut ex his orta cōcentuum grata auribus, & æquabilis modulatio conseruetur. Progreſsi longius homines Rerum naturalium cōcentus.

- eruditi, rebus in omnibus naturalem quandam consensionem, concordiam, & harmoniam quæsierunt: ut etiam ipsius animi, Quantus Musices usus.
- 10 ex partium proportionē, concentus deprehenderint: & quod est admiratione dignissimum, orbium cœlestium impulsu, atq; dissimili motu, dulces sonos effici, ueteres prodiderint. Maximus fuit Musices usus, præter scripta Poetarum astrictis, Oratorum etiam liberioribus numeris decenter conclusa, discutendis grauioribus curis atque molestijs, conuenienti ingeniorum recreationi, minuendæ laborum huius uitæ grauitati, morbis leniendis, etiam depellendis: præterea ad multiplices, atque eas perturbatas animorum commotiones temperandas & moderandas, ad exhilaranda conuiuia, ad suscitandos militum in bel-
- 20 lis animos: ut Musica sit aduersis in rebus solatio, & in secundis ornamento. Itaque cum illa animos uehementius commoueat, principiò ad sacras religionis, & pias summi Dei preces, laudes, atque gratulationes fuit accommodata. Tanto in honore ueteribus, ut iidem Vates, Sapientes, & Musici nominarentur. Sed uiciosum illud (uti optima quæque ætatum spacijs corrumpuntur) ad res leuiore recitandas, ad luxum, & ad delicias Musicen conuertisse, ut hoc facto multum præstantis huius facultatis dignitas fracta sit, & debilitata. Præter hanc sonorum & modo Arithmetica.
- rum uarietatem, quam suis occupationibus homines cōuenienter interiecere, in tanta confusione rerum, homines industrii numerorum distinguendorum necessariam doctrinam, seminaria in animis nostris iam habentem, quæsierunt: qua utique certior multarum rerum tractandarum iniretur ratio, ad earum ordinem, discrimina, notationem, & conuenientem maximè translationem. Neque enim nisi certa numerorum distinctione, ad ueritatem negotiationū, ex quibus primū artem dimanasse traditur, retinendam, satis conuenire inter se homines possent, atque consentire. Itaque rudiores cum alia multa, tum etiam calculus & numis ordine dispositis, præsidia & adiumenta in subdu-
- 30 cendis & notandis numeris inuenerūt. Maioris fuit industriæ & exercitationis, notarum subtili ratione, tum addere & colligere, ad summam complendam, tum auferre et subtrahere, tum Vulgaris Arithmetices usus.

partiri;

partiri: similiter numeris ingeniose coniunctis, eosdem multiplicatos reddere, ut res sunt propositae, & maior eorum exigite uarietas. Tantus horum usus, ut nulla uitae pars hac distincta numerorum doctrina possit catere: siquidē ea cognitio nos à multis erroribus liberat, qui sunt plurimi in his rebus, quae sensibus subiiciuntur, expeditas multiplici rerum numerationi, & paratas rationes habens, siue temporū ineunda ratio, siue merces tractandae, siue fructuum, & priuatae rei familiaris, atque aedificationis ratio subducenda: siue publicae rationes, in quibus propter magnitudinem & uarietatem maximi est usus, sint administrandae: ut qui praestare certò & celeriter id possit, bonus Ra-
 tiocinator appelletur. Sed uim huius disciplinae diligentius con-
 templantes, magno ingenij acumine & celeritate congruenter
 numeros commiscunt: ab uno quasi multiplicato semine uariè
 solent progredi, & eosdem numeros aut per se considerant,
 Paris atque imparis diligenti habita ratione: aut uariè inter se
 conferunt, & comparant: aut subtiliore quadam ratione, figu-
 ris Geometricis consimili, acuta multa & ingeniosa peruesti-
 gant. Quibus de causis adducti ueteres ac summi Philosophi,
 secreta multa & diuina numerorum inuolucris concluderunt,
 atque prodiderunt: etiam in singulis numeris abditas & re-
 conditas uires constituerunt, quae nisi his elementis cognitis,
 obscura sunt maxima ex parte, & implicata: ut ab hac doctrina,
 superioribus uerius ac certius cognoscendis, primus sit ingres-
 sus, & aditus ad eas pateat. Hec omnis disciplina, quam inde à
 numero Arithmeticam nominant, adiuncta Geometria, perin-
 de ac comes quaedam, & socia, diligenti exercitatione ingenium
 uehementer acuit, & memoriam plurimū adiuuat: ut ita com-
 prehendendis omnibus disciplinis, optimè quisque prepare-
 tur, & multum instructus accedat. Quoniam uerò certis è prin-
 cipijs, intelligentia & cogitatione adhibita, quasiq; à rebus ab-
 stracta, potissimū constant, obscuris temporibus neglectae potius,
 quam corruptae ad nos uenerunt. Disciplinae uerò quatuor,
 accedentibus his Musica & Astronomia, ideo Mathematicae à
 Graecis sunt uocatae, quòd ad eas percipiendas, quando res à sen-
 su & consuetudine oculorū seiunctas contemplantur, doctore
 & interprete, atque ingenij quadam celeritate singulari, & pre-
 stantia, maxime opus habeant. In quibus deprehendendis su-
 datum est multis seculis: ut ea fuerint solerti ingenio deprehen-
 sa, quae nulla humana ratione intelligi posse credebantur. Quā-
 obrem illas rebus naturalibus esse interiectas, & ijs quae sola
 mente concipiuntur, pronunciarunt. Quibus iisdem Mathe-
 maticis

*Interior Arith-
metices cog-
nitio.*

*Arithmetices
utilitas.*

*Mathematicae
curatio.*

maticis documentis, mutuo quodam beneuolentiæ uinculo inter se colligatis, Philosophi ad sua placita atque instituta optime tradenda, ac neruosi quodammodo stabilienda, rationes suas atque argumentationes necessariò concludere uolentes, *Earum tractatio et usus.*

plurimum uſi ſunt, ut nihil uerius ſine his probari poſſit. Habent enim principia, quæ facta iam animorum cōſenſione, ſuis, & iſdem certiffimis demōſtrationibus omnem dubitationem remouent. Principes uiri ſummā in his iſlis ſitam ingenij commendationem, exquiſitam magnas ad res doctrinam, & ſingularem oblectationem cum intelligerent, horum auſpicijſ atq; impenſis diligentius ac ſubtilius ſunt à doctis hominibus queſita plurima: & nōnulli ex iſdem Principibus has liberales atq; ingenuas diſciplinās ſtudioſe amplexi ſunt, et cognouere. Quæ tanti ſunt momenti, ut cum certum & conſtantē in rebus percipiendis ordinem ac ueritatem præſcribere uideantur, in omni uita moderationem animi & æquitatem ſeruandam eſſe admoneant. Itaq; homines ab iſs quæ uitæ neceſſitas & ornamentum inquirere impulerat, ad alia, mentis acumen & uim ſequuti, progrediuntur, rebus ad quandam perfectionē inde tranſferendis. Nam cum imbecillitatis noſtrę memorię eſſent conſcij, *Literarum inuentum.*

ut earum rerum, quas quique deprehendiſſent, tantam magnitudinem quotidie excreſcentem, mente non poſſent ſatis comprehendere: cumq; uiderent ſonos uerborum, quibus res exprimuntur, celeriter euolare, exiſtimantes graue eſſe, cognitionem multo atq; diuturno uſu partam, conſequentibus utilem futuram, perire, ad obliuionis ſubſidia inquirenda utiliter ſeſe conuerterūt: ut omnis à primordijs rerum progreſſio, ex conſequenti hiſtoria plenius conſtabit. Nam cōſiderantes in multiplicibus hominum rebus (cum mutua ſint auxilia) alios locis diſiunctos à nobis eſſe: nec expedire, neque fieri poſſe, ut uno tempore ad diuerſos proficiſcamur: notas excogitarunt, quarum maiore teſtimonio fidelius noſtras uoluntates patefacere-
 30 remus: inde locis diſiunctos, quaſi coniungentem Epistolam, *Epistola.* primū inuentam eſſe crediderūt. Alij exiſtimant, in priuatis negocijs, quemadmodum rudes homines facere uidemus, ſuis quibuſdam notis, quæ meminifſe uellent, ſolitos fideliter conſignare: poſtea, quo poſſent ab alijs illa eadem certò cognofci, in figuris eiufmodi faciendis mutuò conueniſſe, atque conſenſiſſe. Hinc ſequuta memorabilis ad uarios rerū uſus induſtria,

40 ut ad uocum diuerſos ſonos, & eos diſtinctos, non confuſos, ſicuti animantū, translato quaſi ad oculos aurium ſenſu, accomodate literarum notæ inuenirentur: quibus decenter con- *Literarum uſus.*

C^o iunctis,

iunctis, ut est oratio uiuum quoddam cogitatarū rerum simulacrum: similiter & eadem literarum signa, rerum uoce expressarum notabilem quandam picturam & similitudinē referunt: haud aliter, quā si cogitantem, loquentem, aut differentē manifestē audiremus. Præterea cum loquentis cursum non perinde morari, & ad audiendum præsentis semper esse non possimus, hoc inuento præsidio, cuius rei cognoscendæ, etiā absentes locis & temporibus, quandiu expedit, inherere possunt. Hinc scripta mutos quosdam esse magistros dixerūt: quod ab iisdem, cum usus postulat, quæ uelit quisque, promptum sit petere, fideliter condita ex his promere, & multiplicem rerum cognitionem abundanter comparare. Quam ad rem mirum ac diuinum omnibus uideri debet, hæc consideranti, non amplius quā XXXIII literis, quæ nominibus, figuris, atque sonis inter se distinguuntur, multiplices omnium cogitationes, sententiæ, linguarum & sermonis uarietates, quæ in hinc sunt, ab ultima rerum memoria in omnem posteritatem fidissimè perpetuari solere. Nam multis uoluminibus scripta, magno rerum humanarum commodo, priorum maximis de rebus inuenta, doctrinæ de rebus cognoscendis necessaria, res publicè gestæ, consilia atque documenta, ad posteros longis temporum spatijs à nobis diuulsos, in omni diuturnitate firma & stabilia transmittuntur: ut cum extingui & interire cætera homines cernerent, ab ijs rerū initijs, munere hoc literario diuinitus accepto, præteritis futura coniungentes, breuem hanc uitam, quā longissimam reddiderint. Translata uerò in usum scriptione, & liberabilibus ingenijs semel excitatis, plura, atque ea magni usus deinceps sunt quæ sita. Itaque ex eorum omnium numero, quæ scriptione & ingenio exercentur, antiquissimā, & propè omnibus populis cōmunem philosophandi rationem Poesin, atque Poetas primum cruditorū genus fuisse, concordibus sententijs tradunt. Numerorū etenim, quod suprà est à nobis propositum, suauitatem ingenitam habemus: quam sequuti, eruditius & politius quiddam homines docti introduxerūt: ut eadem Poesis, impulsu maximè naturali & diuino (eum numinis afflatum & instinctum, Furorem uocant) multo usu atque exercitatione firmato, non solum summi Dei laudes & gratulationes, quibus celebrandis initio rerum fuisse accommodatam, nostra religio confirmatum habet: sed etiam corporum coelestium motus, quæ in cœlo apparent, & interiores totius Naturæ causas, certis inuolucris adumbratas, omnem doctrinæ materiam ita tractantes, numeris concluderunt. Quod autem res euenturas diuinitus pro-

tus pronunciarent, Vates sunt appellati. Similiter ad communem hominum Prudentiam cōuersi, breues & illustres sententias, tanquam leges ac documenta, uitæ informationi præscripserunt. Itaq; ut illustria virtutum omnium exempla maximis laudibus ornantes, ad imitationem proposuerunt, ita cupiditates, luxum, libidinem, atque omnis generis uitia, graui sunt uituperatione prosequuti: ut omnem Sapientiam, numerorum oblectatione conditā, penes Poetas antiquissimis temporibus fuisse legamus, quibus honor præcipuus haberetur. Rebus igitur ex cultioribus, impulsis laudabili æmulatione ingenijs, delectu uerborum, pondere sententiarum, descriptionum uarietate, accurata & diligenti structura, lectu & auditu iucundiora effecerunt: ut summam industriæ atq; ingenij Admirationem, quam unam potissimum inquirunt Poetæ, sint assequeuti. Est Heroicum genus carminis, graue illud, & plenum, quo fortia Heroum facta, resq; principum gestas, perpetuis laudibus celebrarunt. Ad alia conuersi, Lyricis certamina atque uictorias, in omni uarietate & copia: Elegis res lætiores, & querelas, quædam orationis uenustate: Bucolicis res pastorales, humili & simplici sermone: Epigrāmaticis, arguta uel breuitate, quæcunq; occurrerent: Satyris (quæ in ueteris Comœdiæ locum successe runt) morum emendationem, uitia enumerantes, sermonis uarietate & obscuritate, pertractarunt. Præcipua eorum laus in personis ac rebus, decori obseruatio, in uerbis copia & uarietas, atque perturbationum cuiusque cōditionis hominum expressi motus: ut loquētis Picturæ nomē, Poetis habuerit. Consequentes Poetæ leuia, nec perinde necessaria, accurata oratione, & uenusta, priuatis affectibus nimium inseruientes, multa sunt persequuti: ut hoc facto, scriptionis huius dignitas & auctoritas plurimum sit comminuta. Sed ex eadem Poesi suis temporibus profecta & tractata est Comœdia, quæ ad similitudinem mediocris status hominū, & ad quotidianæ uitæ expressam imaginem comparata, decus, elegantiam, uenustatem, populari iudicio accommodatam, sequitur: ac liberiore orationis cursu, à turbulentis perturbatisq; rebus priuatorum, ad optatum & lætum exitum progreditur. Hac grauior & sublimior est Tragœdia, de maximis rebus gestis, atque ijs principum, facta dictaq; cōtinens: ut uehementioribus utens affectibus, res ad tristes, cruentos, & inopinatos casus, funestos, ac lugubres adducat. Vtræque tamen à plerisq; minus laudatur: illa, quod stupra & adulteria commemoret, desperationis atque furoris exempla hæc persequatur. Continētur autem in eiusmodi Poe-

Vates.

Poetices generæ.

Nova Comœdia.

Tragœdia.

Fabulae. tarum multiplicibus scriptis, magni ingenij commētiarū Fabulæ: quæ præter singularem delectationem, & ex admiratione quadam persuasionis uim, dissimiles etiam hominum mores, atque interiorem rerum Naturam adumbratam habent. Quorum enim opera uisi fuissent, eosdē diuinis honoribus sunt prosequuti, ut præter alia multitudinem deorum quandam Poetæ introducant. Excitatis ad liberè excogitandum ingenijs, maximus diuersis seculis Fabularum numerus fuit: ut ex eo iustum opus, quod rerum gestarum propè æquet amplitudinem, con-
 10 texti possit, & compleri. Quæ quoniam ociosa magna ex parte sunt, nec ita religioni consentanea, huic Vniuersitatis rerum historiarū minimè inferenda suis locis putauimus. Itaque cum in commemorandis rebus gestis, Poetæ ueritatem, ad quam omnia referuntur, iucunditate, gratia, & oblectatione, ingeniosis commentis atque fabulis totam obscurassent, & minus fideles esse coepissent (uti tempora alijs alia opem ferunt, & cōsequentes à prioribus prætermissa complere, eadem restituere, atq; in
Historia. melius conuertere conantur) inuenti homines literati, quos ciuile in rebus communibus tractandis ac lustrandis ingenium, & ad scribendum parata atq; instructa dicendi facultas potissi-
 20 mum commendaret: qui libera oratione, ut ita maior esset grauitas & autoritas, rerum memoriam, quæ tradita per manus facile corrumpebatur, præter singularem & ingenuam oblectationem, ad moderandas Respub. in primis necessariam, copiose, ornatè, prudenterq; consignarent. Eisdem de causis, Historiam hanc memoriam continētem, scriptionum primam fuisse confirmant. Primi namq; illi generis hominum administratores diuinitus missi, cum uiderent, quæ de rerum origine, & maiorum suorum gestis, sermonibus publicè habebantur, ea facillimè interire atq; corrumpi, ut minus uera utilissimis de rebus
 30 narratio ad posteros perueniret, eas literarum notas, quas modò priuatas fuisse diximus, maximo generis uniuersi hominum commodo, publicas extare uoluerūt. Hoc tantum beneficium antiquior & sanctior Hebræorum gens primū contulit, ut historia Literaturæ consequēti aptius tractabitur. Carterę gentes in magna adhuc rerum obscuritate, primū diarijs, fastis, annalibus, & cōmentarijs, suorum temporum memoriam simplici oratione breuiter scripserūt. Inde rerum maiore successu, exulta literis ætate, Historiam suis numeris cōpleuere: cuius
 40 fufum est orationis genus, & æquabile, ut sit narrationum continens & perpetuus cursus, non eam uim, quæ in orationibus forensibus cernitur, retinens, neq; eam quæ in uerborum structura

Historia scriptionis prima.

*Historia exter-
 norum.*

- ctura Poetica seruat, curam diligentiamq; adhibens, quando utrique conuenienter est interiecta: ut ex hac liberiore oratione, soluta quædā Poësis, Historia esse dicatur. Ordinis temporum summa habetur ratio, & conuenientis regionū descriptionis: maximarum rerum, quæ publica memoria dignæ sunt, consilia & deliberationes explicantur: dicta factaq; illustria, ad exemplum utiliter inferuntur: ut res omnes ad eos euentus, qui propositi sunt, certa progressione possint deduci. Postea Historiæ scriptores, ex Rhetorum officinis, Philosophorum spacijs, & cōmunis Prudentiæ exercitatione progressi, rerum gestarum præclara monimenta reliquerunt. Est quippe Historia ad omnem uitæ partem, conditionem, ætatem, locum, & tempus, iucunda, fructuosa, atque per omne doctrinarum genus sparsa & profeminata: ut hac una de causa eandem ex omni descriptionū uarietate delegerimus, cuius conuenienti ratione multiplicem hanc, quam proponimus, Vniuersitatis rerum doctrinam ordine cōplecteremur. Eidem cum omnium ætatum populi communibus animis plurimum detulerint, perfectum illud est, maximo rerum humanarum cōmodo, ut expeditū sit
- 10 è scriptoribus omnia tempora lustrare, non aliter, quàm si istdem, aut diuersis in locis uixisse, aut cum illa gererentur, interfuisse contigisset: quæ ipsa perpetuæ generis hominum successionis illustre & laudabile ornamentum esse dicitur. Hæc res & sacras & externas ita complectitur, ut tolerabilius sit, nonnulla scripti genera perire, quàm huius partem aliquam, qua amissa, nullius tanta excellentis ingenij celeritate cōpensari posset: cætera uerò, impressis in nobis disciplinarū omnium seminarijs, iterum atq; iterum à præstantissimis uiris possent excogitari. Locupletiore splendidioreq; reddit orationem, & ad omnem communem Prudentiam ualet plurimū, ut iudicium atq;
- 30 sententiam in publicis deliberationibus multū instruat, ac confirmet. Quocirca non malè exposita Prudentia, eidē rerum gestarum historiam, Principatus nomine cōiunximus. Ac Historia tum fuit corrupta, cum oratione res paruas nimium extulerunt, & magnas depresserunt: cum obscuris temporibus homines communis intelligentiæ, & orationis exornandæ rudes, in exponendis factis necessaria prætermiserunt: cum metu ea quæ expediebat referre, suppresserunt: cumq; priuatis affectibus ad gratiam & ad odium prodendis, immodici fuere: atq; nimiam
- 40 licentiam, multa affingentes, ne quid non uiderentur attulisse, qua omnis Historiæ dignitas perit, usurparunt. Itaq; Historici simul & Poetæ uetustissimis tēporibus, cum ex omni cogni-

Historie utilitas.

Ex Historia
Posit omnia
doctrinarum
genera duna-
nasse.

tionis uarietate & multitudine illustrandis, exornandis, atque omni rerum opulenta cōplendis suis scriptis, selectissima quæque delibassent, omnium disciplinarum, totiusq; Philosophiæ sparsa latè semina habuisse cognoscitur: ut ex iisdem, tanquam ex fonte, cuncta fuisse profecta, & principium sumpsisse, traditum sit, atque proditū. Nam cum ex omni uarietate eorum quæ quique semel probassent, diuersis adducti rationibus, ea detraherent, & separatim cognoscerent, exorta doctrinarum suis quibusdam terminis ac finibus comprehensarum multitudo, quæ uarias per ætates, magnis ingenijs studiosissimè elaborantibus, 10 sua habuere, ut deinceps ordine subiicerentur, in crementa. Libro deinde huic adiuncto, nominatim clara & erudita tempora commemorabuntur, ut suis quæque locis decenter collocata à primordijs cognosci possint. Ac primū ita excitatis ingenijs, præstans ea doctrina manauit, quæ tota in Naturæ obscuritate posita, diligenter inquirat, unde quæque ortum habeant, quo uē recidant. Impulsa igitur mens & cogitatio, rerum cognoscendarum admiratione, quæ humanissima est oblectatio, & sublimi quadam rerum consideratione feracior, multa utilia omnibus sensibus, omniq; intelligentia adiuuante, magna ingenij conten- 20 tione, in hoc immenso Naturæ uniuersæ theatro peruestigauit. Nam post coeli totius aspectum, quod constantia quadam ordinum, purum est, & simplex corpus: neque ullis mutationibus, quandiu suprema ac æterna mens consistere uolet, expositum: è quatuor Naturis atque elementis cuncta ætheri subiecta oriri, composita esse, ac constare, prima progressionē animaduertisse uidentur. Ignis quippe & Aer calore ac humore uim habēt mouendi atque efficiendi: Terra & Aqua frigore ac siccitate, accipiendi atque patiendi (principes quatuor rerum qualitates appellant) quorū ut amicitia res omnes gignuntur & cōcrescunt, 30 ita inimicitia intereunt atque dissipantur. Cuiusmodi illa sunt, quæ minus perfectè composita dicuntur, cum in media aeris regione à terra & aquis uapores ac exhalationes uī astrorum subuehuntur: aut perfectè composita, quæ in anima terris sunt conclusa: uel animata, quandam uim habentia uigentem in nutriendo, augendo, & gignendo, in quo genere sunt stirpes: sentientem, in quinque sensibus externis maximè positam, ut sunt beluæ: intelligentem, atque rationis participem, ut est animantium omnium præstantissimum, Homo, cuius gratia hæc omnis rerum machina est fabricata: de cuius animi, ex Natura simplici 40 constantis dotibus, cum non habeat in se quicquam admixtum dispar sui, atq; dissimile, excellentissimis muneribus, & immortalitate

talitate præclara multa differuerunt, quæ primo libro de Naturæ historia plenius suis locis continentur. Eiusdem animi beneficio nihil nisi certis ex causis ac rationib. fieri, ut est captus hominum, cognouerūt. Itaque rebus omnibus duas esse causas, ipsidem coniunctas, obseruarunt: unā, Materię ex qua: alteram, Formę uim, per quam aliquid efficeretur. Extra res totidē positas, Efficientem, & causarum nobilissimā eam, quę Finis aliquis gratia esse dicitur. siquidem ut aliquid possit extare, concursu harum quatuor causarū necesse est fieri: ipsum opus inde emergens, Effectiōem uocant, atq; Euentum. Coniunctas præterea ipsidem rebus Loci, Temporis, atq; Motus rationes, quas inuolutas in Natura, magno studio in his incumbētes distinxerunt. Quocirca eorū quę fiunt, alia Natura moueri, ponere deorsum, aut leuitate sursum: alia imitatrice & adiutrice Arte, alia quę hominibus incerta, propter obscuritatem ignorantieq; causarum, perinde ac adulterina, Casu & fortuito: alia Fato & Prouidentia, fieri tradiderunt. Multa inde exquirentes, latentem & occultatam plerisque in rebus quandam esse concordiam, cognitionem, & continuationem Naturę: atque

20 certas apparere, nulla nobis constante ratione, inimicitias ac discordias, sunt admirati. In his peruestigandis, ingenio ad ea penetrarunt, ut duo rerum omniū prima Principia, Materiam appetentem Formę uim, & eiusdem susceptricē (interiecta ad coniunctionē, ut uolunt, Priuatione) in utroq; tamen utrunq; ut ui contēta materia, ad corpus, & quasi qualitatem quandam efficiendam, cohæreat. Qui autem sanctius & purius hæc tractarunt, Vniuersi effectricem moderatricemq; æternam mentem, summum Deum, principē, certam, atq; solam causam esse, in qua consistere, & cui omnino acquiescere oporteret, uerisimè constituerunt, & pronunciarunt. Omnem eam doctrinam de Natura, & occultis rebus, Physicē ac Physiologicē appellarunt, quę prima fuit è tribus constitutis Philosophię partibus. Cuius quasi alumna Medicina, multis petitis inde necessarijs rerum cognoscendarum causis, locupletata est, & confirmata: quam eandem ad finem huius historię consultò reposuimus. Ac redditis in Naturę peruestigatione causis, ea doctrina consequitur, quę ex constitutione, habitu, atq; forma partium corporis totius, fronte, oculis, uultu, hominum Naturas & mores colligere ac pernoscere se posse profitetur: Physiognomiam dicunt. Somniorum etiam ex his quę frequenter incurrunt, iudicium facientes, multiplici interpretatione, & palmarum quibusdam interioribus lineis multa uariè quę sita & prodita,

Rerum cause.

Principia.

Prima Philosophia pars.

Physiognomia.

Magice artis.

dita. Sed nullis constantibus, idoneis, & apparentibus de Natura rationibus diuersinituntur, quos perhibēt abuti, quibusdam admixtis ē Medicina Mathematicis atque superstitionibus: homines ij sunt mali, leues, uani, ad turpem quæstum, & quendam multitudinis applausum: qui ē Magice, inferiorū & umbrarum euocationes, responsa, colloquia, deliberationes, pacta, fœdera, nimium confidenter exercent: similiter qui ex igne, aere, fulgure, uentis, tempestatibus, aqua, terra, cadaueribus, res euenturas se prædicere, obscuras & abditas se explicare posse contendunt. Mutationes etiam in alias atque alias for-

Physices utilitat.

mas, & fascinationes: graui inde multa, nefaria, & flagitiosa. Ex ijs omnibus consequuta Diuinorum genera, ariolorum, uatum, augurum, & coniectorum: quibus uariè implicati homines fuerunt, & diuersis ætatibus multum delusi. At purior ueriorq; Physices doctrina, maximi est in omni uita usus, cum rerum admirationem excitat, ut causas interiores auidè peruestigemus, ē quibus consultò atq; diuinitus facta esse omnia, ad moderatricis Prouidentia rationem, cognoscatur. In qua liberali doctrina exquirenda & tractanda, cum animus humanissīma completeretur uoluptate, per multas ætates præclarè ingenia sese exercuerunt, & quæ de rebus sentirent, optimè confirmarunt: ut prisci homines solam bonitatem Naturæ sequuti, Deum autorem omnium, & administratorem, pro suo capto,

Metaphysice.

rebus nondum uerius cognitis, intellexerint. Itaque altior inde rerum in intimo Naturæ totius opificio inuolutarum consideratione, ea doctrina profecta, quæ mentis concepta ab omni oculorum consuetudine abducens, tota diuina est, abditæ & remotæ cuiusdam cognitionis. Primam Philosophiam, atq; Metaphysicē appellant, ea cōsiderans, quæ corporis cum sint omnino expertia, sola ratione & intelligentia diuinitus comprehenduntur. Res enim commētatur ex sua Natura, non ut corruptioni & mutationi subiectæ sunt, uerū ut secretæ, & mente concipiuntur. Ex eadem, magnæ cognitionis, disciplinarum omnium prima quædam principia, redditis præstanti ingenio Naturæ causis, constituuntur, in uniuersum subtiliter accurateq; exquirentes, ad quæ cætera referantur. Hanc tamē doctrinam, multis productis rationibus uariam, obscurā, difficilem, & implicatā nobis ueteres reliquerunt. Quocirca uisa est pars illa de Natura scitu quidem dignissima: sed quoniam à necessaria sui cognitione, quod est omnium difficillimum, aliquantum recederet, qualisq; peregrinari uideretur, instituta ea doctrina, uitæ informationi conueniens, quæ de rebus bonis & malis,

malis, Naturâ impressam nobis rationem sequuta, inquit. Initium igitur facientes (ita enim huius historiæ ordo postulat) ab ijs quæ vulgari & populari iudicio, errorû omnium magistro, bona expetenda, in morum corruptione falsò creduntur, primùm ea fuere, quæ Fortunæ, & extra nos omnino esse dicimus: cuiusmodi sunt opes, & rerum affluetia, libertas, amicitia, liberi, propinquitates, affinitates, clietelæ, nobilitas, & natalium splendor, dignitas & autoritas, gratia, fama, potentia, honores, & gloria. Quæ etiam si absint, non tamen magnopere expeti de-

Moralis Philo-
sophia.

Externa bona.

Corporis.

- 10 bere, aliquanto meliore iudicio intellexerunt: ut inde ad ea bona, quæ sunt corporis, progredierentur, qualia sunt ualetudo & incolumitas, firmitas, robur & uires, forma & pulchritudo, sexus, uox, ætas, celeritas, promptitudo, atque sensuum omnium integritas. Sunt hæc quidem utilia, commoda, & delectamenta huius uitæ: sed quæ nihil prorsus esse dixere, habita ratione excellentum bonorum, quæ propria hominis Naturæ, in illius animo esse propè diuinitus deprehenderunt: cui eidem si decenter coniuncta sint, perinde ac quedam instrumenta, & quasdam opportunitates, magno adiumento atque ornamento esse possent.

Animi.

- 20 separata ab animi bonis, perniciosa existere censuerunt. Itaque cum meliora quæque postremò inuenta deprehensa quæ uideantur, notitijs (legem Naturæ uocant) diuinitus impressis, & ea rationis bonitate, quæ à feris sumus longissimè disuncti, Sapientes homines, rerum in nobis iudicium, boni ac mali discrimen esse, atque conuenientem eorum quæ secundum Naturam sunt, delectum quandam habere, consilium & deliberationem, cognouerunt. Rebus omnibus Naturæ in quodam perpetuo certamine contentione quæque positæ, cum idonea & congruentia amplectimur, contraria & repugnantia auersamur: unde in factis & dictis, quid uitandum ac fugiendum, quid quæ uerè sequendum & expetendum, optimè intelligitur: quid item rectum & laudabile, ex quo præclarum illud Honesti, decori, ac pulchri studium

Recti delectum.

- 30 conflatur: ex quibus abundanter cognosci potest, nos certa Providentia magnas ad res percipiendas esse genitos. Quippe ex eodem honesto, tanquam uberrimo & purissimo è fonte, repetitis frequenter laudatissimis actionibus, animi habitus rectæ rationi, duce egregia uoluntate, obsequentes, emanant, & Virtutes ritè nominantur. Quarum aliæ in ipsa actione positæ, necessitates propositas habent, ad eas res parandas tuendas quæque, quibus hæc omnis uita in animi tranquillitate degenda continetur. Eam ad rem, ut omnia quæ fiunt, quæque dicuntur, ordine ac modo efficiantur, deprehensa & constituta excellens uirtus, quæ Mo-

Honesti studium.

Virtutes in
actione positæ.

- 40 desitia

Modestia.

Temperantia. destia appellatur. Sed immodicis cupiditatibus coercēdis, moderandis, atque prætermittendis hominis præstantia indignis uoluptatibus, ac regendis ijs motibus animi, quibus impulsus uehementer concutitur & perturbatur, Temperantia, Continentia, atq; uirtutum omnium mater Frugalitas, conuenienter est adhibita. Incidunt autem dolores, exilia, orbitates, uinçula, luctus, labores, egestates, mortis metus, aliaq; incommoda, pericula, & infortunia uitę, cum præsens bene informatus, alacer, & magno robore septus animus, ut uirtutibus inferiora statuens, ac elatus & inuictus, res humanas despiciens, Fortitudine multum confirmatur. Eadē uirtus non declinans à recta ratione, & animo æquo perferēs quę adsunt, Patientia & Constantia dicitur. Est utiq; animi magnitudo quædam, in conuenienti & opportuno pecunię usu, Beneficentia atque Liberalitas dicitur. Communis autem societatis, & ciuilis coniunctionis seruandę gratia, exorta est præstantissima uirtutum Iustitia, unicuiq; sua, recta, & æquā tribuens: quę erga Deum Religio, parētes Pietas, uulgò Bonitas, erga hospites Hospitalitas: in contrahendo, creditis in rebus, & in pactis seruandis, Fides: in moderatione animaduertendi, Lenitas: in mutua beneuolentia, quę ex morum similitudine, communione officiorum, & concordia nascitur, Amicitia. Sed maioris est considerationis, uirtutum princeps, quę in perspiciencia, cognitione & scientia ueri posita, materiam, in qua uersetur, propositam habet Veritatem, quam iudicij & consilij ratione, in deligēdis opportunis bonis, ac rectis, atq; in malis & prauis prætermittendis, congressione hominum, usu & tractatione rerum, excellenti comparata industria; Prudentiam dicimus. At in expetendis atq; fugiendis, & primis rerum causis interius quærendis occupatam, grauissimo nomine Sapientiam appellant. His subiectę sunt partes ex tripartita temporum ratione, Memoria, Intelligentia, ac Prouidentia. Duę autem uitę congruēter transigendę partes, ex Prudentia profectę: una, cum suę quisq; Rei familiaris tuendę rationes inquiri: Oeconomia, & Prudentia domestica nominatur. Altera, quę multitudinis in ciuitate regendę, principatus administrandi, sanctiorum legum usum, pacis retinendę artes tradit: Politice & Prudentia ciuilis ritē dicitur. Eadē duę uirtutes, quoniam non uidentur huius loci, in Prudentię historia suprà sunt uberius tractatę. Pari ratione uerum inquirens Sapientia, hanc tertiam totius Vniuersitatis rerum partem, quarto hoc uolumine comprehēsam, nobis ita ijs de causis, quas toties explicuimus, ita distribuentibus, est fortita,

fortita. Ac superiores quidem uirtutes, cum rationem uoluntas
 quandam sequantur, hæc duæ, Prudentia & Sapientia, acce-
 dentibus Arte, Intellectu, Scientiâ, uim & habitum intelligen-
 di referre traduntur. Præter hæc Heroica est uirtus, quæ altio- *Virtus Heroi-*
 re & diuina quadam mente, supra uulgarem atq; communem *ca.*
 hominum ingenij uim, excellentius aliquid habere deprehenditur.
 Comites autem uirtutum, Probitas, integritas, æquitas;
 candor, spes melior: sed custos est omnium, dedecus fugiēs, lau-
 demq; maximè consequēs, Verecundia. Atq; hæc omnia, quan- *Affectio.*
 do inchoatum quid est, neq; perfectū, progressio ad uirtutem,
 quasi quædam Affectio: quando autem Natura, exercitatione
 & arte absolutum, Habitus dicitur, qui est ipsius Naturæ, & eo *Habitus.*
 rum quæ in animo sunt posita, perfectio quædam, ac una res
 optima. Sed cum omnes uirtutes quodammodo intermediæ
 sint ijs duobus extremis uitiosis, quæ aut nimium, aut parum se-
 quuntur, ut conueniens Mediocritatis nomen accipiant: ex his
 quædam similitudine falsæ sunt imitatrices earum, ut iudicium
 plerumq; fallant. Nam Temperantiâ proximè imitari uidetur, *Virtutes falso*
 seuerior immanitas quædā in uoluptatibus, cæterisq; uitæ de- *referentia.*
 licij aspernandis, Frugalitatem auaritia: Magnitudinem ani-
 mi, fastus & superbia in animis extollendis, atque despicientia
 in contemnendis honoribus: Fortitudinem audacia & teme-
 ritas, Patientiam duricia immanis, Liberalitatem inconsidera-
 ta effusio & largitio, Iusticiam acerbitas, Religionem supersti-
 tio, Lenitatem mollicia animi: Amicitiam adulatio, blanditiæ,
 & assentatio: Prudentiâ meditata malicia, & arguta calliditas
 quædam: Veritatem dissimulatio, Verecundiam stupor &
 timiditas: quæq; sunt eiusmodi plurima, exercitatisimis ho-
 minibus in hac communi uitæ totius consuetudine non igno-
 ra. Sed dum prauis cupiditatibus & affectibus oppressa Ratio, *Turpitude.*
 legitimæ animi & uoluntatis imperium non tenet, in contra-
 rium Honestatis fertur Turpitude, è qua uitiorum omne ge-
 nus, communi Vitiositatis nomine, emanat: quæ singula uicia
 singulis suis oppositis uirtutibus aduersantur: quibus cum di-
 micandum integra mens sibi proponit, atq; incorrupta, conue-
 nienter Naturæ uiuens, & congruenter: ut præcipuum felicitis
 huius communis & ciuile uitæ bonum, quo actiones nostræ,
 rectæ rationi ac uirtuti consentaneæ, referri possint, Acquabi-
 litas animi, & Tranquillitas, ad omnem morum Constantiam *Tranquillitas.*
 & dignitatem retineantur. Et hæc quidem compositione apta
 corporis, actione quadam, non sola cognitione, uultu ipso: sed
 magis Oratione, mentis simulacrum proximè referente, qualis *Oratio.*

homo sit,prehenditur.Commendant orationē,morum Candor,decentia,arque elegantia in congressionibus,& conuictu omni:ut duo illa,quibus nihil ad cōciliandos hominum animos uehementius,Comitas & Aftabilitas,conferuntur. Probatur etiam oratio,cum rebus,locis,temporibus,& personis conuenienter est accommodata,cumq; uicissitudo loquendi adhibetur,Grauitas quædam,& quæ est retinenda,rectus in affirmando & negando habitus, Veritas: quam deinde maxima in consuetudine hominum uirtus,& firmissimum uinculum,Fides doctorum & factorum omnium,cōsequitur: qua ipsa aut uiolata, aut sublata,nihil inter mortales tutum aut securum esse potest. Tractantem illa de uita,moribus,& animo componendo, omnium maximè excellentem disciplinam: è qua uiri boni,seipfos sapienter cognoscentes,quod potissimum habetur,sunt profecti:Ethicē appellarunt Græci,Moralem philosophiam Latini, quæ altera fuit à superiore,quam Physicē diximus,è tribus Philosophiæ partibus,his quas persequimur rationibus atque occasionibus,introducta.Præcipuus usus est,ad ciuiliū Legum intelligentiam & moderationem: quando,ut quidque maximè est Naturæ consentaneum,hoc æquius habetur.præterea ad rerum gestarum iudicium,ad oratorum locupletandam orationem,ad actiones priuatas,atque sermones in uita optimè componendos. Hanc eandem dissentientes in cōstitutione Summi boni,quò omnia Philosophi referebant,& subtiliores disputationes,in tanta obscuritate illius ætatis,diu multumq; conturbauerunt.Sunt hæ superiores disciplinæ,quas de Natura & moribus appellauimus,in rerum inquisitione & peruestigatione positæ: quibus omnibus explicandis,exornandis,& stabiliendis,perinde ac ministræ,comites,& interpretes,materiam,quam tractent,sermonem & orationem habentes,Dicendi facultas, atque Differendi prudentia accessere. Quarum utilis est cognitio,ut non minus studiose in his sit uersandum,quàm in multiplici rerum tractatione,utranque uerborum ac rerum doctrinam aptissimè ad mentis nostræ conceptus apertè,copiosè,ornatèq; explicandos,coniungentes: quo ita communi beneuolentia atque uinculo,intelligendi simul & dicendi omnis perfectio consequatur. Quanquam in discēdis literis,uerborum studium præcedat,oportuit tamen nobis Historiam Vniuersitatis scribentibus,primam rerum curam habere,ut progressiones suis conuenientibus occasionibus melius ita cognoscerentur & tractarentur.Itaque ut primo loco rerum Natura,& morum institutione exposita,Dicendi facultatem reponamus,cum naturali

*Altera Philo
sophie pars.*

*Moralis Philo
sophie utilitas.*

*Sermonis disci
pline.*

*Rhetorices pri
mordia.*

- rali iudicio simus ad nostra defendenda quodammodo instru-
cti & discreti: qui minus illis temporibus id potuere, alijs sua di-
scipula tuto commiserunt, & maxime in liberis ac populari-
bus Rebus publicis, ad multitudinis animos in quavis partem
impellendos. Ac interueniente negociorum magnitudine, ma-
iores vires communi & uulgari sermoni additæ, atque maiora
sunt quæ sita orationis conformandæ præsidia. Causis nanq[ue]
agendis homines adhibebantur minimè incallidi, qui studiose,
quæ meditati fuerant, ut perspicua magis, & auditu iucundior
10 ra redderentur, in medium proponebant. Consuetudo & exer-
citationis assiduitas facultatem effecit: diligens obseruatio &
imitatio eorum qui aliquid erant assequuti, conatus ac diligen-
ciam auxit: ut iam expedire, copiose, ornateq[ue], magnis de causis,
in coetu hominū frequenti, dicere se posse confiderent. Col-
lecta inde ab hominibus doctis & exercitatis præcepta, quæ in
dicendo sequi expediret, & ars Rhetorice est conflata. Hæc à
Poeti ex cultiore iam diuersorum studijs facta, multum accepit
adiumenti & ornamenti. Ac primum Oratores, qui ita dicun-
tur, in tanta uerborum cuiusque linguae, in qua uersantur, mul-
20 titudine & uarietate, delectum faciunt, qui idem totius doctri-
nae est origo. Inde ab Elocutione, parte huic arti maxime pro-
pria, atque ornatu, Eloquentia nomen habet: ut purus sit, inte-
ger, usitatus, & elegans sermo institutus. Ex Verbis propria ex-
primendis rebus alia sunt: alia ad sonum, ornatum, iucundita-
rem, inopiam etiam, & perspicuitatem accersita, atque similitu-
dine quadam artificiose translata. Horum splendor & magna
copia ab optimis scriptoribus petitur, ad uitandum repetitio-
nis fastidium, & ad introducendā gratam auribus uarietatem:
qua eadem cumulatè instructi, nihil sit in omni genere, quod
30 non plenè & abundanter possit efferri. Conflantur ex utrisque
uerbis, proprijs atque translatis, acutæ, illustres, & uberes Sen-
tentia: ex iisdem Similia, in hominum uita, moribus, & rerum
Natura aptantur: Exempla aut domestica, aut ab omni memo-
ria antiquitatis repetita: Expolitiones, conformationes, aptæ
descriptiones, comparationes, atq[ue] egressiones, Amplificatio-
num locis conuenientibus ratione quæ sita. His quasi luminibus
oratio illustranda est, coloribus in omni uarietate distinguen-
da, & ornamentis decenter conuestienda. Iam Numeroru sua
40 uitas Poeticis liberior circumscriptione quadam uerbis aptè &
decenter conclusis, ad intelligens aurium iudicium accommoda-
datur. Ipsum orationis corpus & dictio, aut tenue & humile
quiddam sequitur, aut grande & amplum, aut utrisque æqua-

Excogitatio.

Orationis
partes.

Collocatio.

biliter interiectum genus, quod medium & temperatum nomi-
nant: quæ ex uerbis, sententijs, atque omni compositione, cuius
generi apta discernuntur. A uerborum doctrina, ad rerum tra-
ctationem conuersi (nam in publica exercitatione prior rerum,
quàm uerborum, habetur ratio) quod Inventionis est, ut quid-
que oblatum fuerit, num sit infinita uniuersi generis Quæstio,
remotis tēporibus, personis, ac locis, diligenter exquirunt: post,
num his omnibus accedentibus, sit finita, de certa aliqua re, no-
minatim cōsiderant. Itaque à proprijs personis & temporibus,
si possunt, auocant controuersiam: ut quod in uniuerso sit pro- 10
barum, id in parte sit probari necesse. In causis Iudicij quid æ-
quum, in quo iniuria sit, ex tripartita statuum ratione longius
persequuntur: in causis Suasionis & dissuasionis, quid hone-
stum, quidq; utile, & his contraria: tertij generis sunt causæ lau-
dis atque uituperationis rerum, personarum, & factorum. Re
iam cōstante, quasq; per omnes suos articulos cōperta, Orator
Exordio illustres ad dicendū facit aditus, uerecundè præparat,
erigit: atque conciliata auditorum beneuolentia, docilitate, ut
sint attentiores, efficit. Narratione tum dilucidè, perspicuè, pau-
cis, ac probabiliter, factum & rem gestam exponit: ut quid aga- 20
tur, intelligi possit. Dein Propositione ac partitione distinguit
acutè, & diuidit ea, de quibus parat dicere. Ac medio quidem
conflictu, in quo est posita omnis dicentis uictoria, firmissimis
argumentis & rationibus, fidem faciētib; sua probat: eam par-
tem orationis Cōfirmationem uocant. Aliena uerò, & obiecta,
quæ causam impedire, aut eidem obesse possent, Confutatione
minuit, euertit, refellit, & à se reijcit. Interea ornandi aut augen-
di causā, aliquantum excurrere solet, atque digredi. Confecto
ad hanc rem negocio, quæ firma & stabilia esse, quæq; audito-
res efficere uult, & implere, breui accedente superioribus ora- 30
tionis partibus collectione & Cōclusionē, quosdam aculeos in
audientium inflammādis aut restinguendis animis, convenien-
ti cohortatione relinquit. Sunt illa Inventionis rerum. Cognito-
scitur autem præstantis Oratoris in suis omnibus moderandis,
decenter & accommodatè disponendis, præsens consilium, ac re-
iudicium, atque singularis Prudentia. Argumentationes facien-
dæ fidei, ordine suo collocantur, quæ ex Locis artis expertibus,
aut arte constitutis petuntur. Itaque cum debitum sit in oratio-
ne, ut intelligantur omnia, commodè & apertè disserere atque
docere, honorarium est, ad res seueriores condimēto quodam 40
leniendas, & ad tenendum auditorem, sales atque facetias, subti-
li uenustate ac urbanitate cōiuncta, orationi admiscere: necessa-
rium

- rium uerò, affectiones, & animorum motus, quos generi hominum uarios Natura tribuit, consideratis suis conuenientibus locis, placidos & quietos excitare, atq; uehemētius impellere: turbatos ac perculsos reuocare & sedare posse: quod est artis quædam perfectio, uis Oratoris, atq; magnitudo: nihil ut sit usquam in rebus, tēporibus, personis, ac locis alienū, aut dissimile ab utilitate causæ, & obtinenda uictoria. Quæ ut aptè ad decorū seruandum perfecit Orator, fideli rerū omnium inuentarū & dispositarum, ac uerborū custodi, atq; thesauro Memoria, locis
- 10 & imaginibus, ne quid excidere possit, commēdat, atq; comprehendit. Postremò suo tempore, suauis uocis conformatione, uultu, totiusq; corporis decenti ad Pronunciationem gestu atque motu, audienda in coetu hominum cōgregatorum oratio proponitur: cui quidem actioni, propter singularem in persuadendo gratiam, primas, secundas, & tertias partes dedere. Eiusmodi exorandæ atque constituendæ orationis documentis, communi Prudentia, omnium rerum magnarum cognitione, imitatione, & exercitatione cumulatus Orator, de quauis re proposita copiose, ornatè, compositè, aptè ad persuasionē se dicturum
- 20 profitetur. Hæc arte primū homines à feritate & agresti uita, in quendam humanitatis cultum, elegantia & urbanitatis tractos crediderunt. Maximus illius usus in omni uita, & potissimum in Republica, ad tenendam multitudinem, ad causas in foro agendas, ad funerum celebritates, ad militares conciones, ad religionis nostræ doctrinam populo tradendam, ad aliena scripta melius intelligenda, & ad explicatius, ornatius, atque accuratius conscribenda ingenij & literarum monumenta. Nihil enim tam est obscurum, reconditum, perplexum, ac perturbatum, quod nō elaboratæ & distinctæ orationis luminibus splen
- 30 descat atque illustretur: quando præter illa hoc efficit, ut ea quæ ignoramus, discere: quæ scimus, alios docere confidenter possimus. Eadem omnium laudatarum artium nixa præsidij, tantam habet cum Sapientia cognationem & communiter, ut Eloquentia, copiose loquens Sapientia esse dicatur, ac diuelli ab ea uel separari non possit. Furiosi nanque habetur, nulla subiecta sententia, inani uerborum profluentia & uolubilitate quadam dicere uelle. Quibus de causis adducti, ne aut imparata hæc facultas esset, aut rerum cognitione minus instructa, post Naturæ atque morum doctrinam, conuenientem, pro instituti huius ordinis ratione, hunc illi locū dedimus. Hanc facultatem
- 40 qui sunt assequuti, Disertos & Eloquētes appellamus: quorum maxime honoraria semper in hominum societate conseruanda fuit

Memoria.

Actio.

Orator.

Rhetorices
utilitas.Eloquentia Sa
pientia con
iuncta.

Eloquentes.

fuit occupatio et professio. Quae eadem cum aetates caruerunt, omnes ceterae disciplinae sunt obscuratae, contemptae, & neglectae. Ac postremo cum haec longo intervallo est repetita, non modo inclaruerunt doctrinae studia, uerum & linguae uulgares, ad nostras cogitationes apertius explicandas, & scriptis consignandas, excultiores sunt factae. Qui artis uarietati confisi, ueteratoria quadam facultate nimium abutuntur, segregant à Prudentia & Sapientia Eloquentiam; quibus ipsidem illa, ut corpori animus, arctissimè colligatur. Est illud quippe uehementer pudendum, literatos homines, quos ad omnem modestiā exemplo ceteris esse, ac documēto oportet, artis oratoriae praesidijs, immodicas affectiones priuatas, maximò literarię existimationis ludibrio, inter se prodere. Hinc maleuolis obrectationibus, acerbis contumelijs, atque grauib; calumnijs alij in alios asperius inuehuntur: quę nihil aliud sunt, quàm manifesta corrupti, leuis, & inconstantis animi testimonia. Ab eadem dicendi facultate instructior facta est rerum in armis gestarum enu-

Dialogi.

meratio, quam Historiam supra appellauimus. Similiter incrementum accepit oratio Philosophorū seria illa & grauis, quae illustres personas magnis de rebus, ad similitudinē sermonum familiarium, qui inter literatos habentur, loquentes facit. Ita dictis omnibus plus inest dignitatis & auctoritatis. Tamen ea loqui inter se finguntur, quae nunquam sunt loquuti. Ex mutuis eiusmodi colloquijs, Dialogi nomen hęc scriptio cōuenienter habuit. Quam ad rem modestię cuiusdam esse censetur, non audere in sua persona confidēter de rebus pronunciare. Sed multum detraxit, leuia & parum necessaria eidem conclusisse. Ex Poetarum scriptis dimanasse Dialogos existimant, qui in Comœdijs atque Tragœdijs personas loquētes, alijsq; in suis scri-

Porfir.

ptionibus introducunt. Poetis etiā ornamentis oratorijs, multo usu rerum locupletatis, plurimum accepit deinceps adiumenti: licet ab eadem, seminaria omnium doctrinarum continente, primū eandem defluxisse, & ipsam Oratoriam artem communibus sententijs tradant. Est quippe disciplinarum omnium mutua consensio & communitas, quam eandem nullo instituto tractationis ordine, quisquam satis representare possit: ut facilius sit, in uniuersum nonnullis coniunctis, plura discere; quàm separatim pauca quędam, auulsa & disiuncta. In tam multis doctrinis, quae longis temporum spatijs, elaborantibus plurimis, sunt deprehensae, constitutae, & acquisitae, copiosi, ornati, atque eruditi sermones in coetu literatorū, magnis de rebus differentium, habebantur; cum propius ad se conuersi, etiā

CITORES

Diadestices introducende rationes.

errores imbecillæ mentis summouendos esse duxerunt, & huic subtiliore quadã arte, opem, ne temerè quibusuis assentiretur, ferendam. Itaque cum multi alijs cōtradicerent, ne ñ protinus à sententiã dimouerentur, suis optimè confirmandis rationes studiose inquisierunt. Ac proinde, quo nullus esset erroribus & falsis opinionibus locus, in tanta dissidentiũ inter se perturbatione atque dissimilitudine, certum aliquid tandem, in quo animi communiter acquiescerent, ut demersa & occultata rerum Veritas erueretur, cōstituere sunt conati. Quocirca mentis ipsius, non sensuum iudicium, quod naturalenobis inest, sequuti, magno huic studiorum incōmodo, dum confusa & perturbata essent omnia, boni & acuti uiri plurima adiumenta, perinde ac neruos, orationi importarunt, atq; ueritatis in disserendo tenendæ instituta est disciplina: qua oratio non copiose, ut illa superior popularis, & ad uulgis sensum accommodata: sed prescius, contractius, & subtilius, ad eruditorum consuetudinem, ratione concluderetur & cōfirmaretur. Est quippe hæc oratio quasi è foro in scholas translata, omnibus ornamentis detractis, nuda & simplici sermonis ratione contenta, ut contractam & astrictam Eloquentiam: superiorem uerò perpetue orationis explicatricem, huic altera ex parte respondentem, dilatatam esse dicant. Certæ igitur leges propositæ, quarum præscripto, ex his quæ quisque uel affirmaret, uel negaret, uerum inde & falsum ingenio se eliceretur. In tanta Philosophorũ per diuersas ætates multitudine, ut sunt dissimiles uoluntates, studiũq; diuersa, ita dissimiles ingeniorum exercendorum, & ueritatis indagandæ gratia, disputandi rationes sequuti fuisse uidentur. Siquidem à rebus incertis assensionem cohibentes, in utranq; partem differere, aut minutis interrogatiunculis, quasi punctis, quod proponerent, efficere, aut cōtra alterius opinionem subtiliter ratiocinari conabantur. In quibus illud placuit, breuiter & argutè, certis & exploratis rationibus argumentationes contexere, ex quibus ars plenior & uberior est constituta, & firmatis temporum iudicijs utiliter retenta. Cui facultati ex uocũ, quibus sermo constat, uarietate, conceptis animo rebus, interpretis loco significandis, alia esse Nomina, temporis expertia: Verba alia, tempus habentia, est deprehensum: alia horum, ad expressam animi sententiam cōformandam, quasi uincula quædam, (liceat enim ab his artem auspicari.) Igitur ad uisum meliorem, etiam rectam nominum rationem, Natura, casu, arbitrio, consensuq; uti tradunt, rebus impositam, huic doctrinæ quidam subiecere. In ipsis autem uocibus certa communis &

Artis constitutio.

Oratio.

Nominũ ratio.

Quorū uoces. nitas & cognatio quæ sita. Nam quæ latius patent Genera, efficientibus Differentijs, aut discernētibz, Species atque formas angustiores complectuntur. Formis subiacet non necessarię inquisitionis singulorum (Indiuidua dicuntur) multitudo: iisdem formis discernendis, Propria etiā inquirunt. Inde omnis eorum quę incolumi rerum Natura inhzrent & Accedunt, uarietas comitatur. Horum magnis præsidijs eadem uoces, ex dispersis, in unum sunt collectæ, & in certas sedes, ordines, atq; familias conuenienter repositæ. Principem locum ea quæ esse, in ipsa Natura significāt, tenent: (Essentiam dicunt:) hæc autem sensibus aut intelligentia comprehendūtur. Ea iam, quæ his uariē accedunt, consequuntur: cuius generis illa quæ Quantum, & Quale, unde nomen qualitatis, indicant, quęq; cum alio Conferuntur, aut Agere & Pati significant: aut Vbiloci, & Quando temporis ratione, Situm esse & Habere demonstrant. His enim tam multis
Decem summa genera. & necessarijs adiumentis optimē instructus artifex, obscura uerba explanare ac interpretari, & res latentes atque inuolutas circumscrip̃tē breuiterq; Definire: ambiguas uerō uniuersas, ac multiplices, in suas partes & formas, quasi membra, Distribuire atq; Diuidere accommodatē potest: quod in pertractandis
Methodi ratio. munus, hoc efficientem Methodum cōuenienter appellarunt: cuius duas potissimum assignant rationes, unam dissolutionis, alteram coagmentationis, quam ultimā hoc scripto sequi in plenisque conamur. Itaque uoces eiusmodi omnes, postquam plenius constant, orationes, sententiæ, partibus aliquid significantibus aptē iam cōiunctis, & multiplices Enunciationes efformantur: quæ aut uerę sunt, aut falsæ: aut aientes, aut negantes. Omnis autem uarietas & opulentia petitur ex Locis, in quibus sunt rerum notæ, & argumentorum sedes: qui artis expertes, remoti sunt, & assumpti: aut rebus ipsis inhzrētes, insiti, & infixi dicuntur: nihil ut mente concipiatur, quod non in aliquem horum locorum, rebus ad fidem faciendam comprobādis & concludendis, magno ingenio possit repositum inueniri. Quocirca ex illis sententijs & enunciatis præstanti artis Iudicio, quæ altera est ab Inuentione totius huius doctrinæ uirtus, decenter collectis, uerior atq; perfectior Ratiocinatio, Syllogismi nomine, ad quoduis dubium patefaciendum, ingeniose componitur. Primum locum Propositio obtinet, tum Assumptio: ex his positis & concessis, Cōclusio sequitur & efficitur: alterutra ex prioribus prætermis̃sa, sic Rhetorum propria ratiocinatio, quæ Enthymema dicitur. Sed dinumeratis aliquot, ex singularibus aliquid inferēs uniuers.

- uniuersale, & ex rebus non dubijs captans assensionē, eius quo cum est instituta, Inductio appellatur. Cum uerò similitudine aliqua ex alio particulari aliud infertur, Exemplum nominant: quæq; sunt eiusmodi. Verius autem ac certius cōsentientibus *Demonstratio.* & acquiescentibus iam animis omnium, iactis à Natura semini bus, atque ipsis rerum principijs, quæ sunt notiones, nullo doctore nobis ingentæ, omni dubitatione sublata, Demonstrationes necessariò concludunt, quæ disciplinarum seminaria & initia esse traduntur. Cum autem multa in his quæ sunt proba- *Captioforum solutio.*
- 10 bilia, fallendi & deludendi studio, laqueis quibusdam perargu-
tè implicentur, maximo adiumento est in illis dijudicādis atq; explanandis, præter alia, captioforum solutio, discrimen ambi-
guorum, & singularis distinguendi prudētia. Eiusmodi docu-
mentis, quid in oratione uerum, falsum, prauum uē, quid cohe-
rens & consentiens, quid contrariū, dissidens, & pugnans, opti-
mè dijudicatur. Eadem multiplici doctrinæ, à præstati differen-
di uirtute, atque ratiocinandi subtilitate, conueniens Dialecti-
ces & Logices nomen datum. Fuit hæc è tribus Philosophiæ *Tertia Philoso-
phie pars.*
- 20 mine pars nouissima, aut instrumentum, sicut plerisque uide-
tur, additum: quibus ijsdem tribus, quicquid est usquā doctri-
narum, ueteres comprehēsum esse, communi hoc Philosophiæ
nomine, uoluerunt. Est itaque Dialectica, cæterarum discipli-
narum omnium ministra quædam, & in illis certo ordine tra-
ctandis interpres, custos, & sepimentum: una omnium men-
tis oculos ad uerum de rebus iudicium comparandū aperiens.
id enim efficit, ut certa in colloquijs proponātur, & expeditius
aliena intelligantur: deinde, ut omnia distincta sint, & locis ido-
neis posita: quodq; maximum est, ne falsis quisquam temerè
acquiescat. Itaq; Sophistæ nimia quadā differendi argutia, con- *Sophistæ.*
- 30 certatione, captationeq; uerborum, optimæ artis necessarium
usum obscurarunt, ut spinosiora multa pepererint. Hæc eadem
facultas, præter ingenuas rerum inquirendarū oblectationes, *Disputationes.*
assiduitate differendi in quoque genere plurimum stabilitur,
cum rationes, in ijs quæ asseruntur, comprobandis, studiose in-
quirendæ sunt, & discutiendæ: ut nemo non, nisi peritissimus,
ab eruditis, bene institutis, & ad totius artis comprobationem
maximè necessarijs disputationibus redeat, atque paratissimus
ad intrepidè suscipiendum de omni re proposita probabiliter
40 differenda, ueritatis patrocinium. Sed cum ab eiusmodi pro- *Plenius tra-
ctande Gram-
matices caus-
se.*

temporum iniuria, nouum accessit malum, quo res omnis literaria multum est distracta & exagitata: in quo uno laboriose superando, pars studiorum melior, prima, consequens etiam aetas tota propè consumitur. Profectum illud ex cōmutatione principatum, excurrentibus atque commeantibus aliò & aliò diuersis populis, ut linguæ multo scribentium ac loquentium usu confirmatae, quibus doctrinæ ingenij continentur, multis à communi populi usu recedētibz & importatis peregrinis uocibus, deprauatae ad posteros uenerint. Quam ad rem cum uicini illis aetatibus minus purè loquerentur, minusq; optimi scriptores intelligerentur, subsidio fuit bonorum uirorū labor & diligentia, qui ad usum loquendi, scribendi, & intelligendi potissimum, ex commendatis melioris ætatis scriptoribus, diuersi generis præcepta, ad omnem sermonis puritatē, bonitatem, atque integritatem retinendā, multiplicibus obseruationibus collegerunt: & his quæ iam ueteres de linguæ ratione, proprietatēq; subtilia multa & erudita disserere coeperant, eadem proximè ad complendam artem accommodarunt. Itaque consentientibus inter se doctis uiris, ars eruditior est conflata, quæ à simplici literarum appellatione Grammatica dicitur. Hic præcipua diligētia, qua nō excellunt, qui inde Grammatici appellantur, à nominibus Literarum, & sonis, cum aliæ quodammodo alijs sint magis uocales, quæ inuicē iunctæ & posita, Diphthongos aptè efformant: aliæ nōdem uocalibus annexæ, Consonantes dicantur, è quibus sunt semisonæ, atque mutæ, ad omnem Syllabarum uarietatem fit progressio: quarum aliæ uel breues sunt, uel longæ, uel ancipites. Etiam tres uocum soni, quos acuto, graui, & inflexo distinguunt. Voces iam ex eiusmodi syllabis, expressam singularum rerum & actionum significationem habentes, coagmentantur. Harum notata sunt aliquot inter se discrimina. siquidem ex his quæ temporis expertes, rerum appellationem repræsentant, Nomina dicuntur: quæ horum uicem, ne molestè repetatur, aptè referunt, Pronomina: quæ temporis uarietatem in inflectendo commutant, Verba sunt, expressam agendi & patiendi uim habentia: simul & profecta ex utrisque, nomine & uerbo, Participia. Totidem sunt, quæ, ut superiores, non inflectuntur, Aduerbia, Præpositiones, Coniunctiones, & Interiectiones. Particulæ eiusmodi, quoniā uocum significatum quodammodo confirmant, & orationem multiplici ratione, quasi certis uinculis, colligant atque connectunt, apta hæc nomina acceperunt: nullæ ut sint uoces in omni sermonis Latine lingue (aut ut cuiusque alterius est ratio) uarietate, quæ alicui

Artis constitutio.

Litteræ.

Syllabæ.

Vocum discriminum.

alicui harum octo partium, perinde ac suis capitibus, non conuenienter subiiciantur. Itaque eiusmodi uocibus congruenter ad explicandam animi sententiam coniunctis, & emendata ad orationem conformandam structura compositis, nihil à concordī atque consentiente linguę totius ratione, casus, modi, genera, personę, tempora, & numeri discrepant: ne quid perturbatum in sermone, & à puritate, proprietate, præceptisq; alienum dicatur. Sed ab hoc naturali, simplici, proprio, & usitato coniunctorum uerborum ordine recessit is, qui multiplicibus

Structura sermonis.

Figuratus sermo.

- 10 Figuris ad necessitatem, uenustatē, & ornatum uariatur. Est alia numerosa oratio, præter Oratoriam, Poeseos, astrictior illa, & suauior. Singuli nanque uersus certis ac legitimis pedum spacijs decenter iunctis constant: ex quibus tot conscripti in omni rerum uarietate Poetarum libri, de quibus supra meminimus, habentur. Orationis cuiusque incisa & membra, apte inter se collocata, iustę sententię comprehensionem atque ambitum, Periodum appellatam, complent: qua eadem sæpius repetita, totam negocij unius, ut res exigunt, tractationem, comprehendī à scriptoribus uidemus: ut infinita diuersarū lingua-

Versus.

Periodi.

- 20 rum uolumina, rerum multiplicium cognitionem, certis libris distinctam continētia, in omnem posteritatē fidelissimē transmittantur. Et ad Latinam linguam, atque cæteras ab communi usu populi remotas, Sermonis totius ratio, puritas, & integritas, ad comprobata eorum similitudinē, qui faciendę linguę ius habuerunt, est constituenda: nihil ut extra horum præscriptum possit quisquā tutō scribere ac pronunciare. Factum hac multiplici diligentia, ut ex artis documētis loqui atque scribere non minus accuratē nostri homines possint, quā plerique ex his qui illis temporibus uixerunt, quibus ea lingua in uulga-

Lingue integritas.

- 30 ri hominum usu fuit posita. Est autem hæc ars Grammatices ad rerum cognitionem expeditē comparandam necessaria, ut nisi illius præsidij instructi simus, & hac primū uia ingressi fuerimus, non cfferre, quę sentimus, neque iudicare de nostris & alienis scriptis satis posse uideamur. Ea est cæterarū dūctrix atque interpres: ut nisi iacto hoc firmo fundamento, quicquid supra struxeris, breui corruat. Reprehensa est in nonnullis cura immodica, quos in persequendis non necessarijs, ocio atque literis abuti uidemus. Obscuris temporibus nulla puritatis habitatio, & recedere à ueteribus, & ex linguis uulgaribus, in hanc multa deriuare, nimium licenter sibi permiserūt: ut in-

Grammatices utilitas.

stræ ætatis homines incubuerint. Grammaticis itaq; primū

*Grammatico-
rum professio.*

*Grammatico-
rum scripta.*

Autoritas.

Philologi.

Polyhistor.

introducitis, ea concessa autoritas, atq; ea amplitudo studij pro-
posita, ut omne scriptorum & doctrinarum genus excutere illi,
atque interpretari possent. Itaque uerborum Origines, qua de
caussa sint quæque ita nominata, ad maiorem intelligentiam stu-
diose inquirere uoluerunt: similiter quæ ex Analogia, similitudi-
ne, & comparatione colliguntur, solerter adferre, atque sermo-
nis formulas ad puritatē & proprium usum excerpere ac præ-
scribere. His Interpretationes Naturam, uim, bonitatē, & signi-
ficatum uerborum patefacientes, Differētias, similia & contra-
ria nomina, atque multiplicis usus Translationes conuenienter
adiunxerunt. Post, ne sermo contaminaretur, & peregrinitate
quadam corrumperetur, Barbara omnia, & solœca, ut uocant,
repudiarunt. Præter hæc etiam quæ multiplicis sunt studij & di-
ligentiæ, Prouerbia, Aenigmata, Symbola, Apologos, Fabulas,
Sales, & locos: Sententias utique, Exempla, Stratagemata, Pro-
blemata, & Apophthegmata, quæq; illustria in scriptoribus in-
ueniuntur, explicarunt: ac subiectis generibus, quo lectionis mi-
nueretur labor, & in manibus haberi possent, laboriose coege-
runt. Scriptores cuiusque generis enarrare Scholijs, Annota-
tionibus, Commentarijs, & similium locorum, aut diuersorum
Collatione, sui muneris esse duxerunt: ut Poetarum pertracta-
tionem, & Historiarum cognitionem eidem Grammaticæ sub-
iecerint. Iam quo in uniuersum uaria legentibus consuleretur,
sermonis totius uarietatem Onomasticis diligentissimè conclu-
serunt: inde uarias Observationes lectionum, & castigationes,
multis libris sunt persequuti: quæq; habentur maioris doctri-
næ, scriptores, qui aut breuius, aut obscurius sua tradidere, Pa-
raphrasi plenius & apertius complere: quicq; diffusius & copio-
sius scripsere, ut minore studio cognoscantur, Epitome aptè
& breuiter contrahere. Exercitationis amplioris est, ex alia lin-
gua in aliam scriptores accurate, fideliter, atque feliciter conuer-
tere posse: ut iidem non minore fructu ab ignaris eius linguæ,
quàm à suis legantur. Tanta Grammaticis licētia est data, ut suo
iudicio, quod maximum illis tribuebatur, mendosa, deprauata,
corrupta liberè emendare, cōfusus libros ordinare: aliena, sub-
dititia, & adulterina, quasiè familia sum mouere possent: quod
indicat Criticorum & Cenforum nomen, illis impositū. Ac quo-
niam ad ea optimè præstāda, multis doctrinis & locis ueterum
scriptorum, quos in numero longa atq; accurata obseruatio-
ne habebant, excellēter essent instructi, Philologi, & uaria usus
atque tractationis rerum cognitione, exemplisq; ueteris memo-
riæ, ac præsentis abundarent, Polyhistoris appellationem ha-
buerunt:

buerunt: quorum maximè laudabilis fuit occupatio, ut in difficillimis totius literarię tractationis rebus, ad illos, tanquam honorarios arbitros, tutissimè confugerent, quorum seueris eiusmodi iudicijs acquiescendū putarent. Sed cum nihil auditione ad celeriter atque minore labore discendum, uideretur accommodatius, utilis professio eiusmodi est instituta, ut primi nominis in quoque doctrinarum genere scriptores, Poetarum, Oratorum, Historicorum, Philolophorum, Medicorum etiam, Iureconsultorum, atque Theologorum, frequenti studioforum

*Lectioes
publicæ.*

10 cuiusq; ordinis concursu in scholas, magna & clara uoce interpretari sint soliti: quo ad hanc ipsam rationē ijdē studiosi ceteros scriptores, suo & domestico studio excutere acq; cognoscere possent. Quoniam uerò in tanta scriptorum, qui diuersis temporibus clari fuerunt, multitudine, animus adolescentum multum distrahebatur, quasiq; in non necessarijs laboriose cognoscendis opprimebatur, difficilisq; esset delectus, certam informandi studij rationem, quique in suo professionis genere, & Grammatici potissimum præscribere. Cuius generis illa in uniuersum esse poterunt: Quomodo multiplicia ingenia ad li-

*Informandi stu-
dij rationes.*

20 teras discendas probentur, quid primò proponendum, quę audiendi professores diligentia: quę accurata eorum quę audita sunt, repetitio, quęq; fideli memorię commendare oporteat: qui ordo in perdiscendis atque tradendis doctrinis tenendus: qui scriptores in omni genere, ut acui ingenium & ali possit, cum æqualibus, aut priuata lectione uolutadi, quis itē ex quo, que fructus percipiendus: quę potissimum ex probatis à nobis, ad expeditum usum excerpenda, & generibus rerum constitutis subiicienda: quę ad puritatem sermonis disputandi, docendi, commentandi, imitandi, atque totius scriptionis assidua

30 & conueniens suscipienda exercitatio: quę in conuertendis ex alia lingua in aliam scriptoribus, tenenda ratio, coniunctis necessarijs eloquentiæ atque doctrinæ comparandæ præsidijs. Quam ad rem commodum est nosse, quid maximè proprium quęque scriptionum genera habeant, quidq; potissimum ex quoque scriptore discendum. Quibus omnibus illa accedunt, ut quę sint studiorum idonea tempora, ea deligamus: quę relaxationes literarię serijs studijs interijciendæ, illæ non negligantur: quęq; totius commodæ ualitudinis confirmandæ ratio, quo id diutius facere possimus. Ac postremò quę sunt necessarię cognitionis: quantum in quoq; immorandum, ne meliora tardius attingamus: & qui sit totius cursus, quò singula referri possint, propositus studiosis omnibus literarum finis.

40

Est hæc

Historica disci-
plinarum pro-
gressio.

Discendi ratio
diuersa.

Εὐνομένη-
δεια.

Academiarum
institutio.

Tres facultates.

Vniuersitatis
doctrinam ad
tres has facultates
reduci
posse.

Est hæc doctrinarum, ut ex historica occasione, & rerum necessitate sunt inuentæ, atque cõsumptis tam multarum ætatum ingenijs deprehensæ, uerissimæ, nisi quid secus diuersis rationibus uideatur, & breuissima, re ita postulante, progressio, quæ ad discendum alia est: ut puer à domestica disciplina ad Grammaticam ueniat: inde ad alias superiores, Dialecticā & Rhetoricam, conuerso ordine cõscendat: quem utiliter ij sequuntur, qui publicè & priuatim docent: quicq; in uniuersum ad hanc memoriam de disciplinis tradiderunt, non aliter quàm in Mathematicis ab Arithmetica, quam iisdem prorsus de causis ultimam fecimus, ad cæteras, Musicen, Geometriam, & Astrologiam, expeditius comprehendendas, fit transitus. Hæ sunt numero septem, quibus suis locis, quæ erāt de Natura, de Moribus, & alia quædam inferuimus: ut ita ingenuarum disciplinarū, atque ex libera quodammodo mente, liberaliū orbis quidam, Encyclopædiam nominant, compleretur: quæ maioribus cognoscendis utilissimè inferuiunt, quorum peculiaris est professio. Itaque supra maiorum memoriam, cum Principum auspicijs ad tradendas disciplinas, magnis præmijs & honoribus propositis, studiosi homines inuitaretur, factum est, ut ex omni doctrinarum uarietate, quas ueteres multiplicibus studijs locupletatas reliquerūt, literis excellentioribus, summo rerum incommodo oppressis & obscuratis, tres potissimum supremæ Facultates, & amplissimi ordinis disciplinæ à nostris habitæ, quarum expeditus esset; & necessarius in omni uita usus, deligerentur, atque ad publicam exercitationem accommodarentur: in quibus iisdem cognoscendis, iustus labor, & iustum studiū nominatim collocaretur, ita nobis non aduertentibus, res maius indies accipiunt incrementum. Eadem tres sunt quasi quædam coagmētatio eorum omnium, quæ à principio huius historię Vniuersitatis rerū tractata sunt, quasi quædam è multis facta conclusio, atque (si dicere sine cuiusquam reprehensione liceat) superiorum perfectio. Nam ut Medicina totius Naturæ historiam, in qua latissimè uerfetur, sibi ascripsit: eadem prorsus ratione Iurisprudentia, eam quam Naturæ subiunximus historiam, Prudentiæ omnem, non prætermissa ea quæ est Principatus, complectitur. Tertia & postrema est Theologia, ad quam unam nō modò superiores, perinde ac ministræ referuntur: sed etiam quæ sunt de Sapientia, hoc quarto libro, quæq; de Literatura, consequenti tractata. Est enim uera in primis, & solida Sapientia. Itaq; si alium ab hoc nostro ordinem quis instituerit, ad Vniuersitatis rerum doctrinam comprehendendam, non malè poterit uti partitione hac triplici, & omnia

omnia ad hæc tres facultates conuenienter reuocare: siquidem uix quisquam est eorum qui literas tractât, quin aliquam ex his tribus non seligat, ad quam præcipuè sua studia, suosq; conatus transferre uelit. Quibus iustissimis de causis, seruata tēporum serie, quantum mediocri iudicio & cōiecturis, à nobis attentius hæc considerantibus, fieri potuit, ad hunc ultimum locum, licet primis etiam temporibus, in maximo usu fuerint, consultò reseruasse uidebimur. Hic nemo alicuius iudicij non uidet, patetfaciendò huic ordini necesse me habuisse, ea paucis attingere, in quibus etsi non sim multo studio & exercitatione uersatus, tamē mihi fuerint consulendi scriptores, qui in quoque genere doctrinas monumentis literarum consignarunt. Quæ eadem ut poterit ex his, aut periculo facto, qui uis intelligere, scribentem sæpius ab eiusmodi instituto me reuocarunt. Sed bona spes me semper fouit ac tenuit, persuasum habens, è multis non defuturos aliquot candidi animi uiros, qui cum sciant uniuersam hanc rerum cognitionem à quoquam homine non esse requirendam & expectandam, in his legendis sint animo constanter retenturi, me hoc tenui scripto non aliud professum, quàm ordinis aliquando constituendi rationē: quæ explicari satis non potuisset, nisi laboriose excutienti scripta diuersi generis, ut perpetuus rerum omnium cursus ita continuaretur. Quocirca non prius mihi ad hæc instituta breuitate tractanda ueniendum, quin ab harum disciplinarum nostræ memoriæ laudatissimis professoribus petendum sit, ut per eorum beneuolentiā liberè mihi liceat hunc rerum cursum, sicuti à me coëptus est, conficere. In quibus disciplinis si quid fuerit offensum, quod satis prouideri meis solius studijs non potuit, id amicè & benignè emēdent, neque me existiment uoluisse temerè in alienam professionem irrumperere: sed continuatæ orationis ductum fuisse sequutum, ut tolerabilius mihi uideretur, aliqua eiusmodi proponere, ne interrupta esset Vniuersitatis rerum ordinis peruestigatio, quàm immodico reprehensionis metu hæcce omnino prætermittere. Proti- nus igitur ut erectæ sunt tota Europa frequentes Academiæ, fuit illud admirabile, quanta breui & discentium & tradentium exorta sit multitudo: quantisque ingenij contentionibus, instauratis post literis, nostri homines in ipsam amplificandis, locupletandis, quasiq; ad summum perducendis, elaborarint: ut præter cæteras doctrinas, tres hæc facultates, libris multiplicibus con-

scriptis, creuerint in immensum. Corpus itaque humanum, in tanta Naturæ nostræ imbecillitate, non aliter quàm ipsum mare, perpetuis & turbulētis quibusdam fluctibus est expositum:

*Medicina usus
necessarius.*

F ita uarijs

ita uarijs morbis, naturalem illam integritatem corruptentibus, exagitur: ut his incommodis uitandis, principiò homines salutis suæ studiosi, magna audacia adducti, & necessitate impulsì, omnia præsidia ac remedia quæsierint, ex his quæ totis terris intus & extrà gignuntur. Inde ut quæque amicis & propinquis bene successisse, aut casu aliquo, sicuti tradūt, profuisse deprehenderunt: ita sunt ad necessarios usus, quo similitudo, perinde ac Historia, deinceps salutaris esset, prudenter conseruata. In his magnis conatibus cum uersarentur, *Experientia*, quam uocant, acquisierunt: quando ita plurimum referebat, 10 propter cōtinentes morborum difficultates, quo illa extarent, & uiri periti passim haberentur: unde factū, ut per manus multa adiumenta periclitatione quadam adinuenerint. Grauiua diuersis temporibus inciderunt, priusquā ars suis partibus constitueretur, alijs in cognitione & exercitatione artis aliter sentientibus. Erant qui solis experimentis niterentur, alijs tantam uarietatem paucissimis præceptis in genere conclusam excerci posse contendebant: hosce Methodicos appellarunt, illos uero Empiricos. Sed cum utriusq; partis in sanandis corporibus (ita progrediente ætate, superiorū errores à posteris corriguntur) 20 exercitatio minus tuta & salutaris deprehenderetur, conseruata est diligens ipsius artis tractatio: quandoquidem tempore, loco, ætate, conditione, alijsq; rebus commutari multa uiderunt: in quibus ne deciperentur, & complures in manifestum uitæ discrimen, perniciofa quadam ignorance uenirent, à uiris maximi iudicii prudentissimè intellectū, rationibus illa ipsa quæ diu multumq; experiundo cōsequuti fuerant, debere confirmari, & rationes easdem, quas præstantissimis doctrinis adiuti cognouerant, longo usu atque exercitatione, ad perfectam scientiam, esse cōprobandas. Igitur ea disciplina de tribus, quæ 30 sunt in uita necessarij usus, est introducta, corporis humani bonam, firmam, ac integram ualitudinem sustentans atque conseruans: & eandem diuersis de causis affectam, uitiatam, corruptam, amissam, corrigens atque instaurans. Medicina, quandam Agriculturæ rationem proximè referens: quæ ut illa sanis corporibus alimenta, sic ægris sanitatem hæc promittit. Quocirca Medici è Physiologiæ spacijs progressi, notatas in omni uarietate Naturæ multiplices causas, discrimina elementorum, in debita rerum compositione, & dissimilium qualitatum certas rationes hauserunt: ut separatim suo muneri conuenientia tractantes, artem hanc, quam habemus, uitæ mortalium salutarem, ab eiusmodi incrementis optimè cōstituerint. Huius cum sit hu-

*Experientia.**Certior artis conclusio.**Medicina quid.*

fit humanum corpus perinde ac theatrum, in quo suum negotium agat, & tota uersetur, solers Medicus in perdiscenda arte, *Corpus huma-
num.*

delecto cadauere, totam illam corporis fabricam aperire, dissoluere, patefacere, lustrare, sui muneris esse ducit: ut quæ sint illæ *Anatomia.*

partes, alimenta reliquo preparantes corpori, & subministrantes, uerius cognoscat. Itaque omnium situm considerare solet, Naturam, nexum, colligationem, communitatem, consensio-

10 nem, conformationem, generationem, motionem, numerum, figuram, magnitudinem, similitudinem, uiciniam, colorem, omniumque expressam uarietatem: quem usum præbeant, quod sit officium, quibus offendantur, conseruentur, atque retineantur: nihil tam minutum aut pusillum prætermittens, quod ad uniuersam illam coagmentationem artificiosissimam facere possit. Eadem corporis humani cōpages ex Naturis quatuor, *Quatuor hu-
mores.*

Humores dicuntur, sanguine ac pituita, bile utraque, flaua & atra, constat. His concordibus inter se, & naturali beneuolentia consentientibus, sana sunt corpora: sed cum dissident, quasiq; bello intestino conflictantur, illis collectis, cōcretis, deficientibus, aut redundantibus, præter alia, cōsuetis uitæ actionibus obeun-

20 dis impedimēta adferunt. Morbi inde, ægrotationesque nascuntur. Iam cōcoctio offenditur, languent membra, cæteraque eiusmodi, in omni uarietate, quam acerrimis studiis cognoscunt, atque describunt: ut cum multiplici totius corporis exagitatio-

ne, pars nulla sit ab imis unguibus, usque ad uerticem summum, intrinsecus & extrinsecus, quæ suis de causis peculiare mor-

30 bos non habeat, quibus diuersi corripiantur & affligantur. Præterea si quæ functiones, quibus certa uis inest trahēdi, coquendi, retinendi, ac depellendi, læsæ fuerint, quomodo ipsæ salutariter subueniri possit, considerat Medicus: quæque sunt ad au-

gescendum, & ad procreandum accommodata, præcipuo studio persequitur: ut uis illa naturalis, præter uitalem atque ani-

30 malem, tota constet, atque perspiciatur. Horum nonnullam tractationē, pro instituti breuitate, suis locis omni Naturæ historia aspersimus. Itaque cum morbi uis diutius grassatur, non modo continentibus ægri querelis, cuiusmodi actiones uiciatę in-

tus sint, cognoscitur, uerum etiā uultus & facies quasi loquuntur. Inde morbos, quadā successione, Symptomata consequuntur. Iam micantes arteriæ, morbi quidam indices, pulsu tardus, concitato, stabili, commutatam à solita & naturali sede consti-

40 tutionem produunt: multiplicia somnia quatuor humorum rationem discernunt: sordes diuersi generis, ex quibus urina, colorum ac rei ipsius uarietate, multa præter difficultatem morbis

similia

*Prudentia
Medici.*

similia repræsentant. Quibus perspicendis cumulatè instructus Medicus, nihil relinquens eorum quæ instaurandæ ualitudini prodesse possunt: initiò communiter ex regionum situ ac Natura, temporumq; anniratione, accedētia obseruat: post nominatim quæ in quoque sunt cognoscenda, solet sciscitari, consuetudinem ualentis, ætatem potissimum, & conditionem: uires inde, ac corporis præsentem constitutionem, exquisitè intuetur: quo ad horum uarietatem omnia moderari, & conuenientia adhibere possit. Consequutura utiq; longè antequam eueniant, suis rationibus, scientia & exercitatione comparatis, 10

Causæ. peropportunè præuidet. Causæ ex his morborum omnium, quæ summa est & singularis Medici Prudentia, atq; summum iudicium, certius colliguntur: quibus iisdem fideliter deprehensis, & Natura morbi accuratè cōsiderata, cum magna artificis laude, & ægri salute, adhiberi medicina confidentius potest, ut humores illi quatuor, discordes ac peccantes, in suū quendam, & cum Naturæ nostræ conuenientem concentum reducantur.

Simplicia. Quocirca ex omni illa, multiplici supellestile eorum, quæ Natura totis terris latè conclusit ac fudit, diuersi generis remedia, ad necessariam corporum sanationem, ingeniosè preparantur: 20 longa rerum lustratione, etiam periclitatione edocti, quæ ex omni uarietate uim habent refrigerandi & calfaciēdi: hæc qua dripartita qualitatū ratione, perinde ac totidem gradibus, subtiliter discernunt. Inde uariis eorum usum assequuntur, quæ molliunt, indurant, trahunt, discutiunt, aperiunt, conseruant, augent, & nutriunt. Admirabiles, incredibilesq; eorū effectus & euentus uita omnis experitur atque commemorat: ut hac tanta effectricis Naturæ uī deprehensa, etiā grauissimè sæuientibus uenenis, salutaria protinus remedia opponantur. Itaque uictus ratione præscripta simplicibus eiusmodi Naturis, 30

Medicamenta.

ter & uariè inter se cōpositis, quæ haurienda, sumenda, accommodanda, pro Natura morbi adhibito modo, proponit: ut ita illius causas subtrahat, amissum calorem naturalem restituat, aut immodicum & grauem æstum restinguat. siquidem prouidi, exercitati, & diligentis est Medici, redundantia, quæ imbecillis Natura nō potest, arte minuere & demere, quæq; eadem morbi difficultate oppressa appetit, conuenienter & opportunè subministrare. Et ad eam rem contraria medicamēta ijs quæ corpus affligunt, prudenter obijciuntur, ut in eo cōflictu euincant. Leuia & simplicia primū, quasi quædam blandimenta, 40 atque dulciculas potiones, ne repentè corpus laceffatur, cum sint medicamenta plerumq; stomacho inimica, Inde ab uniuersalibus

- salibus cuique morbo nominatim conuenientia exquirunt: de-
tractione interim sanguinis contumaces humores auertere so-
liti. Post ubi illa minus iuuant, grauioribus morbis ancipites,
periculosas, & uiolentas curationes adhibere coguntur. hac in
morbi difficultate plures Medici cōueniunt, ut communibus
sententijs salutis ægrotantis multo certius consulant. Diligens
circa obsequentem ægrum cura, quid agat, quæ somnia appa-
reant: quæ uis morbi nascentis, uenientis, atque ingrauescentis:
quæ inclinantis, abeuntis, & senescentis. Etiam ex quadam re-
10 rum coelestium cōsensione (ut tradunt) cum his terrenis, pro-
uidet, quo ita hoc suum negocium procedere intelligat. Sed in
diuturnis morbis, ac inueteratis, qui nulla Medici ope profligari
possunt, inquiruntur minuendi doloris & sedandi præsi-
dia, quæ maxima ex parte in moderata ac tenui uictus ratione
seruanda consistunt. Abeuntem morbum sensim depellit, idq;
tam consideratè, ut quantum humano ingenio cōsequi potest,
nulla morbi uestigia, quæ maximè periculosa sunt, relinquantur.
Nam grauius ægrotant ij, qui cum leuati morbo uidentur,
in eum de integro inciderunt. Itaq; conualescentibus certa ui- *Victuratio.*
20 ctus ratio præscribitur, pars Medicinæ longè utilissima, quæ
magni est in omni uita ægris & sanis momēti: cum pro notitia
sui corporis, diligens est obseruatio earum rerum, quæ res aut
ad sanitatem prodesse solcant, aut alimētum morbis quodam-
modo præbētes obesse. Nam aeris, cibi ac potionis, ad bonam
ualetudinem sustentandam, cuiusque Naturæ, quatuor ex hu-
morum generibus discretæ, cōueniens sit delectus. Eadem Na-
tura necessarijs uires ac robur concipit, superuacaneis langue-
scit, debilitatur, & opprimitur. Itaque à concoctu grauioribus,
ne qua consequatur cruditas, prudenter abstinetur: opportu-
30 na uentris soluendi facilitas quæritur: atq; nimium corpus dis-
soluentes, & omnē animi uim frangentes deliciae uoluptatesq;
prætermittuntur. Inde saluberrimum est, immodicis affectibus *Affectus.*
ac perturbationibus moderari, quibus solis corpus multum di-
strahitur & affligitur: ut alacritate & hilaritate, utriusque par-
tis uires, animi corporisq;, in debito statu conseruentur. Præ-
ter lauaciones, frictions, & unctiones, quæ in maiore usu uete *Exercitationes.*
ribus fuerunt, idonea inambulationum, exercitationum, & la-
borum multiplicia genera commodè adhibentur. Sunt etenim
salutaria ciborum condimenta, quibus calor bonitas excita-
40 tur atque augetur, quo & excipiendis & conficiendis cibis pa-
ratum sit corpus, uitiosa nimium exagitantia dissipentur, ac to-
tius corporis uires ad diuturnam incolumitatem omnino sta-

*Medicinae pro
fessio.*

biliantur & retineantur: nulla quippe est commodæ ualitudinis firmandæ accommodatior ratio, & conuenientior. Atque huic communiter necessariæ (ut sua unicuique chara est uita) Medicorum arti confirmato omnium temporum iudicio, maxima semper fuerunt proposita præmia, & honores publicè exhibiti: quibus nobilissima ingenia, in conquirendis pæssim salutaribus hominum uitæ remedijs, diu multumq; excitata sunt, & retenta. Hac eadem occasione quamplurima in omni rerum naturalium uarietate inuestigarunt & deprehenderunt: ut accuratius abditas inuolutasq; Naturæ causas, maxima hac exercitatione patefecerint, ac pleraque diligentius ab eruditis Medicis tractata legantur, quàm ab ijs qui nominatim doctrinam de Natura proferunt. Ex his satis cognoscipoteest, quod modo diximus, has extremo loco à nobis positas facultates, quandam esse coagmentationem superiorum trium à nobis constitutæ totius Vniuersitatis rerum partium. Qui enim cōsequuntur

Iurisprudētia.

Iure consulti, ordine non commutato, Prudentiam, in qua suum munus exercerent, sibi delegerunt. Altera igitur è tribus disciplinis, quæ sunt ad uitam moderandam necessariæ cognitionis, est Iurisprudētia, qua in coercendis hominum cupiditatibus, ut æqualitatis sit ad priuatam & publicam incolumitatem tuendam conseruatio, usus est longè maximus. Eadem, ut

Ius naturæ.

altius aliquāto eius primordia repetamus, ex primo illo nobis ingenito, & maximè cæteris etiā animantibus, ut scribunt, communi sensu, posito in sui atque suorum propagatione, conseruatione, & defensione, progressa: Ius Naturale dicitur, ad inchoatas diuinitus, bonitate Naturæ, in animis nostris constantes & sempiternas intelligentias, deducitur: è quibus, quoniam ad iusticiam nati sumus, boni, ueri, recti, & æqui præcipuū studium emanat, prauī atque iniqui declinatio: quod commune

Ius gentium.

omnibus gentibus sit, Ius Gentium, humanum, etiam naturale appellatur. Quorum omnium admonitu, & cōmuniter recta impellente ratione, cum longius praua consuetudine in facienda iniuriā homines deflecterent, cōsilijs prudentum ac sapientum, accedente etiam uoluntario multitudinis ad obtemperandum consensu, factum est, ut animi ad primæ Naturæ integritatem, uitæ in maxima rerum tranquillitate, iure æqualitatis conseruato, transigendæ gratia, reuocarentur. Atque ita omnium

*Consuetudinis
iura.*

temporum memoria, cum ius aut moribus, aut legibus sit constitutum, magnis in populis alij exercitatione ciuili maiorum suorum instituta, ac ritus publicos, morum consensu, longisq; temporum spacijs firmatos, constanter retinere, Eadem per

manus

- manus seruata, hoc Consuetudinis iure apud eos, parem ijs quę scripta sunt, uim atque auctoritatem habuere. Alij Principatus, *Legi.* maioribus literarum usi præsidijs, cum minus multos singulis ætatibus exoriri cernerent, quorū Prudentia, multo rerum usu comprobata, publicæ & priuata ciuium saluti consuleretur, Leges, quas seruarent, ab iisdē descriptas accipere: ut una eademq; uoce, Magistratus auctoritate confirmata, semper loquerentur. Ex legibus aliæ permittunt, aliæ uetant, aliæ puniunt: ut improborum audacia, & uitiosæ affectiones coerceantur, ac uindicari
- 10 ab iisdem innoeciā possit: ideoq; præmium bonis, poenam malis propositam habent. Horum multiplex tractatio, *ius ciuile.* lus Ciuile & Legitimum nominatur. Itaque in Principatu bene morato, beneq; constituto, ad legum præscriptū, iura consensu omnium sancta retinentur: ē quibus Publica alia sunt, alia Priuata. *Priuatum:* Hæc eadem priuata iura, ad singulorum ciuium societatem firmandam, conseruandam, atque muniendam, introducuntur. Protinus igitur ut contractæ sunt legitimæ Nuptiæ, quæ prima est *Personarum* constituta diuinitus ciuium coniunctio, & nascentis Reipublicæ *discrimina.* seminarium, proles suscipitur. Constat olim, ut esset Personarum discrimen, ē Seruis uel natis uel factis alia, alia ē Liberis, cum subesse seruos, & præesse Dominos, expedire uideretur. Liberos faciebat ex iusta seruitute Manumissio, & Libertini dicebantur: sed maximē ij liberi erant, qui iam ab ortu Ingenui nominabantur. Iam uerō liberi naturales Patribus familiarū sub sunt: & cum desiderantur, iure Adoptionis & Arrogationis in familiam alieni recipi possunt. Defunctis uerō parentibus, Pupilli relictī, ad pubertatis tēpus administrationi Tutorū, quos ex propinquis deligunt, subiiciuntur. Inde sunt minores, & alij aut prodigi, aut corpore ægri, aut mente capti: quibus, cum minus rebus suis utiles esse intelliguntur, subsidio Curatores dantur.
- 30 At iuris sui fiunt liberi, præter alia, Emancipatione à patria potestate liberati: aut iusta iam ætate, corpore ualentes, & sensibus integris, à Tutela & Curatione prorsus explicati. Consequentibus deinde temporibus, alia quædam, præter hæc, personis accersita iura: ut eorum qui publica munera obeunt, Immunitates, & diuersis de causis præmia legum concessa, quæ inde Priuilegia dicuntur. Item militaria beneficia Nobilitatis, quæ Feudorum (sic enim nominant) scriptis continentur. Itaq; multiplicatis ad perpetuam illam generis hominū conseruationem
- 40 matrimonijs, familiæ diuersæ profeminantur, & legitimē ab iisdem personis res acquiruntur, ac possidentur. Nam cum initijs *Rerum communitas.* temporum, priuata nulla, sed rerum quędam Naturā uideretur esse.

esse communio: pōst gentium firmata consuetudine, cum alijs, ueteri occupatione, quondam in uacua uenissent, aut bello, lege, pacto, conditione, sorte, cæterisq; modis, alicuius esse incoepissent: ne cui ulla fieret iniuria, & maximè ad uitandas improborum iniurias, prudentissimè institutū, simul & à consequen-

Diuisio.

tibus retentum, ut ex omni Rerum, quæ latissimè patent, multitudi-
ne, ad usus hominum accommodata, Communes aliæ haberentur, ut aer, aqua, mare, ac litus: aliæ Publicæ, ut flumina, ripæ, ac portus: aliæ Vniuersitatis, ut theatrum, ac forum: aliæ Nullius, ut res sacræ, sanctæ, & religiosæ: aliæ Singulorū, quæ 10

propria & priuata sunt. Res etiam considerantur corpore constantes, quæ tangi possunt, ut fundus, ædes, aurum, uestis: aut quodammodo extra corpus sitas, cuius generis Seruitutes, V-

Acquisitio.

susfructus, Vfus & Habitatio numerantur. Præter multiplices iuris gentium acquirendi Domini rationes, consultò inter ciues longo rerum usu & tractatione, suis de causis firmatas, lure ciuili etiam constitutum, ut ne incerti essent rerum domini, Vscupatione, & Præscriptione, aut Donatione, legitima acqui-

Testamenta.

sitio fieret. Sub extremum uitæ tempus, communi impellente humanitatis affectu, nostram uoluntatē, post mortem uim ac
ius habiturā, ne quid diuersum fiat, scriptis & Testamento consignamus: quod hominum consensu, prout in rebus, tam est
firmum, quàm lex ipsa in publicis. Et in uniuersum liberos, aut qui nos iure aliquo attingunt, quorumq; commodis & conditioni prouisum uolumus, hæredes instituimus: nominatim uerò, Legato, ac Fideicommissio. Non expressa scriptis uoluntate, liberi, aut ut quisque propinquior hæreditatis adeunda, & successione ius habet, ære interim alieno, si quod est conflatum, deducto. Itaque in hac multiplici hominum uita, diuersis ratio-

*Obligationes,
iuris uincula.*

nibus, necessaria rerum commercia interueniunt, in quibus
sunt cuiusque ciuitatis instituta) rei alicuius soluendæ necessa-
riò astringimur: hoc iuris uinculū, Obligationem appellāt. Ha-
rum alię sunt ex Cōtractu, Rei, in mutuo, indebito, cōmodato, deposito, & pignore: Verborū, ex interrogatione atq; respon-
sione obligatio, quæ Stipulatio dicitur: Literarum: Consensus, in emptione, uenditione, locatione, conductione, societate, & mandato: quæq; his similia à iure disponuntur. Aliæ ex Maleficio, ut furta, rapinæ, iniuriæ, damnum datum, & similia his à iure descripta. Ex horum omnium maximè uaria ciuium inter ci-
ues negotiatione, litium atque controuersiarum origo est in ci-
uitate. Quocirca maximè uarias iuris sui persequēdi & litigandi rationes, quas cōmuni Actionum nomine cōtineri tradunt, inde

- inde suscitari uidemus. Harū aliæ in rem sunt, aliæ in personam, aliæ mixtæ dicuntur: quæcūq; sunt eiusmodi, multiplici in arte contenta. His componendis, ad salutarem rerum priuatarum concordiam inter ciues optimè seruandam, publicis Iudicijs, legitimam iuris dicendi potestatem atque auctoritatem habentibus, prudenter res omnis transigitur. Latæ hic sententiæ, unius æquitatis, ex legum & constitutionū præscripto, habita ratione, omnibus est acquiescendum. Cuiusmodi uitæ in omni tranquillitate agenda institutis, longo temporum usu, & multiplici tractatione firmatis, optanda ab omnibus ciuiū æqualitas inter se retinetur. Sunt hæc quidem omnia iuris Priuati maximè, sed quæ Publico iure continentur, non prætermitti debere, cum sint maximi in Republica usus, à prudentissimis hominibus uidentur: siquidem rationes in uniuersum constant, quibus ciuium communitatem tueri, & statum rerum optimū retinere possimus. Est enim Iurisprudentiæ pars præstantissima, quæ latissimè diffusa, non solum ex præclarissimis Iureconsultorum scriptis cognosci potest, aut Philosophorum, qui de morum disciplina, ac potissimum de Republica diligenter accuratèq; tradiderunt:
- 20 præter ea quæ sunt à clarissimis Oratoribus in grauius causis tractata, quæcūq; ex Historicorum libris, à quibus status & conditio rerum humanarum, ac totius publicæ conseruationis salubria documenta, uiuis exemplis confirmata, plenissimè proponuntur. Habent enim illi maximis de rebus consultationes atq; deliberationes, quæ in uarijs temporū difficultatibus adiumento esse possunt: tum ad omnes pacis artes retinendas, tum etiam ad bellicas res administrandas. Hæc eadem licet temporum momentis, ac locorū uarietate commutari soleāt, iudiciū tamen ad similia aut facienda, aut ad alia excogitāda, plurimū informant.
- 30 Atque ita ipsius Iurisprudentiæ in uniuersum maximus est usus, quando nec tutum esset uersari inter homines: nec cuiquā, quid haberet, satis constare posse uideretur: nemo, nisi legitimis contractis nuptijs, suos liberos esset agniturus: nec cuiquam esset compertum, quid à patre accipere, quid uē liberis relinquere deberet: pupillis ac uiduis, multorum iniuriæ ac fraudi expositis, malè cōsuleretur: ut necessaria sit, ad regnorum & ciuitatum incolumitatem, ad domandas libidines, ad coercendas cupiditates: similiter ad uitam hominum, conseruato cuique æqualitatis iure, quietam & tranquillam reseruandam: quæ ex laudandarum artium numero plurimum commendatur, ut cuius diuersis temporibus honoraria semper fuerit professio. Iureconsultorum nanque domus habita est oraculum ciuitatis, miserorum per-
- grium,

gium, quorum res à potentioribus iniquè intercipiuntur, quorumq; de uita & salute periculose agitur. Sunt enim Iureconsulti legum, morum, consuetudinum, atq; constitutionum, quibus priuati in ciuitate utuntur, ad respondendum, ad agendum, & ad cauendum præclare instructi, exercitatiq; ut cum publicæ administrationi honorificè præsent, priuatorū rebus omnibus legitime cōstitutis, publica ciuitatis salus optimè stabiliatur atque cōseruetur. Quoniam uerò ex tam multis, quæ iam à rerum primordijs, ad hæc perpetua oratione deducta, proposuimus, uaria hominum studia, & multiplices ingeniorū contentiones, cognitionis rerum comparandæ gratia susceptas, pro huius instituti ordinis ratione, sumus breuissimè persequuti: ad eū tandem finem omnis animi uis conuertenda, quo sanctè admone-mur, rebus in omnibus modum esse tenendū, altiora præter hu-mani ingenij uires non temerè percutanda, sobriè modestèq; de rebus esse sentiendum: ut cum maxima supremi Dei consilia satis non possint ab hominibus comprehendī, nimia hæc discendi cupiditas atque curiositas, quodam cōuenienti temperamen-to sistatur & conquiescat. Ventum igitur, longis emensis itin-eribus, ad eam doctrinam, quæ data initijs temporum diuinitus, prouecta longius, ab integris & synceris mentibus sanctissimè est retenta atque conseruata. Quandoquidem ab ortus nostri principijs, communiter impressa animis omnium cōsensio, quæ ut primū cœpimus intelligentiam habere, sit manifesta, æter-nam esse mentem ac maiestatem, rerum omnium moderatricem: ut Deum autorem, hanc cœli terræq; magnitudinem & pulchri-tudinem, certo consilio fabricatam, singulari Prouidentia admi-nistrare, homines cognouerint: unde cuncta dimanare, ad eun-dem redire, in eo esse omnia, sunt professi. Hæc præcellenti om-nium cognitione, orbis terrarum, quasi quidam uiator, Homo, optimè confirmatus, rerum omnium præpotentē Dominum, ac unum Principem Deum, maxima reuerentia, omni officio, studio, obseruantia, & pietate prædicat: atque rebus omnibus conditis, quas sui unius gratia generatas intelligit, summa cum gratulatione utitur: se suaq; omnia illi eidem cōmittit, ut à quo omnis salus & incolumitas, magna in genus humanum beneuo-lentia, proficiscitur: sine cuius certissima ope assequi quicquam, aut efficere non possimus. Accum illud clarissimis testimonijs comprobatur manserit, tum primis temporibus peculiari mu-nere, Hebræorum populo luculentissimè patefactum cognosci-mus: atque inde ab Hebræis, ad cæteras uariè per orbem disper-sas gentes, cōsimilia quædam, sed temporum iniurijs corrupta, dima-

Sobriè sapere
oportere.

Theologia.

Dei rerum
omnium mode-
rator.

Hebræorū mu-
nus peculiare.

- dimanasse. Principio igitur rerum, graui communis parentis *Adami lapsus.*
 Adami lapsu, inobedientia, & à diuinis monitis atque manda-
 tis declinatione, uniuersum genus hominum deinceps eodem
 præcipiti casu, peccato in mundum importato, & morte conse-
 quuta, multum à priore statu recessit. Patres inde progeniti, ac
 diuinitus sanctissimè informati, uitiatam atque collapsam Na-
 turam, propagationi stirpis aliquādo restitutam iri, uerissimè
 præsenſerunt, & futuræ soboli præsignificarūt. Auctiore itaq;
 populo Israelitico, grauiſſimis cupiditatibus coercendis, *Lex Moſi de-*
 10 de cœlo data Lex, duabus in tabulis, decem uitæ in omni inte-
 gritate agendę documenta pauciſſimis plenissimè comprehen-
 dens. Ac prima quidem de pio cultu Dei, altera de cōmuni ſo-
 cietatis hominū conſeruatiōe atq; conuiſtu tradit: proſpera
 omnia ijs, qui ad harum præſcriptū uitam sanctè informarint,
 promittūt: ſed calamitoſa ijs, qui tranſuerſis acti cupiditatibus,
 contrā fecerint. Inde ea Reſpublica præclaris inſtitutis, ſacris,
 atq; ciuilibus, maxima rerum accepit incrementa. Difficillimis
 uerò tēporibus, diuinitus ſuſcitati Vates & Prophetæ, qui ua- *Propheta.*
 riè afflictoſum populum aſiduè cōfirmarunt. Legem illi ſtudio-
 20 ſe ac purè ſunt interpretati, & ſalutaribus documentis præce-
 ptisq; locupletarunt. Res autem longis poſt tēporibus ſequu-
 tas, conſentientibus & cōcordibus inter ſe animis, teſtimonijs,
 atque ſententijs, euenturas multo antè ſenſerunt: & de geren-
 dis, non aliter quàm res geſtæ deſcribuntur, clariſſimè pronun-
 ciarunt. Communibus igitur omniū uotis atq; deſiderijs ex- *Chriſtus.*
 peſtatus Ieſus Chriſtus, ſanctioris Spiritus ſatu ex uirgine Ma-
 ria, diuinitus ſalutatione cōfirmata, naſcitur: populis omnibus
 conqueſcētibus, à ſupremo patre Deo, inſtaurationi collaben-
 tis generis hominum, in terras, ad patefaciendam ipſius uolun-
 30 tatem, demiffus: qui non Legem modò comprobauit, uerū
 etiam præcellentis Euangelij, læta omnia futura promittentis, *Euangelium.*
 acceſſione, atque præſtantis & reconciliatricis Gratiaſupple- *Gratia.*
 mento, diſſoluta primi parentis offenſione, primæ integritati
 uitæ nos reſtituit. Hanc eandem ſalutarem doctrinā, immiſſo
 piorum animis reſtarum actionum gubernatore optimo, ac
 ſanctiore Spiritu, firmatam, qua nos arctius filiorum loco, iure *Sanctior Spi-
ritus.*
 adoptionis coniungeret, orbi terrarum uniuerso cognoscen-
 dam, proferendam, & conſeruandam propoſuit. Itaq; cum ea-
 dem Lex diſciplinis Hebræorum conſuſa eſſet, & perturbata,
 40 purius hanc eſt interpretatus. Non oculos ſolum, aut ſermo- *Legis interpre-
tatio.*
 nem, & manus abſtinētes: ſed quod maius fuit, perinde ac euul-
 ſa mali totius radice, mentem, cogitationes, atque uoluntates,

integras & incorruptas ab ijs terrenis omnibus esse uoluit: ut
 ijs admoniti, & frugalitatē amplexi, prauos affectus, uitiosasq;
 cupiditates seuerissimè coercendas intelligeremus: quo in illu-
 stri exemplo esse, & uitæ innocentia, nulla communis societa-
 tis hominum offensione, alios inuitare, atque omnibus officio-
 se prodesse possemus. Intelligentes, magnis in delictis facilem
 esse, & paratum, ad gratiam Dei obtinendam, reditum: ac im-
 probos, malo spiritu alsiduo impulsore, grauia subituros: pro-
 bis uerò, hortatori bono Spiritui, ad rectè uiuendū acquiescen-
 tibus, singulari benignitate, miseratione, & clementia delictis
 condonatis, uitæ perpetuitatem esse propositam. Itaque Chri-
 stus, maximis rerum documentis proditis, illustres & salutare
 futuras significationes, quas animis uerè in illum conuersis, re-
 tinere & perpetuare oporteret, reliquit. Ex his primo ingressu,
 sanctiore tincti aqua, ueteris illius hominis statum, uitiatam &
 corruptam ab origine Naturam habentis, eluentes, renasci in-
 de, renouari, atq; sanctissimæ huic Christi religioni omnes ini-
 tiari uoluit. A salutaribus eiusmodi primordijs, ætate intelli-
 gentia comparata, animi pueriles sanctis atque præclaris uitæ
 degendæ institutis, & precibus conuenienter informātur, qua-
 rum perbreuem formulam cunctis proposuit ediscendā. Sed
 ut eorum quæ in nostra omnium redemptione acerbè graui-
 terq; passus est, recordemur, puritatis atque integritatis men-
 tis antè habita ratione, de commissis à nobis delictis pœniten-
 tes, maxima reuerentia sanctiorem illam Eucharistiam commu-
 nibus animis celebrandā præcepit. Iam uerò legitimæ coniun-
 ctionis maris & foeminæ, diuinitus introductæ & firmatæ, da-
 tam semel fidem, constantissimè esse seruandam tradidit. Ma-
 gistratuum autoritati honorem ac reuerentiam habendam, ut
 totius communitatis (quod est maximum uitæ huius in terris
 bonum) æqualitas retineatur. Ac omnis disciplina est paucissi-
 mis capitibus arctissimè conclusa: ut in optimam, eandemq; fir-
 missimam Spem, excellentum promissionum, quas salubrium
 documentorum studiosis maximas fecit, omnium animi erige-
 rentur. Tum certissima Fide, assensione, & fiducia, de ijs omni-
 bus quæ ad salutē nostram, prodita à Christo cognitione, per-
 tinent, iisdem animi optimè confirmantur. Fidei articuli ex uni-
 uersa doctrina, ut constare & cōseruari possint, breuissimè ex-
 cerpti, ad cognoscendum & ediscendum proponuntur. Inde
 maxima & præstantissima uirtutū Charitas, qua unum Deum
 grata animi beneuolētia, ardenti amore, & summa pietate pro-
 sequimur: atque illius eiusdem gratia, omnes homines, fratris
 ac sui

ac sui ipsius loco, inimicos etiam nullo modo auerſantes, amantiffimè eſſe diligendos, admonemur. Hac mutua Charitate univerſitatis legum, & uaticinationum omnium, ſuperiores comuni quodam beneuolentiæ uinculo in ſeſe comprehendente, totius contracta eſt doctrina. Atque ita rebus ad Chriſtianæ religionis præſcriptum ſalutariter compositis, & uita omni conuenienter accommodata, diſſipatio atque interitus rerum conditarum expectandus, & Iudicij extremus dies, ad quem omnes ^{Supremus Iudicij dies.}

- 10 ribus iterum diuinitus aſſumptis, euocabuntur: ut improbi ad perpetuos & graues inferorum cruciatus relegentur: boni uerò & pii, in promiſſione, locupletiffimis testimonijs à Chriſto facta, perpetuitate animorum perfruentes, feliciffimè conquieſcant. Huius doctrinæ tradendæ, proferendæ, atq; conſeruandæ, Theologorum ſanctiſſima eſt profeſſio: qui perceptis fideliter documentis omnibus, eloquendi facultate comparata, & ſanctiore Spiritu firmata, quo diſiunctis locis & temporibus docere poſſint, ſcripta relinquunt, ſacra adminiſtrant; & populum frequentem, uitia ſeueriſſimè perſequentes, ſacris concionibus publicè informant, ad pietatem inflammant, atque delictorum uarietate aſſictas acerbius cōſcientias prudenter & opportunè conſirmant. Eruditas diſputationes inſtituunt, quarum ſit difficillimis temporibus uſus: ut cum graues diſſenſiones et controuerſiæ inciderint, factò communi piorum concurſu, eadē ad maximam rerum tranquillitatem retinendam, ſummoueantur. Cœleſtis eſt hæc doctrina, ſalutaris, ſempiterna, atq; immutabilis: qua ſolidior, purior, & perfectior Sapiētia omnis de cognoscendo, deq; colendo Deo, continetur: ad quam unam uitæ huius terrenæ omnes actiones, & cæteras ingenij artes, rectæ uiuendi rationi pertinentes, propoſito huic fini deductas, homini uerè Chriſtiano accommodare expedit: ut hac meliore ſententia communibus animis firmata, exploſis ab eadē alienis Philoſophorum placitis, nihil ex his in omni genere laudabile, ſanum, aut uerum ducamus, quod non eidem cōueniens ſit, & in primis conſentaneū iudicetur. Quocirca per breuem hanc diſciplinarum omnium progreſſionē conſecimus: quas eaſdem plenius aut accuratius tractare, eorum eſt munus, qui nominatim hæc maximis ſtudijs, in omni doctrinæ uarietate, laudabiliter profitentur. Conſilium meum hoc fuit, mediocri hac diligētia,
- 40 in uniuerſum ordinem quendam naturalem, hiſtorica ratione expreſſum, inquirere: atque eum doctrinis omnibus, ſupremis illis capitibus, Naturæ, Prudentiæ, atque Sapiētiæ reponendis

Theologorum
ſanctiſſima
profeſſio.

Salutaris doctrina.

Rerum & do-
ctrinarum scri-
ptores.

accommodatum: quod si minus sim consequutus, beneuolè, a-
micè, benignèq; hæc mea scripta legentes, conatum, uolun-
tatem, atque studium non defuisse cognoscent. Itaq; cum acer-
rimis studijs literati homines doctrinas in uniuersum deliba-
uerint, quod semel faciendum præcipiunt, idoneum, liberale,
& intelligens de rebus iudicium comparaturo, illa tum excita-
tur ingenua sanè & laudabilis cogitatio, ut eius beneuolentiæ
memores, qua priores adducti, omnis generis disciplinas in
maximū posteritatis usum adinuenerunt & tractarunt, ea per-
petuis literis mandare contentur, quæ quique in suo genere no-
minatim elaborarunt. Naturali quippe instituto, cum docere
amplius uiui non possint, fructuosum illud est, ne laboriosè, &
longo studio deprehensa, atque multis lucubrationibus obser-
uata pereant, eadem in communi totius Literaturæ thesauro,
ad omnem diuturnitatem reponere: ut mortui cōsequuturos
quosque, etiam longissimis locorum spacijs disiunctos, infor-
ment & adiuuent. Factum inde multis in omni scriptionum ge-
nere studiosè contendentibus, ut rerum maximarum uaria at-
que latè dispersa cognitio, infinitis uoluminibus contenta, & à
primordijs temporum, ad hanc memoriam (ut deinceps con- 10

sequenti historia Literaturæ explicare uolumus) ma-
gno generis hominum commodo trans-
lata, fideliter conseruetur.

QVARTI LIBRI HISTORIAE

Vniuersitatis rerum, qui est de Sapientia,

FINIS.

EXCVR-

EXCURSIO AC TRANSITVS EX
HISTORIA SAPIENTIAE, IN EAM QVAE HVIC
EIDEM PROXIME EST CONIUNCTA,
QVAE QVE DE LITERATVRA
INSCRIBITVR.



OTERANT AD PLENAM SVIS
partibus scribendę Vniuersitatis rerum
historię sententiam patefaciendam, hæc
quæ hætenus diximus, satis multa uide
ri, ut plura à quoquam requirere non o-
porteret: nisi pars alia restaret, maximī
in studijs doctrinæ usus, huic eidem Sa-
pientiæ proximè coniungenda: quam

- consultò ab ipsa literarum tractatione, quibus omnes nostras
10 cogitationes fidelissimè commēdamus, *Literaturæ*
appellandam. Cui eidem quintus hic locus cōuenienter est da- *historia.*
tus, ut post Naturæ descriptionem, & hominū studia, per mul-
tas ætates confirmata, postremò illud inquiratur, quorum lau-
dabili opera tantis incrementis eadem sunt progressa, ut singu-
lari ueterum diligentia atq; beneuolentiæ magnitudinē, in ijs-
dem laboriosè & excogitandis & tractandis, acceprū quodam-
modo sit referendum. Quam ad rem hoc nostri conatus docu-
mento, non ita commodè potuimus continenti orationis histo-
ricæ decursui, rerum ex alijs originem præcipuè, atque uarieta-
20 tis colligationē inquirentes & explicantes, multiplicia scripto-
rum testimonia, quibus illa eadem comprobarentur, inserere,
ac uarijs è locis huc reuocare: quod si factū fuisset, præter sum-
mam totius perturbationem & confusionem, opus creuisset in
immensum. Contenti igitur hoc tempore fuimus, consequen-
tem hanc *Literaturæ* hominum à primordijs repetitam me-
moriā subiungere: ut maioris cuiusdam, & in uniuersum porio-
ra quæq; cōtinentis Indieis loco, nouissima hæc historia aptissi-
mè ad finem posita uideatur. E' qua eadem, quoniam cuiusq;
professionis principes in literis uiros persequimur, ad ea com-
30 probanda, quæ sunt libris superioribus tractata, peti possunt:
& si hæc instituta ratio apud studiosos locum aliquem habeat,
expeditum sit, inde ad maius hoc opus faciendum, quæ accom-
modata uidebūtur, mutuari. Quamquam ijs annotationibus, *Annotationes*
quas parare mihi uisum est, quædam eiusmodi, pro mediocri
hoc meo studio adferrentur: ut quam quis huius Vniuersita-
tis rerum partē nominatim copiosius tractarit, & eadem dixe-
rit, aut

Huius partis
utilitas.

rit, aut diuersa sit sequutus, atque in dubium uocarit, cognosca-
tur. Sunt enim quamplurima in omni doctrinarum genere, à
maximis nostræ ætatis ingenijs, rationib. diuersis, atq; ijs pro-
babilibus, sapienter excogitata, & literis prodita. Hac autem li-
teratorum hominum enumeratione, non prorsus ab usitata &
commendata eorum ratione, qui ingenuè candideq; in primis
suorum scriptorum paginis profitentur, quorum usi sint ope-
ra, & à quibus profecerint, recedimus: atque nostrum suscepti
huius operis negocium, quæ sita hac non prorsus contemnen-
da, nisi ipsi fallimur, disponendi industria conficimus, magnitu-
dinem rerum immodicam cōsultò refugientes. Quare diligen-
tius mihi in hanc partem intuenti, multū ad literas feliciter tra-
ctandas referre uidebatur, cognitum habere, & perspectum, à
quibus per tam multas ætates studia doctrinarū omnium exci-
tata sunt, & per quos ad hanc nostram usque memoriam pro-
gressa. Itaq; cum multi superioribus seculis res principatuum
magnis uoluminibus à primordijs reptierint, graue illud ex-
istimaui, neminem, qui in uniuersum de claris & eruditis tem-
poribus scriberet, auditum mihi, & cognitū, unde diuersarum
gentium in literis amplificandis progressiones uno ex loco no-
minatim peterentur. Nam quæ in hoc genere diligenter, copio-
se, accurateq; à plurimis sunt scripta, enumerationem cōtinent
eorum qui ex Grammaticis, Historicis, Poetis, Oratoribus, &
Philosophis, Medicis etiam, lurcōsultis, atque Theologis ex-
cellerint: idq; nonnunquam unius gentis, aut professionis, se-
parata tractatione scriptores aliquot deligētes, faciunt. Sed ex
his æstimari satis non potest iudicium illud seculorū omnium,
nisi eadem ex dispersis uariè membris, in unū quasi corpus, ser-
uato rerum atque temporum ordine, ita colligentur. Difficul-
tatis huius magnitudo conantem eiusmodi aliquid in medium
adferre, à persequendo sæpius reuocauit: nec facile adduci po-
tuissem, nisi oblata occasione eorum quæ suprà commemoran-
tur. Quocirca ad illa primū exquirenda, quæ libris quatuor
superioribus comprehenduntur, postquam hæc eadem Li-
teraturæ historia, hortatoris & monitoris instar, omne scriben-
di consilium dedisset, ab utraque parte uicissim adiutus & im-
pulsus, experiundi solum instituto, hæc tenuia admodum pro-
posui, beneuolis lectoribus dijudicanda: cupiens cognoscere,
utrum aliqua ex parte uiderentur facere posse, ad hanc doctri-
nam excitandam, plenius accuratiusq; tractandam. Neq; enim
tam confidenter meum hoc scriptum ullo tempore propositu-
rus eram, nisi præter ea quæ ab alijs tractata sunt, licet non eo
quem in

- quem in plerisque sequuti sumus, ordine, etiam accessisset postrema hæc pars, quam nemo adhuc totam aut adumbratione, aut scripto est complexus. Siquidem minimè probanda uidentur eius generis scripta, quæ nihil præter solitum adferunt, nihilq; suo ingenio meditaturn. Atque hic, ut multa alia, desiderari poterit à nonnullis subtilior temporum descriptio: sed cum mihi eadem non satis constaret, quod etiam in ea parte, quæ est Principatus, suprà me dixisse recordor, consultum putavi, ad primam quamque occasionē differre, ut disquisitione dignum
- 10 aliquid proferatur: ne hic nimium negligentem me fuisse, plus quam par erat, meritò quis dicere possit. Quoniam uerò hæc eadem pars de Literatura non potest nisi longa diuersorū scriptorum lectione, & multo studio cōparari, imbecillitatis conscius, ex Commentarijs, quos mihi ad hunc usum confeci, ea solum, quæ in uniuersum accommodari possent, duxi ad eam quam subiiciam, rationem deligenda. Angustos namque limites mihi hoc tempore circumscripsi, extra quos progredi non facile possum: ut plurima prætermittantur, & ieiunius, perinde ut prima huius scripti elementa, tractentur: quæ ex nimia breuitate uitium non effugiunt, quod agnosco, ut in multis implicatus uidear, & obscurus. Satisfactū mihi erit, quod & antè dixi, illud
- 20 unum si sim consequutus, ut quæ hoc suscepto consilio, pro ingenij mediocritate efficere uoluerim, ex his quæ proposita sunt, cognoscatur: aut si qui fortè hoc meo conatu inuitati & adducti, ueriora atq; certiora inquirenda sibi proponant. Quod ubi fiet (neq; enim planè diffido) facile patiar, irritos hos meos labores abijci, in quibus me lusisse operā, perpæc animus præfagiuit, cum modò edenda, modò supprimenda eiusmodi scripta putarem. Etenim cuius hoc meum scribendi, & ordinis inquirendi consilium attentius consideranti, poterit uideri satis uitiolum & reprehendendū, breuiter de omni doctrinarum genere pronuciare uoluissè: cum ad singula cognoscenda nemo unus, etiam multa ætate, longiore lectione, usu rerum maiore præditus & instructus, par esse queat. Hæc cum non possent satis idoneis rationibus defendi, & errore quodam mentis nimium ad diuersa inuestiganda occupatæ, factum propè uideatur: difficultatē rei perspicientes, illud saltem concessuros mihi persuasi, quod plurimi scriptores suo quodam iure sibi uendicarunt. Nam Poetæ nihil non in omni genere doctrinarum at-
- 30 tingere, liberum esse, suis eruditissimis scriptis comprobant. Et ueteres Sophistæ, quacuncq; de re quis audire uellet, confidentissimè sese dicturos profitebantur. Dialectici de omni re pro-
- H posita

Que huius consilij ratio.

Historiæ vniuersitatis difficultas.

Scriptores de rebus in uniuersum scribentes.

posita facultatem probabiliter differendi sibi ascribunt, & universam quandam scientiarum omnium constitutionē promittunt. Oratores magnis undique præsidij muniti, delibatis doctrinis omnibus, & communi quodam rerum iudicio comparato, de omni negotio copiose, ornateq; dicere se posse confirmant. Geographi orbis totius descriptionē, licet minimam ipsi partem lustrarint, acceptam ex diuersorū peregrinationibus, plenissimē cōplectuntur. Grammatici magna confidentia omne scriptorum genus excutiendum, enarrandum, atque iudicandum sibi proponunt. Iidem studiorum rationem in quouis professionū ordine præscribunt, atque uoces doctrinæ cuiusq; interpretantur, & in grandia uolumina referūt. Quid inde scriptorum diuersi interpretes, qui præter necessariā obscurorum locorum explicationem, ea cōmentandi occasione quæ sita, multiplicem doctrinā ex omni lectionis uarietate haustam & obseruatam, unum in locum laboriose comportant? Quid maximis studijs ij nostra memoria faciunt, qui delecto in speciem simplici, quasiq; sterili & infœcūdo negotij alicuius argumēto, quicquid de eo dici ex omni lectionis multitudine possit, hoc multiplici conatu persequūtur? Quid ij moliūtur, qui artes cuiusq; generis pertractant, cum nihil usquam sit in scriptoribus diuersæ professionis, quod suum non esse contendant: ita undiq; sua complent, & ad omnem securitatem cōprobant? Sed ne minores artes prætermittam, Pictores, non rerum totius Naturæ faciem solum, uerū & ipsas quodammodo actiones & affectus uarios hominum atque animantum exprimere consueverunt. Quid item Histrionū ars? à quibus totius Antiquitatis mores quosdam ex historia repetitos, principum gestus, & cuiuscūq; status hominū decenter effinguntur, licet illis temporibus non uixerint, aut nullum eiusmodi munus unquā obierint. Præter id quod in familiaribus sermonibus & colloquijs, non de uno solum rerum genere inter humillimos quosque agitur: uerū etiam de ijs omnibus, quorum sese occasio aliqua offerre solet: ut alienū ab homine esse non possit, de rebus humanis in uniuersum aliquid exquirere & pronunciare. Itaq; iustioribus aliquanto de causis Historico hoc dabitur, ut cui est institutum, perinde ac temporum contemplatori, omnium rerum humanarum memoriam (quæ quidē posteris maximo ad uitam esse documento possit, & exemplo) in multas consequentes ætates transferre: quamuis illis omnibus ætatibus, de quibus scribit, non contigerit uixisse, quamuis in tam multis orbis terrarum locis non fuerit, quamuis uitæ munera omnia non tractarit: ut certis

Historici
muni.

- certis illa consignata testimonijs, distinctè ordinèq; referre ac repetere, sui officij esse existimet. Id eò dico, ne quis fortè uitio uertat, quod tamen in his scribendis non effugisse, cōfirmatum apud me habeo, eiusmodi excusationibus locu apud plerosque non habentibus: & factum audacius putet, si in uniuersum de doctrinis hæc sit perbreuis ratio instituta. Quod cum multis maiorum, ut dixi, ac nostra memoria non fuerit negatum, nihil est, cur tantopere mihi historiam contextenti, consilium etiam proponenti atq; petenti, hæc primas cogitationes adferre, sit
- 10 reformidandum. Sed ut institutam orationem deinceps perfectar, eadem *Literaturæ historia*, nisi cognitione dignissima iudicetur, haud uideo, cur tam studiosè & diligēter doctrinarum scriptores protinus ab ipsis initijs earū incrementa, & autores, qui easdem uel inuenerunt, uel tractarunt, repetant: ut si in singulis meritò illa commendentur, unum in locum comportata, propter uarietate gratiora & fructuosiora, propter singulare ætatum iudicium, sint futura. Itaq; ad structuram hanc uniuersam complendam, etiam *historiæ de Literatura* collocationem consequi proximè debere uidebatur, ut fastigium huic operi,
- 20 quod superest, imponeretur: futurū ita existimans meliore occasione, iusta impetrata, & toties multis è uitæ difficultatibus à me optata studijs quicte, hanc partem potissimū me aggressurum: quando exornandæ huius, quæ obtigit, *Spartæ*, uoluntatem minimè in hac uita deferendā esse persuasi. Cuius nō alium ordinem hoc tempore sum sequutus, quàm eum, qui rebus gestis describendis, ratione aliqua ætatum seruata, est usitatus: ut eundem in exponendis ingeniorum progressionibus cursum tenuerim, perinde ac si res diuersorum populorum à me continenti oratione narrarentur. Quanquam ex usu *Rei literariæ* uidebatur, ut est omnis professionum in doctrinæ studijs magna dissimilitudo, ita nominatim ab ipsis initijs, & ordine singula commemorare: sed ijs de causis, quas modò diximus, hæc ipsa retenta temporum ratio, à nobis aptior multo uisa est, & conuenientior. Ac nec in eiusmodi *historiæ* parte expectanda omnium scriptorum, qui à primordijs uixerunt, longa & integra enumeratio: quandoquidem hoc maioris operis futuri documento, sola genera paucis attingere, pro totius huius instituti, seruata ceteris in partibus ratione uoluimus: ut ex his reliquos omnes, qui prætermissi sunt, faciliè æstimare per se quisq; posset. *Historiæ* igitur de *Literatura* hæc sit in uniuersum quàm breuissimè repetita & adumbrata quædam descriptio.

*Utilis huius
historiæ cog
nitio.*

Ordo.

CHRISTOPHORI
Mylæi, de scribenda Vniuer
sitatis rerum historia, è
quinque libris
Nouissimus, qui est de
Literatura.

PROOEMIUM.

Aemulatio.



*Literarum
presidia.*

AVDABILE IN HAC COM
muni studiorū tractatione illud est,
quo magna ingenia uehemētius ex
citari uidemus, ingenita animis no
stris Aemulatio: cum in rectissima
aliorum studia intuentes, consensu
omnium firmata, eadē proximè con
sequi, pulchrum & fructuosum om
nes existimant. Neque enim proba
ri à quoquam satis potest, confiden
10
tem nimium esse, atq; securum, ut non ad similia facienda, opti
mis aliorum ducti studijs, quasi quibusdam admotis stimulis,
impellamur. Confirmatur ex his præstans illud discendi, & co
gnitionis rerum comparandæ studium: ut priorum conatibus
& successu adducti posterī, communibus animis perfecerint,
ne qua disciplinæ pars, nisi cumulatè tractata, relinqueretur.
Quorum cum tanta multitudo & magnitudo tot per illustres
ætates creuerit, ut singulis comprehendendis, memoriæ homi
num imbecillitas non sufficeret, circa initia temporum, magno
consequentium rerum usu, quæ sita sunt Literarū præsidia, qui
20
bus quasi certioribus notis, præclara ingenij & doctrinæ stu
dia, in omnem perpetuitatem conclusa & descripta, tutissimè
commendarentur. Hac quippe memorabili Literarum custo
dia, quæ non essent habitura diuturnitatem, tanta ratione di
uinitus seruari, cognoscimus: ut quæ antiquissimis tempori
bus contigerunt, quæq; locis disiectissimis gesta sunt, præsen
tia omnia,

tia omnia, & ante oculos posita uideantur: ita priores, perinde ac si perpetuò loqui possent, nobis & posteris coniunguntur: ut homines uideamus sermonē inter se conferre solere. Ac proinde scripta nisi extarent, præter Religionis sanctissimam doctrinam, quibus illa non potest carere, humanum genus nihil haberet eorum, quibus hæc uita multis partibus excultior red datur, munitior, atque optimis artibus instructior. Postquam igitur communibus animis illa ipsa approbamus, debitam meritamq; gratiam ijs habituri, qui hæc tam multa nobis cognoscenda, singulari erga homines beneuolentia & benignitate transmiserunt: haud fuerit iniucundū, nec inutile, excellentum ingeniorum in deprehendendis, locupletandis, atq; instaurandis disciplinis omnibus, dissimiles per ætates laudādos animorum conatus in memoriam reuocare, & ab ipsis rerum primordijs longè repetita, ad nostram usque ætatem cōuenienter perpetuo orationis cursu deducere. Cum autem cæterarum partium, Naturæ, Prudentiæ, & Sapientiæ finem, ad quem omnia eiusdem generis referrentur, accommodatum, pro ingenij mediocritate inuestigauerimus, hæc Litcraturę simul & Principatus historia, quas separatas nō malis de causis uoluimus, progressione habita ratione, nullum finem propositum scriptoribus habent. Quā diu enim summi Dei consilio genus humanum consistet & permanebit, rerum administratores, & qui literis usui uitæ necessarijs operam dent, inueniētur. Qui iidem, qua in parte finis erit nobis faciendus, à consequentibus adnci, & cum ijs quæ sunt à nobis commemorata, colligari poterunt: ut sit ab ultimis principijs, ad sua cuiusque tempora, perpetua, nec interrupta rerum gestarum atque studiorum continuatio.

Ingeniorum
hystoria.

30

NARRATIO.



DAMVS igitur mortalium primus Sapiēs, à summo Deo informatus, cum sua rebus omnibus nomina aptissimè, ex cōsiderata cuiusque rei Natura, imposuisset, primæ, & eidem postea communi factæ sermonis atq; rerum cognitioni, maximo consequentium temporum usu hoc initium dedit. Iam & filius Sethus acceptam de mundi primordijs, ac cœlestium corporum motu, constantiq; ordini sententiam, in columnis duabus, quarum una latericiā erat, altera lapidea, inscripsit: ne quo ignis aut aquę interuētū, quod futurū pater prædixerat, obliuione posteritatis extingueretur.

Sethus:

Primus scriptoris usus.

H 3 Quibus

Quibus deprehendendis, probandis, & firmandis, cum nascente mundo primi illi homines diutissimè uiuērēt, plurima in his præsertim, quæ de præstanti astrorum ratione habentur, sunt assequuti. Ita enim referebat: siquidem posteris nulla tanta ingenij celeritate, nullisq; tantis studiorum contentionibus, in mentem uenire similiter potuissent. Relicta igitur hæc doctrinarum seminaria, atq; fideliter conseruata, deinceps propagatione continenti, per manus ad diuersos transferuntur. Alter

Noë. nanque generis hominū parens Noë, eadem optimè percepta, filio Semo longius perferenda reliquit. Hæc cum multorum co

Semus. natibus atq; obseruationibus ita locupletaretur, per Hebrum, ad diuinitus fuscitatū è Chaldaeis (qua in gente primū uixit)

Hebrus. Abrahamum, Sapientem perlata, longius proferuntur. Quandoquidem hac lectissimæ gentis disciplina præclare imbutus, cœlestem fabricā suspiciens, rerum omnium administratorem supremum Deum sanctè prædicauit: & retentā de mundi origine memoriā, consequuturq; soboli cognoscendam tradidit. Profectus inde ad Aegyptiorū sacerdotes, de astris, numeris, alijsq; doctrinis multa in omni admiratione grauitè, copioseq; disseruit: ut eosdem primū informasse, & ab eodem acce

Aegyptij. pisse cognoscatur. Nam confirmatum habetur, à Chaldaeis Aegyptios hæc studia habuisse, & deinceps multa exercitatione comprobasse, ut ab iisdem profecta plerique crediderint. Itaq;

Chaldei. Chaldei & Assyrii, propter planiciem magnitudinemq; regionum, diuturna siderū obseruatione futuris prædicendis scien-

Assyrii. tiam effecisse putantur. Per hæc tempora Zoroastres Bactrianorum rex, Diuinationis, quam Magicen dicunt, etiam astrorum doctrinam exercuit: à quo pleriq; initium artis repetunt,

Zoroastres. quæ & ad Phœnices, Tyrios, atq; Aethiopes est translata: qui ijdē Aethiopes, ex Solis propinquitate, primos se mortalium

Aethiopes. dixerunt. In Aegyptum uerò coloniam inde esse deductam, cui repertas apud se literas & leges dederint. Ac literæ Aegyptiorum eiusmodi fuere, ut animantum aliarumq; rerum figuris ea

*ἱεράγραμμα
ματα.*

solent exprimere, quæ ad memoriā seruandā occultè essent significaturi. Ita cunctæ orbis gentes, literarum inuentum pro maximè diuino & honorario habuerunt: cum unaquæque de principatu decertarit, eos solita pro inuentoribus celebrare, à quibus acceperat. Præter ea quæ fabulosè dicuntur (neq; enim plerique externi scriptores satis inter se conueniunt) hæc graues controuersias posteris, originis Hebræorum ignari, cum animaduertent, non unius gentis, quin totius generis humani literarium inuentum commune fuisse existimarunt. Sed est locuples

cuples testimonium, cum ijs quæ de antiquitate doctrinæ con- Hebraeorum antiquitat.
firmata retinētur, linguas aliarum gentium, iam à dissipatione
Babylonis, uariè per orbem dispersas, cōmunem quandam ori-
ginem, literarum utique eadem nomina, per tot consequentes
ætates habuisse: quod etiamnum ex maximè confusis atq; per-
turbatis linguis apertissimè demonstratur. Nam ab Hebræo
fonte sanctissimis scriptis, integrè diuinitus conseruatis, reli-
quas tanquā riuulos fluxisse apparet: quam ad rem linguarum
dissipatio, literarum quoque dissimiles figuras sequentibus se-
10 culis peperit. Ita que cum omnis doctrina à maioribus accepta,
in Israelis stirpe constanter distinctis nominatim temporibus
feruaretur, ex filijs XII Iosephus excellenti somniorum inter- Iosephus.
pretatione clarus extitit. Moses dein Aegyptiaca & auita disci- Moses.
plina præclare informatus, commissum tibi populum optimis
uitæ institutis, & acceptis de cœlo primū legibus tenuit. A
transitu maris Rubri, gratulationis ergo, Heroicum carmen ce-
cinit, unde Poeteos originem repetunt. Sacris faciundis Aaro- Poetices ori-
go.
nem fratrem imbuit atque præfecit. Idem priscam superiorum
temporum memoriam, ne rerum ueritas cōmutatione aliqua Aaron.
Historiæ pri-
mus usus.
20 status, per diuersorum manus falsis narrationibus obscurare-
tur, à primo totius mundi ortu, ad perfectam scribendis Histo-
riæ rationem, seruatō conuenienti ordine, accuratissimè repe-
tijt. Huic memorabilem populi Israelitici ex Aegypto emigra-
tionem adiecit, sparsis ubique præter sacra instituta, multarum
doctrinarum, iuris etiam atque Medicinæ documētis: quæ ea-
dem sequuti posterī, disciplinas, cuiusmodi habemus, consti-
tuerunt. Atq; ita cum literæ essent priuatæ, publicas fecit, unus
mortalium in hoc præstātī scriptiōnis munere, lingua Hebræa
ad hoc efficiendum expolita, laudabiliter uersatus: ut præter ue-
30 ritatem ac fidem eorum quæ tradit, copia rerum, colloca-
tione, ornatu, iudicio, & exquisita Prudentia, nulli scriptorū sit post-
ponendus. Cuius antiquissimis libris omnem doctrinæ sancti-
tatem in se continentibus, communi posteritatis consensu plu-
rimū & autoritatis & dignitatis delatum: ut ad omnem diu-
turnitatem, per tot consequentes ætates, integri diuinitus man-
serint, & ex iisdem rerum omnium ductis primordijs sanctissi-
ma Religio fuerit constituta atque stabilita. In Aegypto rebus Aegyptij Sa-
cerdotes.
inueniendis & notandis, publica præmia Sacerdotibus consti-
tuebantur: è quorū numero Sapiens & Rex Mercurius, quem Mercurius
Trismegistus.
40 Trismegistum dixere, per ea tempora uixit: eundem multa do-
ctrinarum genera studio atque diligentia percepisse, & ea quæ
habentur, scripisse traditur. Græcia adhuc in summa erat ob-
scuritate,

Cadmus. securitate, in quam ex Phoenicia Cadmus progressus, literarum notas, linguam, rerum nomina, & sacrorum solennitates im-
Græci. portasse creditur. Interea Græci etiam in Aegyptum navigationis opportunitatem sequuti, tanquam ad mercaturam bonarum artium proficiscuntur, ut serò tandem literarum usum & studia ad suos reportarint, in quibus ipsædem cōsequentibus annis multa callidè commutarunt, quo se illarum autores profiteri possent: tanta ingenij celeritate & acumine contendentes, eadem locupletarunt atq; expolierunt, ut cum ab Hebræis pri-
 10 mordia duxissè cognoscatur, ipsos alijs tradidissè existiment.

Poetae. Poetarum primum è doctis genus apud Græcos auditū, è quibus Linus, Orpheus, et huius discipulus Musæus in Aegypto, quod ex relictis uestigijs postea cōprobatum est, præclarè fuerunt instituti. Hos Sapientes dixere, qui instrumentis Musicis uersus eosdem, numerorum suauitate compositos, in cœtu hominum, ad iuuenum animos excitandos, & conuiuas exhilarandos, decantabant. Idem Aegyptiorum superstitiones reportarunt, quibus non seipso modò, uerùm etiã diuersos populos maximis erroribus diutissimè implicarunt: cum ab Hebræis, qui mediterranea incolebant, certius erudiri, & informari ue-
 20 rius non possent.

Sibyllæ. Exortæ diuersis temporibus Sibyllæ, quas diuinæ mentis ex doctrina Hebraica factas cōscias, generi hominum uniuerso, de mundi ortu, quem nullam gentem ignorare oportebat, de aduentu instauratoris totius generis hominum, deq; Principiarum commutationibus, oracula cōmuniter dedissè, numeris conclusa, etiamnum ex relictis uestigijs cognoscimus. His maxima est habita fides atque autoritas, ut in difficillimis rerum cōsilijs capiendis, ad illarū uaticinationes quos-

Nicostrata. dam populos recurrisse legamus. Iam uerò & Nicostrata fatiloqua (Carmentam cognomento dixerunt) Euandrum filium
 30 sequuta, in Italiã uenit, atq; Italici hominibus usum literarum, haud ita pridem ab Arcadibus receptum, tradidit. Alij in tanta temporum obscuritate, ipsi Euandro, qui autoritate rudes artium homines per Italiam in summa admiratione regebat: alij Herculi acceptum referunt, cui in Italiam per ea tempora profecto, idem Euander aram dicauit. Troicis uerò temporibus, maximo Græciæ totius concursu, præter militaria ciuiliq; instituta, literarum etiam studia multum inclaruerunt. Cadmeas nanque literas xvi, Palamedes iiii, & Simonides totidem adiectis compleuerunt. Profecti ab Aesculapio patre medici, Ma-
 40 chaon & Podalirius. Chaldæis utique præceptoribus usus Calchas, diuinationis peritus fuit. Triplicia dicendi genera sunt animad-

Troica tempora.
 14.

Dicendi genera.

- animaduersa: in Menelao breue quiddam, & pressum, in Nestore fluens & suaue: in Vlysse prudens, graue, & copia uerborum commendatum. Res autem eo bello gestas, Dictys Cretensis, & Dares Phrygius, qui actis creduntur interfuisse, cōscripserunt. Hebræis inde regium statum Helio Sacerdote, in sanctiore disciplina informatus Samuelus proposuit. Saulem primum regem sequutus Dauid uates Lyricus, aduersa & secūda usus fortuna, uersus in omni uarietate, sacram continentes doctrinam, & uentura præsignificantes, piè sancteque cecinit. Solomon filius, accepta diuinitus Sapiencia cumulator factus, & summum ocium à bellicis occupationibus, quæ magnæ ante illum fuerant, consequutus, res in omni Natura abditas atque inuolutas, acerrimis studijs peruestigauit: ut stirpium uim, & animantium uitam, ingeniumque perceptum & cognitum habuerit: præterea partem de Moribus, scriptis plenius quàm superiores tractauit: ut etiamnum ex breuibus comprehensis uitæ informandæ documentis cognoscimus. Iisdem maximis de rebus copiose & grauiter, acutè & subtiliter disseruit: ad quem audiendum, diuinitissimis è terris factus est concursus. Et Regina quidem Sabæorum, magnitudinis doctrinæ famam præsentia comprobauit. Atque ita Philosophiæ partes, quas Græci magnis studijs amplificarunt, laudabili Solomonis diligentia primum sunt constitutæ & confirmatæ. Eadem doctrinæ uarietas in Aegyptū propter uicinatē deducta, ut ex cæteris populis hoc nomine clara haberetur. Sacerdotes nanque rebus & excogitandis & tractandis occupati, non modò Arithmeticam, Geometriam, & Astrologiam, uerum etiam rerum gestarum memoriā, ab antiquissimis temporibus repetitam, Eloquentiam, Leges, uitæ instituta, Naturæ considerationē, magnis studijs persequuti sunt: ut iam Græci eodem proficiscētes, plenius cognitis eorum disciplinis, instructiores ad suos redierint. E' quorū numero, institutis Aegyptiacis præclarè informatus Homerus, fons ingeniorum totius Græciæ, magna Naturæ ui & ubertate omnē doctrinarum cognitionem assequutus, cum Achillem singularis fortitudinis exemplar Iliade exprimit, cumque longis peregrinationum erroribus collectam rerum Prudentiam atque Sapienciam altero Odysseæ uolumine complectitur: quibus scribendis, ingenij uarietate ad omnes exornandæ orationis uirtutes optime comparatus, Heroicum genus carminis accommodatum delegit uitæ officia, pacis artes, & bellicas deliberationes, consilia, dicta, factaque copiose enumerat: ut lustrasse omnia, percepisse totius gentis Græcorum antiquitatem, cum omnibus colloquutus uideatur:

deatur. Quem eundem Græci consentientibus animis tantū fecerunt, ut singulos propē uersus, alicuius oraculi instar habuerint, & Rhetores suæ artis illustria exempla atque documenta inde petierint. Tanta in uniuersum scriptor, ut Philosophi sua placita, in quibus postea magnis studijs elaborarunt, se ex impressis ab Homero uestigijs deduxisse, & ex eodem uerissimē

Hesiodus. comprobare potuisse profiterētur. Hesiodus huic ætati cōiunctus putatur (quanquam Homeri ut incerta est patria, ita & ætas) qui de Dijs, moribus, Agricultura, & Astris, doctrinā atq; præcepta eruditis uersibus condidit: quorum duorum scriptis incitata deinceps, & latius aucta posteriorum Græciæ omnis doctrina. Sed à Solomonis decessu, regno gentis in partes diuiso, graui multa sunt consequuta, quæ non nisi rebus debilitatis & collapsis, postea conquieuerunt. His turbulentissimis temporibus diuinitus exorti Vates & Prophete, legis à Mose relicte interpreteres, & corruptorum morum reprehensores, impendentia mala, atque instaurationem futuram, longē antequam eueniret, præmonuerunt. Itaque acceptam à Mose, Dauide, & Solomone doctrinā fidissimē cum explicarent, nihil dissimile à prioribus attulerunt: ut ad rerum ueritatem firmandā, maximē consentiens hæc sanctior doctrina semper fuerit. Iidem publicam rerum gestarum memoriam multa diligentia & magna fide in scripta referabant: ne aut cuiusquā sermonibus corrumpi, aut mutatione aliqua status excidere posset. Nam post Eliam atque Eliseum, qui plurima diuinitatis documenta suis temporibus ediderunt, nobili genere ortus Esaias, altioris cuiusdam sanctæ & reconditæ scientiæ, populi ac principum mentes cum in uiam reuocaret, manifesta Hebræorum mala præsensit, & uentura omnia uerissimē ac disertissimē pronunciauit: ut actis omnibus, quæ consequuta sunt, interfuisse uideatur. Urbis uastitatem, quam præsenferat, calamitatem, atque excidium flebiliter Ieremias deplorauit. Ex his qui Babylonem sunt abducti, quo testata & comprobata esset sanctitas nostræ Religionis, manifestas futuras Principatum commutationes, ut sunt cōsequutæ, atque instaurationis tempus, Daniel diuinitus informatus, uerissimē præsensit atque descripsit. Excitatis semel Græcorum ingenijs, continenter studiosi homines in Aegyptum proficiscabantur: ut eruditiores inde reuersi, maximarū rerum doctrina suos multū instruxerint. Itaque Lycurgus Aegyptiaca & Asiana peregrinatione factus cumulator, Lacedæmoniorum disciplinam optimis & institutis & legibus, iureiurando ad eas seruandas cōfirmatis, astrinxit: ut quam diu Sparta ipsam est usque

magnos & prosperos militaribus & ciuilibus in negocijs progressus habuerit. Romanos ab ipsis etiam primordijs quædam ex Hebræorū disciplina attigisse traditur. Numam etenim Pom- Numa Pompe-
lius.

piliū regem, Moſis scriptis fuiſſe imbutum commemorant: ut interiorem quandam rerum ſcientiam poſteritas admirata, cum Pythagoricæ, quæ annis permultis poſt floruit, ſimilis uideretur, eadem illum inſtitutum crederent. Naſcētibus igitur apud Græcos, & ingenij celeritate, qua multum illa gens præſtitit, in-

- 10 admiratione ſunt habitæ quibus Thales Mileſius, à publicis ne- Thales Mile-
ſius.
gocijs alienus, totum ſe cōtemplationi rerum dedit: qui cum in Aegypto à Sacerdotib. fuiſſet inſtitutus, de Natura, & aſtro- rum obſeruatione, in quibus multa illum utiliter deprehendiſſe traditur, ſeparata iam à Poëſi cognitione, accōmodata diſſeruit: cuius doctrinæ placita ſtudioſi cōſtanter ſeruarunt: ut de rerum principijs, unde quæque oriētur, frequentes ſermones contulerint. Atq; inde primum Philoſophandi genus, Ionicum apud Græcos inſtituitur. Cæteri Sapientes numerantur, Solon, qui in Sapientes Gra-
cia reliqui.

- 20 nicis, quas ſanguine tinctas dicebant, tulit, præclara ciuiliſ uitæ inſtituta reliquit, & Areopagitarum conſilium inſtituit. Chilon inde Lacedæmonijs, Pittacus Mitylenæis, Bias Prienæis, Cleobulus Lindijs, Perian der Corinthijs, cum magna dignitate præfuerunt: atque præter leges publicas, etiam de morum informa- tione breues & argutas ſententias reliquerunt. Similiter ex Sa- pientibus Anachariſis Scythæ habitus, cui ab Athenienſibus ho- Anachariſis.
Eloquentia
primordia.
nores ſunt delati: qua in principe urbe primum ſe Orator extu- lit, & cœpta eſt hic oratio excoli, atq; literis commendari: ut po- pulo aures habente eruditiores, præmijs propoſitis, nulla uehe-

- 30 mentius, quàm Eloquentiæ ſtudia uiguerint. Hac eadem adiu- tus Piſiſtratus, animos ſuorum ita conciliatos reddidit, ut uiri- Piſiſtratus.
bus dicendi ſibi ſtabilierit principatum. Græcis Bibliothecam primus inſtituit, atq; confuſos antè Homeri libros, quo legi ab omnibus expedire poſſent, in ordinē diſtinxit. Ingenia compro- batione firmata, magnis ſtudijs ad omnem excellentiam conten- derunt, ut diſciplinæ omnium inuentrices Athenas poſteri crediderint. Cognitus è Phrygia Aſopus, qui licet conditione Aſopus.
ſeruus, ingenij tamen acumine cum præſtaret, humanas uitæ actiones ac ſermones, noua quadā ratione (ab Heſiodo alij re-

- 40 petunt) nec inueniſta, brutis animantibus tribuens, ad earum ingenium atq; Naturam, etiam res inanimas introducens, præ- clara morum documenta, quaſi quædam uitæ popularis infor-

mandæ exempla, festiuiter & iucundè fabulis tradidit: ut quæ deinceps sunt à diuersis fabulæ inuente, Aesopi nomen obtinuerint. Pherecyde Syro, quæ oratione soluta res gestas apud Græcos primùm mandasse traditur, Pythagoras institutus, Aegypti etiam Diuinatores, Babylonios, Magos, atque Indos audiuit: à quibus præcedentium temporum memoriam, ac de mundi origine sententiam accepit: ut seriò, & maioribus incrementis doctrinas complures tractarit. Nam rerum Naturam, numeros, mensuras, Musicen, atque Astrologiam, diuersarum gentium lustratione, stitipium uim, morum & uirtutum præcepta, Græcia simul & parti Italiae primùm intulisse legimus. Tantæ fuit apud suos autoritatis & dignitatis, ut sola illius præiudicata opinio, rationis uim habuerit. Primus ex sermone, cum principe Philasiorum habito, nomen Sapientiae, quod arrogantius uidebatur, magna modestia usus, commutauit. Inde optimarum artium cognitio atque pertractatio, Philosophiae appellationem seruauit: ut qui in ea uersarentur, pro Sapientibus dicerentur Philosophi. Alterum ab eo philosophandi genus profectum, quod Italicum est dictum. Multis post seculis Pythagoreorum nomen sic uiguit, ut nulli alij docti uiderentur. Eadem Pythagorica disciplina cum longè latecque flueret, manasse Romam creditur: & apertis iam Alpibus, cōditaque Mafsilia, etiam in Gallias, Druidibus illam cognoscentibus, deducta: ij nanque sacra & ciuilia instituta Græcis uersibus comprehenderunt, ut inde Græci sermonis manifesta uestigia longissimis post temporibus Gallica lingua retinuerit: tametsi traditū est, eandem Druidarum doctrinam in Britannijs primùm repertam, & Gallos eodem discendi gratia proficisci solitos. Germani conditores gentis, Tuistonem & Mannum filium antiquis carminibus (his publicam rerum memoriam pro Annalibus comprehendebant) celebrarunt. Multis itaque populis peregrinationum laboribus ad tractandas literas institutis, Romæ post exactos reges, Pontificum & Augurum delectu, Papyrius in unum opus, præter sacra instituta, reliquias leges coegit: ex eo ius Papyrianum dictum. Augurandi uero doctrina magno in loco habebatur, ut nihil domi neque militiae nisi auspiciatò gereretur, & ex Aruspicum collegio in Senatum esset transitus. Hanc discerant nobiles adolefcetes, quo plus esset honoris: & in Ethruriam, ad eandem cognoscendam, Senatus consulto mittebatur. Sermo inde Latinus, præter ea quæ uetustissimis Saliorum uersibus cōtinebantur, ad usum accommodatior factus. Magi in Perside relictam de Medicina, astris, diuinatione, & religione disciplinam, Regibus etiam eandem cognoscentibus.

Pherecydes.

Pythagoras.

Philosophie
prima appella
tio.

Druidæ.

Germanie
populi.

Leges regie.

Augurandi
doctrina.

- gnoscentibus, secretò tradebant. Athenis autem libertati reddi-
tis, quasi stabili sede posita, frequenti sapientum concursu (hos
iam Philosophos nominabant) effectum est, ut ex culta lingua,
doctrinæ omnes diligētius fuerint tractatæ. Quocirca studio-
sis placita suorum retinentibus, utrunq; philosophandi genus
longius deducitur. Ac Ionicum quidem Anaximander, & hu-
ius discipulus Anaximenes: Italicum uerò Pythagoræ filius Te-
lauges asseruit. Inde Xenophanes dubitâter de rebus pronun-
ciare solitus, Parmenidem prudentiæ differendi autorem eru-
diuit. Pythagorei utique in magna Græcia relictî, quam idem
Pythagoras honore, autoritate, & disciplina tenueras, doctri-
nis multum excelluere, ut Græci etiam discendi gratia eodem
proficiscerentur. Itaque ingenijs Græciæ magnis contentioni-
bus diuersa Poeseos genera introduxere. Lyrici ex his nume-
rantur Simonides: atq; principem locum, uictorum laudibus
concelebrandis tenens Pindarus. Tragœdiam Thespis indu-
cto histrione, Aeschylus Pythagorica disciplina imbutus, alte-
ra addita persona, & accedente his tertia, Sophocles, comple-
uerunt. In rebus gestis oblectationem, atque ingenij quandam
commendationem, non fidem & rerum ueritatē Poetæ seque-
bantur, cum segregata est iam manifestius à Poesi Historia, &
propria Historicorum instituta apud Græcos professio. Hel-
lanicus eandem primùm ornatiorem reddidit, ut inde postero-
rum ad scribendam historiam sit excitata industria. Romani di-
uersa ex parte, in tanto principatu, domesticis cōtrouersijs non
minus quàm finitimorum bellis exagitati, confusa ciuili discipli-
na, consuetudine sola difficulter regi poterant. Itaque Decem-
uiratus tempore, missi in Græciam, qui leges Atheniensium, &
cæterarum ciuitatum mores diuersos, atq; ciuilia instituta co-
gnoscerent. Inde cum essent x, ab Hermodoro Ephesio exulan-
te duabus additis, churnæ tabulæ xii sunt cōpositæ. Harum
maxima fuit autoritas atque reuerentia, sermone adhuc non sa-
tis exculto, quod ex uestigijs etiam nū apparet. Erat in his sum-
ma æquitas, profecta ex Hebræorum institutis, quorum Græ-
ci Lycurgus atque Solon peregrinationibus fuerant imbuti.
Pontifices deinde iudiciorum formulas præscribere, ut lauda-
bile iuris ciuilis studiū à Romanis institueretur: in quo eodem
locupletando, non aliter quàm Græci in excolendis ingenij do-
ctrinis, multum conatus & operæ posuerūt. Iam uerò post mul-
tas difficultates repositis Hebræis, Esdras præstantissimus Le-
gis interpres, ueterum Hebræorum monumenta, temporum
iniquitate uariè distracta, cōuenientius distinxit & ordinauit,

Athenæ, sedes
literatorum.Ionica ex Itali-
ca Philoso-
phia.Magna Græ-
cia.

Lyrici.

Tragœdi.

Hellenicis.

Leges xii
Tabul.Iuris ciuilis stu-
dium.

Esdras.

ne deinceps, populo sedes frequentius commutante, deprauarentur: quibus nsdem scriptis confirmata fides, apud posteros remansit. Profligatis è Græcia Persis, doctrinis omnibus Athenæ magis quàm antea inclaruere. Herodotus nanque ad scribendam historiam conuersus, ornata, candida, & suauis oratione illam præclare tractauit, ut publicis honoribus Athenienses eum sint prosequuti: sed iucunditatis rerum, quàm ueritatis studiosior habitus, effecit, ut Fabularū parens diceretur. Rerum

Herodotus.

Empedocles.

autem Naturam, Pythagorica doctrina imbutus, Empedocles Agrigentinus, quatuor ex elementis constare omnia pronuncians, egregio Poemate est cōplexus, & de arte dicendi primus præcepta dedit. Nam cum gens Siciliæ acuta esset Naturæ, & controuersa, in iudicijs assidua exercitatione dicendi præcepta

Eloquentia.

notauit, quæ à Corace & Tisia sunt postea diuulgata: quibus per se iam multum impulsæ Athenæ, deinceps confirmantur. siquidem in ea urbe principes uiri, & honorati, præstantè Eloquentiam cum bellica uirtute coniunxerant. Floruerat ex his

Themistocles.

Themistocles, uir prudens, quem ociosum argumenta orationum meditari solitū tradunt. Philosophia maioribus ingeniorum contentionibus progressa, dum studiosius Naturæ principia, unde quæque orirentur, quo uere reciderent, dubia multa &

Dialectices

inuentum.

inutilia relinquentes, inquisierunt. Italici philosophiæ successor Zeno Eleates, qui Parmenidem sequutus, acceptam ab eo disserendi prudentiam in medium proferens, ad usum atq; exercitationem utiliter accommodauit. Inde atomorum autores,

Democritus.

Leucippus atq; Democritus: hic idem Aegypti & aliarum gentium longissimis peregrinationibus multiplicem doctrinam comparauit, & Magicen quidem in Dardani sepulcro reperi tam cognouit. Agriculturæ artem, & regionū lustratione comparatam Medicinam tenuit. Cuius discipulus, magni uir inge.

Hippocrates

Medicus.

ns, Hippocrates Cous, eandem Medicinam à Philosophiâ separatā, in qua nominatim uersaretur, præcipuè est amplexus. Hic uarijs rerum causis Naturæ, cuius maximus fuit admirator, instructus, & diuturna exercitatione, cum ex templis multiplices curationes excripsisset, confirmatus, omnem Medicinam subtiliter quidem, distinctè, præse, atque breuiter, sed magna scientiæ & rerum copia diligenter pertractauit, atque fideliter exercuit. Ea breuitas eiusmodi, ut propè singulæ uoces illustrem contineant sententiā, & artis, quam primus apud Græcos constituit, decretum. Doctrinæ amplitudinem admirata Græcia, summos illi honores, quos Herculi, exhibuit. Consequentes Philosophi, scriptione introducta, illum imitati uia &

ratione

- ratione, in omni genere conscripserunt. Erat hic Italica Philosophia progressus, cum Ionicam multis peregrinationibus, & à superioribus institutus Anaxagoras, longius protulit. Hic *Anaxagoras.*
 Athenas profectus, cum multos alios, tum Archelaum docuit. *Archelaus.*
 Græcorum religio hausta è superstitionibus Aegypti, in falsis oraculorum responsis, Delphico ac Dodonæo, ambiguis quibusdam rebus callidè propositis, fuit occupatior, nullū ut bellum, nisi isdem cōsultis, suscipitur. Philosophi sanctiore Hebræorum disciplina, longis itineribus cōfectis degustata, ut ex
 10 multis testimonijs comprobatur, cum illa minimè probarent, corruptam consuetudinem emendare conabatur. In maximis licet totius Græciæ perturbationibus, cum difficillimis bellis omnia distraherentur, ingenia tamen non elanguerunt. Itaque Socrates Archelao usus præceptore, etiam peregrinationibus, *Socrates.*
 maiorum suorum uestigia persequens, eruditior factus, multam in omni communium rerum genere Prudentiam, à philosophis spretam & neglectam, habuit, sapientissimus iudicatus: qui doctrinæ de Natura, ac coelestibus rebus, necessariam morum ac uitæ emendationem, informationem, animi constantiam, & *Moris Philosophia.*
 20 æquabilitatem adiunxit: ac proinde uisus est Philosophiā è cœlo deuocasse, & in urbes introduxisse. Multa itaq; inflammandis ad uirtutem animis, & à uitijs reuocandis, disserendi ac dicendi facultate adiutus proposuit: illa quidem fidem faciebat, & suos confirmabat: hac uerò separata à foro, primus ex Græcis copiosius, uberius, atque eruditius quotidianis sermonibus sua explicuit, tanto orationis acumine, ut in percunctando, quæ uellet, efficeret, & cōtra alterius opinionem disserteret. Ita quid uerissimum esset, cōsequebatur, percallidè inscitiam professus, Simulator ut diceretur. Eiusmodi rationibus, sui temporis omnia profiteri, & sibi arrogare aulos Sophistas (repudiātū fuit à Philosophis nomen) subtilitate disputandi multum exagita-
 30 uit. ad quem audiendum, magnus Græciæ factus concursus: ut cum multi Philosophi ab eo, tanquam fonte & capite, dimanarent, communis Philosophiæ parens sit habitus. Ipse per inuidiam, epota cicuta, est sublat. Huius opera Græci duas iam Philosophiæ partes numerarunt. prima fuit de Natura, altera de uita & moribus: quæ deinceps maximis studiorum contentionibus creuerunt. ac nec cæterorum conatus, bellis licet frequentibus, repressi. Nam Thucydides scriptis et celebritate Herodoti uehementer commotus, magno dicendi apparatu, fide
 40 & ueritate eorum quibus ipse interfuit, optimus rerum explicator, scribendæ accuratius historiæ, consultationibus, colloquijs,

quijs, atque concionibus infertis, munus hoc expleuit. Athenienses cuius eloquentiam admirati, cum Imperatorem, quod optimo cuique fieri solebat, in exilium misissent, factum rerum

Pericles. gestarum scriptorem, reuocarunt. Interea Pericles Anaxagora præceptore usus, dicendi facultate multum inclaruit, ut ex sua uitate & orationis delectatione leporem in labris selsitasse dicerent. Huic ætati suppare Alcibiades, Critias, Theramenes habentur. Sed ut intellectum est, quantam uim haberet accurata oratio, & arte quadam composita, protinus multi dicendi magistri extiterunt, doctrinarum omnium scientiam professi. Ex

Gorgias. his Gorgias Leontinus, arti & memoriæ confusus, in conuentu Græciæ cum poposcisset, qua de re quisque uellet audire,

Thrasymachus aurea statua est illi in Delphis erecta. Inde Thrasymachus Chalcædonius, qui primus, cum inculta et rudis esset oratio, arte qua

Protagoras. dam uerba iunxit. Protagoras Abderites philosophus, Democriti successor: hic cum Rhetoricen Philosophiæ coniunxisset,

Prodicus. propter inopiam primus à discipulis mercedem exegit. Prodicus Chius, Hippias Helæus, qui ad Olympiam, cuncta penè audiente Græcia, est gloriatus, nihil esse ulla in arte rerum omnium, quod ipse nesciret: opificiorum etiam præsidij instructus, nihil

Euripides. gestabat, quod ipse non sua manu parasset. Tragœdiam autem à superioribus comotam, aspersis è media Philosophia crebris & illustribus sententijs, unam miserationem ex affectibus diligens, magnus uir ingenio Euripides, optimè locupletauit et orauit: ut quæ sita Prudentiæ atque doctrinæ commendatione, singulis propè uersibus singula testimonia ac sententias comprehenderit, Sapiens Poeta, & Tragicus Philosophus nominatus. Priscam Comœdiam & ueterem amplexus Aristophanes,

Aristophanes. argutijs, facetijs, & salibus gratus, sed in carpendo nimius: ut dum optimum quemque, & eruditum nominatim calumnijs peteret, hoc scriptionis genus, lege ab Alcibiade lata, prohiberi cœcesserit. Sed ex uberrimis sermonibus Socraticis, cum quisque quod maximè probasset, apprehenderet, breui dissentientes sectæ sunt exortæ, & diu multumque uarijs sententijs de summi Boni constitutione certatū: quod non contigisset (uti nonnulli credunt) si ipse Socrates, more consequentium, suam sententiam nominatim scriptis uoluisset testari. Itaque Antisthenes à Socrate doctus, patiētiæ & duriciæ defensor, intermissum ab Archelai successione Ionicum Philosophiæ genus repetijt,

Sexte. & longius protulit. Magna autem Græcia Pythagoreis, Eudoxo totius doctrinæ astrorum perito, Archita & Timæo nobilitatur: in quo res successissent, nisi eadem continentibus domesticis

Eudoxus. 40

mesticis & finitimorum bellis tandem concidisset. Apud Græcos Xenophon in his quæ sunt communis Prudentiæ, excellen- Xenophon.
ter uersatus, quasi ea comprobaturus, quæ essent de communi
uita disputata, Historiam eruditè, iucundè, & suauiter primus
ex Philosophis conscripsit, Apis & Musa Attica dictus. Idem,
cum Socrates nullam literam reliquisset, dicta illius, atque facta
præclara, monumentis cõsignauit: principatus documenta, Cy-
rum absolutū exemplar statuens, adumbrauit. Sic relicta alijs
rerum, quæ in contemplationem ueniunt, tractatione, Rei fami-

10 liaris tuendæ præcepta, reiequestris, & uenatus dedit. Xeno-
phontium hoc philosophandi genus, quod minimè pugnae &
contentiosum, sed totum in actione, & cõmuni Prudentia, atq;
ciuilibus consilijs moderandis positum, ad rationem indocilis
usus disciplinæ, qui illud assererent, perinde ac cæterorum pla-
cita, non habuit. Alterum Socraticæ familiæ lumen, magnus &
sentiendi & dicendi magister Plato, relicto Athenis, in Italiam Plato.
profectus, Architam & Timæum Pythagoricos audiuit, quo
ita Pythagoræ sublimitatem cum Socratis humilitate coniun-
geret. Aegypti etiã peregrinationibus, quas Græciæ docti ho-

20 mines discendi gratia suscipere erant soliti, plurimum confir-
matur: Indos, nili Asiana bella impediissent, aditurus. His tam Dialogorum
usus.
multis instructior, perfectum genus orationis, splendidum &
grande comparauit: quo eodem graues suorum temporū per-
sonas, Socratis maximè placita literis commendans, infertis ijs
sine controuersia, quæ ipse sentiret, fecit inter se loquentes: ut
ita autoritatis atque dignitatis, quando illorum cõfirmata iam
esset doctrina, plus haberent. Dialogorum usu ita introducto,
omnem interioris doctrinæ uarietatem, quæ sitis suis occasio-

30 modi est, ut perpauca in quoque genere possint desiderari. Et
multis libris plurimum celebrantur, quos de uniuersi Natura,
& Reipublicæ informatione accuratissimè conscripsit. Cuius
doctrinæ integritas, quando ab externis eruditū se proficitur,
Mosis, Sibyllarū, & Mercurij Trismegisti libros excussisse, &
in sua scripta, ne faciliè deprehendi possent, certa adumbratione
studiosè retulisse, multa Hebræorum scriptis consentanea aper-
tissimè cõprobant: ut Moses lingua Attica loquens sit dictus,
& Diuinum in primis sui habuerint. Itaq; omnē doctrinæ am- Doctrina Pla-
tonicæ inte-
gritas.
plitudinem animo cõprehendens, æstimatione quadã eorum

40 qui præcesserant, latè dissipatam apud Græcos Philosophiam,
tres in partes distribui debere intellexit. Nam à Thalete & Py-
thagora profecti, rerum Naturā: à Lycurgo, Solone, cæterisque Philosophie
coagmentatio.

K Sapien-

Sapientibus, & Socrate, morum doctrinam, ac rerum administrationem: à Pythagoreo Zenone, differendi Prudentiâ, Dialectices nomine, magnis studijs tractarât: ut aptissimè in unum corpus omnem philosophandi rationem comportarit. Huius *Academici.* placita qui sunt sequuti, ex Academia, in qua docebat, Academici dicti: è quibus duo præstantes studio atque doctrina successere, Speusippus atque Xenocrates, qui Platonis instituta constanter seruauerunt, & posteris tradidere. Forensis oratio his Philosophorū doctrinis est multo uberior & eruditior facta: ut cum Oratorū dignitas & autoritas, populo eruditas aures habente, creuisset, decem simul excellentes una ætas numerauerit. Itaque præfensione Socratis, ob claram uirtutis indolē commendatus Iſocrates, philosophicis studijs imbutus, & communis Prudentiæ intelligenti comparato iudicio, licet forensi luce caruerit, eruditam orationē, suauem, comptam, puram, & quodam numerorum concentu à se deprehenso, elaboratam reliquit. Cuius domus cum uniuersæ Græciæ pateret, officina Eloquentiæ est habita: è qua eadem, præter innumeros alios in dicendo principes, Historici duo post Philistum, Theopompus & Ephorus, studijs atque animis dissimiles exierunt. Socrate *Aeschines.* doctus Aeschines, sublimi & grandi orationis genere præstitit: qui propter iudicij ignominiam, Rhodum postea se cōtulit: in qua insula cum iuuentutem Attica Eloquentia imbueret, Rhodium dicendi genus introduxit. Principem uerò locum tenuit *Demosthenes.* Demosthenes, qui maximè celebri Callistratis Oratoris fama incensus, ad omnem dicendi exercitationem se totum conuertit, & maximis laborum contentionibus impedimenta Naturæ ac uitia emendauit, ut planius quàm suorum quisquam sit eloquutus. Thucydidiæ orationis uehementer studiosus, historiam illius, ad comparandam dictionis integritatem, sæpius *30* descripsit. Tanto causæ apparatu, eā orationis uehementia, consilij magnitudine, & rerum Prudentia, magno Græciæ concursu addicendum uenit, ut quam in partem uellet, suorum animos conuerrere potuisse cognoscatur: uis in agendo eiusmodi, ut in scriptis orationibus potiorem Demosthenis partem abesse tradant. Ita cum omnes orationis uirtutes expressisset, Lex dicendi est habitus. Politus, subtilis, elegans, & uenustus Lysias, Epaminondam erudiuit, ac cæteris orationes conscripsit. Reliqui oratores in suo genere ueritatem & integritatem retinuerunt: ut amissa libertate, solis Atheniensium muris conclusa fuisse Eloquentia uideretur. Nam aliæ, etsi liberæ essent, ciuitates, sola rerum agendarum laude contentæ, seuerioris cuiusdam ingenij, *40* minus

- minus his studijs delectabantur. Et Sparta quidem bene mora *Sparte doctrina.*
 ta & constituta ciuitas, Musicam bellicis in rebus est amplexa:
 quam historiae loco, praeclarorum uirorum laudes, iuuenum
 animis inflammandis, comprehendentem, adhibebat. Eadem
 sermone breui & arguto, sententijs quasi quibusdam aculeis
 usa, ut Eloquentiae commendationem nullo modo affectasse ui
 deatur. Orientis peregrinationibus, quas Alexander Magnus
 suscepit, ut multa in omni genere inclaruere, ita Gymnosophi *Gymnosophi-
 sta.*
 10 proponentibus disseruit. Ex his erant alij Brachmanes, alij Sa
 monæi, rerum coelestium cognitione, uitae continentia, & seue
 ritate disciplinae commendati: quo eodem Alexandro spectan
 te, Calanus ex Gymnosophistis in medios ignes uiuus se conie
 cit. Sed in Graecijs, domestica Hippocratis doctrina primis an
 nis informatus Aristoteles, Platonē diutissimē audiuerat, men *Aristoteles.*
 tis celeritate, & lectionis magnitudine, excussis accuratē dili
 genterq; superiorū de multiplici doctrina scriptis, totius Phi
 losophiae uarietatem animo cōprehendens, ingenium omnium
 doctrinarum capax assequutus, uia & ratione multis partibus
 20 locupletauit, distinxit, atque diffusa perturbataq; ingeniose ar
 tibus conclusit. Quam ad rem Syllogismo, laudabili obserua *Syllogismus.*
 tione, argumentationes certius stabiliiuit, ut ita priorum erro
 res melius confutarit, & sua scripta fortius firmarit. Itaque ma
 ximis studiorum contentionibus omnem doctrinae pertracta *Philosophiae
 tractatio.*
 tionem aggressus, de Natura plenissimē, de Moribus, Republi
 ca, atque re familiari copiose, & de facultate disserendi perfe
 ctius quā suorum quisquam, egit, ac scripta reliquit. Dictio
 nis genus adamaui breue, acutum, seuerū, graue, & ad docen
 dum accommodatum. Primam inde Philosophiam uariē disqui
 30 siuit. Animantium omnium ortus, uictus, & figuras, multis lite
 ris commendauit: quorum librorum ingentes susceptos labo
 res magna liberalitate Alexander cōpensauit. Præterea his ad
 iunxit Poesin: & Isocratis celebritate incensus, Rhetoricen do
 cuit, ac multis conquisitis præceptis auxit: tantumq; præstitit,
 ut consequentia tempora, magno iudiciorum consensu, ijs arti
 bus, quas plenē tractauit, cum parum addere, aut eadem emen
 dare, aut in iisdē aliqua desiderare posse uiderētur, principem
 Philosophiae habuerint: & Peripatetica philosophandi ratio, *Peripatetici.*
 ab inambulatione, qua animum simul & corpus exercebāt, sic
 40 dicta, principatum obtinuerit. Verū multa in dubium reuo
 cans, cum sententiam suam non satis apertē explicaret, Naturæ
 peruestigationi quodammodo occupatior, magnis erroribus

uifus est fuos implicaffe. Moriens uino Lesbio, quod erat fuauius, guftato, ex fuis difcipulis, Peripateticae fcholæ, & doctri-
Theophrastus. næ Theophrastum fuccefforem tacitus delegit: qui idem mul-
tis literis, & ijs elegantibus, omne genus argumenti, ab Ariftotele præceptore tractati, ftudiofe repetijt, atque locupletauit. Rerum publicarum inclinationes, & momenta temporum, quibus efferet moderandum, ut cunque res poftularet: ftirpium Naturas, & omnium ferè rerum, quæ ex terra gignuntur, cauiffas atque rationes tradidit: modeftus in afferendo fuit, dulcis oratio habita, & Atticę cuiufdam integritatis: ut ex nitore locutio-
Philofophia abfolutio. nis, nomen diuinitatis acceperit. Sic in his tribus fummis uiris, Philofophia à Platone ubertate orationis congefca, ut confpici poffet, ab Ariftotele neruofa quodammodo oratione, ut certius cognofceretur, diftinéta: à Theophrasto, ut dulci oratione plurimum delectaret, eft exornata: quibus nihil aut eruditius, aut perfectius habuit Græcia. Per ea tēpora Euclides, cum ingenij acumine cæteris præftaret, dimensionum collectam doctri-
Euclides. nam fubtilius & perfectius quàm superiores, tradidit, ac ueriffimis artis demonstrationibus cōprobauit. Sermo autem Græcus his magnorum uiro-
Sermo Græc. rum ftudijs excultus, ut tractandis literarum & doctri-
næ ftudijs, elegantia, fuauitate, copia, atque ubertate accommodatior efferet. Longis deinde peregrinationibus atque militia in Orientem idem fermo fufus, ut non uicē inftituta modò, uerùm etiam literæ fuerint ad diuerfos populos translata: quos eadem Græcę lingua folitos loqui, confequentium temporum uestigia maxime comprobant. Sic cum antea ab externis gentibus Græci doctriinarum cognitionem habuiffent, nunc rerum commutatione ipfi latè difperfi, cæteros doce-
Inclinatio literarum. bant. Difcipato igitur ab Alexandri interitu regno (ut principatuum rationem conditio literarum etiam confequitur) in genera quadam indignitate remiffiora fuere: fi quidem profeminatæ Philofophorum fententiæ, quafi familiæ, longius progrediuntur, ac multo tempore inutilibus difputationibus fe conficiunt & exagitant: unde non minima pars incommodorum eft profecta, dum nonnulli maliciofe pleraque inuerterent, ne nihil ad priorum inuenta, quæ de manibus excutere uolebant, attuliffe uiderentur. Ita fit, rebus ad fumum profgreffis, & inde inclinantibus, cum superiores noftris ftudijs exæquari poffe diffidimus, ut eosdem in folentius contemnamus. Antiftheni in uitæ feueritate fuccefferat Diogenes Cynicus, cuiufdam libertatis animi affectator. Hinc Crates Thebanus, & Stoicę familiæ
Diogenes. autor Zeno, quæ à Stoa porticu, in qua philofophabatur, nomen
Zeno Stoic.

- ingeni eiusmodi accepit. Eadem partē Dialecticæ, quæ iudican-
di vias tradit, studio & diligentia tractauit: in uerborum subti-
lius inquirenda ratione fuit occupata, & ad morum seueritatem
cuncta retulit. Inops Cleanthes, haurienda noctu aqua, uictus *Cleanthes.*
difficultatem sustentare solitus, ut maximè in differendo acumi-
nis uirum Chrysippum interdiu audire posset. Idem Chrysi- *Chrysippus.*
pus Ionico philosophandi generi à Thalete profecto, finem im-
posuit. Maximis de rebus discordes erant Peripatetici, subtili- *Scilla.*
ter & artificiose differentes, atque Academici disertè & copio-
se: licet plerique eosdem conciliare uoluerunt, ut una, ac propè
consentiens duobus uocabulis Philosophiæ forma haberetur.
Itaque Xenocratem audierat Polemo & Crantor, ueteris Aca- *Polemo.*
demie studiosi. Inde Arcefilas ex uarijs Platonis libris hoc arri- *Arcefilas.*
puit maximè, rationes nihil firmi habere, nihilq; esse certi, quod
aut sensibus, aut animo percipi possit: quo facto mediam indu-
xit Academiam, sed nouam ac recentiorē Lacydes: ex qua in- *Lacydes.*
genij subtilitate ad differendum, memoriæ felicitate, atque di-
cendi copia progressus Carneades, nullius Philosophiæ partis *Carneades.*
ignarus: quem est sequutus Clitomachus, in quo Academica
Philosophia apud Græcos finem accepit. Cum igitur Peripate- *Scilla.*
tici uerè de rebus pronunciarent, Academici dubitanter, extre-
ma quasi tenebant, seuerius cum ad mors omnia reuocarent,
rerum acumine magis, quàm uerborum splendore laudati Stoi-
ci, quiq; nimias uiuendi habenas laxarunt, ab Epicuro profecti.
Hic Nausiphanē Democriti discipulū audierat: sed cum aliis, *Epicurus.*
quàm superiores, Philosophiam detorsisset, Italici generis phi-
losophandi postremus uindex fuit. Itaq; immodico dissentien-
di studio, occupata omnia à prioribus circumspectans (habent
enim & literæ suam ambitionem) nihil cum præstare se posse
consideret, studia omnium contempsit. Prouidentiam est infe-
stus: Dialecticam & Eloquentiam, breuib; dictis conten-
tus, repudiauit: de Grammatica subtilius illum quædam inquit
suisse refertur. Sed malignè de rerum Natura, sensuum arbitrio
cuncta subiiciens, ut suscepto uoluptatis patrociniò, nimia se- *Voluptatis pa-
trociniò.*
curitate introducta, multis erroribus sui studiosos implicarit.
Grauia inde sunt sequuta, ut successores exortam ab eiusmodi
principijs rem, & semel impulsam, in diuersa, ut sit, pertraher-
ent. Interiecta hisce temporibus & alia Philosophorum gene- *Philosophi im-
becilliores.*
ra, qui se communiter omnes Socraticos dicebant. Ex his Ere-
triaci nominantur, Megarici, Pyrrhonij, & ab Hecillo alijsq;
permultis appellati: sed quia imbecilles erant, & multa absur-
da pronunciabant, grauissimis aliorum disputationibus op-

Studiorum par
tatio.

Dicendi gene-
ra.

Demetrius
Phalereus.

Demochares.

Alexandria Bi-
bliotheca.

LXXII in-
terpretes.

pressi, explosis eiusmodi sententijs, locum non habuerunt. In tantis studiorum difficultatibus consequuta partitio, & doctrinarum omnium quoddam diuortium, cum antea cōmuni uinculo inter se disciplinæ omnes colligarentur, inde artium diuersarum instituta multitudo, ut minimè in uniuerso genere singuli deinceps elaborauerint. Graui igitur commutatione status Græciæ, una omnium Eloquentia maximè hanc cladem sensit: quæ protinus ut euecta est è Piræo, totas Asias, & omnes insulas peragrauit, amissa dictionis Atticæ natia salubritate, integritate, & puritate, genus dicendi Asianum, plenum illud, atq; 10 exuberans, ut erant gētis mores lauti & delicati, aptum suis auribus introduxerunt. Tertium ab Attico & Asiano genus fuit Rhodium, utriq; ut est situs insulæ, cōuenienter interiectum. Itaque Rhodij saniores, & Atticis similiores, quod populus apud eos multum posset, Eloquentiam diutius exercuerunt, & conseruarunt. Senibus iam oratoribus decem ex Theophrasti umbraculis successerat adolescens Demetrius Phalereus, eruditus ac prudens magis, quàm ad uim & ad arma comparatus: hic inflexit primùm orationem, & inclinauit, mollem, suauem, teneramq; reddens. Eandem orationem, temporum conditio- 20 nem sequutus Demochares, remissum & molle dicendi genus adamauit: quo tempore primus usus Declamationum, iuuenibus ad similitudinem fori ac iudicij exercendis, putatur esse introductus. Demetrius uerò iniuria suorū patria pulsus, ad Ptolemæum Philadelphū regem Aegypti confugit, à quo instruentis libris omnibus Alexandrinæ Bibliothecæ est adhibitus. Post Rex eiusdem Demetrii suasu, consilio, & opera, ueterum etiam Hebræorum Originum libri, misiss ab Eleazaro Pontifice ex quaque tribu senioribus sex, linguæ utriusque peritis, in linguam Græcam ex Hebræa sunt conuersi: ita enim referebat, 30 ut appropinquante instaurationis humani generis tempore, antiquissimi libri, primordiorū totius orbis terrarum memoriam continentes, passim legerētur. Seniores, conuersione absoluta, Ptolemæus cum maximis præmijs remisit. Libri, uti par erat, in summa reuerētia habiti sunt, & adseruati. Quorum doctrinæ sanctitatem, ueterum Græciæ scriptorum illustria testimonia iam confirmarant, qui huius Hebræi populi ortum & incrementa in obscuro esse non passi sunt. Perpetuum enim illud fuit, ut clarissimis quibuscq; temporibus, etiam Alexandro Magno supra hæc tempora res gerente, antiquissima hæc scri- 40 pta cognoscerentur: quo eadem à suis primordijs progressa, in omnem æternitatis memoriam possent transferri. Circa hæc tempora

tempora Poetae aliquot celebres fuerunt: pastoralis Musae scri- Poetarum cele-
britas.
ptor uenustus Theocritus: & qui Comœdiam nouam, ueteri

lege prohibita, Philemon, & præstantis ingenij Menander, in-
troduserunt, atque tractarunt. Inde Aratus, licet Astrolô-
giæ ignarus habitus, optimistamen & ornatissimis uersibus ea

quæ in cœlo apparent, descripsit. Callimachus etiam Elego-
rum & Hymnorum scriptor, cuius discipulus Apollonius Ar-
gonautica reliquit. Ex his nonnulli, quanquam alij in tanta ua-
rietate alios recensent, Pleiadum è numero fuere, quorum esset

10 præcipua illis Ptolemæi Philadelphi temporibus celebritas. Iesus Sirach.

Inde Ptolemæo Evergete regnum tenente, Iesus filius Sirach, Iesus Sirach.
multiplicis doctrinæ ac Sapientiæ librū, Panareton appellant,
utiliter ex Hebræa lingua in Græcam conuertit. Medicina au-
tem, cum esset à Philosophicis studijs separata professio, in ex-
ercitatione uitæ communis tota necessario fuit occupata. Ean-
dem ab Hippocrate profectā multis præceptis auxit Erasistratus Erasistratus:

tus Chryssippi discipulus, Aristotelis filia progenitus. Idem in
exercenda arte maximis præmijs locupletatur. Sequuntur diuer-
sis temporibus dissentientes sententiæ, cum alij artem retinen-

20 dam, alij experientia niti oportere cōtenderent: ut hæc una do-
ctrinarum omnium sæpius fuerit commutata atque perturba-
ta. Aristophane Grammatico institutus Aristarchus, & idem Aristarchus.

Grammaticus, Homeri libros emendauit, ac distinxit, cuius in-
de nomen pro censore & emendatore habitum est: ipse libros
circiter DCCC numero conscripsit. Distractis ad hanc ratio-
nem, & propè collapsis Græcijs, aucto & firmato Italiæ princi-
patu, Romanorum ingenia admiratione quadā excitata, Græ-
cos etiam æmulari suis rerum incrementis cœperunt. Summa

erat iam à Numæ temporibus Pontificum autoritas: ij namq; Pont. Mex.

30 & humanarum & diuinarum rerum cognitionem profiteban-
tur: atque publicam gentis memoriam singulorum annorum,

in Annales, quos dixere Maximos, referebāt: nuda & simplex
erat scriptio, breuem hominum, temporum, ac locorū designa-
tionem continens. Itaque cum iidem Pontifices gratia retinen-
dæ dignitatis, suas de iure interpretationes occultas esse uel-
lent, Cn. Flauius Scriba Fastos & actiones in certam formam, Cn. Flauius.

ab Appio Claudio Cæco, iuris disciplina præclare imbuto, co-
actas, diuulgauit: quo facto, honores illi sunt à populo delati,
& lus inde Flauianum dictum. Religio Romanis propè eadem Religio.

40 quæ & Græcis, cum pro Dijs eos colerent, quorum usi fuerant

opera: uitis etiam, & ijs quæ propter detrimenta metuebant,
sacra facere soliti. Disciplinam militarem iam à condita urbe Disciplina mi-
litaris.

exercue-

App. Claudius.

Liuius Andro-
nicus.
Crates Mallo-
tes.

Archagathus
Vulgerius.

Numæ P. libri.

Iuris ciuilis tra-
ctatio.

Ius Aelianum.

M. Cato.

exercuerunt, & cōstanter seruauerunt: ut populus Romanus bel-
licis artibus exercitatus, orbis totius terrarum imperium tan-
dem compararit. In foro cum graues caussæ, & frequentes pro-
ponerentur, præmijs & honoribus iuuenum studia deinceps
sunt confirmata. Quo tempore idem App. Claudius legationi
Pyrrhi, cum Senatus sententia ad pacem & fœdus faciendum
inclinaret, habita luculenta oratione, fortiter se opposuit: atq;
inde solutæ orationis apud Romanos antiquiorem usum repe-
tunt. Seuera gens primò grauatim, quasiq; contemptim & oc-
cultè, cætera doctrinarū studia admisit. Medijs primi belli Pu-
nici temporibus fabulam primū docuit Liuius Andronicus.
Crates interea Mallotes, Romam legatus ab Attalo rege mis-
sus, cum propter ualeitudinē ociaretur, præcepta de literis tra-
didit, quibus & ad cognoscendas disciplinas, & ad orationem
exornandam, illius ætatis ingenia optimè præpararentur, stu-
dijs literarum ac doctrinæ breui in hac gente claritatem affecu-
turis: exorti inde aliquot excultioris sermonis dicēdi magistri,
& complures diuersis è locis Romam uenerunt. Itaque Arch-
gatho data est Medicinæ exercendæ taberna, primū quidem
gratus: post ex sæuitia urendi secandiq; odiosus factus, ut car-
nifex appellaretur. Per hæc tempora, ex repertis Numæ Pom-
pilijs libris, in agro L. Petilij Scribæ, sub Ianiculo, Latini sunt di-
ligenter adseruati: Græci, quòd ad dissoluendam religionem fa-
cerent, S. C. exusti. Difficulter & simulatè literarum studia Ro-
mani principes admiserunt, quòd minus grauitati atque con-
stantiæ militari cōuenire uideretur, ut ab ijs discerent, quos ar-
mis subiecerāt. Inde post multa decreta, ad pellēdos urbe Rhe-
toras & Philosophos lata, doctrinarum usu tandem percepto,
studiosè illas semel amplexi, unà cum imperij maximo successu
sunt persequuti. Retinebat eos necessarius ad ciuilem Pruden-
tiam firmandam usus, & ad comparandam Eloquentiam ma-
gna ex literis opportunitas. Siquidem in Iure ciuili clari habiti
sunt P. Sempronius, Sophus à Romanis iudicatus, & T. Co-
runcanus: hic, cum reliqui suas cōsultationes secretò traderent,
discere uolentibus facilem se præbuit, & responsa reliquit. Inde
& Sex. Aelius relatas in librū actiones populo dedit, ex eo Ius
Aelianum appellatum, ac quædam ciuilis doctrinæ elementa
conscripsit. Huius frater P. Aelius, eadē doctrina fuit imbutus.
Accilius etiam primus à populo Sapiens, & Scipio Nasica à Se-
nato Optimus iudicatus: huic ut facilius consuleretur, domus
sacra usā est data. Sed maximum illius ætatis ornamentum M.
Cato, ingenium, quod nemini Romanorum adhuc contigisse
uidebatur,

- uidebatur, omnium doctrinarum capax assequutus, si perinde prima, ut affecta iam ætate, Græcorum literas delibasset: qui tamen cum ad excellentis Naturæ bonitatem, multiplicem communis usus Prudentiam atque Sapientiam adiecisset, lus ciuile cognouit. Reipublicæ negocijs frequens, Censura, Imperatoria dignitate, triumpho nobilitatus, summam Eloquentiam graui & seuera oratione comparauit. Rerum gestarum memoriam in scripta diligenter studioseque retulit: Originum libri, totius antiquitatis notitiam explicantes, nominantur. Agriculturam, & usu
- 10 exercitationeque deprehensam Medicinam, nihil in omni genere prætermisurus, filio cognoscendam dedit, in se uno omnia inquirens præsidia, Græcorum artes & doctrinam contemnens: ut cum missi fuissent ab Atheniensibus legati tribus è selectis, metu ne Eloquentiæ magnitudine, & disserendi peruatione, ciuium animos pro arbitratu inflecterent, publicè audiendos non censuit. Diogenes erat Stoicus, Carneades Academicus, & Critolaus Peripateticus: tamen si priuatim unà cum cæteris studiosis hominibus, illorum studia & literas cognouit. Sicilia interim cum alios præstantissimis doctrinis commendatos, tum in Ma
- 20 thematicis, ingenij magnitudine, & dimensionū subtilitate, Archimedes in fabricandis artificiosissimis machinis nobilitatum habuit: uerum continētibus finitimorum excursionibus fracta ea insula tandem concidit. Magnus post è Græcia literatorum hominum Romam concursus, qui à superioribus præclarè instituti, summo in loco habebantur. Nam progressus è Philosophiæ
- 30 spacijs bonus & grauis in primis autor, doctrina multo rerum usu confirmata, Polybius, qui res Romanorum gestas scienter, plenè, & eruditè, aspersis illustribus locis, cognitu dignissimis, conscripsit. Eundem admiratus Scipio Aemilianus, suarum expeditionum comitem habuit: atque lustrandi orbis Africi gratia, classē illi dedit. Philosophiam Stoicam professus est Panætius, magnus & eruditus autor. Huius fuit successor & discipulus Posidonius, historiæ conditor: quorum doctrinis & artibus nobiles adolescētes, ac principes uiri, ad dicendum multum instruebantur: cum intelligerent, nisi eiusmodi præsidij excellentem, quam expetebant, Eloquentiam cōparari non posse. Itaque iam ab M. Cornelio Cethego, quem à dulci oratione florem de
- 40 Oratorum numerū, quàm ullus alius populus habuerit. Interiecti Poetæ complures, qui cum se ad Græcorum imitationem præclarè composuissent, in omni genere nihil reliquerunt intentum,

Trium Sapientie procerum legatio.

Archimedes.

Polybius.

Panætius.

Posidonius.

Cethegus.

L raturum,

- tatum, Fieri enim uidemus, ut indarescentem ætatem illi iidem
Ennius. antecedere soleāt. E' quibus Q. Ennius, tribus linguis peritor,
 Oſca, Græca, & Latina, ut totidem corda habere diceretur: ſuſci
 tatam Poëſin longius protulit, & res geſtas Pop. Rom. numeris
 fideliter concludit, alter ſuorum temporum Homerus dictus.
 Idem Scipionis beneuolentia, qui liberalibus ſtudijs plurimum
 delectabatur, uſus eſt. Poſteri uetultatis habita ratione, licet ru
 di adhuc & inculto ſermone ſcribentem, in magno loco atq; re
 uerentia conſeruarunt. Nouam Comœdiam, Græcorum imita
 tione, Cn. Næuius, atque Statius Cæcilius Gallus, amplexi ſunt. 10
- Plautus.* Maiore ſucceſſu Græcis literis cumulatus M. Actius Plautus,
 qui gratia, ſalibus, lepore, & populari ingenio, cuius plauſum ca
 ptauit, plurimum commendatur. Illius nanque ſcriptis Latina
 lingua primùm locupletari cœpit, tanta approbatione, ut etiam
 Muſas, Latine ſi loqui uoluiffent, Plautino ſermone loquuturas
- Satyra.* fuiſſe dixerint. Satyram autem, quam ſoli habuerunt Latini, ue
 terem Comœdiam in maledicēdo referentē, C. Lucilius, quem
- Tragœdia.* primùm acuiſſe ſtyli naſum dicunt, tractauit. Tragœdiā M. Pa
 cuuius, & L. Actius delegerunt. Sermone iam ex cultiore facto,
 arte & diligentia maiore, puritate atque elegantia, Græcorum 20
- Terentius.* imitatione confirmatus, P. Terentius Carthaginienſis, Comœ
 diam ad ſummum perduxit: ut à poſteris, tanquam abſolutum
- Hiſtoria.* exemplar, ad imitandum fuerit propoſita. Sed Hiſtoria ab An
 naliū conſecutionis humilitate, quam Fabius Pictor, Iuris ciui
 lis peritus, & Piſo Frugi cauſarum patronus, nullis ornāmētis
 conueſtitam reliquerant, deinceps paulum erecta eſt, Antipa
 tro & L. Siſenna, atque alijs poſt nonnullis tractantibus, ut re
 rum geſtarum uarietas ad poſteros transferretur. In hac princi
 patus magnitudine oratio forenſis, Græcorum artibus coniun
 ctis, plenior multo facta eſt, & accuratior, dicēdi uſu aſiduo in 30
- Oratio foren
 ſis.* grauioribus agendis cauſis adhibito. Sermonis puritatem atq;
 integritatem ex domeſtica diſciplina reportabant: ut inde pro
 greſſi in forum, principes in dicendo uiros ſibi proponerent æ
 mulandos. Cornelia mater duos Gracchos diligentiffimè edu
 cavit, ut multum in dicendo commendati fuerint. Conſequun
 tur innumeri ex his, in ſuo genere quiq; præſtantes, elegantiam
 & lenitatem eruditus ac ſapiens C. Lælius, grauitatem Africa
 nus, aſperitatem & uim Galba: profluens, uolubile quiddam &
 canorum Carbo, ſequuti ſunt. horum ingenijs magnas uires ac
 cepit Eloquentia, ut principatum breuī in hoc populo habue
 rit. At Philoſophiam (tantę fuerunt grauitatis & ſeueritatis Ro
 mani) ſerò tandem attigerunt. Acmylius Paulus præda Mace
 donica,

donica, etiam literarum scripta Romam auexerat, et tres Græciæ legati iam cœperant aliquid de rebus differere, unde eorum animi inuitarentur. Sed plurimum Sylla profuit, Romam translatis Theophrasti libris, & Aristotelis: quos Tyrannioni Grammatico, ut ordinarentur atque distinguerentur, tradidit. Iuris ciuile. uilis semper honoraria professio, multis deinceps relictis ingenij monimentis, plurimum est cōfirmata. Catonem sunt sequuti M. Manilius Torquatus, M. Brutus, & P. Mutius Scæuola. Itaque Romani eo rerum cursu, non armorū solum gloria Græcis erant superiores, uerū etiam doctrinarum studijs pares fieri studebant, ut optimis artibus perceptis, & præceptoribus adhibitis, omnem Eloquentiæ commendationem sint assequuti. Quam ad rem L. Plotius Gallus, Rhetorices ludum aperuerat Rhetores. primus, frequenti nobiliū adolescentum cōcursu celebris, suos magnis ad dicendum exercitationibus solitus firmare. Eidem facti M. Antonius Gniphō, Græcis literis doctus, etiā Grammaticen adiunxerat. Quo circa splendor rerum, & magnitudo causarū, perpetua Senatus cum plebe certamina, de rebus maximis consultationes, ingenia ad dicendum inflammabant, ut

20 Eloquentia manifestum pateret iter, & apertus esset cursus, ad gratiam, laudem, honores, auctoritatem, dignitatem, & potentiam. Clarī sunt habiti, orationis grauitate & ornatu præstans M. Crassus, sed acumine & elegantia mediam quandam uiam tenens M. Antonius, ut in his primū cum Græcorum laude, copiam Latine dicendi æquatā dicant, Socij autem & æmuli duo, Q. Hortensius & M. Tullius, maximis incrementis progredien- Hortensius. ti Eloquentiæ fastigium quodammodo imposuerunt: quorum ille in Cottæ & Sulpitij ætate adolescens inciderat, uir inauditæ memorię, ut quę domi esset meditatus & commentatus, uerbis iisdem sine scripto in foro pronūciaret: ac partitionibus, collectionibus, totoq; actionis genere potissimum commendaretur. Sed maioribus doctrinarum usus præsidijs M. Tullius, ex Ciceronis Elo- Academicorum spacijs progressus, omni antiquitatis memoria quentia. percepta, rerum eius ætatis magnitudine, confirmato orbis imperio, & principum Græciæ in dicendo felici imitatione locupletior, inuictas tandem Græcias exæquauit: nihil ut perfectius in omni uirtutum orationis genere aures Romanæ audierint. Magnas & graues causas suorum temporum frequēti Senatu egit: apud eum Verres, Catilina, Antonius, admirabili eloquen-

40 tiæ ubertate & copia accusantur. Milo, atq; alij plurimi, magno dicendi artificio defenduntur. Asperæ in his orationibus illustres sententiæ, ex omni doctrinæ uarietate profectæ, ut nullius

partis ignarus fuerit. Tantus in uniuersum uir, ut pauci à Romanis probati sint Eloquentes, quos uidere ille non potuerit, aut quibus illum non contigerit uidisse. Quocirca cum primus in Eloquentia Demostheni locus daretur, studij magnitudine, ne solus idem esset, perfecit. Inde Romani penè principē & inuentorem, bene de nomine ac dignitate Pop. Rom. meritū esse prädicarunt: & Græci Eloquentiam Romam deportari questī sunt. Feraci igitur illa ingeniorū ætate, principes uiri Eloquen-

Pompeius. tiæ præsidij suam dignitatem tutabantur. Gn. Pompeius satis amplus, rem prudenter uidebat: idem nimium quodammodo exultanti Eloquentiæ quasdam compedes iniecit, datis accusatori ad dicendum horis duabus, patrono tribus, ut esset eo ipso

Cæsar. die perorandum. C. Cæsar prima ætate summam ingenij pura & eleganti, quam adamauit, oratione, commendationem in foro habuit, ut præter uoluntatem nihil illi defuisse uideatur: qui etiam de ratione Latine loquendi ad M. Tullium eruditè & ac-

Latina lingua. curatè scripsit. Quorū magnis conatibus Latina lingua ad omnem scribēdi materiam facta est accommodatior, ut uiribus, rerum Prudentia, grauitate, amplitudine, & cōstantia, sicuti erant militares Rom. animi, longè esset Græca, licet uberiore, magisq; ad tractandas omnis generis artes perpolita, superior: in qua retinenda tantum incubuere, & ea dignitas delata, ut legatos non

Poeta. nisi per interpretem audirent. Nonnulli Poetæ eruditi fuere. Nam uariam de rerum Natura doctrinam, ex Epicuri placitis haustam, Lucretius numeris cōclufit. P. Varro Attacinus Narbonensis Galliæ, literarum Græcarum peritus, Pythagorica instituta uersibus expresit. Varia sequutus est Catullus, ex Poetis illius ætatis doctissimus habitus. Remissius tamen huius partis studium, ut pauciores se huic totos dediderint: tantam celebritatem obtinuerat in rebus forēsis tractandis Eloquentia. 30

Historia. Sensit maximè hanc temporum claritatem Historia, quæ rerum magnitudine, & exemplorum uarietate, plurimum accepit incrementi atque ornamenti: in quibus commemorandis, maior fuit scriptorum grauitas, & communium rerum Prudentia, cum Græci plusculum iucunditati incumbentes, exigua facta dicen-

Hortensius. di splendore nimium extulissent. Q. Hortensium rerum Annales quosdam notasse traditur. Postulabatur à M. Tullio, & efflagitabatur Historia: sic enim putabant, illo tractante effici posse, ut in hoc etiā Græciæ nihil cederent Romani. Potuisse (est enim unum hoc opus in primis oratorium) cum uariæ & artificiosæ narrationes factorum, atque eruditè repetita ex omni antiquitate exempla, tum Epistolæ tam multæ ad summos Imperij principes,

- cipes, & ad Atticum scripte, omnem bellorum ciuiliū memoriā continentēs, declarant. Voluit idem à Luceio, belli Italici & ciuilis præstanti scriptore, aliquāto ambitiosius, ut erat temporum conditio, res suas literis commendari. Pomponius Atticus, Græca & Romana doctrina excellenter institutus, & antiquitatis rerum studiosus, conseruatis notatisq; temporibus, nihil cum illustre prætermitteret, annorum septingentorū memoriā uno libro, tanquā in conspectu proponens, quā breuissimè colligauit. Remouens se à Reipublicæ negocijs & par-
- 10 tibus Sallustius, ad præscriptum Thucydidæ orationis, quem Sallustius: Iuic Romani opponunt, uerbis etiam ex libris Originum Cætonis decerptis, accuratè, breuiter, & lustratione locorum fide liter scripsit: ut perfectius Historiæ genus, quā superiores, protulerit. C. Cæsar, relatis in Commentarios rebus à se gestis, Cæsar, Prudentiæ, consiliorum explicandorum, elegantis, proprii, & puri sermonis maximam cōmendationem est assequutus: idq; humili quodam orationis genere, quod ad modestiā in rebus suis enumerandis seruandam laudatur: cuius libri, propter sermonis Latini bonitatem & integritatem, sine controuersia, po-
- 20 sterorum iudicijs, secundum à M. Tullio locum obtinuerunt. Cornelius Nepos omnem ueterem memoriā paucissimis char- Corn. Nepos. tis repetijt. Illustrium principum res gestas non indiserit Ac- Acmylius Pro- mylius Probus: sed Romanorum ultimas & reconditas Ori- bus, nes, instituta, ac leges, Dionysius Halicarnasseus, Varronis u- Dionysius, sus consilio, per diligentem & copiosè Græcis literis conscripsit. E Sicilia progressus Diodorus, maximis studiorum susceptis laboribus, & excusis omnium populorum commentarijs, re- Diodorus, rum à primordijs per diuersas ætates gestarum magnitudine animo comprehensa, annis xxx Asiam & Europam peragra-
- 30 uit, ut ex locorum situ atque uestigijs pleraq; superiorum scri- pta certius cōprobarit. Itaq; grāde hoc opus, distinctis tempo- ribus, nihil cognitu necessariū prætermittens, res ad Gallicum Iulij Cæsaris bellum magno iudicio, sermonisq; facilitate, accu- ratè & breuiter XL libris complectitur: uniuerso operi Biblio- thecæ nomen datum. Consequentes eundem, propter exquisi- tam rerum ueritatem ex historicis omnibus receperunt, ut me- rito apud Græcos nugari desisse commemoretur. Romani igitur Græcorum literis imbuti, etiam dissenticntes priscorum de Sectæ Philosophorum. Philosophia sententias amplexi sunt. Brutum quædam uerè &
- 40 grauiter scripsisse traditur. Plancus rerum cognitione probatus, & Cato Uticensis, Stoica, quæ illorum Naturæ conuenie- bant, constanter asseruere: idem Græcas literas censuit retinen-

das, à quibus proauus abhorruerat. Academica plures, quod ad uberem & copiosam orationem conformandam facerent: minus multi propter deprehensam in Aristotele ex breuitatis ratione obscuritatem, Peripatetica attigerunt: nonnulli etiam ad Epicuri placita grauius delapsi. His studijs à foro ad rusticandum profecti, Græcos adhibentes Anagnostas, qui literarium aliquid & eruditum semper distincta & clara uoce legerent, oblectabantur: atque Græcorum more scholas habebant, in quibus de proposito argumento eruditè copiosèq; disserterent. Lucullus magni uir ingenij, optimis artibus & literis tinctus, atque Pontica præda factus locupletior, instructam libris omnibus Bibliothecam parauit, ut esset quoddam literarum et Musarum domicilium. Philosophos hic disputantes audiuit: consilio, re, & opera liberaliter iuuit. Pompeius Theophanem Mitylenæum, rerum suarum scriptorem, pro concione ciuitate donauit: ac Pompeio Lægo liberto commentarios de Natura stirpium, è præda etiam Pontica auectos, tradidit conuertendos. Acerrimis horum temporum studijs auctum Ius ciuile, ad eam rationem, qua Græci disciplinas, & Hebræi sanctiora Religionis instituta, longè antè pertractarant. Huius doctoribus summa dignitas, & in responsis fides: ut qui integritatis, bonitatis, & æquitatis commendatione, Iuris prudentes, periti, & consulti nominarentur. Plurimū autem præstitit, hæreditaria quadam ratione, Scæuolarum familia, ex qua præter alios progressus Q. Mutius Pont. Max. ingenio, industria, Prudētia, & scriptis præstans. Nam Ius ciuile generatim libris XVIII primus constituit: cuius deinde hortatu, ad hanc doctrinā cognoscendam, inuitatus Ser. Sulpitius: qui cum in foro causis agendis secundum à M. Tullio locum obtineret, Mutium de re amici consuluit. sed minus ea quæ responderat, intelligēs, cum iterum redisset, indignatus hoc dixit: Turpe esse patricio & nobili uiro, causas oranti, ius, in quo uersaretur, ignorare. Itaque Sulpitius ad Iuris ciuilis pertractationem conuersus, studij magnitudine, Eloquentiæ atque disserendi præsidij, cum uia & ratione res latè dispersas cōuenienter distingueret, multa huic arti adiumenta libris eruditissimis conscriptis importauit. Nam Oratores ad hunc tranquillitatis portū, causis forensibus uergente ætate defuncti, se se honestissimè recipiebant. Ac M. quidem Tullius omnia conquirens perficiundæ Eloquentiæ ornamenta, hanc eruditionis partē non prætermisit. Iuris ciuilis etenim studio multum operæ Q. Scæuolæ se dedisse proficitur, & in persona Crassi de eodem se scripturum cōmemorat, quo dissi-

patam

patam & confusam hanc doctrinam ad certa genera reuocaret. Hoc præstare potuisse, cum multa suis scriptis aspersa comprobant, tum maximè libri de Legibus, & tam multarum causarum habitæ orationes confirmant: quæ, nisi eiusdem ciuilis obseruationis præceptis, non satis à quoquâ intelligi possunt. Ingenium nactus ut doctrinarum omnium capax, ita, quod per paucis scriptoribus contigit, ad ea quæ explicanda susceperat, optimè comparatus. Prima ætate omnia exercitationis genera, etiam Poeseos, *Multiplex Ciceronis doctrina.* adhibuit. Grandior maximis in causis cum uersaretur, requie-

- 10 scens, ad ea studia sese referebat, quæ ab adolescentia, Græcis doctoribus usus, admirabili studio coluerat: ut plura breui tempore sit consequutus, & scripserit, quam si quibus iustum ad ea tradenda propè omni ætate est concessum tempus. Igitur utrumque studium coniuncturus, non solam forensē orationē excoluit, uerum etiam de dicendi arte copiosè, eruditè, accuratè scripta reliquit: & quod uehementer laudatur, auxit linguam Romanam, atque temperato et æquabili dictionis genere optimarum artium uias suis ciuibus exposuit, & graues interioris ac reconditæ Philosophiæ locos, impressis uariæ eruditionis uestigijs,
- 20 ornate scienterque tractauit. Platonis æmulus, graues et literatas sui temporis personas fecit loquentes, quo illa quæ traderet, iam confirmato horum iudicio, plus autoritatis apud omnes haberent. In his dissidentes Philosophorum familias, quarum instituta & placita studiose cognorat, uarijs implicatas erroribus, copiosè, doctè, & firmis argumentis refutare, etiam conciliare potuit. Bene sensit de rebus, uerè & sincere sententiam suam pronunciauit: licet multis de causis modò hos, modò illos sequi se profiteretur, liberum tamen semper habuit de rebus omnibus iudicium. Consul cum gubernacula Reipub. teneret, de eadem
- 30 pluribus literis quàm diligentissimè scripisse, ex uestigijs, atque consequentium scriptorum illustribus testimonijs cognoscitur, nihil ut eruditius Romanum habuerit imperium. Huius doctrinæ uarietati, & sermonis Latini opulentia, hanc totius operis conscriptionem par est non minima ex parte acceptam referre. Conuertendis autem Græcorum literis iustum ocium delegit, similitudine studiorum cum M. Tullio coniunctus M. Varro, *Varro:* à quo nullum in omni uarietate doctrinæ prætermissum est argumentum: de ratione sermonis erudita multa scripsit, diligens totius antiquitatis rerum Græcarum & Romanarum peruestigator: instituta, ritus, ac mores diuersarum gentium, Agriculturam, Poemata, & multiplicem rerum Diuinarum atque Humanarum cognitionem, multis literis comprehendit, ut Polygraphi nomen

nomen inde habuerit: uisus eiusmodi scriptis perficere uelle, ne
 Romani Græca requirere necesse haberent. In eam ætatem in-
 cidit uir exquisitæ doctrinæ, P. Nigidius Figulus, acer inuesti-
 gator, & diligens earum rerum quæ à Natura inuolutæ uiden-
 tur, extinctam in Italia & Sicilia Pythagoreorum disciplinam
 renouauit: uerùm scripta illius, sicut & Varronis, propter ob-
 securitatem minus in precio fuisse, nec ad posteros uenerunt. Ty-
 ro M. Tullij libertus, breuiores ad scribendum notas primus
 commentus dicitur. Scripsit ipse de usu & ratione Latinæ lin-
 guæ, atque præclaram in emendandis ordinandisque patroni li-
 bris operam nauauit. Laurea etiam Tullius, numeris astricta
 oratione est oblectatus. Erat is doctrinæ cursus apud Roma-
 nos, Athenæ iam diu ab ea celebritate recesserant: multi capiti
 urbis solum nomine & autoritate, easdē uisebant. Antiochum
 ueteris Academiæ nobilem & prudentē Philosophum M. Tul-
 lius audiuit. Idem Cratippo, graui & Peripateticorū facili prin-
 cipi, filium erudiendum tradidit. Rhodus Molonem celebrat,
 qui principes Eloquentiæ uiros, M. Tullium & Cæsarem, Ro-
 mam etiam profectus, præclarè & diligenter instituit. Archias
 Poeta, ex Antiochiæ studijs, quæ tunc florebant, progressus.
 Corduba Hispaniæ Poetarum nomine est celebrata. In Gallijs
 tres Philosophorum familiæ numerabantur: è quibus Poetæ,
 quos Bardos dixerunt, Heroicos uersus, fortia clarorum uiro-
 rum facta continentes, dulcibus Lyre modis, ad suscitandos in
 conuiujs iuuenum animos, decantabant. His grauiores erant
 Eubages, qui sacra, ceremonias, auguria, diuinationem, Natu-
 ræ etiam causas profitebantur. Genus tertium fuit Druidarum,
 quos Romani certius cognouerunt. Præcipua his autoritas,
 Eloquentiæ uim simulacro Herculis Celtici conuenienter ex-
 presserunt: de Medicina, rerum principijs, immortalitate ani-
 morum, & Deo multa sunt ad Pythagoreorum rationem phi-
 losophati. Præterea de morum informatione, deq; Republica
 administranda, doctrinam habuerunt, ut iudicijs illorum atq;
 consilijs publicæ & priuatæ controuersiæ sedarentur. Græcis
 uersibus scripta erant, quos adolescentibus xx annis in disci-
 plina retentis ediscendos proponebant, in syluis potissimum
 degere soliti: præmia & immunitates illis dabantur, quo inuita-
 ri ad capeffendas doctrinas ingenia possent. Cognitus ex ea di-
 sciplina Diuitiacus princeps, qui præter diuinandi artes, Phy-
 siologiæ doctrinam sibi notam profitebatur: eundem C. Cæsar
 & M. Tullius suis scriptis plurimum commendarunt. Sermo
 inde Gallicus, Græcæ linguæ uestigia, quæ etiamnum depre-
 henduntur,

henduntur, multa conseruauit. Constituto Romanorum imperio, & pace toto orbe terrarum, quod antea nullius memoria contigerat, firmata, literæ ad principis Augusti rationem, cum Imperium Augusti.
& ipse excellēter doctus esset, ac in medijs negocijs literarium aliquid tractaret, maximè ex omni genere ea deligens scripta, quæ de rerum administratione præciperent, longius sunt progressæ atque retentæ: ut non minus doctrinis omnibus, quàm pacis artibus imperium nobilitarit. Idem Verrio Flacco nepotes tradidit literis imbuendos. Scripta doctorum hominum,
10 cum recitarentur, audiuit, & magna erga eosdem liberalitatis documenta ostendit. Ita principis auspicijs uberior fuit Poetarum fœtus, ut Poesis iam æquasse Græcias diceretur. Ingenia ex temporum conditione longa rerum quiete usa, breui multa & egregia opera reliquerunt. Quorum omnium facilè princeps P. Virgilius Maro, alterū à M. Tullio ingenij Romani lumen; Virgilius.
qui Græcos proximè sequutus, nec suis omnibus, qui antè floruerant, prætermisiss, optima quæque delibans, pastoricium carmen, ad Theocriti rationem, humile protulit. Agriculturæ scientiam medio quodam genere, ad imitationem Hesiodi, numeris conclusit. Sed grande ac sublime Vlyssis & Achillis Homericæ res gestas in uno Aenea exprimens, Heroici carminis genus, omni ornamentorum copia, & doctrinarum omnium adumbratione, atque impressis uestigijs perfectum, Latinis hominibus dedit: quo ubertatem, & singularem Naturæ uim, accurata diligentisq; structura, atque reconditæ eruditionis præstantia, æqualitate quadam compensauit: siquidem tam multis scriptoribus utriusque gentis succedenti, auribus iam eruditioribus erat inferuendum. Tanti habitus, ut Senatus populusq; Romanus, auditis in theatro uersibus, surrexerit uniuersus, &
30 fortè præsentem spectantemq; Virgilium sit ueneratus, quasi Augustum. Eundem locum apud Latinos, quem Homerus apud Græcos, meritò obtinuit, & ad perfectum scribendi exemplar similiter est propositus. Feracior ætas, rebus ita conquiscentibus, permultos alios in suo genere excellentes Poetas extulit. Et Q. Horatius Flaccus, Pindari studiosus æmulator, Lyricum carmen, præter alia accuratum, eruditum, & feliciter expressum, Latinis reddidit: sunt in eo frequentes & illustres sententiæ, atque de rebus acutum iudicium, cultus in uniuersum, & elaboratus. Sed ingenij bonitate factus, & ad Poesim natus,
40 facilitate ac celeritate, cuius fuit amator, plurimū ualuit P. Ouidius Naso: hic dissimilium fabularū ingeniosam perpetuamq; narrationem à primordijs ad sua tempora deduxit atque colligauit,

gauit, & Fastorum seriem eruditam obseruauit. Tanta in eo orationis ubertas atque uarietas, ut ipsidem de rebus dicturus, uerbis alijs, cum indulgere, quàm temperare ingenio maluerit, frequenter utatur. Implicatam uerò siderum materiam, ex Chaldaeorum placitis, M. Manilius, Latinis literis uariè expressit. Eiusmodi ingenia amplissimis præmijs atq; honoribus à principe retinebantur. Optimi quique huius exemplum sunt imitati, è quibus fuit Mecœnas, qui eodẽ Poetas gratia apud Augustum, magnis beneficijs & opera iuuare ac subleuare est solitus: cuius nomen deinceps pro studiosorum patrono est usurpatum. Sed ut cõquieuerant omnia principatu Augusti, sic & ipsa Eloquentia facta est sedatior. Magnis namq; de rebus non Respublica, sed princeps statuebat. M. Tullium audiuerant Messala Coruinus, qui plus cultu & uenustate, quàm uiribus præstitit: & Asinius Pollio, eruditus atque diligens, auctoritate apud Augustum plurimum ualuit, seuerus superiorũ scriptorum reprehensor. Pictis literatorum hominum imaginibus, Bibliothecam ordinauit: atque ij duo uicinæ ætati, quæ in dicendo omnem cõmendationem fuerat assequuta, simile quiddam adhuc retinebant. Declamationibus magni uir & afsidui in literis studij Porcius Latro, diligenter se exercuit. At T. Liuius, studijs philosophicis (ea prima ætate tractarat) prætermisiss, Historiam, quæ postulabatur, delegit: atque maximis laboribus, multiplici cõmunium rerum usu et cognitione instructus, res P. R. ab ipsis temporũ primordijs, singulari orationis ubertate, amplitudine, Prudentia, & cõsilio, excusiss diligenter cùm annalium chartis, tum etiam cæteris scriptoribus, qui in utraq; lingua scripserant, C & XL libris, ad hæc Augusti tempora plenissimè repetijt, ut scribendæ historię lex fuerit appellatus. Atq; ita in quibus Romanicum Græcis pares iam essent, Eloquentia & Poesi, tertium additum Historia. Q. Curtium, rerum Alexandri Magni scriptorem, Prudentia in exponendo, candore, integritate sermonis, descriptionibus, sententijs, atque concionibus probatum, etsi non satis constat, extremæ tamen paginæ coniectura, in hæc Augusti tempora reponunt. Nec cæteræ artes, libero homine digne, illustri hoc seculo, explicata omni Græciæ opulentiâ, sunt neglectæ. C. Iulius Higinus, Augusti libertus, rem coelestẽ uariè descripsit, & Palatinæ Bibliothecæ præfuit: quem eundẽ, propter doctrinæ amplitudinem, Polyhistorẽ atque Historiam uocarunt. Architecturam Vitruuius, ex Græcorum scriptis, distinctè, & multis aspersis, eruditè pertractauit. Medicinam Ant. Musa præclare exercuit: qui postea

posteaquam ex ancipiti morbo Augustum liberasset, statua est donatus. Cum uero imperij totius stabilimentum in una Iuris prudentiæ doctrina esset positum, honoribus atque præmijs uehementer impulsæ sunt ingenia, ut plurimi se totos huic studio tradiderint: quo factò, ex doctrinis omnibus potissimum hæc à Romanis, maximis studiorum contentionibus est tractata & exulta. Itaque cum ad hanc ætatem Iureconsulti fidenter sua responsa dedissent, quo maior illis fides haberetur, constituit Augustus, ut ex autoritate sua responderent: inde peti hoc
 10 pro beneficio cœpit, & doctrinæ dignitas plurimum cōfirmata. Ex præcedentium temporum commutationibus remanserat Trebatius, qui apud Augustum summo in loco fuit. Præterea ex duobus doctoribus, Atteio Capitone, qui Cōsulatū
 15 gessit: & Antistio Labeone, qui in scribendo atque docendo ætatem egit, dissentientes de Iure civili sententiæ sunt exortæ. Nam Capito semel percepta & cognita seruare; Labeo eruditus, ac Prudentia differēdi instructus, multa cōmutari debere demonstrabat. Hæc ita ab ijs semel impulsæ, & suis, ut sit, nixa defensoribus, magnis utrinque disputationibus longius pro-
 20 grediuntur. Quæ ætate cōquiescentibus populis, celebritatem atque perfectionem cuncta assequuta uidebantur: sed sanctior doctrina nusquam extabat, Græcorum & Romanorum falsis religionis institutis locum toto orbe terrarum habētibus: colapsa etiam præcedentium temporum acerbissimis calamitatibus, & perturbata ueteri ac sanctiore Hebræorum disciplina. Itaque supra hæc tempora, iam à principatu Ionathæ, qui Iudæ
 25 Machabæo fratri successerat, grauissimè de Fato inter se dissentientes sectæ, quod & Philosophiæ antea contigerat, sunt excitatæ, & per multos annos retentæ. Sadducæi erant, qui in maxi-
 30 ma uitæ securitate degētes, animorum interitum atque legem, civili cuidam tranquillitati introductam, solis naturalibus hominum rationibus confisi, maliciose pronuntiabant. Alterum genus fuit Essæorum: hi paruo contenti, & æqualitate quæsitæ,
 35 à civilibus negocijs sese subducentes, ruri degere, ad communis uitæ, facultates in medium proferre, seueram ac laboriosam uitam deligere, & à matrimonijs abstinere solebant. Tertium genus, Phariseorum, qui animos nunquam interituros,
 40 perire. In tantis rerum difficultatibus, aliquot erant familiæ, quæ sanctioris disciplinæ reliquias cōstanter seruabant. Nam Vzielis filius Ionathas, Hillellum audiuerat, ut legis peritissimus,
 45 orientis

Christi aduentus.

orientis populos (quoniam Iudæi in diuersas partes tum erant dispersi) uolens instituire, sacros Originum libros, cum ijs qui sunt adiuncti, in Chaldaicâ linguam fideliter & explicatè conuerterit. Eundem Ionatham, æqualem atq; condiscipulum Simeonem, Iustum cognominatum, habuisse referunt. Itaque Augusto Romanorum imperium tenente, rebus ad maius incrementum progrediētibus, nunciij Gabrielis, à summo Deo missi, ad oppidum Galilææ, cui Nazareth fuit nomen, lectissima uirgo Maria, desponsa Iosepho, salutatione confirmatur. Qui cum certis successionebus genus suum à Dauide Rege deduc-

Natalis.

nerunt, ut tribui Iudææ nomen profiterētur. Hic Maria sanctioris Spiritus fatu, IESVM CHRISTVM edidit, tot excellentum Vatum gentis Hebrææ, atq; Sibyllarum, ut cōmuniter populis omnibus notū esset, decātatis testimonijs promissum, & continentibus optimorum uotis cōcordissimè expectatum. Annus is fuit Augusti XLII. Calend. Ian. VIII. A' cuius ortu, eius diei memoriam continuantes, seriem temporum dinumerare cœpimus. Magi ex oriente ducem stellam sequuti, oblati preciosis muneribus, infanē uenerati sunt. Simeonis iusti ac pij præclaro testimonio, salutarem diem orbi uniuerso terrarum illuxisse cognitum. Infans ab Herodis atrocissimis insidijs conseruatus, XII annum attingens, à suis de more ad templum Hierosolymæ deducitur: hic cum eruditioribus gentis de lege Moysis sapienter atque diuinitus multâ pronunciauit. Aetatis anno XXX, Tiberij principatu, instaurationis humani generis tempore adueniēte, à Zachariæ filio Ioanne Baptista, qui tanquam præcursor, expectatâ salutem adesse monebat, Iordanis fluminis aqua tingitur. Inde Christus Hebræorum disciplinam, tem-

Doctrina.

porum diuturnitate confusam, certius explicare uolens, stabilire, & propagare, præcellens utique Euangelium, uniuerso hominum generi excipiendum & cognoscendum proposuit: ad quem audiendū, finitimis ē populis maximus concursus est factus: quorum omnium mentes deiecit, præter corporum sanationem, & à mortuis excitatos, plurimis immensæ diuinitatis documentis, optimam Spem tantarum promissionum habuerunt. Ita enim salutariter informabantur, quando non alius de singulari Dei uoluntate, quàm Deus ipse conciliator missus, testimonium certius ac uerius dare potuit. Quocirca ē media ple-

Discipuli XII.

be uiros morum probitate commēdatos XII, in discipulorum ordinem delegit, cōscios ac testes tantorum operum, & huius sanctioris

- sanctioris Reipublicæ, orbis totius terrarum dominatum habi-
turæ, atque multis diuinitatis documentis confirmandæ, semi-
narium: quo ita illo in terris agente, ad docendos populos pas-
sim disitos, fidelius instituere ntur. At principes Iudæorū, cor-
ruptæ disciplinæ uindices, cum maxima flagrarēt inuidia, hunc
cœlestis doctrinæ splendorem orbi terrarum illuxisse, moleste
ferebant, ut acerbissimam mortem innocenti præpararint. Hæc
longè antea Vates præsignificabant, mortales monuerāt, & scri-
ptis illa uentura clarissimè testificati erant, ne quid non antè ab
10 omni æternitate cognitum uideretur. Christus igitur, præside *Mori:*
Pontio Pilato, nullius criminis reus peractus, condemnatur,
& grauissimis contumelijs exagitatur. Ac nocte qua prodeba-
tur, ad memoriam communiter repetendam suos hortatus, sa-
lutem omnium nostrū, in crucem sublatus, sua ipsius morte
innocens recuperauit. Natura cum diuinitatis præsentiam testi-
ficaretur, obscura Solis ac Lunæ caligo, & horribilis terræ mo-
tus est consequutus. Tertio post die, x viii anno principatus
Tiberij, ut suis prædixerat, ab inferis excitatur: atque ita expia-
tis, iam à commissa graui per Adamum offensione, delictis, &
20 prostratis, latissimè uictor, hostis Criminatoris uiribus, discipu-
lis uisendum se præbuit: iubens firmissima Spe sanctiorem Spi-
ritum, ut certissimum rerum omnium confirmatorem atq; con-
solatorē, expectare. Postremò relictis eiusmodi manifestissimæ
diuinitatis documētis, & tantis gentium omnium Doctoribus, *In cœlum com-*
cum tres & triginta annos in terris fuisset commoratus, multis *pensio.*
spectantibus, cœlum conscendit, dextræ summi patris Dei as-
sistens, uniuersi generis hominum Iudex futurus. At in Romano *Inclinatio lite-*
Imperio, graui temporum commutatione, peregrinis in urbem *rarum.*
diuersis è locis influentibus, atque ciuitatis moribus ad delicias
30 conuersis, non Latinæ linguæ modò natiua puritas, perfectio,
& integritas, quod futurum præsenferat M. Tullius: sed etiam
doctrinæ & literarum studia, celerius quàm euecta fuerant, à su-
periorum celebritate declinarunt atque descuerunt: ut nonnul-
los illius ætatis scriptores, ex dictionis tāta dissimilitudine, alijs
temporibus uixisse credi possit, literis ad principatuum condi-
tionem quodammodo & inclinantibus & inclarescētibus: qua-
dam etiam ratione naturali, rebus ab humili ad summum pro-
gressis, cum permanere in eodem statu nequeant, celeriter inde
à summo recedentibus. Fieri nanque uidemus, ut principio æta-
40 tum admiratione, comprobatione, atque mutua studioforum
hominum æmulatione, inflammata ad discendum ingenia, om-
ni contentione in his elaborare soleant, quæ sibi proposuerint,

magnos facere progressus, & non imitanda relinquere. Consequentes uero, licet ipsi dem uestigijs insistant, cum optata assequi posse diffidunt, uelut iam occupatam materiam deserunt, sedq; ad aliud conuertunt, in quo felicius uersentur. Sed frequens, inconstans, & mobilis ille ad diuersa studia transitus, spe omni languescens, ac senescente, ingenuū & naturale animi corporisq; robur minuit, debilitat, atq; frangit. Protinus igitur mutata studiorum ratione, hæc ætas, quasi spe omni deiecta, suis diffidens uiribus in emendandis, exponendis ueterum scriptis, & locis illustrioribus ex ipsi dem colligendis, multam operam collocauit. 10
 Ex principibus plerique studijs literarum primis annis imbuti fuerant. Nam Tiberius Theodorum Gadareum Rhetorem audiuerat, ac Coruinum Messalam in dicendo fuerat sequutus, ut in principatu frequenter cum literatis disseruerit, & linguæ Romanæ integritatem seruare sit conatus. At Caligula, omni eruditione, præter solam dicendi facultatē, contempta, maximo odio principes doctrinarū est prosequutus: cum sibi tantum in obliterandis Homeri scriptis licere existimaret, quantum Platoni, qui cum ex ciuitate, quam cōstituebat, eiecisset. Virgiliū etiam, T. Liuium, atque Iureconsultorum libros summouere cogita- 20
 uit. Claudius plurimū studij in cognoscendis Latinis Græcisq; literis posuit: & Liuij hortatu, res gestas Latinē, etiā Græcē conscripsit. Nero Anneo Senecæ in disciplinam traditus, Musicæ ac Poeticæ studijs, fingendi pingendiq; artes coniunxit, cuius approbatione illa ætas multos eiusmodi artifices dedit. Per hæc tēpora, iam à Tiberij principatu, homines literati in suo munere persequēdo uersabātur. Grammaticen Valerius Probus, habita temporum conditione, aliquanto diligētius cœpit exercere: ueterum scriptorum monimenta, ne corrumperebantur, & contempta facerent, proferre: atque ipsi dem inter se collatis, ad le- 30
 ctionis ueritatem seruandam, emendare. Poësis, licet à superioribus inclinasset, multis tamen elaborantibus, in magna laude retenta. Bellum nanque Pharalicum, spiritu & sono historico, numeris ingeniosē conclusit, ex Hispanijs progressus Anneus Lucanus. Punicum arte & cura Silius Italicus, Satyrā Persius eruditus conseruauit. Historia non est prætermissa. Res etenim suorum temporum, ueteri memoria his cōiuncta, breuiter, nec ineleganter scripsit Velleius, quem Paterculum dicunt: insertis ad hanc, quam sequi conamur rationem, nonnullis hominibus literatis. Illustrium uirorum utriusq; gentis dicta & facta, distin- 40
 ctis uirtutum ac uitiōrum generibus, Valerius Maximus: Pomponius Mela breue, nec ineruditum totius Geographicæ doctrinæ

Valerius Max.
 Pomp. Mela.

- cting libellum reliquit, Disciplinas cōplures, Rhetoricen, Rem
 rusticam, militarem, atque Medicinam, ex omni Græcorum &
 Latinorum uarietate, Cornelius Celsus pertractauit, ut in una- *Celsus.*
 quaq; elaborasse uideretur, Scepticos ex Philosophis non sine
 cultu & nitore imitatus. Agriculturam ex omni scriptorum co-
 pia, usu, atque exercitatione comprobata & locupletatam, ele-
 ganter accurateq; L. Moderatus Columella est persequutus. *Columella.*
 Stoicam autem Philosophiam, rerum multiplici cognitione, in-
 composita (temporum iniquitati ipse ascribit) licet oratione,
 10 ut arenam sine calce esse dixerit Caligula, crebris tamen senten-
 tijs, grauis autor & seuerus An. Seneca Hispanus. Amœno fuit *Seneca.*
 is ingenio, suis temporibus accōmodato. Græciæ interim etiam
 ante Tiberij tempora, non omnino conquievere: sed recorda-
 tione suorum, qui diuersis ætatibus inclaruerant, receptis ani-
 mis, literas in omni uarietate amplectuntur, quasi occupatam à
 prioribus Romanis doctrinarum omnium tractationē & pro-
 fessionem repetituri. Strabo igitur, ex libera in omnē orbis ter- *Strabo.*
 rarum partem illustratione, Augusti imperio pace confirmata,
 eruditum in primis & uarium de Geographia opus, ad minuen-
 20 dum nudæ ac ieiunæ situs locorum descriptionis in legendo tæ-
 dium, diuersa gentium instituta, mores, locorum conditionem,
 & Naturam, res gestas, productis ueterum locupletissimis testi-
 monijs, etiam ab Homero longè repetitis, plenissimè comple-
 ctitur. Dioscorides, quem nonnulli in hæc tempora reponunt, *Dioscorides.*
 ex longis peregrinationibus instructior reuersus, distinctius
 quàm superiores, & eruditius, stirpium, ceterarumq; rerum, ad
 Medicinæ materiam pertinentium historiam, expressis conue-
 nienti oratione imaginibus, pertractauit. Didymi Alexandrini, *Appion.*
 quem Augusti temporibus librorum amplius quàm tria millia
 30 cōscripsisse traditur, alumnus Appion, idem & Grammaticus,
 tantam suorum scriptorum opinionem habuit, ut eos immorta-
 litate à se donari diceret, ad quos aliquid cōponere esset solitus.
 Eundem Tiberius Cymbalum mundi idcirco appellauit: alij,
 quòd ueteris memoriæ studiosus haberetur, Polyhistorē nomi-
 narunt. Philo Iudæus, Platonicæ doctrinæ æmulus, præter Phi- *Philo.*
 losophiæ studia, uetustam etiam Hebræorum doctrinam ma-
 gna eruditione & eloquentia est persequutus. Ius autem ciuile, *Ius ciuile.*
 quòd ad statum Imperij retinendum plurimū faceret, constan-
 ter retinetur, & multis elaborantibus locupletatur: non præter-
 40 missis ijs controuersijs, quas superiores iam excitauerant. La-
 beonis etenim dicta asseruit Nerua, & Capitonis Masurius Sa-
 binus. Acceptum uerò saluberrimæ doctrinæ, in omnes orbis
 terrarum

Apostolorum
munus.

Christiana pro
fessio.

D. Paulus.

D. Petrus.

Evangelistæ.

terrarum partes proferendę munus, cum Apostoli atque discipuli, sanctiore Spiritu confirmati, uarijs perceptis linguis, exqueretur, relicta Hierosolyma, qua in urbe primordia Religionis, multorum concursu salutariter ducebantur, inuidia potentiorum grauius oppressi, Antiochiam post concessere. Hic frequens undique accurrit multitudo, primum Christianorum nomen auditum, & professio Christiana instituta. Ab eadem urbe digressi, prouincijs totius orbis terrarum inter se distributis, perinde ac Legati, communibus animis disiectos populos Christiana doctrina imbuerunt: ut eosdem doctrinę sanctitate, uite continentia atque innocentia, & magnis editis, ad omnem diuinitatis comprobationem, rerum documentis, Christi imperio adiungerent. His incrementis res breui succedere, ut superatis ijs difficultatibus, quę sunt consequutę, Christianum nomen atque doctrina latissimę, quod ipse in terris degens mandarar, propagaretur. Receptus in communitatem Apostolorum grauis antę oppugnator Religionis Christi Paulus, præceptore Gamalie in Mosis disciplina usus, & doctor gentium factus, omnes terras obiuit: disitos longius populos sanctis & eruditis epistolis, quę habentur, erudiuit atque confirmauit. Huius præstante disciplina accuratę tradita, Hebręorum & Christi doctrina, locis illustribus utriusque ueteris ac noui fœderis productis, optimę est stabilita atque confirmata. Animus in proferenda Religione tantus, ut Gręcorum ac Iudęorum rationibus prorsus debilitatis, ex his plerique, suorum studijs relictis, ad hanc doctrinam amplectendā certatim sese transferrent. Quocirca Romam profectus, cum nihil reformidaret, Nerone, primum effuso sanguine in Christianos, atrocius sæuiente, innocenti Paulo caput est præcisum. Petrus autem, multis hominum millibus apud Antiochiam ad Christum conuocatis, Romam uenit, atque sanctissimę huius Religionis doctrinam explicuit: inde post suocratum præstigiatorum Simonem Samaritanum, in crucem, terram uersus capite depresso, sublatum, Linum successorem habuit. Vitę Christi progressionem, & sanctiora instituta, Matthæus primum conscripsit: inde & Marcus à Petro, & Lucas à Paulo fideliter informati, perpetuis rerum monumentis consignarunt & consecrarunt. Idem Lucas Apostolorum actis præfens, quantis contentionibus, quibusque difficultatibus promotus ab iisdem fuerit Religio, luculentissimis scriptis est persequutus. Ioannes relegatus in Insulam Patmos, diutissimę uixit: qui cum fuisset à Christo maximis de rebus secretò informatus, de instauratione generis hominum sanctissimam historiam condidit:

didit: atq; Vatum more, quasi quosdam rerum futurarum Annales, reliquum hoc sacrosanctis libris fastigium imponens, diuinitus patefecit. Sunt hæc præclara & salutaria nostræ Religio-
nis Christianæ primordia. Romanis autem, bonorum principum interuentu, uires Imperij recolligentibus, literæ etiam priorum æmulatione excitata, longius progrediuntur, & conseruantur. Ea ætate, C. Plinij Secundi cognita est laboris & studij ma-
gnitudo, qua uarium & multiplex de omni parte Naturæ opus, ex scriptoribus utriusque gentis propè innumerabilibus, suis
10 quoque insertis obseruationibus, diligentissimè comportauit: omnem Latini sermonis opulentiam, quæ alioqui interire potuisset, in explicanda tanta rerum uarietate cõprehendens: quo factò, magnum scriptorũ desiderium, qui diuersis temporibus in omni doctrinæ genere excelluere, quicq; temporũ iniuria perire, nobis reliquit. Magnus utique uir, nisi in Naturæ admiratione quodammodo occupatior, longius ab ipsius Naturæ auctore supremo Deo, ex improbata etiã à reliquis Philosophis Epicureorum sententia, recessisset. Poetæ his temporibus exti-
tere, Saleius Bassus, cui quingenta sestertia Vespasianus dona-
uit. Valerius Flaccus, qui Apollonij imitatione Argonautica scripsit. Heroicam dignitatem Syluis exprimens, Statius Papi-
nius consequitur. Inde & Iunius Iuuenalis, in Satyra ad carpendum uehementior. Sed in Historia, Cæsarũ dicta, facta, totiusq;
ab ortu uitæ cursum, C. Suetonius Trāquillus ad Domitianum deduxit, & non ineleganter, liberèq; descripsit. Consilia Imperatoria, quæ Stratagemata dicuntur, generibus conuenienter distinctis, ex omni Historicorum copia diligenter collegit Sex. Iul. Frontinus. Per hæc tempora Iul. Solinus C. Plinium proximè est sequutus, ut eiusdem simiam appellent, erudita quædam
30 in libellum comportauit. Asconius Pædianus M. Tullij orationes, atque Virgilium, illorum temporum maioribus præsidij adiutus, eruditis commentarijs explicuit. Itaque Vespasiani auspicijs, qui prima ætate præclarè literis Græcis, Latinisq; institutus, non infeliciter uersus scripsit, utriusque lingue Magistris magna stipèdia publicè sunt proposita, quo ad capessendas omnis generis doctrinas ingeniã posset inuitari: inde Scholis eiusmodi erectis, frequens discipulorum concursus factus, quos ad similitudinem fori, declamationibus Rhetores exercuerunt. Ex his primùm stipèdia è fisco M. Fabium Quintilianum accepisse
40 tradunt, qui mutata iudiciorum forma, inclinanti suis temporibus, ut ipse profitetur, Eloquentiæ, salutares manus adferre est conatus: dum M. Tullium studiosè consequutus, perfectum

Plinij hystoria.

Poetæ.

Rerum scriptores.

Stipendia literarum.

Quintilianus.

N Oratorem

Oratorem maximo iudicio, singulari acumine & Prudētia, multis & ijs selectissimis documentis eruditē accurateq; constituit. Nam modò natum puerum & susceptum educat, informat, instruit, atq; exornat, nihil in omni disciplinarum genere prætermittens, quod futuro Oratori necessarium uideatur. Eius cuius ludo magni in literis uiri sunt profecti, Flauium Domitianū (licet Philosophos ac Mathematicos ex urbe exegerit) Bibliothecas incendio absumptas, magnis impensis reparasse traditur, missis Alexandriam qui describerent, atque emendarent. Ac nec Græcorum ingenia languerunt. Stoicus nanque Epictetus, excussa rerum humanarum cura, animi quandam tranquillitatem sibi proponens, de eadem præcepta quàm breuissimè conclusa reliquit. Pythagorica longis peregrinationibus totius orientis confirmatus, multa admiratione digna referens, Apollonius Tyaneus asseruit, cuius res uarias maximis commentis Philostratus postea est persequutus, & Flauius Vospicus se scripturum pollicetur: extant epistolæ ad diuersos populos scriptæ. Iudæorum uerò calamitatem (rebus etenim interfuit ac præfuit) Græcis literis accuratè cōscripsit Flauius Iosephus. Eadem lingua, quam hoc potissimum consilio didicerat, ne hæc in obliuionem posteritatis uenirent, Hebræorum Origines, diligenti seruata ratione temporum, ad suam ætatem copiose ac fideliter deduxit, magni Historici munere præclarè functus. Latini sermonis & dictionis salubritas atq; puritas multum iam inclinauit: ut soluta oratio, temporum conditionem sequuta, uarietate quadam studiorum, & lectione Poetarum, quasi floribus, ornaretur ac pingere retur. In hæc tempora incidit Plinius Iunior, qui studio atq; diligentia non paruam in dicendo laudem meruit, leguntur elegantes illius Epistolæ, omni rerum uarietate plenissimæ. Hic cum esset locuples, Quintilianum præceptorem iuuit, & Bibliothecam instituit. Palladius idonea è dissimillimis occupationibus, mensium tempora deligens, omnem Agriculturæ scientiā conuenientissimè distinxit. Cæterarum disciplinarum studiosi, in excerpendis scriptorum locis, & iisdem interpretandis, multum occupantur. Magnus erat literatorum hominum, quos adolescentes consequebantur, ad publicas Bibliothecas cōkursus, commentandi, conferendi, audiendi, atque differendi gratia, ut inde scriptorū cuiusq; generis testimonia, ad dubias res ambiguasq; explanandas, & ad ea quæ assererent confirmanda, in promptu haberent: Grammaticis omne scriptorū genus studiosè, & multa diligentia excutientibus, atque in ordinem ueterum scriptarum reponentibus. Non cōtemnenda A. Gellius ex uarietate lectionis pro-

- nis protulit, literatorum hominum sui temporis quandam multis de rebus differentium historiam cōprehendens. Apud cum nobiles Philosophi Taurus atque Fauorinus erudita nonnulla referunt. Poësim iam à superiorum celebritate inclinante, à Domitiano ad hæc Traiani tempora, breuibus, iucundis, & argutis Epigrammatis, multiplici rerum in omni uita occurrentium uarietate notata, sed immodica scribendi licentia, exercuit M. Valerius Martialis. Martialis:
- Historiam magnis studijs Cornelius Tacitus Cor. Tacitus. plurimum adiuuit. Est enim prudens rerum explicator, ut domi & militiæ gesta, ab Augusto ad Adrianum, graui oratione diligenter scripserit: T. Liuij operibus, siquidem ea extarent omnia, ad seriem rerum Romanarum seruandam, proximè coniungendus. Adrianus Imperator primis annis excellenter in omni Adrianus: literaturæ uarietate uersatus, claros sui temporis homines eruditis disputationibus plurimum excitauit: atque studia Atheniensium, constructa Bibliotheca, liberaliter adiuuit. Romanorum autem ingenia ad tractationem Iuris ciuilem sese conuertunt, senescentibus interea Eloquentiæ studijs. Nam mutata iudiciorum forma, populo ac Senatu à Principis autoritate pendente, Oratoribus relictis, causæ ad Iureconsultos deferbantur, ut tñdem essent dicendi & consulendi magistri. Itaq; in Iureconsultorū successione, Sabinū Calsius Longinus est consecutus, à quo Calsiani: è quibus fuere Cælius Sabinus, & Priscus Laolenus. Diuersa ex parte Neruam Proculus, à quo Proculiani, qui illius placita asserebant. Huic dein successit Celsus, pater atq; filius: simul & Priscus Neratius, quem Traianus successorem erat relicturus, Adrianus inde consultorē habuit: qui idem Adrianus, studio Iuris doctrinæ conseruandæ, Saluio Iuliano mandauit, ut Prætorum edicta in unum comportaret: atq; eos, Perpetuum edictum.
- qui suorum studiorum fiducia niterentur, idoneos ad respondendum esse uoluit, & liberum deinceps cuique fecit. Inde exorta Iureconsultorum multitudo, ut horum prudentissimis consilijs Imperatores ad tranquillitatem principatus optimas diuersis temporibus Constitutiones reliquerint. Haud ita longè ab hisce temporibus Macrobiū Aureliū uixisse credunt, qui Platonis in primis studiosus, ex uarijs scriptorum obseruationibus, Virgilij mutuaciones aliqua diligentia enumerans, eruditos Saturnaliorū libros, sermonis puritate, quod ipse testatur, iam immutata, conscripsit. Histōria omnium propè ætatem Histōria:
- communis professio, ad rationem temporum progrediebatur: cum magnitudinem scriptorum refugientes, breuitatem quandam anteponerent. Quocirca uniuersam P. Rom. historiam L.

Florus breuiter et ingeniose quatuor libris cōtraxit: quanquam traditum est, Senecam eiusmodi quoddam opus ad rationem progressiōis hominū aetatis conscripsisse. Coegerat in XLIII libros, res omnium aetatum & gentiū, Diodori Siculi exemplo, Trogius Pompeius: sed uariam ac multiplicem illius historiam, breuiorem à Iustino factam, & Antonino inscriptam, hoc tempore habemus. Vtile hoc fuit Trogi atq; Diodori consiliū, perpetua narratione ex diuersis selectissima in unū corpus referre: ut cum ex separatis Historijs multae negligatur, & facile pereat, diutius necessaria rerum cognitio ita cōseruetur. Sed breuibus scriptis Flori ex Lioio, siquidem illius sunt, & Iustini ex Trogo, ipsos autores interire pleriq; existimant: quod posteri his cōtenti, scriptorū magnitudinē auersentur. Verū nō est sola hęc ratio, ut quodāmodo fieri diuinitus credatur, si quibus scriptis de tur uita lōgior. Nam si uolumus grauisimā eiusmodi iacturam aestimare, etiam libros in pauciora non contractos, propē innumerales diuersis aetatibus perisse comperiemus. Sed in continenti literarū progressione, Romani statum confirmaturi, prouincias, Latini sermonis cōmunicatione tenuerunt: quoq; id fieret melius, non modō iura Latine reddi uoluerūt, uerū etiam effecere, missis professoribus, ut studia doctrinae ac literarū traderentur. Et in Gallijs quidem Masiiliae, quam ad urbem adulescentes Romani non aliter quā Athenas mittebantur, Graecam comitatem ea retinuerat, ut plurimi quicq; fieret, hac Masiiliensi disciplina excultus. Ceterae etiam urbes noua hac doctrina, cōmutato principatu, imbuebantur: cum iam Tiberij facto, Druidarum instituta fuissent sublata. Nam & Lugdunū, in quo antea fuerat, maximo totius Galliae concursu, memorabile Poeseos atque Eloquētię certamen, & Vefontio, Augustodunum, ipsae etiam Britannię cōplures literarum magistros habuerunt, quorū ē ludis multi prouinciales eruditi progressi sunt. Factum inde, ut omnis Gallia, priscorum lingua amissa, Latinam acceperit: quam ad hanc memoriā, relictis manifestis uocum uestigijs, seruaui. Protinus ut Graeci animos receperunt (uidebantur enim Romani languenti Graeciae literas eripuisse) lectionis magnitudine, ac rerum omnium uarietate, erudita multa sunt assequuti: ut superiorum scripta excutere, ex iisdem optima excerpere, atque magnae doctrinae opera relinquere uoluerint: Romanis principibus illos euocantibus, & in iisdem studijs retinentibus. Summum inter suae aetatis scriptores locum tenuit, Traiano Imperatore, grauis in primis & magnus autor Plutarchus Chaeroneus, diligentia, iudicio, integritate laudabilis: à quo facta illustrium

Prouinciales litteris imbuuntur.

Graecorum studia.

Plutarchus.

- illustrium utriusque gentis Imperatorum, incrementa à prima ætate, & progressionibus ad suos exitus deducens, plenissimè & eruditissimè describuntur. Philosophiam nullius partis ignarus aptissimè coniunxit: ut selectos ex omni uarietate locos, accurata exemplorum atque similium collatione instructus, studiose tractarit. Sed dialogis, nouo instituto, ad ueteris Comœdiæ & *Lucianus.* Satyræ quandam rationem, cui omnia fuerunt ludibrio, etiam nostræ Religionis sanctitas, nimium licenter iocatur Lucianus. Illa tamen ætate, felici ueterum Græciæ scriptorum imitatione,
- 20 dictionis Atticæ uenustatem expresseit. Inde Adriani imperio, scriptorum Græciæ fœtus uberrimus fuit. Nam Pausanias res ex antiquitatis Græciæ memoria gestas, singulari diligentia, in omni uarietate est persequutus. Multiplex Historiæ opus *Historici.* Latinus homo Aelianus, Pausaniæ discipulus, & Animantū uitam Græcè feliciter descripsit. Xenophontia oratione Arrianus Alexandri Magni res gestas accuratè repetijt, ac Epicteti doctrinam literis cōmendauit. Romanam autem Historiā, ex Alexandriæ studijs progressus Appianus, bella ciuilia, & externarum gentium facta continentē, diligentissimè Græcis literis scriptam
- 30 protulit. Ac incrementum omnis Græca eruditio, Antoninis imperium tenentibus, accepit. Oppianus de uenatu & piscibus *Oppianus.* ad Antoninum scripsit, à quo pro singulis uersibus singula numismata aurea dicitur accepisse. Præcox Hermogenis ingenium, *Hermogenes.* collectis passim ueterum de arte dicendi præceptis, copiosè & diligenter scripsit. M. Antonius eundem audiuit, ac præmijs donauit. Quo tempore Athenæus, maxima lectionis scriptorum Græciæ uarietate, multiplicem doctrinam comprehendens, literatorum conuiuium descripsit: cuius libri à consequentibus contractiores facti, quantam ingeniorū iacturam acceperimus,
- 30 è multis manifestè declarant. Diogenem Laertium per hæc tempora fuisse conijciunt, qui in describendis antiquis Philosophis, quamplurima ingeniorū monimenta recenset, quorū per pauca ad hanc ætatē pari incōmodo uenerunt, lisclē Antoninorū temporibus, maximi uir ingenij Cl. Ptolemæus, Astronomiā, Geographiam, atq; Musicā plenissimè subtilissimèq; tractauit: & accuratissimis studijs, astrorū diuturna obseruatione tam multa est consecutus, ut priorū nullus hanc doctrinæ partem certius atq; locupletius scriptis prodiderit, & admodum pauca summæ illius diligentie consequentes adijcere potuerint. Iam uerò totius
- 40 Græciæ ornamentū Cl. Galenus, omni liberali homine percepta *Galenus doctrina.* doctrina, Mathematicis & Philosophicis literis, Naturæ, atque differēdi imbutus, salutarē mortaliū necessitati Medicinæ artē,

temporum diuturnitate confusam, atq; professorum discrepantibus sententijs perturbatam, uerius & perfectius quàm superiores cognouit: principem artis Hippocratem, diutissimè propter obscuritatem spretum ac neglectum, proferens, sermonis ubertate, qua, cum esset Asianus, redūdabat, breuia illa & acuta Hippocratica, quæ maximam scientiæ copiam inclusam habent, utilissimè & apertissimè explicuit. Sectas suorum omnes excussit, è quibus singulis optima quæq; magno iudicio delegit. Itaq; Medicæ doctrinæ Vniuersitatē animo cōprehendens, tantis præsidjs adiutus, pluribus & illustrioribus literis, uia, ratione, ac ordine, cuius fuit in primis studiosus, fidelius & absolutius quàm superiorum quisquam, eandē pertractauit: ita nihil necessarium in omni artis materia cū prætermitteret, propè assecutus est, ut ad unius præscriptū salubriter possit exerceri. Cuius præclaris disputationib. pars Philosophiæ de Natura, multū accepit adiumenti & incrementi: dignus qui ad ea tempora referatur, quibus doctrinæ sunt & deprehensæ & tractatæ. In cæteris deinde literis multa sunt quæ sita linguæ Græcæ cognoscendæ præsidia, cum uarietatis negociorum omnium nomina lul. Pollux latè disquisiuit: & in diuersa rerū genera, quo in promptu esse possent, immensam Græci sermonis opulentiam patefaciens, cōuenienter distinxit. Memoriam suorum temporū, à Commodo ad Gordianum, magna fide, diligentia, & elegantia, Græcis literis Herodianus, à patre Apollonio Grāmatico institutus, commēdauit: qui Tacito, ad continuationē temporum paucis intermissis adiungi possit. Christiana autē Religio iam ab Apostolorū temporibus, maximis incrementis aucta, sanctissimis uiris illā omnino conatu promouētibus, & in diuersas orbis terrarū partes transferentibus: qui cum Græcis doctorib. fortiter sese opponerent, & uitæ innocentia atq; integritate, Religionis ueritatē testificarentur, grauius et acerba perpessi sunt. Nam Ignatius Antiochiæ Antistes, sub Traiano ad bestias damnatur. Inde Polycarpus Smyrnæ præfuit: cuius discipulus Irenæus Lugdunū profectus, multis & eruditis scriptis inclaruit. Iustinus Philosophus, relictis interea Platonicijs doctrinis, protinus Christianis scadiunxit: ut luculentissimis ueterum Græciæ scriptorum testimonijs, Hebræorum origines comprobarit, & nostræ Religionis ueritatem à Philosophorum sui temporis calumnijs uindicaret: quem librum Antonino Pio obtulisse traditur. Hegesippus rerum Christianarum historiam quinque libris ad sua tempora deduxit: & Iudaica, à Iosepho antè scripta, rebus aliquanto certius quæsitis, diligēter repetijt. Itaque Philosophis ad hanc doctrinæ sancti-

Pollux.

Herodianus.

Theologi ab
Apostolorum
temporibus.

sanctitatem conuersis, res longius progrediuntur. Pantænus, prætermisissis Stoicorum placitis, Clementem erudiuit: hic cum alia multiplicis doctrinæ scripta, tum libros de uera philosophandi ratione reliquit. Sed Origenes, omni liberali doctrina percepta, & cognitis linguis, quo lectionis ueritas cōstaret, Editiones contulit, & multis scriptis libros sacrosanctos explicuit: cuius studijs plurimi ad hanc sanctiorem doctrinam amplectendam sunt inuitati. Erant passim literati homines, qui Græcā doctrinam uariè tractabāt: ex his Rhctores fuere, quos Sophistas
 10 nominabāt. Cognitus est Seueri temporibus Philostratus, qui Apollonij Tyanei uitam copiosè descripsit, simul & Sophistarum studia ad suam ætatem deducens, eumerauit. At uetus Philosophia, multis elaborantibus, est patefacta. Nam Alexander Aphrodisieus doctrinam Aristotelicam non satis explicatam amplexus, plurima in omni genere, quod requirebat erudita illa breuitas & subtilitas, scripsit: è cuius officina celebres Philosophi extiterunt, qui rem ita impulsam longius protulere: ut & Platonis & Aristotelis placita non modò exposuerint, sed etiam magnis rationibus conati sint eadem conciliare. Ex his
 20 fuisse Ammonium Alexandrinum existimant, qui præter libros Christianæ doctrinæ, de Mosis atque Christi conuenientia, etiam Philosophica quædam scripserit, quicq; Plotinum studiosum Platonis instituerit. Porphyrius inde Plotini discipulus, multa de Philosophia tractauit, & Christianis est aduersatus: similiter eundem sequutus Proclus Platonius. Sed utrique fortiter se opposuit Ioannes Grammaticus, à diligentia magnitudine Philoponus appellatus. Horū multiplicib. scriptis quamplurima in omni parte Philosophiæ sunt conseruata, quæ temporum præsidij assequi melius quàm consequentes potuerunt:
 30 lus autem ciuile Romanorū, ad summū hisce temporibus perductum, in cuius cognitione & tractatione Imperij trāquillitas erat reposita. Itaq; iam à Saluio Iuliano, perpetui Edicti autore, Septimius Seuerus Serbidium Scæuolam audiuerat, eundē & Acmylius Papinianus, è cuius percelebri tum schola magni in ea doctrina uiri progressi sunt: ut qui illius placita sequebantur, Papinianistæ nomen haberent: ex his suppare fuere Domitius Ulpianus, & Iulius Paulus: quos eodē hac Iuris disciplina excellentèr cumulatōs, maximis obeūdis Imperij muneribus Alexander Imp. adhibuit, & magnis in deliberationib. illis consultoribus est usus. Vterq; acceptā à Papiniano doctrinā, & multa rerum tractatione auctam, pluribus & illustrioribus literis, quàm superiores, explicauit. Inde etiam cum alij quidē, tum Heren.
 40 Mode.

Philosophia
renouatio.

Inc. ciuile;

Modestinus atque Pomponius sunt profecti: ut nulla consequens ætas perfectior extiterit, his Conditoribus Iuris uniuersæ doctrinæ summam quasi manum imponentibus. Eodem A-

Dion Cassius.

lexandri tempore Dion Cassius magnum & eruditum opus rerum Romanarum LXXX libris complectitur. Cōquassato de-

Communitio litterarum.

inceps atque distracto Imperio, uarijs Principibus ad alia intentis, & grauissimis suorum factionibus oppressis, non modò La-

tini sermonis bonitas amissa, quam nulli retinere poterant, aut magnopere affectabāt: uerum etiam cæterarum disciplinarum

studium in Italia refrixit, ut præter alia uix ex tantis difficultatibus emerferint idonei scriptores earum rerum, quæ publicè ge-

rebantur: ex quibus nōnulli fuere, qui sanè exiliter res Cæsarum gestas, ad suam ætatē deduxerunt. Ita uidebantur in Annalium

tenuitatem humilitatemq̃, à qua coeperant Romani, & ad summum Historiam prouexerāt, celeriter recidisse. Profuerunt ta-

Historici.

men plurimum, ad seruandam ueriores temporū seriem, quæ alioqui interrupta mansisset. Verum nec ipsi profitentur splen-

dorem illum ueteris Historiæ, contenti uera & mediocri breuitate, rerum memoriam cōmendare. Numerantur autem hi scri-

ptores, Aelius Spartianus, Iulius Capitolinus, Aelius Lampri-

Christiani scriptores.

dus, Vulcatius Gallicanus, Trebellius Pollio, & Flauius Vo-

piscus. Rem autem Christianam feliciter progredientem adiu-

uabant magni scriptores, qui undique exoriebantur. Nam ex Africa Tertullianus multis scriptis inclaruit: cuius haud ita mul-

to post uehementer studiosus fuit Cæcil. Cyprianus, qui Rhetoricen docuit: & ad sacras literas conuersus, suauius quàm illius gentis scriptores est eloquutus. Eandem artem primum etiam professus Arnobius, sacras literas deinde tractauit. Intruenere

Primum Concilium.

magnæ difficultates, Diocletiano, alijsq̃ acerbissimè in Christianos saeuientibus, & Nouatio atque Manichæo in alienas à

puritate Religionis sententias multos pertrahentibus. Verum Constantino, qui Magnus dictus est, Imperiū transferente in Græciam, bonis auspicijs eadem Christi doctrina cōfirmari cœ-

Eusebius.

pit: quo tempore maximus concursus Antistitum, qui CCCXVIII fuere, Nicæā Bithyniæ factus, & grauis Arii factio sublata

Inde res successerunt meliores, cū omnis doctrina exortis præstantissimis scriptoribus plurimum effloruit, eadem utiliter explicata, & ab aduersarijs optimè defensa. Itaque Eusebius, Cæsaræ Palæstinæ Antistes, ueteris memoriæ peritissimus, præclaris Græcorum scriptorum testimonijs, multa & diligētī lectio-

Historiam

Historiam, communibus Pamphili studiis, cum mādato Con-
 stantini Bibliothecæ illis pateret, ad sua tempora deductam co-
 piose, accuratèq; tradidit: præterea omnium temporum ratio-
 nem, multas ad res utilem adiecit. Ario oppositus Athanasius,
 erudita scripta reliquit. Studiorum similitudine coniunctissi-
 mi, Basilii ab excellenti orationis genere & doctrinæ amplitu-
 dine Magnus dictus, graues sanctioris doctrinæ locos copiose,
 accuratèq; pertractauit: atq; Gregorius Nazianzenus, qui so-
 luta & numeris astricta oratione usus, à Græcorū Poetarū le-
 ctione animos reuocauit. Causam inde putant, quod multi
 Græciæ scriptores, qui pietati ac moribus officere uidebātur,
 posteritati non cōparuerint. Epiphanius Cypri Salaminæ An-
 tistes, maximis susceptis studiorum laborib; à primordiis tem-
 porum omnium ad suam usq; memoriam Gratiano imperium
 tenente, omnem opinionum syluam, contra Religionis sancti-
 tatem, copiose accuratèq; est persecutus: quib; ipsè scriptis
 è turbulentissimis tempestatib; eandem Religionem saluam e-
 merxisse comprobatur. Vbertatē orationis præclaris concio-
 nibus Ioan. Chrysostomus expressit, quamplurimos totius do-
 ctrinæ Christianæ locos tractauit & exposuit. Sed iam à Con-
 stantini Magni ætate multa renouata in cæteris disciplinis & li-
 terarū ingenij monumenta, quæ interciderere potuissent, cōsultò
 exscripta sunt, & in templis adseruata. Libanius interim Sophi-
 sta assiduus Declamationib; se exercuit, & aperto ludo præter
 alios Basilii atq; Chrysostomū erudiuit. Neq; prætermissa est
 Philosophiæ tractatio, à superioribus impulsā. Porphyriū au-
 diuerat Iamblichus, Pythagoreorum atq; Platoniorū doctri-
 nam sequutus. Themistius, à bene & disertè dicendo Euphra-
 dæ nomē sortitus, Peripatætica tractauit. Ab ijs profectus Sim-
 plicius, erudita multa in omni uarietate reliquit. eundem ueri-
 simile est fuisse, quem Maximinus ex Grammatico fecisse con-
 siliarium legimus. Iam uerò multo usu cōprobatam, Galeniꝝ
 scriptis locupletiolem redditā Medicinæ artem nonnulli exer-
 cuerunt. Ex his Oribasius ad Iulianum multa scripsit: eundem
 cōsequutus Paulus Aegineta, & alios quosq; uniuersam artem
 in paucissima ordine contraxit: nominatim uerò ex diuersis to-
 tius Græciæ scriptoribus, qui magna ex parte perierūt, Actius
 Amidenus, quò illa ad usum & exercitationē parata haberen-
 tur, neq; necesse esset magnitudinem librorum laboriose excu-
 tere, quanquam id fiat utiliter, multum tamen ipsis scriptorib;
 detrahit, ne cognoscantur: & hoc exemplo pleriq; deinceps ex
 Græcis cæteros autores similiter circunciderūt & amputarūt.

Romæ & in Italia bellis omnia distrahebantur, ut diuersi sacra-
rum literarum scriptores uariè per prouincias dispersi Græco-
rum studijs excitati & instructi, Latine de Religionis doctrina
libros relinquerent. Itaque ex superiorum successione ab Arno-
bio præceptore institutus L. Coelius Firm. Lactantius, maxima
conquisita eruditione, de Religionis sanctitate, Græcorum Phi-
losophorum rationibus sublati, ad Constantinum Imperato-
rem accuratissimè scripserat. Hilarius inde Pictauiensis Anti-
stes, factioni Arianæ oppositus, gradiore orationis genere uti-
tur, ac Græcis rerum diuinarum scriptoribus Origene potissi-
mum adiuuatur. Similiter & Ambrosius Mediolanensis An-
tistes, uerum sedata oratione suauitatis plena, ac sententijs di-
stincta. Tum primis annis liberalibus disciplinis, & diuinis lite-
ris, Romam, Antiochiam, Alexandriam, Hierosolymam profe-
ctus Hieronymus, prædare imbuitur, Gregorio etià Nazian-
zeno præceptore usus: perceptis linguis Hebræa, Chaldaea, &
Græca, in diuinis scriptis multa conuertit: atque plurimarum re-
rum cognitione instructus, ad omnem explicationem conscrip-
sit. Africa interim clarissimos professores dedit, qui licet aspe-
rius Latine sonarent, doctrinæ tamen sanctitate & integritate
multum præstiterunt, cum à literarum & Philosophiæ studijs,
huc, tanquam ad salutarem portum, tutissimè sese recipent.
Superiorib. Afris proximè succedens Aurelius Augustinus,
Mediolani Ambrosium audiuit. Post editis propè innumera-
bilibus scriptis, in omni doctrinæ sacræ argumento rem Chris-
tianam multum locupletauit: corruptæ disciplinæ patronos
eruditè subtiliterque magna disserendi prudentia usus conuicit.
Ita Christi Religio nunquam tam graues habuit aduersarios,
quin maiores semper sit nacta defensores. Ex multiplicib. scri-
ptis uarium in primis et eruditum opus, antiquitatis memoriam
continens, de Ciuitate Dei inscriptum reliquit. Hosce cōsequu-
ti sunt, Eucherius Lugdunensis Antistes, qui admodum diser-
tè scripsit: Gennadius Massyliensis, qui scriptores sacros: Pro-
sper Aquitanus, qui seriem temporū à Hieronymo ad sua tem-
pora deduxere. In disciplinis scriptores latini iam à translato in
Græciam Imperio, multum conticuerant: sunt enim hæc altius
aliquantò repetenda, quoniam in hac tanta scriptorum uarie-
tate certum aliquem ordinem excogitare nobis est perdifficile.
Itaque Iul. Firmicus Maternus ante hæc tempora Cōstantini Ma-
gni imperio, ex Aegyptiorum atque Babyloniorum obseruationib.
doctrinā de astrorum iudicijs non indiligenter tractauit. Ser-
monē Latinum collapsa à uulgari usu lingua, multi instaurare
conaban-

Scriptores ce-
terarum disci-
plinarum.

conabantur. Aelius Donatus, breuia artis Grammatices præcepta & commentarios in Terentium atq; Virgilium exhibuit. Rhetoricen Victorinus Afer Romæ professus est, dein affecta iam ætate sacra tractauit: utroq; præceptore Hieronymus est usus. Flauius Vegetius magnis illius ætatis librorum præsidij adiutus, omnem rem militarem, corrupta ueteri disciplina, libris quatuor quambreuissimè comprehendit. In Africa studia literarum exercebantur, è quibus est progressus L. Apuleius Apuleius. Madaurensis, qui & Athenas uisit. Leguntur ab eo scripti libri Historici.

10 sermone Latino rudi & duro, id quod ipse testatur, cum se laboriose eam linguam didicisse meminit. Matheses cognouit, & à Græcis Platoniam atq; Pythagoricam doctrinam, quæ paulo antè excitata erat, coniuncta Magice, accepit. Historiam horum temporum à Constantino aspersis locis aliquot ex ueteri memoria repetitis, impedita licet oratione, magna tamen fide, ut uidetur, atq; diligentia scripsit Ammianus Marcellinus. Romanam historiam à suis primordiis breuiter & ordine contraxit Eutropius. Similiter & Sext. Aurelius Victor ab Augusto ad Theodosium. Hortatu deinde Augustini graues omniū æ-

20 tatū calamitates, & magna infortunia, accuratè distincta annorum serie, repetijt Paulus Orosius, quo statum rerum suæ ætatis, Gotthis omnia uastantibus, difficultatum quæ superiorib. etiam temporibus contigunt, diligenti collatione & comparatione aliquomodo solaretur. Per eadem tempora Poetices Poetæ. studium non est prætermisum. Nam à Valentino atque Valentiniano ascitus Decius Ausonius, Burdegalensis (oppidum est Aquitanie) Græcianum erudiuit, à quo dignitate Consulari est honestatus: qui cum ualeret ingenio; haud inelegans Poëma conscripsit. Eiusdem ætatis fuit Aurelius Prudentius Hispanus, qui nostræ Religionis historiam, doctrinam atq; instituta numeris concinnè & aptè conclusit. His extremis eruditorum tēporib. Claudianus, uaria in primis & docta Poëmata dedit: cui Honorius & Arcadius cū honorifica inscriptione statuam erexerunt. Quocirca, ut antea est dictū, Poetas inclarescentem ætatem tanquam præcones antecedere: ita receptui eosdem canere solere, ex huius historię, à suis primordiis progressionē cognoscimus. Infecuta namq; linguis prorsus corruptis, grauis & acerba temporū commutatio, Gotthis latissimè per Europam excurrentibus, nulla ut maior uastitas, amissis maxima

40 ex parte ingenij & literarum monimentis, omniū ætatū cursu fuerit, tanta ubiq; calamitas: ut qui scriptores reliqui habentur, sint planè naufragi, & in ijsdem emēdandis intelligendisq;

Temporū commutatio.

*Iuris civilis
contractus.*

Pandectae.

*Gymnasia iure
consultorum.*

Historici.

consequentium ætatum maior fuerit labor, quàm in conscribendo illi susceperint: atque ita literariæ occupationis ingens difficultas exorta, quæ nunquam de humani generis memoria tolli poterit. Auctum uerò lus civile tot præcedentium temporum acerrimis studijs, multitudine infinita, uarietate legum & sententiarum dissimilitudine, à bellicis occupationibus liberatus Iustinianus, Triboniani Iurecōsulti suasu & opera, Theophili, Dorothei, aliorumq; eius ætatis, prægrauante scriptorū amplitudine, quæ adolescentum studia morari, ac distrahere uidebatur, deonerare uoluit: quod etiam Iulio Cæsari in animo 10
fuisse tradūt. Ac primum ex triplici Codice, Gregoriano, Hermogeniano, & Theodosiano unum conflarunt. Pōst, ex omni conditorum Iuris copia illustriores locos, tanquam sententias, Leges appellāt, delectis negociorum omnium generibus subiecerūt: operi uniuerso Pandectarum & Digestorum nomen est datum. Ex his responsum fragmentis, summam fuisse in illis uiris orationis maiestatem & gravitatem cognoscitur, atq; in uerborum totius civilis doctrinæ usu, singularem proprietatem eisdem conseruasse: quodq; non minoris est considerationis, plurimam antiquitatis effugiem, ac longa temporum & 20
rerum tractatione, præcipuam negociorum humanorum ab illis collectam, stabilitam que Prudentiam animaduertimus. Inde summa totius doctrinæ capita, in quatuor Institutionum libros quàm breuissimè conclusa. Sequuntur sunt nouæ Constitutiones, quæ ultimam emendationem Græca lingua cōtinent. Quibus absolutis, metuens Iustinianus ne in eandem scriptio-
nis magnitudinem posteri reciderent, nulli deinceps de Iure civili scribere, præter ea quæ suis auspicijs fuerant excerpta, licere sanxit: quo facto spreti à consequentib. scriptores Iuris, magno præstantissimæ doctrinæ incommodo, non compa- 30
ruerunt. Sic à Romanis cœpta, & longa in tanto Imperio tractatione rerum perfecta Iuris disciplina, quod alteri nulli contigisse uidemus, suis omnibus scriptoribus orbata, & miserè de-
tituta uenit ad posteros. Tria erant constituta Gymnasia, in quibus illa interpretari solerent: unum Beriti, sed terræ motu concidit: alterū Romæ, quod diuersis insequentiu temporum infortunijs exerceri nō potuit: tertiū Cōstantinopoli, quod diutius remansit. Quæ aut gerebātur, Procopius expeditionum Belisarij comes, dein hunc secutus Agathias, Græcis literis conscripserunt. Enumerationē COSS. fecerat Aurel. Cassiodorus, 40
ueteris memoriæ, disciplinarū, nostræq; Religionis studiosus. At COSS. seriem à Regū temporibus cōtinenti successionere-
tentam,

tentā, haud ita multo pōst esse defuisse uidemus. Priscianus Cæ Priscianus.
sariensis ad Græcorū rationē, qui magnis uoluminibus de Re
Grammatica scripserāt, Latini sermonis obseruationes plenius
q̄ superiores coegit. Aliquanto ante hæc tēpora ex sacris scri-
ptoribus Fulgentius Afer, Vandalis persequentib. in Sardinia Fulgentius.
profugit. Idē restitutus, præter res sacras, etiā fabulosas deorū
narrationes cōscripsit. Eadē ætate iacentem et oppressā Ari-
stotelis doctrinā, atq; Mathematicas disciplinas Boetius Seue Boetius.
rinus, multis & iisdē eruditis scriptis, Græca cōuertens reuoca

- 10 re, & cōstituere aliquo cum successu est conatus: sed tēporum
conditio, quam proximē sequuntur literæ, effecit, ut successiores
illius doctrinæ nulli fuerint: ac proinde eruditorū ultimū eun-
dem appellāt. Itaq; cū cæterarū literarū, tum etiā Poeseos di- Poësis.
gnitas & integritas omnis omissa, Sidonio Apollinari, Arato-
re, & Fauſto Gallo, hancce temporū calamitatē suis scriptis re-
stātibus. In Græcijs eadem propē uastitas, cum scriptores, præ- Græcorum scri-
ter necessariā ueterū explicationem, nihil in literis suo ingenio dia.
cōmentarentur. Libros quidē illustriū locorū ex optimis qui-
busq; autorib. delectis ad hoc generibus, laboriose cōgerebāt:
20 unde illa manauit iactura scriptorum, cum hi sunt adseruati, illi
magno detrimento literariæ opulentiæ perierūt: similiter uolu-
mina obseruationū Græci sermonis ex his scriptoribus, qui no-
minatim cuiusq; autoris obscuras uoces collegerāt & interpre-
tati fuerāt, ut in uniuersum haberi possent, comportarunt. inde
multiplicia Onomastica sunt fabricata, ex quib. coagmentatū
est grande illud uolumē, quod Suidæ nomine reliquū habetur: Suidæ.
in quo nō modò Græci sermonis multiplex interpretatio cōti-
netur, uerum etiā illustres Historiæ cuiusq; generis ex sacris atq;
externis scriptoribus, qui per diuersa tēpora uiuere, utiliter le-
30 gūtur: inserta quoq; sunt, quæ ingenij monimenta, quicq; in om-
ni uarietate reliquerint, unde præcedentiū temporum immen-
sos studiorum labores æstimare liceat. Hæc omnia cum aliun-
de habere non possumus, minimē contemnenda uidentur, hac
potissimum è multis ratione: quòd quæ ex alijs etiamnum com-
probantur, cum uera esse maxima ex parte deprehendamus, de
ijs quæ propter scriptorū indigentia similiter probari neque-
unt, non ita dubitare quenquam oporteat. Sic Græciæ ingenia
scriptoribus circuncidendis & amputandis præcipuè occupa-
bantur. Quocirca in hac tanta rerum omnium obscuritate, Ma-
40 & totius Imperij diuersas in partes distractione, Arabs Mahu-
metes (Persam nonnulli eundem fuisse existimant) Magicis
artibus instructus, ac Sergij, qui fuit Nestorianæ factionis,

consilio & opera usus, composita ex Iudæorum institutis, atque eorum placitis, qui nostram Religionem diuersis temporibus perturbant, nouæ & inauditæ superstitionis religione, multitudinem militum obsequentem habuit: cuius dissimillima inter se dogmata in Opus, quod Alcoranum dicunt, retulit. Eam ad rem ne suorum decretorum grauissimi errores à quoquam deprehenderentur, nè ue quid in dubitationem à suis reuocaretur, capitale esse uoluit, inter se disserere atque disputare. Roma & Constantinopoli in his difficultatibus literis tractandis nullus erat locus, & ueterū scripta contēpta iacebāt, ut perpau- 10
ci cogniti fuerint. Ex his turbulētissimis tempestatibus Gregorius Pontifex à doctrina Magnus dictus, emerfit: cuius scripta habentur de Moribus ad Leandrum Hispalensem Antistitem. huic Leandro succedēs Isidorus frater, cum alijs scriptis, etiam Origines uocum è multis, qui illa adhuc ætate extrahāt, scriptoribus excerpfit, atque generibus constitutis distinxit, quem eundem in contrahenda rerum multiplicium doctrina plerique deinceps, obscuratis adhuc literis, magnis contentionibus sunt secuti. Britannicæ autem, quæ Gothicis excursionibus non pa- 20
tuerant, hominem multiplicis doctrinæ Bedam Venerabilem cognominatum, dederunt, Græcis literis eruditum, Philosophicis, Mathematicis & Sacris instructum, quod indicāt diuersi generis scripta, quæ leguntur. Ex huius schola multi literati, qui deinceps inclaruerunt, sunt profecti. Itaque Carolus Magnus Imperator, compositis gētibus, religionem Christianam diuersos populos ad eandem amplectendam conuocans, latè propagauit, atque studia literarum & doctrinæ, quarum usum rebus Imperij administrandis necessarium cum intelligeret, Al- 30
bini opera, qui Bedam audierat, promouit & confirmauit. Nam cum idem Albinus è Britannijs Legatus ad Carolum uenisset, propter excellentem doctrinam, admiratione excitatus, ab eo est retentus, ut de literis illos inter se disseruisse tradatur. Eadem studia Claudij & Clementis institutione (Scotos fuisse, ac Bedæ auditores, commemorat) aucta sunt & firmata: scholis Lutetiæ Parisiorum ac Ticini, quo plures ad capeffendas literas inuitarentur, propositis ad discendum honoribus, immunitate donatis: hoc iactō fundamento, deinceps multi disciplinis cognoscendis, pro temporum ratione, sese dediderunt. Habuit Carolus rerum à se gestarū duos scriptores, Eginardum atque Turpinum: hic aduersus Saracenos in expeditione fuit. Idem Carolus bello Langobardico Paulum Diaconum captum in Galliam abduxit: à quo Eutropij historia plenior 40
nior

Latinorum stu-
dia.

Gregorius.

Isidorus.

Beda.

Carolus M.

Albinus.

Academia Pa-
risiensis.

Historici.

nior est reddita, & Langobardorum res per scriptæ. Bedam au-
diuerat Io. Scotus atq; Rabanus Moguntie Antistes. hic utro-
que orationis genere scripsit: quorum exemplo consecuti sunt
alii, sed literis nondum illustratis, difficile fuit, aut superiorum
accedere celebritati, aut eorum qui postea uixere. Nam lingua

Rabanus

Lingua Latina

- 10 perio, Latinam linguam, ut communem, diuersi populi confer-
uarunt: uulgares interea latè constitutis principatibus, à modi-
cis incrementis ad usum loquendi aptari cœperunt, nisi quod
à corruptis linguis multa hausere, quæ postea usu fuerunt rece-
pta. Latinam originè retinere Italica & Sicula, peregrinis uo-
cibus Gotthorum excursionibus admixtis, Hispanica etiam &
Gallica. Priscam Germania nō commutauit: sed rerū usu mul-
tum deinceps excoluit, cuius eiusdem uestigia remansere in ijs
populis, ad quos emigrationes sunt factæ: quod Britannica te-
statur, & in quibusdā Gallica. E multis ea est cōflata, quam ho-
20 die Sclauonicā appellamus, quæ etiam diuersis Europæ ad Ori-
entem & Septentriones populis est in usu. Græca utique uariè
sparsa, multum à literata desciiuit, externis plurima, sicut in Ita-
lica factum est, importantibus. Sed Arabica, Punicam dixerūt,
principatu comparato, ad scribendum præparari cœpit, cum
studiosi homines, eius gentis disciplinas ex Græcorum scriptis,
quarum illis usus necessarius uidebatur magnis conatibus tra-
ctarent. Hebræam uerò incertis iam inde ab urbis Hierosoly-
mæ dissipatione sedibus, per orbem disperse Iudæorū reliquæ,
adseruarūt. ex his qui recentiora gentis instituta professi sunt,
30 Rabini fuere, à quibus omnis ea doctrina diuersis temporibus
in multiplices commentarios Talmudicos fuerat cōgesta. Sed
nimium conticuerunt in hac summa temporum obscuritate re-
rum scriptores: ex his qui fortè scribebant, per breui annorum
designatione contenti, plenius res gestas non persequabantur.
Qui uerò literis uulgaribus Historiam contexere uolebāt, sua
immodicè extollentes, hostium factis deprimendis nimum oc-
cupabātur: & liberè quædam commēta, populari plausui gra-
ta, importabant, ut rerum nostrarum Historia magno incom-
modo facta sit aliquanto mendosior. Philosophiæ, Mathema-
40 ticarum disciplinarum atq; Eloquētiæ nomina propemodum
intercidisse uidentur, ingenij monimētis delitescentibus, ac pul-
uere oblitis: ut uixisse per ea tempora homines aliquo modo
dubitari

Vulgares lin-
gue.

Arabica:

Hebræa.

Rerum obscu-
ritas.

Disciplinarum

dubitari possit: usque adeo sacra Barbaries literas occuparat. Ab
Theophylactus Electoratu in Germanijs constituto, Bulgaria Theophylactū
 Antistitē habuit, qui ex sacris Græciæ scriptorib. Chrysostomo
 in primis, ad explicandas D. Pauli Epistolas commentarios
Guido. studiose excerpfit. Guido Aretius in Italianouas Musices no-
 tas protulit, ut cum numeri mente cōcipiantur & memoria re-
 tineātur, quasi in scripta referri posse docuerit: ars longa dein
 exercitatiōe est excolta. Pōst in Gallijs res gestas ad multorum
Sigebertus. annorum rationem Sigebertus descripsit: unde memoria illo-
Bernardus. rum temporū cognosci et repeti possit. Bernardus ad Claram 10
 uallem multis literis sacros libros est interpretatus, genere di-
 ctionis usus nō insuauis, ut erat temporum ratio. Eiusdem con-
 filio Alcoranus Latīnis literis conuersus, quo Arabum dogma-
Græcorum stu- ti facilius se opponere posset. Itaq; in principatu Græciæ, inge-
dia. nijs planē oppressis, & principibus uariē occupatis, per pauci
 ueterum literas attingebant: si qui fortē ulterius progrederen-
 tur, cum Turcas finitimos hostes haberent, Mahumeticis insti-
Pfellus. tutis sese obijciebant: nonnulli ueteres scriptores commenta-
 rijs explicare sunt soliti. Incidit per ea tēpora Michāel Pfellus,
 qui doctrinæ uarietate suorum studia excitare potuisset, cum 20
 ex graui superiorum temporum naufragio, disiectas latē tabu-
 las colligere uidetur: cuius præter Matheses, Medicinā, etiam
 in Aristotelem scripti commentarij habētur. Idem Pfellus Mi-
 chaelem Ducam Imp. Constantinopolitanum erudiuit, ut uer-
Zonaras. sibus scribendis oblectaretur: ad cuius tēpora Io. Zonaras res
 à primordijs temporum omnium gestas studiose deduxit, ut à
 plerisque nostræ memoriæ hominibus commemoratur. Hisce
 Principum Oriētis temporibus acceptam iam à Iustiniano, &
in ciuile. ex Latina in Græcam linguam cōuersum, Ius Ciuile, scriptis e-
 tiam Commentarijs ad legum interpretationem plurimis stu- 30
 diosi homines continenter exercebant: ex quorum studijs to-
 tius doctrinæ Institutiones, Theophili nomine inscriptę, & ali-
 quanto uberius Græco sermone redditę, etiamnum cum alijs
 quibusdā sunt in manibus, & leguntur. At in Occidentis scho-
versus incon- lis, quæ pro temporum ratione cōstitutę fuerunt, cum linguæ
dicti. essent corruptę, uersus satis horridos & inconditos nostri ho-
 mines arripuerunt, auribus suis ex similiter cadentibus accom-
 modatos, ut eruditis superiorum Poetarum scriptis nō perin-
 de caperentur. Eadem ratio postquam ex Græca (nam & ean-
 dem pariter usam fuisse accepimus) atq; Latina lingua in uulga 40
 res fuit translata, arte quadam faciēdorum eiusmodi uersuum
 notata, & elegantiam & uenustatem quæsierūt. Hac res gestas,
 morum

inorum præcepta, inde & leuia nonnulla, cuius generis habentur amatoria, eodem carminum genere licenter concluderunt. Vtū post longas temporū difficultates ad Lotharij Saxonis Imperiū, quo percepto necessario legum Romanarum usu, quæ tot annos sprete & contemptæ iacuerant, factum ut ad dispersa fragmenta conditorum Iuris intelligenda, & ad ciuilem exercitationem conuertenda, in hac rerum omnium & literarum maximè obscuritate, necessarias interpretationes meditentur, coacti decretum illud Iustiniiani uiolare. Quocirca Bononiæ degēs

Ius scriptum reuocatum.

Inertus.

- 10 Inertius, manus futuro operi primus admouit, breuia quædam scholia Iuris ciuilis scriptis explicandis, aspergens: ut cum Iustiniiani auspicijs Ius ciuile in paucissimos uersus, minuendi laboris causa, fuisset contractum, eo facto propter summam obscuritatem innumeris scriptis complendi maximā occasionem dedit: quod non ita contigisset, si libri conditorū Iuris temporum grauissima iniuria non intercidissent. Præmijs igitur huic studio atq; honorib. propositis, & scholis passim institutis, multi exorti Magistri & doctores, à quibus hæc doctrina, magnis conatibus est tractata: quorum studijs excitati cæterarum disciplinarum
- 20 professores, ut fuit cuiusq; industria, ad comparandam aliquam rerum cognitionem præsidia undiq; circumspicere cœperunt: & breui successisset, nisi tantam superiora tempora iacturam ac cepissent. Studia doctrinæ interea ad Arabes profugisse uidebatur: qui ad Græcorum similitudinem, licet multa ex linguæ difficultate non sint affecti, quā plurimis tamē scriptis suam gētem locupletare conabātur. Aristotelis interpres, Aphrodisieum secutus, Auerroes, acutè & subtiliter uaria conscripsit, ut à suis Cōmentator fuerit appellatus. Idem Auicennæ æmulus, Medicinæ artem similiter tractauit. Auicennam magno loco natum existimant: qui ex Galeni & aliorum Græciæ scriptis, uniuersam Medicinā paucissimis ordine cōprehendit. cuius artis tanta uisa est cōmoditas, ut potissimū eandem ad discēdum in scholis proposuerint. Congesserat iam antea ex Dioscoridis, Galeniq; scriptis stirpium historiam Io. Serapio: ceteri scriptores, ut Io. Damascenus Mesue filius, uarias formas miscendi, componendi, & præparandi medicamenta, secuti sunt & exercuerunt. Præterea hæc gens astrorum præfensionem peruestigauit: & cum esset magnæ curiositatis, Chemicam atq; Magicen laboriose disquisiuit. Eandem Mahumeticis documentis continenter hæsisse, ex illius scriptis cognoscitur. Sed ad Iuris ciuilis rationem Gratianus ex diuersis scriptoribus, Decretorum uolumen comportauit: quod etiam multorum commentarijs est deinceps locupletatum. Si

Arabum studiū.

Auerroci.

Auicenna.

Ius Pontificum.

P militer

- Petrus Langobardus.* militer ad multitudinē librorū minuendā Petrus Langobardus Sēntentiarū libros quatuor quā breuissimē tractauit. Per hæc tēpora Saxo Grammaticus, suę gentis Danorum Historiā, sermonis Latini ad ueterum imitationem habita ratione, conuenienter & accuratē conscripsit. Res autem Friderici primi Guntherus Ligurinus carminibus studiose concelebrauit. Introducto semel Iure ciuili, complures Irnerium sunt secuti: è quibus Hugolinus in libros Feudorum primus scripsit: atq; Placentinus in Codicem & Institutiones. Inde Azo plenius distinctiusq; id fecit, cōmentādi uia ab ijs primordijs aperta. Itaq; Ius ciuile, si quod aliud doctrinæ genus, locupletius est redditum, ingenijs per ea tempora studij magnitudine elaborantibus, cum eorum opera ad tractanda Principum & Rerumpublicarum negocia uterentur. Quam ad rem ab Azone institutus Accursius, suorum temporū omnium qui præcesserant uarias interpretationes, delecto ad id solitudinis ocio, in unum coegit: atq; uerborum et rerum expositioni, magna memoria adiutus, conueniētes pro temporū difficultate locos diligenter contulit, cuius scripta maximæ deinceps autoritatis fuerunt. Interea Albertus, Magnus cognomento, præter commentarios in sacras literas, recondita multa in rerum Natura inuestigauit, à quo libri de Animalibus XXVI conscripti habentur: eundem à peregrinis quibusdam, Græcis imbutum literis existimāt. Cuius discipulus Thomas Aquinas, omnē doctrinæ uarietatem animo comprehendens, & Aristotelis subtilitatem studiose secutus, multiplicia scripta reliquit. Acuminis etiam in disserendo plenus, Io. Scotus hunc est consequutus: unde illi nomen Subtilitatis inditum. Ingenij celeritate omnem rerum ac scientiarum multitudinem, magnitudinemq; breui quadam arte constituta, Raymundus Lullius est aggressus, quo nomine suis in maxima fuit admiratione. Nicol. Lyranus magnis susceptis laboribus, percepta lingua Hebræa, in omnes sacre scripturæ libros commentarios dedit. Medicina propter necessarium illius usum semper retēta, ex Arabum, qui in ea iam multos annos uersabantur, præscripto, ad exercitationem tota erat translata: ut non perinde in ea parte quæ est naturalis considerationis studiū collocasse cognoscatur. Itaq; libri complures historiā quandam curationis morborum omnium continētes, scribebantur, quorum ad præsentem usum paratior uidebatur ratio, & maior opportunitas: quanquam illa diuturna rerum tractatione, non pauca ab ijsdem sunt relicta quæ ad conuenientem artis exercitationem repudiari omnino nō debere, Doctores existimant. Ex multis, qui diuersis eiusmodi temporibus uixerunt, plurimum commēdatur Arnoldus à Villa noua, qui

ua, qui linguis adiutus & Philosophicis studijs, de Medicina uariè scripsit. Iurisprudentia tantis incrementis à superioribus impulsà, magis ac magis progrediebatur. Erat nāq; maximus illius usus in dandis consilijs, in arbitrijs, iudicijsq; ad dirimendas omnis generis controuersias, exercendis. Cuius doctrinæ amplitudinem, et in negocijs hominum tractandis uarietatem, multiplici studiorum contentione Bartolus cum persequeretur, lingua illorum temporum nondum exulta, fusilismè tractauit. Inde & huius discipulus Baldus eādem acceptam doctrinam usu & scri

Bartolus.

Baldus.

Scholarum ordinis.

Rectoris institutio.

Aristoteles male conuersus.

Dissentientes familie.

- 10 ptis confirmauit, quorum conatibus exorta est librorū multitudo, quæ innumeros conditorum Iuris uersus longè superauit, cū in priorib. explicandis atq; refellendis numerofo quodam scriptiōnis partu cōsequētes quicq; laboriose uersari eceperunt. Sed in scholis quas principes uiri & locupletes instituerant, atq; in classes & ordines, ut quid primo, quidq; deinceps uideretur discendum, cuiq; constaret, distinxerāt, frequens professorum & discipulorum factus est concursus: has ab omni disciplinarum tractatione professioneq; Vniuersitates appellarunt. Tribus summis disciplinis, quas Facultates uocant, honorum gradus sunt constituti, publicis ac seueris disputationibus comprobato omnistudiorum progressu: ut emenso Philosophiæ cursu, ad Medicinam, Ius ciuile, atque Theologiam, quæ sunt supremi ordinis, cōseenderent. Similiter ad publicam totius scholæ disciplinam seruandam, ad dirimendas studiosorum inter se controuersias, quæ in tanta frequentia oriri solent, ad iura atq; priuilegia totius literariæ cōmunitatis retinenda, studiosorum ordinianuus, ut est cuiusq; ratio, concessus Magistratus, & Respublica literaria quædam instituta, cui qui præellet, Rector nominaretur. Sed obscuratis adhuc literis, in summa ueteris disciplinæ perturbatione,
- 30 unum Aristotelem nominabant, & eundem ad omnes usus trās ferebant; uerū Latinis literis non bene conuersum, ut ad intelligendam illius sententiam multorum ingenia sese torquerent: in quorum multiplicib. commentarijs cum uersarentur, tardissimè ad ipsius Aristotelis lectionem ueniebant: extra quem nihil admittentes, in illius sententia cōquiescere, et omnes controuersias finire oportere existimabant. inde quæsitæ sunt ad discernendum præsidia, & plurimæ argutiæ introductæ, in quibus cura omnis consumeretur. Ex Arabum etiam studijs, qui & ipsi Aristotelica magnis conatibus tractarant, plurima sunt importata,
- 40 ut præter maximam ueterum scriptorum iacturam, hæc literis omnibus grauis accesserit calamitas. Ex uarijs ciusmodi scholarum disputationibus, cū aliæ multæ dissentientes opiniones

sunt exortæ: tum, ne quid deesset ad ueterum similitudinem, factum est, ut à nominibus alijs, à rebus alijs appellationes caperent, nec ipsæ in suo genere satis fuere concordēs, ut tanta decertandi oblectatione plerique in his pugnacissimè asserendis confescescerent. Qui ab his ad cæteras disciplinas sese conuerterant, acumine eiusmodi atque subtilitate, scripta diuersi generis compleuerunt: ipsam etiam Grammaticen, Dialecticis quibusdam præceptis implicarunt, ut uerus illius usus consistere non potuerit. Matheses minus corruptæ, quando nonnullis priuatim cognoscen-
 10 tibus non ita publicè tradebantur. Fuerunt diuersis temporibus passim per Europam frequentes Academiae. Salmanticam habuit Hispania, Oxoniâ Anglia, Bononiâ Italia, Viennâ Austriae Germania, Pragam Boemia, Gallia iam inde à Carolo Magno Lutetiam Parisiorum frequenti studiosorum hominum concursu percelebrem. Deinceps ex cultioris futuræ ætatis consecuta significatio. Primus namque è densissimis temporum tenebris, quibus omnia erant oppressa, Dantem præceptorem, scriptis utraque lingua Latina & uulgari inclarescentem, proximè secutus Franc. Petrarcha, excussis Italicis Bibliothecis, incognitos ac neglectos ueterum Latini sermonis libros in medium legendos protulit, soluta & numeris astricta oratione, paulum se erigens ab ea obscuritatis literarum humilitate: ea erat ingenij uis & celeritas, ut multorum scriptorum productis testimonijs, eruditius in omni uarietate morum & accuratius, sermonis iam habita ratione, quam superiores scripserit. Conuersus autem ad illustrandam atque perpoliendam linguam uulgarem Italicam, elegans & eruditum ex ueterum scriptorum imitatione, Poema reliquit. Qua ætate præter multos qui literarum admiratione excitabantur, Richardus Buryus, Eduardi regis Anglorum Archigrammateus, nullis sumptibus parcens, emissis passim, qui omnis generis libros exscriberent, instructissimam Bibliothecam parauit. Io. Inde Bo-
 30 catius antiquissimam Deorum Genealogiam laboriosè collegit: & ad uulgarem linguam excolendam conuersus, soluta oratione purius atque elegantius, quam suorum quisquam scripsit. Post consecutus Io. Rauennas, magno studiosorum cōcursu primus in Italia docuit, è cuius officina multi literarum professores exorti, Italiam plurimum illustrarunt. Græciæ interea debilitato finitimorum bellis et ciuilibus discordijs principatu, animos recolligere non poterant, ut nulli propè ueteris disciplinæ memores inuenirentur. Qui facris præerant, mediocri linguæ cognitione contenti, doctrinam mandandis ingenij cogitationibus non perinde requirebant. Ita-
 40 que extremis his Græciæ temporibus emerfit Maximus Planudes, qui

Academiae Europae.

Petrarcha literas primus illustrauit.

Buryus

Bocacius.

Rauennas.

Græcorum studia.

des, qui Epigrammata Græcæ Literaturæ generib. distinxit, amputatis ijs quæ lasciuia nimis uiderentur: idem Latinis literis imbutus, pleraq; ex nostris in Græcam linguam, conuertens, suos ab illa obscuritate, ad doctrinæ & literarum studia instauranda, inuitare hortariq; uidebatur. Post in Italiâ uenit Emanuel Chrysoloras Byzantius, ac primum Venetijs, deinde Florentiam euocatus, in magna admiratione & celebritate Græcas literas docuit: è cuius officina cum alij quidâ, tum Leon. Aretinus progressus, conuertendis è Græca lingua scriptoribus, intermissû iam long-

Chrysoloras

Aretinus

20 q; tempore hoc exercitationis genus reuocans, suorum temporum studiosos homines multum adiuuit. Excitabat eos scriptorum, qui antiquissimis temporibus uixerunt, recordatio, quorû consilij & studiorum similitudine, Græca Latinis utiliter coniungi posse intellexerunt. Græci deinceps prouocati, sua studiosius tractarunt, & Latinæ linguæ cognitionem eo consilio sunt perfecti, ut in eandem promptius atq; fidelius ueteres Græciæ scriptores conuerterent, & Græcam linguam discere uolentibus, facilius eandem tradere possent. Celeriter elegantiorum literarum usu percepto, ad omnem excellentiam studiosorum cogita-

Græca Latinis coniuncta.

30 tiones atq; cōtentiones impulsæ & cōuersæ. Docebat in Græcia Georg. Gemistus, uir exquisitæ doctrinæ, qui historiâ discretè scripsit, ac eruditos Philosophiæ locos accuratè tractauit; quæ sui admirati, similem Platoni atq; Aristoteli dixerunt. Hunc audiuit Bessarion, Platonis studiosus, hic in Italiâ profectus, eiusdē Platonis defensionem aduersus Trapezūtiū, qui Aristotelem tuebatur, suscepit. Erat Bessarionis domus quasi quædam literarum officina. Sed Aristotelē sunt interpretati, Theodorus Gaza

Gemistus

Bessarion
Gaza.

30 libros de Animalibus, magna diligentia, plerosq; alios Argyropylus Byzantius: horum acerrimis studijs res omnis Literaria magnum incrementum accepit, singulari characterum Germaniæ inuento accedente, quo protinus librorû omnis generis maxima copia ad supplēdas doctorum hominum Bibliothecas, est profeminata: ut pēpetuum illud sit, clarissimas quasq; ætates ingeniorum monimenta instaurare: cui thesauro conseruando honorarium est, Principes uiros certatim elaborare. Exortâ hâc literarum cognitionem, præter Italicam, cæteræ etiam uulgares lingue senserunt, quæ iudiciorum disceptationibus, sacris ad populum concionibus, mandandis animi cogitationibus, atq; rebus gestis, pro eorum temporum conditione describendis, plurimum excoli cœperūt, ut unaqueq; suos scriptores haberet. Frequens usus illius Poeseos generis antea introducti, ad militares cantiones, ad Saryram illam & miscellam carpendis uitij com-

Argyropylus
Characterum
usus.Vulgaris lin-
gue.

*Literarum re-
novationis.*

positam, ad Tragœdiam & Comœdiam, argumētis ex sacris atque externis historijs, etiam liberè fictis, & aliquo ingenio exco-

gitatis ad oblectandam, erudiendamque multitudinem, petitis. Protinus uerò ut Italia hoc Græcorū aduentu linguam utranque coniunxit, nihil nō in omni genere ad ueterum præscriptum uoluit experiri: ut cum à tenuib. rerum primordijs, per omnes ætatis hominū gradus literata atque erudita tempora fuerint processa, hac ætate renasci renouarique contigerit. Quam ad rem nō minus præstantissima ingenia, propter summam rerum & linguarum difficultatē, in studijs doctrinæ cognoscendis operam nauarunt, quā ueteres ipsi in iisdem magnis contentionib. & diuturna obseruatione peruestigandis, laborarunt: propè ut eadem iterum inuenienda fuerint, libris amissis, & comprobanda, iisdemque temporum iniuria corruptis, studiose illustranda. Itaque renascentibus in Italia literis, uitiosam adhuc Latine loquēdi & scribendi consuetudinem, ac unum Quintilianum, cui plu-

Laur. Valla.

rimum tribueret, deligens Laur. Valla, acer & uehemens, uti illa requirebāt tempora, censor, ad uetrem integritatem atque elegantiam, magnis lectionum contentionibus, emendandam, reuocandamque, edidit de Elegātia vi libris, docuit. Sed omnem La-

Nic. Perottus.

fermonis opulentiam exquisita uerborum interpretatione in commentarios retulit Nic. Perottus, uterque Græcis literis doctus, in conuertendis scriptoribus se exercuit: ille Herodotum & Thucydidem, hic Polybium Latinis legendum dedit. Illustri Medicea Florentinorum familia, Cosmi auspicijs, ac Laurentij, conquirendis omni ex parte libris, atque literatis hominibus retinendis & fouendis, laudabiles sumptus fecit. Per ea tempora uiri in omni doctrinæ uarietate commendantur. Nam Hermolaus Barbarus præter Philosophica, maximis studiorū laboribus, uaria scriptorum collatione, Pomp. Melam, Dioscoridem, & C. Plinium emendatius legēdum proposuit. Excultioribus literis

*Medicea fami-
lia.*

Politianus.

linguæ utriusque, Ang. Politianus magno successu orationis solutus & astrictæ numeris, in omni uarietate est uersatus. Ingenij celeritate ad omnem doctrinam comparandā natus Ioan. Picus Mirandulanus, uaria conscripsit. Io. Iouianus Pontanus, felici imitatione eruditè, eleganter, copioseque utroque orationis genere graues doctrinarum totius Philosophiæ locos, & res suorum tēporum gestas, pertractauit. Horum multiplicibus studijs et conatibus, feraci ingeniorum ætate, ad omne genus disciplinarum explicandum, tractandum, locupletandum, magni uiri totius Ita-

*Picus.
Pontanus.*

liæ incitati sunt, & præclarissima in omni uarietate literarum scripta, quæ in manibus passim habentur, reliquere. Itaque in uniuersum

10

20

30

40

sum

sum (neq; enim nisi maiore instituto opere, hæc nominatim & plenè cōmemorari possunt) artes sermonis constituendi, Philosophia omnis, Mathematicæ disciplinæ, hanc tantam celebritatē assecutæ sunt. Præterea magnæ illæ doctrinæ, Medicina, Iurisprudencia, atque Theologia, purius, fidelius, quæ cognoscuntur, & apertis Græcorum fontibus, certius confirmantur. Eam ad rē inuētos characteres feliciter excoluit Aldus Ma-

Aldus.

10 profersionis utilitate sunt dispersi. Erat hæc in Italia celebritas, cum Cisalpini (quos eisdem Romani Transalpinos dixere) tanquā ad mercaturam optimarū artium eodem profecti, cognitis linguis, & translatis inde omnis generis uoluminibus, incredibili quodam discendi & literas tractandi desiderio protinus flagrarunt, diligentia, assiduitatis, constantia & successus magnitudine, multū in omni uarietate elaborarunt: ut manifestum illud fecerint atque uerissimum, non solum loci Naturam, aut aëris, coeliq; temperiē, sed uoluntatem & animum, ad capeßenda præclara doctrinæ studia omnino desiderari. Quo

Cisalpinorum
Audia.

20 circa Latīno sermoni exultiori facto, Græcas literas coniunxerunt, studiose considerantes, quid haberet utraq; communitatis & cognationis, quanta rerum ubertas & affluentia peti ac hauriri cō Græca posset, quantamq; ad Latīnam perpoliendam & amplificandam opportunitatem omnes essent habituri. Itaq; communibus eiusmodi studijs, & maximis contentionum laboribus, perfectum illud est, ut breui in summam temporum celebritatē omne doctrinarum genus effloruerit. Nam Britannia, Hispania, Germaniæ & Gallia, laudabili fuscitata æmulatione, quasi de imperio & principatu in literis obtinendo, magnis animis cō-

Græcarum literarum
cognitio.

30 tendisse uidentur: ut maior excellentum ingeniorum paucis his annis numerus extiterit, quā ullius memoria factum legatur: simul & plures scriptores multis strenuè incumbētib; cō tenebris eruti sint, ac studiose collatis exemplaribus emendati, quo grauis illa superiorum temporum iactura aliquo modo cōpensaretur. Patrum igitur memoria in Germanijs, disciplinæ Mathematicæ felici successu tradebantur, atq; exercebantur, quod ex magnis uiris ingenio & doctrina cognoscitur. Georg. etenim Purbachius omnem astrorum obseruationem ad expeditum, usum scriptis atq; instrumentis reuocauit. Præceptorem conse-

Mathematica
discipline.

Purbachius.

40 quutus Io. Regiomontanus, plurimis commentarijs eandem locupletauit. Lustrat Italiam Rodolphus Agricola, quo illius ætatis uiros doctos audiret, cum iisdem dissereret, & sua studia cō-

Rod. Agricola:

municaret,

municaret: factus iam instructior, eam partem obscurā, atq; mi-
 nus ad usum paratam, quæ est de Inventionem Dialecticā, accura-
 tissimè tractauit: sermonis Latini puritatem, & Græci cognitio-
 nem in Germanias transtulit. Sed Hebræam linguam maximis
 studijs, Græcam, atq; multis peregrinationibus exercitus, extin-
 ctam Pythagoreorum doctrinam cognouit Io. Capnion, editis
 reconditæ eruditionis libris commendatus. Antonius Nebris-
 sensis, homo uariè eruditus, Hispanias ad literarum illustratio-
 nem cum alijs scriptis, tum etiam Latinis uerbis in linguam uul-
 garem conuersis, uisus est inuitare. Lutetiæ Parisiorum omnes
 doctrinæ tradebantur, ut studiosis hominibus undiq; confluen-
 tibus, tanta fuerit frequentia, quantam ullam ætatē uidisse tradi-
 tur. Hic præter alios complures libris ex Italia translatis, & do-
 ctis uiris inde reuersis, nouitate ex illustratis literis uehementer
 ad easdem perdiscendas incensos, Iacob, Faber Stapulensis mul-
 to purius Philosophiam, excitato & in manus reddito Aristote-
 le, cuius non perinde sententiā assequi poterant, commentarijs
 omnia occupantibus, multiplici diligentia explicare conatur, at-
 que dissentientes Philosophorum illius ætatis sententias compo-
 nere aggreditur. His impulsu reliqui, studiosius rem omnem Phi-
 losophicam, cæteras disciplinas atq; facultates successu uario tra-
 ctarunt & locupletarunt. Sed maximum dedere rebus literarijs
 ad omnem præstantiam efflorescentibus incrementum, Desid.
 Erasmi atq; Guil. Budæus. Ille quidem ingenij celeritate & fa-
 cilitate, ad omnem studiorum uarietatem persequendam optimè
 comparatus, lingua utraq; feliciter percepta, Græcos scriptores
 conuertit, sacros immensis uigilijs laboribusq; emendauit, &
 in omni scriptionis argumento diutissimè uersatus, multiplex ac
 uarium opus Chiliadum, dispersam latissimè prouerbiorū uim
 colligens, obscuraq; explanans, protulit. Hic uero Budæus fla-
 granti studio, lectionis diligentia & magnitudine, utriusq; ser-
 monis Latini ac Græci opulentiam, uerissimumq; usum, in Com-
 mentarios retulit, accuratè & studiosè Græca Latine reddidit, lu-
 ris ciuilibus doctrinam exquisita uerborum interpretatione, atque
 extinctam per multos annos rei nummarie, ponderum ac men-
 surarum cognitionē laboriosè instaurauit. Quorum illustri ex-
 emplo, & continentibus exhortationibus æquales plurimi, ipsi-
 dem animis ad amplificandas literas communiter incensi, hoc se-
 culum doctrinarum omnium celebritate & pertractatione, di-
 sciplinis ab ipsis fontibus, unde primum dimanarāt, purius hau-
 stis, nobilitarunt: ut tota Europa clarissimi literarum Doctores
 & Magistri sint, a quib. præclara ingenij & doctrine monimen-

ta, ueterum omnium æmulatione feliciter suscepta, hodie relinquatur. Excurrerem equidem libèter in res huius memorię, de omni Literatura uarias atq; multiplices, ne in ueterum immodica admiratione & occupatione nostrorū temporum studia imprudenter neglexisse ac prætermisisse cuiquam uiderer. At memor institutę huius breuitatis, cum hosce quinque libros iam nimium excrecentes, satis multū literarū, quę animi mei sententiam de toto hoc ordine Vniuersitatis rerū cōstituendo, explicarent, in se continere cernerem: cumq; illa sint in recenti hominum memoria posita, longius mihi progrediendum non putaui: & fiet prima occasione; cum meos hos iuueniles cōatus ab optimis & æquissimis scriptorum iudiciis, nō omnino improbari cognouerim. Itaq; cursim & carptim, ut erat institutum, ijs commemoratis quę de Natura, Prudētia, Principatu, Sapiētia, & Literatura, ex omni uarietate literarum hausta, delibataq; ad historicam rationem posse reuocari uidebantur: extremum illud fuērit, finē eiusmodi clausula facere. Cum multorum inuentis atq; ingentij contentionibus proficiat quotidie hominum uita, & multiplici rerum cognitione diuinitus instruatur & locupletetur: magna fuerit nostrę ætatis, si ipsi nobis constare uolumus, felicitas, ad quam maximis doctrinis informādam, & luculentissimis exemplis exornandam, præcellentes uiri superioribus omnibus seculis elaborarunt. Quibus iisdem proles illa futurorum hominum & accessione nostrorum facta cumulatior, nihil eorum ad omnem præstantiam est desideratura, quę communis Prudentiæ usu & literarum monumentis abundanter continentur.

QUINQUE LIBRORVM TOTIVS

Historiæ Vniuersitatis rerum scribendę

F I N I S.

Q

CONCLV.

CONCLUSIO

totius Historię Vniuersita-
tis rerum, qua instituti hu-
ius ordinis rationes
confirmantur.



Ordo.

Prudentia &
Sapientia di-
scrimen.

TQVE HIC EST PROPOSITVS
totius humani laboris finis, & perpe-
tuus quidam cursus eorum omnium,
que percipi sensibus, lectione, & audi-
tione: quæq; animo, cogitatione, ac
meditatione cōprehendi possunt. Et
de Natura quidem primo loco, dein-
de sequitur, explicādi quod uolumus
caussa, separatim de Prudentia & Sa-

10
20
illā
prudentia: quarum discrimen certius inde cognoscitur, quod ad
Prudentiam comparandam quisq; hominum sua ipsius Natu-
ra, suis que præsidijs satis se munitum & instructum putet:
neque ita magnopere miretur, qui eam sunt consecuti: quod ui-
dere est in plebe, ut ex eadem quisq; se existimet satis idoneum re-
rum & consultorem & administratorem. Sapientiam uerò com-
muniter omnes interiore quadam ratione plurimum suspiciunt,
& maius quiddam esse censent, quàm quod sibi quisquam sine
maiore doctrina ascribere audeat: ut illis qui eandem profiten-
tur, in disserendo sponte cedamus. Præter id quod Prudentia
quodammodo Bonū, in quo uersetur, respicit, Sapientia Verum
studiose inquirir: aut quod Prudentia fortunæ ludibrijs sit expo-
sita, at Sapientia imperium teneat & dominatum. aliud etiam est
manifestum & obuium discrimen, ut qui multiplici usu rerum
& tractatione licet sint cumulati, sentiunt tamen in sese ad perfe-
ctionem aliud quidpiam desiderari: qui uerò præclarissimis do-
ctrinarum studijs animos exultos habent, aliud, quod ad certos
rerū usus accommodetur, requirunt. Quæ itaq; est uirtutis laus
ac perfectio, omnis in actione consistit: & ne cognitio rerum, cō-
templatioq; Naturæ manca quodammodo sit, & inchoata, quo

- illa uerissimè comprobetur, usum atq; exercitationem postulat. Hæc coniuncta magnum quiddam, numeris omnibus constans, suisq; partibus completum efficiunt: cum ad præstantem Naturam, studiū atq; exercitatio accedit: ut ad rationem animi cogitationum, corporis uirium actiones communi quadā societate colligentur, nec minus ab utilitate honestas, quàm à corpore animus seiungatur. Sic connexis & colligatis inter se disciplinis omnibus, illa quæ sunt à Naturæ bonitate in nobis inchoata, quæq; diuturna hominum inter homines consuetudine firmata, artib.
- 10 subtiliter conclusa omnino perficiuntur. Estq; Natura, quo apertius demonstramus, tanquā unum, consuetudo, exercitatioq; ad Prudentiam obtinendam necessariò inter multos comparatur: ex consensione doctorum omnium multas per ætates consigna-
te literis Doctrinæ proficiuntur. Ac fuit hic quidem in deprehendēdo & notando, quem hoc tēpore caussis iam à nobis sapi-
us dictis sequimur, cognitionis cursus. Sed constitutis iam disci-
plinis, absolutisq; & ad discendū & ad docēdum, quæ omnium
ætatum memoria utiliter retenta est, & usurpata, alia fuit pro-
gressio. Bonam quippe Naturam, dum pueros magistris infor-
mandos tradimus, protinus excipit Doctrina: inde digressis,
ad rerum communium Exercitationem atq; pertractationem
proximus fit transitus: quo illis duobus Natura & Doctrina ita
coniunctis, uariè experiundo rerum Vfus certior ac uerior co-
gnoscat & comprobetur. De quibus omnib. perpauca, si quis
rei susceptæ magnitudinem animo comprehendat: abundè mul-
ta, si quis rationem huius mei consilij inspiciat, dicta hoc breuissi-
mo scripto uidebuntur: ut qui uolet & qui us de toto opere pro-
nunciare, non partem aliquam seorsim, sed scriptum in uniuersum
uno lectionis continenti decursu, delecto ad id paruo tem-
pore, quando omnia sunt inter se colligata, euoluat & contem-
pletur. Nemo enim prima fronte non uidet, quàm mihi faciliè fu-
erit, multis locis singula rerū genera ex tam multorū scriptorū,
qui hodie in omni uarietate & copia habentur, in immensum cō-
plere, atq; plurimorum exemplo longa rerum enumeratione &
testimonijs undiq; excerptis locupletare. Sed à me nō tam quæ-
situm est, ut contractione breuius singula dici possent, quàm ut
instituti huius ordinis ratio patefieret & explicaretur, quo ita
hoc scriptum legatur celerius, & institutę huius historie summa,
mente animoq; concepta, melius cognoscatur: quando rei cuius-
que magnitudo legentis animum non modò abalienare, & mul-
titudine quodammodo distrahere uidetur: sed etiam, quod in pri-
mis cauendum, contemptum & odium plerunq; solet adferre.

*Discendi quis
ordo.*

*Breuitas con-
seruata.*

Ordinis com-
moditas.

Tantum potest commodus & distinctus ordo, ut quæ diffusa latissimè patent, in angustum concludantur, quod in diligenti patrefamilias animaduertitur, qui cuncta suis conuenientib, locis ita collocat, ut minimum loci capere uideantur. Itaq; huic ordini plura inesse deprehendi poterit, quàm quis existimet. Siqui dè m ratio habeatur eorum, quæ cum sint communia, scriptores suis comprobandis, liberè petere solent. Vt facilius mihi fuerit, & certius multo ad rationem, qua communiter scribimus, unū aliquid mente comprehendere, studio & diligentia persequi copiosissimè, quàm eiusmodi quædam strictim, & generatim, etiā mediocriter hoc ordine collocata, proponere. Verùm anteqm huic scripto finem imponam, pauca subiungere uolui: tametsi multa dicenda essent, cum hæc sit quasi quædam consultatio, ut quibus causis adductus hanc tradendæ cognitionis rationem conuenientem esse existimarim, plenius intelligatur. Scio ego, & uehementer, ut par est, admiror, studiū plurimum cōmendo, multos ante me iudicio ætatum consensu firmato, maximis contentionum laboribus ingentia uolumina, è diuersis linguæ utriusq; scriptoribus, de omni parte doctrinæ diligenter, accuratè que comportasse, atq; diuersas rationes suis temporibus conuenientes exquisisse, quomodo hæc tanta rerum undiq; dispersarum uarietas in aptum ac congruentem ordinem posset reuocari. Itaq; ut præcesserunt, ita & consequentur alij, qui non eodem, sed multo maiore animo, atq; uiribus ingenij amplioribus certantes, rem longius promouebunt. His nanq; studiorum incrementis dum prætermisssa alij reponunt, alij confusa distinguunt, alij obscura illustrent, alij incomposita expoliunt, atq; exornant, literæ quicquid habent, id omne à diuersis acceperunt, ut disciplinæ omnes multis particulatim aut generatim ad priorum inuenta adiicientibus, sint in eam quam conspiciamus amplitudinē completæ & absolutæ. Præstiti in hoc genere, ex oblata occasione & longa meditatione, quod potui, pro ingenij mei, ætatis, atque studiorum mediocri progressu: cum etiam ea præsidia nō habuerim, quæ si in aliquo scripti genere, ad hæc tractanda sunt omnino necessaria. Eum nanque rerum ordinem sum secutus, ut etiam si maximè uoluisssem, non prætermittenda tamen fuerint, quæ quadam affinitate & cognatione iuncta inter se sunt, atque simul colligata: ut non contigerit adhuc uidere scriptorum quenquam, eorum præsertim, cui ex instituta ordinis alioquius ratione plura sint dicenda. Igitur cum in tantis difficultatibus plurimum sollicitus uersarer, confirmauit me præter alia quædam, rerum hanc esse rationem, ut Medicus in morborum curatione

Rerum multarum scriptores.

curatione nonnunquam ægrorū consilia admittat, nec contemnat, Hortulanus dicat interdum accommodata, simul & in magnis Reipublicæ deliberationibus, humilium quorundam sententiæ locum idoneum habeant, atq; homines prudentissimi sequendas, minimeq; repudiandas iudicent. Nam in his meditandis & scribendis quo aliquid succurreret, illud mihi præscripsi, perinde ac si in confessu literatorum multis deliberantibus sententiæ etiam infimorum de contrahenda doctrinarum uarietate rogerentur, & de aliquo in his ordine constituendo, hæc dijudicanda proponerem. Itaq; cum principio non existimarem satis esse, hoc meum consilium breuiter, simpliciterq; rationibus quæsitis confirmare, ausus sum, hoc maioris operis documētum conscribere, quo melius, adumbratione eiusmodi facta, ijs quibus hæc studia placere poterunt, sententia mea constaret. Qua in re nihil præterea me affecutū sentio aliud, quàm quod uarietati atq; magnitudini tam multarum rerum planè succubuerim: atq; periculo factō didicerim, quàm difficile sit tale quiddam, nisi maioribus studijs & præsidijs, in manus sumere: ut nisi cœpti operis ratio quædam me quasi repugnantem in opere continuisset, hæc nunquam attigissem. Verum coniunctam difficultati summam utilitatem perspexi, ut quomodocunque res cederet, iaciendam esse aleam mihi persuaserim: nec committendum, ut quæ pro mediocri meo studio communitati literarum, ad quam iuuandam cōuenit unumquemq; elaborare, uiderentur prodesse posse, ea adferre negligerem. His in suum locum relictis, ea iam persequemur, quæ sunt confirmationis huius tripartiti rerum ordinis. Quam ad rem diu multumq; cogitanti, uerissimum illud apud Comicum mihi uidetur: Nullum est iam dictum, quod non dictum sit prius: adeo nihil tam remotū cuiusquā ingenio adferri hodie in medium potest, cuius non aliqua sit in ueterum scriptis adumbratio: ut cum ijs occasionibus, quas enumeraui, principio incidissem in hanc rerum distributionem, eandē à me primum excogitatam planè existimarem, nisi postea in legendis scriptoribus hæc ipsa, quæ mihi præscripserā, locupletissimis ueterum atq; nostrorum hominum testimonijs optimè comprobari posse deprehendissem. Quod cum facere aggrederer, nimirum testimonia eiusmodi undiq; colligere, uisus est mihi quisq; scriptor tale quiddam in animo habuisse, ut nihil sit tam recens à me allatum, quod idem non possit alicuius idonei scriptoris autoritate confirmari. Minus namq; candidè faciūt, qui cum putant se primos aliquid adinuenisse, cæterorū studia, qui in eo ipso genere sunt uersati, aut contemnunt, aut doctrinæ opinionem minuunt.

*Paucatorem
genera esse de-
legendi.*

Igitur præter ea quæ suprà nos dixisse suis conuenientibus locis meminimus, quædam prætermissa hoc loco adiicientur, non ingrata studiosis huius partis doctrinæ futura. Constat, nihil esse accommodatius, quàm in contrahenda rerum Vniuersitate, paucissima genera deligere, quibus singula ordine subiiciantur: multitudine & magnitudine rerum animus cuiusq; distrahitur, ut nec cognoscere uelit, nec cognita recordari satis possit. Quæ sententia adducti, nec plura, nec pauciora tribus generibus, in tanta uarietate his quinque libris comprehendenda esse statuimus. Quæ ab eadem trita, usitata, atque omnium scriptorum linguæ utriusq; consensione, iudicijs, firmata ratione, minimè recedunt. Nā studia humana qualiacunq; sunt, diuisione illa agendi Boni alicuius gratia, & intelligendi Vcri proposita ratione uniuersa continentur: ut Natura sit tanquam utriusque partis subiecta, quam tractet, & in qua uersentur, materia: cum eadem in nostra non sit potestate, sed diuina quadam de causâ insit nobis: qua impellente & adiuuante, ad agendum atq; intelligendum optimè sumus comparati: ut primum locum meritò illa obtineat: duæ inde partes consequantur, Prudentiæ & Sapientiæ, nomine, rerum quæ illis subiiciuntur habita ratione, imposito. Et Aristoteles quidem triplicia uitæ genera statuit: unum improbat, quod in uoluptate positum, beluinum censetur: cætera duo admittit, quæ sunt civilis exercitationis, aut literariæ contemplationis. Quamquam mediocritate hæc contentus, non instituit in hunc præsertim locum, multiplicia rerum testimonia ad confirmationem, undiq; ex diuersis scriptoribus, ueterum ac recentiorum transferre: è plurimis quos in consilium adhibui, duos utriusq; gentis maxime idoneos & excellentissimos in omni doctrinæ uarietate scriptores proferam, à quibus triplex hæc meæ historiæ ratio ita expressa est, ut nihil nisi testatum & confirmatum me attulisse cognoscatur. Ex his primus erit idem Aristoteles, qui circa extremam paginam librorum quos de Morib. scripsit, & in septimo de Republica, expressisse hunc ordinem conuenientissimè uideatur, cum inquit: Bonos ac studiosos alios Natura fieri, alios Conſuetudine & More, alios Doctrina & Ratione: ut nihil potuerit ad hanc rem planius dici, & accommodatius. Etiam in libris de Rhetorica, secutus hanc sententiam, sic præfatur: Communiter omnes ui naturali ingenita, licet fortuito, differere ac dicere solere, alios usu rerū, cōſuetudine & exercitatione, ex habitu quodā, ut obseruatione præceptorum accedente, Ars, facultas & disciplina utriusq; possit institui. Quod ipsum repetit Diogenes Laërtius, cum tradit Aristotelem aliquando rogatum, quibus præ-

*Aristotelis
testimonia.*

ſidijs

fidij summa eruditio posset comparari, tria hæc eadem similiter cōstituisse. Alter erit M. Tullius, qui in procemio librorū Rhetoricorū de Inventionē, cum Eloquentiæ primordia altius repetit, eādem nihil referre affirmat, siue appellemus artem & studium, siue exercitationem, siue facultatem à Natura petitam, ut tria hæc incrementa cognitionis aptissimè comprehenderit. Similiter in primo de Oratore ad Q. Fratrem, illud habetur: Ad maximam Oratoris uim facere, si rerum Naturam, mores hominum, atque rationes penitus perspexerit. Et in secundo, Antonius inquit:

10 Ad inueniendum in dicendo hæc tria insunt, Acumen, deinde Ratio, quam licet, si uolumus, appellemus Artem, tertium Diligentia: quæq; his subiiciuntur. Præterea in Bruto accommodatè de scribit, inquit: Hoc uerò sine ulla dubitatione confirmauerim, siue Eloquentia arte pariat, siue exercitatione quadam, siue Natura, re unam esse omnium difficilissimam. Initio utiq; orationis pro Archia, hoc totū aptissimè luculentissimèq; adumbravit: Siquid est in me ingenij Iudices, quod sentio quā sit exiguum: aut si qua exercitatio dicendi, in qua me non inficior esse mediocriter uersatū: aut si huiusce rei ratio aliqua ab optimarū artium stu-

20 dijs & disciplina profecta, à qua ego nullū confiteor ætatis meæ tempus abhorruisse, atque ita tribus his capitibus in uniuersum omnia contineri, & ipsæ cuncta referri posse, non est qui dubitet. Ex laudationibus etiam id ipsum quod uolumus, colligere licet. quale illud est in primo de Oratore: Q. Scæuola æqualis & collega meus, homo omnium & disciplina Iuris ciuili eruditissimus, & ingenio, prudentiaq; acutissimus, aut cum eundem M. Tullium laudans Q. Frater, commentariolum de petitione Consulatus sic auspicatur: Et si tibi omnia suppetunt ea, quæ con-

30 quuntur: ordinem in his Aristotelem seruauit, quem historicū orationis cursum retinentes, hoc toto scripto quodammodo representare conati sumus. Adferri plura eiusmodi testimonia possent: nisi in re satis constante & aperta, nimium occupari uiderer. Non tamen è multis undiq; eruditissimi medici Galeni prætermittenda sententia, qui initio lib. VIII. Cōpositionis medicamentorum ex locorum ratione, scribit, ingenio præstantes, ac ueritatis studiosos, ad rerū uitæ tractationē, naturale in nobis secuturos iudicium, ac exercitationi etiam doctrinam proximè cōiuncturos. Itaq; aliquanto melior uideri poterit seruatus hic re-

40 rum ordo, & ad omnia suis incrementis enumeranda accommodatior, quā M. Varronis, qui cuncta uerba, quatuor rerum generibus constitutis, quibus referantur, subiicit. Primum genus est

Cicronius

Galeni sententia

M. Varronis ordo.

Aristotelis X.
elementa.

est Locus, secundum Corpus, tertium Tempus, quartum Actio: siquidē non perinde res ad suos fines deduci possunt. Aristoteli ascribitur liber de Summis rerū generibus decē: ex his duo genera quæ latissimè patent, Naturam primum locum, & Qualitatem secundum obtinētem, delegimus, ad quæ omnia reuocarentur: Sed est suum cuiq; in his probandis iudicium liberum, ut non omnino reprehendendus is sit, qui literis amplificandis aliquid disquisitione dignum proponere conatur. Minus autem huic loco uideretur cōuenire, uniuscuiusq; partis ex scriptorum testimonijs confirmatio: ut præter C. Plinij ingens opus, & li.

Nature ordo.

bellū Aristotelis de Mundo, ordinem historiæ de Natura etiam ex M. Tullij eruditissimo loco, qui est in secūdo de Natura deorum, aut per breui, qui est in quinto Tusculanarū quæstionū, æstimare me facillè potuisse intelligeretur: similiter ordinem histo-

Prudentia.

riæ de Prudentia, ex loco eiusdem libelli de Mundo, cum uitæ totius cultum paucissimis ita describit: Terræ cultura & confectio, artium inuētum, usus legum, Reipublicæ administratio, publica negocia, bellum externum, atq; Pax: ut iam edita totius scripti huius prima adumbratione, cum incidissem in hunc locum, gratissimum mihi fuerit, hoc præclaro Aristotelis testimonio, omnē meam sententiā de hac Prudentiæ parte esse confirmatam.

Sapientia.

Sed ordinis rationem eius historiæ, quæ est de Sapientia, nondū apud quēquam comperi, ut mihi laboriosè fuerit inuestiganda. Itaq; cum alijs plurimis, quam non possum ex ueterum scriptis, doctorum hominum nostræ memoriæ expecto comprobationem: nihil enim nisi dubitanter de ijs constituere hoc tempore uolui, reputans animo quā arduum sit, nouis auctoritatem ac uetustis nouitatem dare. Liceat aut, quando huc usque sum progressus, sine cuiusquam reprehensione, præsidia huius Vniuersitatis historiæ, etiam paucis aliquot propositis rationibus inquirere, & aliquanto liberius usitatam illam triplicem Philosophiæ totius diuisionem à Platone primum ex Aristotelis sententiā, ut apud Eusebium legitur, deprehensam, sed, quemadmodum constat, ab Hebræis acceptam, & multa iam rerum tractatione confirmatam, huic ordini stabiliendo ita accommodare, ut magis eandem secutus, quā ab ea recessisse cuiquam uidear. Nam ut Physices pars, Naturæ, ita & Prudentiæ, ea quæ de Moribus & uita tractat, non malè poterit, relictis aliquantum grauioribus illis & magis serijs disputationibus, accommodari. Quæ autem est de ratione Disserendi tertia, utrisq; certius cognoscendis cōiuncta, si non in omnibus aptè & commodè, illud saltem concedetur, eandem ipsam facultatē uia, arte & ratione uerum in quacq; re exquirere:

Tripartita
Philosophiæ
diuisionis.

re exquirere: quod totius Sapientiæ ut & tertia pars est, à nobis cōstituta, maximum atq; præcipuum munus uidetur: est enim Dialectica disciplinarum omnium firmamentum, atq; stabilit-
mentum. Ita arbitror hanc Naturæ, Prudentiæ & Sapientiæ di-
tributionem, ad ueterum præscriptum diligenter inquirentib.
& excutientib. aptari posse: nihil adfero de cæteris duabus, quæ
sunt aliarum comites, à quibus disiungi non possunt, neq; sepa-
rari. Quādoquidem Prudentia est non aliter quā quæstio in-
finita, rerum consultationem in uniuersum continens: Principa
10 tui uerò accedunt, ut finita sit, personæ, facta, res & tempora:
quod similiter in Sapientia atq; Literatura cognoscitur. Huius
loci etiā fuerit eū m ex alijs rebus, tum ex tripartita ratione co-
rum, quibus hæc communis uita continetur, perspicere hanc no-
stram in cognoscēdo progressiōem. Aut enim sensuum alacri-
tate res omnes Naturæ, ut sunt, apprehendimus: aut sermonis
singulari usu de ijs quæ sunt in Consuetudine hominum posita,
colloquimur: aut præstantis animi mentisq; dotibus in contem-
platione Doctrinarum atq; disciplinarum uersamur, quibus ijs-
dem à ferarum Natura sumus seiuncti atq; separati. Inde profi-
20 ciscitur populare illud iudiciū, cum hominem ingenio præstā-
tem, sensum naturalē, cum usu rerum & tractatione exercitum,
sensum communem, cumq; doctrinarū uarietate cumulatū,
sensum studio ac diligentia conquisitū, & comparatū, habere
bonum pronunciant. Sed decursiōe ætatis hominum eandē
rerum progressiōem triplicem repræsentare, & adumbrare to-
tam uidemus. Nam prima ætas affluentibus quasi recentis Na-
turæ bonis foecundior, & mollis ceræ instar flexilis, res ad discen-
dum & cognoscendum propositas, prehendit uelocius, & semel
percepta memoriæ, qua excellit felicitate, retinet fidelius. Media
30 autem quæ constans, & luuentus dicitur, animi atque corporis
uiribus firmior & robustior, quæ à Natura sunt ingenta, uariē
experiundo ad Prudentiam comparādā, & multa aliorum at-
que aliorum accessione, sustinendis peregrinationum difficulta-
tibus, accommodata complet ac confirmat. Extrema uerò, quæ
Senectus, à laboribus propter imbecillitatem quietior, atq; re-
rum usu & tractatione ad omnem cognitionem explicandā fa-
cta cumulator, illustribus sententijs, quæ multarum rerum ueri-
tatem in se contineant, utilibus ad uitam documentis & exem-
plis, quæ præcellentem Sapientiā referant, ita abundat, ut pos-
sit alijs commodē & sapienter, quæ faciendā sunt, quæq; dicen-
40 da, præscribere. Cernitur & in alijs perpetuus hic rerum cursus,
sed in disciplinis maximē, cum unaquq; ad hunc tripartitū or-

*Tria uita in-
strumenta.*

*Vulgare cog-
nitionis iudici-
um.*

*Ætatum pro-
gressiōes.*

*Disciplinarū
pertractatio.*

R dinem

dinē possit non incommodè reuocari. Nam primū illa uis &
 impetus Naturæ inquiritur ac perspicitur: tum præceptorum
 omnis ratio, quæ Doctrina continetur, studiosè cognoscitur:
 dein usus atque exercitatio ad omnem probationem adhi-
 betur: quod in Sapientiæ descriptione pleriq; in locis secuti su-
 mus. Verū in hac scriptiōe res in uniuersum continente, mul-
 torū reprehensionī plurima erūt exposita: cuiusmodi illud esse
 poterit, quod in negocijs atq; disciplinis tractandis, licet in ple-
 risq; magnæ nobis curæ fuerit, nō satis aptas & congruētes La-
 tini sermonis uoces usurpauerimus. sed nobis æquiores futuri ¹⁰
 sunt, qui considerabūt perdifficile uideri, etiā in suo quēq; gene-
 re præstare illud posse. Ita magnum est, suæ ætatis, atque omnis
 posteritatis iudicium subire: in qua cogitatione qui uersabitur,
 adduci nunquā poterit, ut scriptum aliquid emittat. Sed cōstitu-
 tionī huic triplici ea omnia inferi poterunt, quæcūq; dignissi-
 ma cognitione humanum iudicium statuerit, siue illa sint litera-
 rum & ingenij monimētis prodita, siue in communi usu rerum
 posita, siue à quouis utiliter inquisita & deprehensa: quæ eadem,
 omnia continentis Vniuersitatis rerum nomine, libris quinq; ²⁰
 eo ipso, quo iam distinximus, ordine cōplectimur. Quam ad rē
 inscriptione quasi pendenti uisum sumus, De scribenda Vniuersita-
 tis rerum historia, inchoato operi nomen imponentes, ut liber
 nobis super sit regressus ad ueniā, uelut amplificaturis, & emēda-
 turis, nī quid humanitus interuenerit. Igitur prima hæc scriptio
 Consilium appellata, nō tam quod sim conatus explicare meam
 de ijs omnibus sententiam, meumq; institutum: quā quod scri-
 pturis in hoc genere, si quibus hæc ratio placere possit, materiā
 quandam subicere uoluerim: quodq; ad ea certius cognoscen-
 da, tutius & consideratius tractanda, admonitionib; doctorum
 mihi plenius scripturo sit opus: cum de suis quisq; difficillimè ³⁰
 sentiat ac iudicet, cumq; in nonnullis ab usitata & iudicijs tem-
 porum confirmata ratione sit recedendum. Ac ea ipsa de causā
 meæ imbecillitatis conscius, in his paucis scriptis multa dubitan-
 ter, parcè, timide, ac uerecundè attingi: interiores & reconditas il-
 las literas, atq; grauiores in quouis doctrinarum genere contro-
 uersias & disputationes consulto prætermittens, nisi Domini ius
 su salcem, quod dicitur, in alienam segetem nolens immittere.
 Quod si (ut certè existimamus, licet non sponte, nec ex indu-
 stria) aliquot in locis alienam ingressis professionem delinquere
 contigerit: meminerint studiosi, nos iustum opus nō adferre: sed ⁴⁰
 de contrahenda rerum doctrina sententiā eiusmodi pro nostra
 mediocritate exponere, quod non potuit fieri, nisi cœpta hac re
 rum enu-

Ad hunc ordi-
 nem omnia re-
 ferri posse.

Consilium cur
 appellatum.

rū enumeratione: ut iam expeditū cuiq; sit quæ in quib. locis de
siderantur notare, quæq; commutari debent, ex his quæ propo
nūtur manifestius colligere. Est enim hoc Opus ex eorum gene
re, in quo multum studij & temporis ponendum sit, ut de uerita
te cuiusq; loci, cum ipsis disciplinarum Doctoribus & magistris
conferre atq; differere utiliter in hac parte uersaturo, oporteat.
Sed cum laudabilis ueterum in usu hodie non sit cōsuetudo, scri
pta sua in conuentu doctorum hominum ante editionem reci
tādi, cumq; in multa exemplaria difficile mihi fuerit exscribere,
industriæ Typographicæ opportunitatē sum secutus: ut si quid
admissum sit, quod prouideri & cauere in tanta rerum multis in
partes disperfarum uarietate non potuit, à pluribus facilius, hac
editione publicata, corrigeretur. Neq; enim crediderim, tā mul
ta accuratē perfectēq; à ueteribus sine aliena opera & beneuola
admonitione, emēdationēq; scribi potuisse. Certū enim est, illos
eruditissimos Anagnostis usos, qui non modò quæ uellent, expeditē
legebant, atq; studiosē explicabant: sed etiam illis ut illustriores
locos in scriptoribus passim inquirerent, mandabant: ita undiq;
instructi, scripta lectione dignissima reliquerunt. Ac omnis hæc
scribendi ratio talis est, ut pleriq; putent, nescio quo fastu & suæ
industriæ quadam ostentatione unumquemq; adduci, non pu
blicæ utilitatis causā, ad quam omnia sunt referenda: quod ip
sum si cuiquam promptius obijci possit, mihi ab eiusmodi uani
tatis studijs alienissimo, hocce meo scripto poterit, qui sum ausus
hac feraci præstātissimorum ingeniorum ætate, in uniuersum,
suis tamen occasionibus, quid de literis ac cæteris rebus dici pos
set, breuiter pronunciare. Sed in hoc multum me ea spes confir
mauit, è multis non defuturos æquiores aliquot iudices, quorū
beneuolis admonitionibus in ijs omnibus, quæ per errorem &
ignorationē dicta erunt (quod ipse mea relegens sæpius quā
uelim deprehendo) lubentissimē acquiescam: semper paratissi
mus, in melius sententiam commutare. Neq; ita sum mente ca
ptus, aut meis studijs tam stultē blandior, qui non putem etiam
minimis quibusq; in rebus, & à quouis longē infra mediocrita
tē uersato, cognitu facilibus, potuisse hallucinari, falli, errare, at
que decipi. Hominem me esse agnosco, cuius mens diuersis in re
bus occupata, conuenientem rei unius cognitionem satis assequi
non potuerit: & eum hominem, qui ad hæc conscribenda neces
sarijs, ut dixisse iam memini, præsidijs eguerit: cuiq; non sit dede
cori, lapsum fuisse. quando etiam in uno aliquo doctrinæ genere
magni quicq; non raro falluntur: ut si quid in uniuersum scriben
ti factum sit eiusmodi, aut grauius etiam, maiore quadam uenia

*Vetus ratio
scripta reci
tandi.*

dignum censeatur. Malos autem uituperatores, quorum turba
 referta omnia, ut effugere nullo modo possum, ita non magno-
 pere pertimesco, qui se ipsos manifestè prodūt, cum re non satis
 intellecta, sola audita inscriptione Vniuersitatis rerum, nihil me-
 lius in eo ipso genere communitati studiosorum proferentes,
 quod uerum & idoneum reprehensorem facere conuenit, alio-
 rum primis conatibus iniquissimè insidiantur: quorum si quis
 rationem habere uoluerit ullam, ad uitādas hasce calumnias, ex-
 peditum illud est, eorum exemplo quibus ocium labore potius
 uidetur, nihil omnino in literis attingere. Quamobrè ut finē ali- 10
 quādo scribendi faciam (neq; enim carere potest reprehensione,
 tam multa, extremo præsertim loco, dicere) ijs solis scriptum est
 hoc Opus, qui mecum beneuolè & amicè, communibus animis,
 habita summo Deo tanti beneficij de relictis disciplinis gratia,
 in his & inuestigandis & cognoscendis uoluerint uersari. Quæ
 eadem si fortè probabūtur, cū incertum mihi sit, quam in partē
 sit quisq; accepturus, historiæ Vniuersitatis rerum pleniorē &
 uberiorē singulorum enumerationē, adumbratio poterit insti-
 tuti: post maiore opera, insertis passim rationibus, causis, ac testi-
 monijs, sparsis quoq; convenientibus locis, eruditis disputati- 20
 onibus, historiæ Vniuersitatis rerum quædam exædificatio cō-
 scribi. Itaq; propter operis magnitudinē, sæpius à cœpto reuoca-
 tus, satis fecisse uideri potero, si priorē illam partē, quam adum-
 brationis nominaui, ab eiusmodi primordijs, quæ iam proponū-
 tur, aliquando bene iuuāte summo Deo, possim meis his studijs
 persequi: aut saltem hæc ipsa modo edita, quantum per occupa-
 tiones licebit, plurimis in locis, ut in tanta uarietate est necesse,
 certius emendare, aut aliquanto melius ad Latini sermonis ueri-
 tatem excolere: maiora interim illa, & doctrinæ amplioris, illis
 relinquens, qui magnos in literis progressus fecerunt, quibusq; 30
 matura est ætas, atque iudicij certiora sunt incrementa. Eo i-
 gitur consilio, angustam & breuem hanc totius deliberationis
 collocationem, in specimen & documentum futuri operis, è
 multis ac uarijs ad hoc facientibus commentarijs, maxima ex
 parte inter peregrinandum meditatīs, & conscriptis, decerptam
 atque conclusam, passus sum in publicum uenire, quod ad illa
 conuenientius distinguenda, uberius complenda, ueriusque
 comprobanda, doctorum consilium, annorum aliquot maior
 lectio, & longioris usus rerum ad confirmationem exercitatio,
 omnino desideretur. Itaque dum illa uariè conquirenda e- 40
 runt, promptum fuit ijs qui studijs eiusmodi fortè delecta-
 ti, in animum inducere uolent, illa ipsa maioribus præsidijs lo-
 cupletare,

Locupletandi
 huius scripti
 rationes.

VNIVERSITATIS.

317

cupletare , & perpolire , ut communibus animis , diuersis elaborantibus,perfectiora cum illa sint,quæ à pluribus scribuntur, Res literaria , cuius amplificandæ gratia par est omnes omnia experiri,maius incrementum atq; ornamentum consequatur.

*CONCLUSIONIS TOTIVS
HISTORIAE VNIVERSITATIS
RERVM FINIS.*

R 3



ANIMADVERTENDA.

Primus numerus paginam, secundus lineam indicat.

3. 32. immensi 19. 9. quorum studiis excitata Athenæ 19. 41. imperio, pregrauante librorum multitudine 35. 24. medium et maximum 37. 5. coniuncta 65. 27. harum 70. 9. pro exhorrescens, refugiens 85. 42. succos 98. 39. ne natus 100. 1. ad nauigia faciendæ 104. 13. cum ij qui sunt eiusdē 109. 42. uidentium malicia 116. 31. se imitatuos 139. 31. per Asiam 142. 31. deponsum 144. 30. Plebeij 145. 6. Sed pregrauante interim Gallorū multitudiner 145. 37. Phocæenses 149. 7. Missi inde sum in Gratiā Legati ac paulo post: Cū uerò ijdem Decemuiui 150. 11. Democratia 151. 15. pro quæ, lege, quando 151. 1. Aglaophon 153. 18. superioribus prelio cum finitimis facto 162. 33. ad arbitriū suum 164. 2. nihil 164. 39. conspirantes 165. 9. regni anno XXXII 176. 14. impotentissime libidinis 177. 5. quo Germanici filij bello ad Andernia cum gesto 118. 4. accessiones 218. 16. conclusa 249. 16. breuiter 251. 18. humane 254. 8. Fabulærum) ad Homerum referri debet 252. 3. A' Phœretyde 253. 17. Lysias) alias Lysis fuit, Epaminonde præceptor, quem Pythagoreum dicunt. 259. 41. in Nature peruestigatione 266. 3. trium linguarum peritus, Et. 275. 1. cum, pro posteaquā 275. 10. interitum, 275. 15. conferre 185. 40. omnium liberali homine digna 287. 42. quidem 290. 9. grandiore 290. 10. Et à Græcic, pro ac 291. 11. Mathematicas disciplinas 296. 29. acceptum 301. 6. Venetiæ.

BASILEÆ, EX OFFICINA

Ioannis Oporint, Anno Salutis humanæ

M. D. LI. Mense

Martio.







